

近代中國史料叢刊第二輯

沈雲龍 主編

君子館類稿

毛昌傑著

附：文鈔·詩鈔·日記

文海出版社印行

影印「君子館類稿」前言

張佛干

「君子館類稿」作者毛俊臣（昌傑）先生，是清末民初西安有名的學者，他有許多有名的弟子，如于右任先生、趙守鈺先生、胡景翼將軍、以及于先生所最推重在陝西負有清操雅望的茹卓亭（欲立）、李子逸（元熙）兩先生，著名的水利專家李儀祉先生等都是。于右任先生在其所作的「懷恩記」文中說：

「陝西提倡新學最力而又最澈底的，當推三原朱佛光（先照）先生，朱先生本是一個小學家，其治經由小學入手，其治西學則從自然科學入手，在當時都是第一等手眼。自謂是明秦王之後，故講述時多紹述明末遺老精神，以勵後進。其盟弟長安毛俊臣（昌傑）先生，則以經學家而兼擅詞章。二人學行契合，相得益彰。……及聞朱先生以新學授徒，嚮往甚殷，遂以師禮事之，朱先生亦置我於弟子之列。因朱先生的關係，又得問業於毛先生」。

這部君子館類稿包括日記及詩，文鈔，是趙守鈺先生在毛先生逝世後出資印行的。趙先生是太原人，在山西與閻錫山先生齊名，有一個傳說：「山西有二聖人，趙守鈺先生是武聖人，趙戴文先生是文聖人」。我認識趙守鈺先生時，他正從山西監察使改任黃河水利委員會

委員長，送我這部師門遺集。這是一部木刻本，當時共印了五百部，我這一部恐怕已是海「外」孤本了。

君子館日記始於民國七年三月，終於民國二十一年五月。其中所記民國十五年，西安圍城情形，是極可珍貴的資料。時毛俊臣先生正擔任關中道尹的職務，公署即在西安城內。圍城始於四月，終於十一月。守西安的陝軍楊虎城部，圍城的是鎮嵩軍劉鎮華部。一個歷史名城，被圍了八個月零二十二天，直至馮玉祥的援陝軍抵達，劉軍向潼關退却，始解圍。在被圍期間，民間不但存糧已盡，即燃料亦甚缺乏，城內天天有人餓死，後來城圍解後，將餓死的人合葬一塚，名萬人塚，這真是民間一大慘劇。毛先生身居危城，目擊耳聞，載之日記，是極可信的實錄。

在君子館日記中，除了有關西安被圍的資料外，還有一些有關人物的記述，也頗有價值。

毛先生對他的弟子曾任國民軍第二軍軍長河南軍務督辦的胡景翼將軍，寄望極殷。胡將軍是儒將，作一首「題柳陰臥馬圖」的詩。經過毛先生的潤色，尚保留在毛先生的詩鈔中：

「天涯何處逐英雄，驀叔如今不參龍，解斥銀鞍棄金勒，綠楊芳草臥春風。」

胡景翼將軍病逝後，毛先生極為悲痛。

（民國十四年）「六月十九日……笠僧（按胡將軍字笠僧）曠代逸才也。而所學聖

賢之學，所志聖賢之志，顏敗叢蘭，再傷芳苜，此子竟不永年，吾將呵壁而問天矣。」
毛先生哀思不已，作了一首七律，又作了十二首七絕。從這些詩中，我們還可以知道胡將軍一些資料。

笠僧以臂瘡卒於豫，詩以哭之。

遙望夷門淚滿襟，軍前忽報大星沉，一腔熱血功初就，滿目瘡痍痛尚深，善將眞如身使臂，多憂終竟疾攻心，顏淵早夭東陵壽，天意懣騰直到今。

再哭笠僧十二首

十圍庾覲腰肢潤，七尺淳髡氣象奇，天下儘多皮相士，爭誇北地莽男兒。

下筆如傾百斛泉，短衣敦劍直無前，翁歸才略兼文武，餘事能書史籀篇。（常自撰壽楊耀海先生文二千餘字，余爲刪存其半。又從余學篆書，臨石鼓文，兩月已得形似。）

一縑慎守舊家風，百戰纔成汗血功，不愛錢尤不怕死，一生低首岳精忠。

待士情同膠漆堅，將軍氣誼薄雲天，八千子弟如貔虎，生死相依一少年。

縱橫豺虎徧人寰，民命今時賤草菅，揮淚陣前誅馬謖，葛侯軍令肅如山。（禹州之役，斬一團長以徇。）

初聞伊洛靖烽烟，撫卹先頒十萬錢，今日遺民哭司馬，白衣野祭遍山川。

君家懷德古城隈，處士門庭舊草萊，手握兵符逾十載，故園無地起樓臺。

東西跳躑見精神，龍性由來不易馴，獨有支公賞神峻，英雄可愛是天眞。

雄才豈盡性粗疏，抽暇螢窗伴蠹魚，案上一編遺墨在，蠅頭小字手親書。（余戲纂「聯語集唐」一卷，君爲寫定，細草莊書，一筆不率。）

愛我真同骨肉親，問奇載酒意勤勤，草玄未竟侯芭死，寂寞何人識子雲。

雙鯉梁園問訊頻，茂陵深念長鄉貧，雙骨闔外軍書急，特貸千金饋遠人。（去冬戰禍將興，軍書旁午之際，尙向雪亞假千金贈我。）

信陵終日望侯嬴，未得單車虛左迎，今我欲來君死矣，九泉重與話平生。

從毛先生以上諸詩中，可以窺見胡景翼將軍資兼文武雄才大略。但他異常肥碩的外表，被許多人誤以爲是莽夫粗漢；而不知他能詩能文、能寫篆書、能以蠅頭小楷抄書。家本寒素，掌握兵權十餘年，不置私產，故鄉老屋，依然無改。生活簡樸，自奉儉約，不愛錢，不怕死，深得官兵愛戴。軍紀嚴明，執法如山。戰勝之後，首卹被戰火損害之民，是真仁義之師，故當胡氏逝世，而有遍地遺民野祭。最有趣的，便是胡氏在從毛先生讀書時，喜歡跳跳蹦蹦，好動不好靜。而毛先生因材施教，獨喜其「龍性由來不易馴」。

國民政府定都南京之初，曾因于右任先生之薦，一度出任審計部長後，卽辭官歸里，閉門隱居的茹卓亭先生。也是毛先生的弟子，極爲毛先生所器重，從日記中一條小資料可以見之：

(民國七年)「十一月八日……撰賀茹卓亭生子聯如左：跪履數從圯上老(東坡和張郎中春晝)，生子當如孫仲謀(元吳師道赤壁圖)。卓亭仁兄從我遊，才十許歲，自扶桑學成歸國，佐戎幕，任議員，運帷幄深謀，合天下大計。頃復生得寧馨兒，爲聯賀之。吾非黃石，甚望子爲張子房也。」

聯後之文，竟稱「仁兄」，文中語氣，均不類日記敘事語，而應爲聯語之小序。讀此可以窺見茹先生的才華器識，後來辭特任官而不爲，閉門隱居，家無僮僕，夫人躬自操作，先生布衣粗食，一如老農，真有山高水長之風。

還有一位陝西高人李子逸(元鼎)先生，他繼茹卓亭先生一度擔任審計部長，也無意於做官，辭官歸去，後來在抗戰中被聘爲參政員。他風骨凌厲，楊虎城很敬重他，他也勉其學好，但楊虎城送錢給他，他却對之大加斥責，可見其律己之嚴。他也是毛先生的弟子，同樣受毛先生的器重，在君子館日記中，數見提及：

(民國九年)「十二月十日……評子逸、右任詩卷畢。和子逸詩一章。子彝(按：「子彝」「子逸」皆李元鼎先生之字，毛先生在日記中，往往兩字並稱。)詩卷中有見懷之作，依韻答之。」

(民國十一年)「三月二十六日……晚李子逸來，談甚暢，吾門佳士也。避地渭北，三年未見。現應民立中學之聘，乃挈眷來省，歡然道故，良慰余懷。」

毛先生和詩：「得士歐門盛，多才首子瞻，憂時常佛鬱，疾俗特深嚴，顧我年垂老，思君時久淹，何當共几席，險韻更同拈。」

一次，毛先生在李子逸先生處，初見王陸一先生。

（民國十三年）「二月七日……訪子彝，久談，並見王君陸一，三原北城人，年少而有學。據子彝云：『有過目成誦之天才』。言詞亦極雅馴，因留與久談。」

當時王陸一先生尚係一沒沒無聞的青年，由此可見李先生對後進遊揚之熱誠，與毛先生喜近青年殷殷愛才之雅意。

毛先生在日記中又有述及馮玉祥請他吃飯的光景，馮氏親自爲客盛飯等過火動作：

（民國十七年）「九月二十三日……赴馮煥公之約。車至則鑑三已在門首相候矣。……主客十一人，長餐桌，菜四樣，八大燉，甚豐滿。馮公親爲客盛飯奉菜。」

鄧鑑三是當時陝西省政府民政廳長，還有一個陪客是當時陝西省主席宋哲元。客人都是地方耆老。但據日記所載，菜共十二，四炒八燉，而且是「大」件。這恐是馮氏早期作風，與後來請客幾樣小菜，大不相同。大概以後矯情愈甚了。日記中又述馮玉祥登門拜訪的情形：

（民國十九年）「三月二十日：馮煥公來拜，余未起床，客已入門，卽起接談。」馮氏往往表示此一禮賢下士作風，演技甚好，可惜僞而不誠，雖能敷衍於一時，終不能

欺騙於長久。

毛先生既負一時聲望，當時到西安的人，都紛紛訪謁。

（民國二十一年）「四月二十日……芝老公館來電話，告有洛陽來客欲過訪，少時，十七路軍駐洛辦事處長趙際五偕張溥泉，居覺生兩中委來談，蓋皆由右任、友琴二人稱譽之故也。並携陳少白名片一，約午餐在新城大樓，因病託兩公代謝。」

「芝老」是宋芝田先生，清末探花，歷任陝省通志館長及參議會議長。「友琴」即趙守鈺先生。新城大樓即省府所在地。

不管陝西政局如何變化，翻雲覆雨，但毛先生却受到歷屆軍政當局的尊敬禮遇。他接到許多聘書。

（民國十年）「十二月五日……接笠僧聘書，聘為暫編陝西陸軍第一師顧問。余今日身兼五頭銜，而不名一錢，冤哉。」

毛先生無意為官，只想得微祿以養老母。所以這個「冤哉」，不僅見此老之幽默，也是此老之真情。

毛先生一度任關中道尹，當時省長是劉定五（治洲）氏，劉氏對毛先生也執禮甚恭，毛先生對一切名位，都謙退不居。何以擔任關中道尹，則是為劉氏私誼所迫。但時間很短，只有十個多月，劉氏在政局糾紛中，幾次準備急退，而要求毛先生護理省長職務。毛先生屢次

苦苦堅辭，日記中有謂：「精力萬難擔任，果如是，則朝受事而夕死矣。」但最後當西安城圍初解，仍被堅請代理省長，替劉氏辦交代。

在君子館日記中，還有一個很有趣的資料，即是民國十五年四月十二日在北京擔任國家臨時元首的「執政」段祺瑞及其安福系，響應奉軍及直魯聯軍的進攻，駐守北京的國民軍鹿鍾麟，派兵包圍執政府。段及安福系諸人，逃入東交民巷。鹿以警衛總司令名義宣佈段的罪狀。於是中樞成了無政府狀態，竟由解體後的半個內閣通電全國暫維現狀。電文如下：

「關中道尹：本月十日，政局陡變，中樞政務，關係極重，不容一日中斷，在政局未定以前，自應暫維現狀。亟盼迅定國是，俾息仔肩。特電奉達。外交總長胡維德、財政總長賀德霖、司法總長盧信、教育總長胡仁源、海次吳紉禮文印。」

看通電後面的頭銜，這一個不像話的看守內閣，既無內閣總理，由贖下的四位閣員的總長和一位非閣員的次長出面，並由就職才十七日的外交總長領銜。（教育總長胡仁源就職才十二日）。七零八落，不成樣子。這份通電，也是民國史上一個可笑的插曲。

君子館日記中，錄存甚多賀弔之聯，大都係代人所作。毛先生曾集唐人詩句得七百餘聯，編爲一冊曰：「聯語集唐」。並經胡景翼將軍以蠅頭小楷親抄一冊，然未付印，恐已不傳，雖係小道，亦見此老才情。其爲西安陝省圖書館集聯一付，尙存日記中：

（民國十一年）「一月六日……爲圖書館水心亭書聯一付，集唐句，頗切合。」林


間掃石安棋局，水面迴風聚落花。」蓋亭中有大石作棋局之用，四圍活水迴繞之。兩語諸意均到，且係唐人熟句，故善也。」

最後，抄錄君子館日記中的一段「跋語」，這是毛先生讀左文襄墨跡後所作：


「涇陽徐熙菴太常，在諫院著直聲，治河多政績，人鮮傳者。曾典試湖南，以搜遺卷，得文襄，士林至今以爲嘉話。夫以文襄之才之識，不遇太常，終有識之者，就令不獲一第，終當以功名著於天下。惟太常則因拔文襄以顯名，今之大人，奈何不好士！」

毛先生一生獎掖後進，啓迪多士，門牆桃李中有許多了不起的人物。而毛先生因爲有許多有名的弟子，而其盛德益彰。毛先生在跋文中雖係引徐熙菴爲證，實亦自身的經驗。所以他的慨嘆：「今之大人，奈何不好士」，實在值得所有力足以助人者的深省。

君子館類藁



君子館文鈔



序

壬戌之秋薄游關輔訪舊論學與毛世叔俊臣先生過從
尤密略分言情至爲愉洽燮光旋赴滬經商時通問字之
書荏苒居諸瞬息一稔迨壬申新秋參與中國科學社年
會再入秦中先生已先一月歸道山馳往哭奠未盡所哀
匆匆南旋心猶耿耿卅餘年文字之交益切高山仰止之
慟矣甲戌仲夏又赴長安碩彥時賢深荷倒屣建設廳長
趙君友琴淵雅嗜古爲先生及門高弟緬懷師範頗切梁
木之悲以出資刊印遺集爲己任搜輯叢殘屬爲整理抗
塵走俗牽延歲餘計得文四卷詩二卷而以日記八卷附

文

鈔序

一一

之遺文以金石題跋爲多考訂精確尤燮光所最服膺者
先生淵懿端雅於學無所不窺具江都天人之才有長沙
治安之策歷參軍幕未展所長僅以詞章文學傳論世者
尤引爲深憾所可喜者盈門桃李備列四科一經薪傳均
已名世若于右任院長胡笠生將軍茹卓亭李子逸兩部
長李儀祉會長趙友琴專使其最顯也追憶三十年前三
秦風氣蘄進文明俊髦莘莘得饒新智識者實先生啓迪
之固足與咸陽劉古愚先生並傳不朽是知先覺覺人功
眞無量立言立德君子之澤永矣時丙子四月世愚姪會
稽顧燮光序於西湖遯世无悶樓

跋

君子館類稿先師毛俊丞先生之遺
編次江寧吳敬之先生首任其難會
校定將付印矣元鼎得與校勘之役
而又以文章著稱元鼎賦資椎魯身
師門之學卒無所得深滋愧已昔者
以自任印行先師所著爲請先師曰
半皆應酬之文在古人例不入集語
印行非先師之意也明矣要之先生
其緒餘而已同校勘者咸陽張寒杉

文

在日本有一日之雅且素好金石之學故因元鼎之請而
樂於從事雖風雨未嘗少輟可感也民國二十六年門人
蒲城李元鼎敬跋

序

自昔雍并之間講學最盛子夏授經於田段文中設教於河汾迄乎清代四庫館開習訓詁考據者一時紛起於雍有張介侯澍路鷺洲德於并有王霞舉軒楊秋湄篤嗣是吾師毛俊丞豐山昆季亦奮跡西都講述許鄭之業小學金石疏通證明及門多俊達之士

守鈺

幼時在晉陽受業

豐山師之門後來關中復長從俊丞先生遊化雨春風躬承講授顧以馳驅軍旅二十餘年函丈久違學殖荒落然當羽書旁午荷戈赴敵之際偶一得謁兩先生語及經史諸學未嘗不誨之諄諄若親子弟迄今思之感激奮興不

文

鈔序

一

自知其涕淚之流落也二十一載六月俊丞先生以疾遽歸道山而豐山師貧累益甚

守鈺

適緣軍事來陝稍以旅

貲濟豐師且值俊丞先生窶窶得安因於荒郊奠醊時商諸同人蒐集俊師遺稿都爲一集刊以傳世久之吳君敬之以哀集遺著見示復屬顧君鼎梅李君子彝覆加編校定爲文鈔四卷詩鈔二卷日記八卷計十四卷顏曰君子館類藁出貲付印託吳君提點其事比已印就出書吳君遠道徵序於

守鈺

西康差次夔山大水之區蔓草荒煙之境絕徼棲息一無聽聞日與榛榛狃狃羌夷接處恍置身別一宇宙間忽覩叢編飛至手迹燦然窮邊蠻落中時時

諷誦得見先生教澤之存則又不覺歡忻鼓舞慷慨歎歎
深幸漢學淵源猶綿延一綫於雍并之域衍石室之詩書
造河汾之將相而張王諸氏之學派由是益傳之勿替試
觀今日關隴士風猶存兩漢之遺何莫非先生講學之功
有以維持而策勵之也爰述印書始末而具揭其大指於
此識者察諸民國二十七年一月門人大谷趙守鈺友琴
拜手謹序

The image shows a table with 12 empty columns. A small tab is visible on the right side of the table.

--	--	--	--	--	--	--	--	--	--	--	--	--	--

編次例略

一毛先生詩文集原名曰君子館日記原名曰雪泥鴻爪
今以日記名稍籠統應仍以君子館目之合而名之曰
君子館類稿而各標文鈔詩鈔及日記之名於本編之
首用示區別

一文鈔用姚選古文辭類纂例以論說等體列前附辭賦
於後緣駢文及賦各僅二三篇且賦皆應試之作也金
石諸跋甚夥自成一類應列辭賦之後

一先生所爲詩稿民國七年前者皆已燬失僅存七年以
後百數十首姑按年抄入不復區別古近體藉歸簡易

又

鈔例略

一一


一先生手錄日記計二十六冊每冊按年月日記事甚爲詳密但涉及家庭或朋輩應酬暨彙錄起居出入瑣瑣之事不無繁冗疊與同人商酌節去約十分之六七其月日間有不相銜接者聽之專以有關學術治道時務爲主他如聯語及函啓之稿亦分別登列期不沒作者苦心

一先生遺稿初經富平張扶萬銅山李問渠兩君檢閱一過嗣由廷錫從細擇鈔迨編就後復陳請會稽顧鼎梅蒲城李子彝咸陽張寒杉先生重加校勘間有增刪要不失廬山真面顧張兩君與先生有世交學誼子彝則

爲先生及門高弟精勤校訂淵源契合正非偶然今將
付梓例得敘諸簡端用誌歆幸

一太谷趙友琴專使亦及先生之門於先生逝後卽矢志
勘印遺稿厚誼摯情令人感佩此編印就全藉友公資
助之力敬爲述及俾識高風

江寧吳廷錫敬之甫謹識



君子館類稿總目

文鈔四卷 一冊

詩鈔二卷 一冊

日記八卷 四冊

共計十四卷 六冊

This image shows a blank ledger page with 12 vertical columns. The columns are separated by thin vertical lines, and the entire page is enclosed in a thick black border. There is no text or data on the page.

--	--	--	--	--	--	--	--	--	--	--	--

君子館文鈔目錄

卷一

箕子之明夷解

鴻漸于陸其羽可用爲儀陸儀叶韻說

碩人之邁解

笙詩有聲無詞辨

柯莘農

士衡

金石拓片敘

呂子珩先生集序

李雲白企皋詩存序

小碑林記

臨潼陳驪陽先生墓碑

王母趙太夫人墓誌銘

玉版禪師小傳

卷二

陳配岳先生及其配夏夫人七旬壽序

駢文

祭豫西陣亡將士文

臘日記竈文

擬王粲一賦

水仙花賦

跋文衡山人十七歲除夕詩冊

跋路潤生先生老安司行詩稿卷子

跋路禾父壽詩卷子

跋鮑子年先生書扇面贈楚材

跋楊惺吾書舊扇爲柯莘農

題梧生書舊扇詩後

跋待廬論詩百絕句

跋百花詩

跋張二水草書卷爲劉文卿

題陳白沙先生手蹟詩卷後爲幼農

跋王子萱遺墨

跋文伯子遺書

跋翟文泉聯

爲閣甘園跋宋芝田畫冊

跋陳堯廷印譜

跋董翼卿先生行述

卷三

跋商曇拓本爲李逸生

跋秦權拓本

跋劉平國碑

跋五鳳玉盤拓本

跋長樂未央磚

益延壽磚文跋尾

跋新莽嘉量銘

跋陽三老石堂畫像題字

跋石門頌

漢朝侯小子碑跋記

龍門造象二十品跋爲吳竹銘

跋暉福寺碑寄旭初姪

太和十二年七月十二

北魏穆亮詩跋

景明三年

後魏密雲太守霍揚碑跋

景明五年正月

文

鈔目錄

三一

北魏樂陵王元思誌跋

正始四年三月

北魏城陽王妃麴誌跋

正始四年八月

北魏樂安王元緒誌跋

正始四年十月

北魏太妃李氏誌跋

熙平二年

北魏北海王元詳誌跋

永平元年十一月六日

後魏楊範墓誌跋

永平四年十一月十七日

卷四

北魏京兆王息元遙妻梁氏墓誌跋

攷爲神龜二年

北魏穆纂誌跋

正光二年二月十六日

北魏宣武皇帝第一貴嬪夫人司馬氏誌跋

正光二年二月

二十三日

北魏劉根等四十一人造象跋正光五年五月三十日

北魏比丘尼統王慈慶誌跋正光五年五月

北魏金城郡君元華光墓誌孝昌元年九月

北魏東北王元略誌跋建義元年七月

北魏元周安誌跋建義元年七月

隋牛弘女暉志跋大業十一年

跋皇甫君碑貞觀初

又跋皇甫君碑為宋鏡涵李子俊

跋姜行本紀功碑貞觀十四年

文

鈔目錄

四

跋昭陵六駿縮本爲幼農

跋昭陵六駿縮本爲柯莘農

跋殘本書譜爲程仲皋

跋顏勤禮碑

大歷十四年

唐張暈妻姚氏墓誌跋

貞元四年八月

跋圭峯碑

大中九年

跋六舟拓片爲楊聞齊

跋顧二娘硯拓本

君子館文鈔卷一

長安毛昌傑俊臣著

箕子之明夷解

易明夷六五箕子之明夷解人人殊李鼎祚集解引馬季良曰箕子紂諸父明於天道洪範九疇德可以王故以當五知紂之惡無可奈何同姓恩深不忍棄去被髮佯狂以明爲暗故曰箕子之明夷此一說也漢書儒林傳蜀人趙賓爲易以爲箕子明夷陰陽氣亡箕子箕子者萬物方茲茲也釋文引劉向說云今易箕子作亥茲此又一說也王輔嗣易注最近於晦與難爲比險莫如茲而在斯中猶闇

不能沒明不可息云云此又一說也以蒙考之易有帝乙
歸妹高宗伐鬼方與箕子之明夷皆商代事且彖辭明以
文王箕子對舉爻辭亦周公作故引近事以釋明夷之義
馬氏之說自屬精當不易然考說文箕籀文作其淮南時
則訓爨其注其讀該備之該該與芟通其與箕通其可讀
該箕即可讀芟爾雅山無草木岢說文山無草木爲岢岢
芟同部箕岢同部見段氏六書音韻表岢可作岢箕亦可作芟史記
律書子者滋也三代世表子者茲茲益大者也廣雅子者
孳也相生孳孳也茲孳均與滋通子之訓滋蓋古今之通
訓然則訓箕爲芟詁子爲滋說亦可通特合彖傳觀之終

不若馬說爲長至於王氏之說詞旣迂曲且近望文生義顯背漢儒家法不足深辯又按惠氏周易述讀箕爲亥焦氏易通釋讀箕爲其二義俱前人所未發而焦說尤精覈其書具存故不贅述

鴻漸于陸其羽可用爲儀陸儀叶韻說

周易一書其彖辭爻辭多能叶韻亦有不盡然處非如詩三百篇之皆合音律崑山顧氏創撰易音三卷考核精確漸上九鴻漸于陸其羽可用爲儀陸儀本不相叶故顧書不著宋范諤昌證墜簡中疑陸爲逵牽合成韻安定取之朱子本義遂沿其說非也逵本作雉雉从九得聲古音求

段氏六書音均表屬第三部詩兔置二章可證至儀字从
義得聲義从我得聲我从戈得聲古音魚何切當讀如俄
頃之俄段書在十七部詩柏舟與河佗叶東山與嘉何叶
相鼠與皮古音為古音葉古音葉古音管子弟子職與
磋叶淮南子精神訓與和叶太元經與頗叶孔廟碑亦與
和叶古訓昭昭不一而足尤不勝枚舉是達儀二字無緣
相合爲韻也惟江氏羣經補義一說最爲精當其言曰以
韻讀之陸當作阿大陸曰阿九五爲陵則上九宜爲阿今
攷詩考槃二章考槃在阿三章考槃在陸菁莪首章在彼
中阿二章在彼中陵爾雅釋地高平曰陸大陸曰阜大阜

曰陵大陵曰阿陸陵阿三字古書多連文此卦九三曰鴻漸于陸九五曰鴻漸于陵上九曰鴻漸于阿正合古書之例今作陸者卽王伯申江鄭堂所云涉上文而誤者也故近人艮宦經說特用此義其古書疑義舉例叅取此說以爲證云

碩人之邁解

詩考槃碩人之邁傳邁寬大貌箋云邁飢意蒙案說文艸部有邁字訓草名與經義無涉今以毛鄭之說求之邁當是歎之假借淮南原道訓窾者主浮注窾空也讀如科條之科說山訓見窾木浮而知爲舟注窾穴讀若科窾可讀

文

科卽可讀邁經義昭然出於通假窳字許書所無古祇作
歎欠部歎意有所欲也意有所欲卽飢意史記太史公自
序集解漢書宣帝紀集注杜引如氏曰歎寬也訓歎爲寬
正與毛同又爾雅釋器歎足者謂之鬲注歎闊也漢志作
空足曰鬲莊子達生篇今休歎啓寘聞之民也釋文引李
注歎空也曰闊曰空亦與寬大意同然則傳訓邁爲寬必
謂邁爲歎之借字無疑鄭云飢意者飢則腹空也孔冲遠
以爲毛傳之義不得與箋同誤矣又案孟子盈科而後進
趙注科坎不盈科不行注科飲也易說卦傳釋文科空也
意亦與寬大近邁或歎之假字而其聲當从科字卽假借

以證字卽字聲以定義通假明而邁之爲歎彰彰矣釋文引韓詩邁作過美貌說亦通然過字不見許書許書从𠂔得聲凡十二字亦無訓美者當从蓋闕之例不得執此以駁毛鄭也至金壇段氏以邁爲窠穿鑿過甚於義益不安矣

笙詩有聲無詞辨

自古說經之儒各守師法其先皆口耳之學而後乃傳於竹帛說詩惟小序最古亦最精不用小序以說經於經義終多扞格笙詩六篇中云有其義而亡其詞旣云有義則本有其詞矣昔人之爲詩也義以成文文以立言以足志

而聲之云者又從其詞出也既無詞矣尙得謂爲有聲乎
鄭箋申之云孔子論詩時俱在耳遭戰國及秦之世亡之
其義與衆篇之義合編故存等語引申序義極爲明確漢
唐諸儒相率沿用無異辭至宋劉原父讀亡爲無易義爲
聲始有有聲無詞之說宋元以來皆遵守焉而古義遂失
今案劉說有不可通者八請詳辨之作詩者有義而後有
詞說詩則因詞始能見義六詩之義序載之矣夫豈明其
義而尙不知其詞歟不可通者一儀禮鄉飲酒禮笙入堂
下磬南北面立樂南陔白華華黍樂謂比音而樂之也無
詞何以有音無詞且無音何以比樂不可通者二原父之

說曰六詩曰樂曰笙曰奏而不言言歌則無詞明矣案儀禮及經傳惟堂上曰歌以瑟聲清越不掩歌聲也若合之笙管鐘鼓則曰笙曰管曰奏諸言笙言管言奏者皆有其詞此獨無詞抑又何說豈歌者有詞方有聲笙管奏皆無詞而漫然成聲乎不可通者三孔疏鄉飲酒文曰工歌關雎則笙吹鵲巢合之工歌葛覃則笙吹采芣合之工歌卷耳則笙吹采蘋合之三詩亦是堂下笙吹皆有其詞而此六詩何獨無詞不可通者四按禮升歌笙入閒歌合樂各三終於是工告樂正曰正歌備凡樂四節十八篇皆曰歌而此六詩何無詞而尚列於笙詩耶不可通者五凡詩名

篇之例多用詩中字閒有不全用詩字者如雨無正常武
桓之類亦有詩詞並存而於詞外命名者如酌賚般之類
要未有本無其詞而可遽命之曰某詩某詩者不可通者
六集傳因戴記載魯鼓薛鼓之節疑笙詩有譜無詞不知
魯鼓薛鼓有譜無詞則僅冠以國名不能更立別名若笙
詩南陔白華等名詎知非詩中之字而用之以名詩觀夫
晉人補亡之作曰循彼南陔曰白華朱萼似原詩本有是
字而逸闕者束皙在原父前當有特識否則詩既無詞名
自何出不可通者七又東發引琴譜長側短側長清短清
之類以證無詞有義案有詞而後有聲有聲而後有調有

調而後有譜卽如俗樂工尺其先亦必用曲詞譜出厥後
習之者衆但知工尺耳豈有本未有曲詞而逕能譜成聲
調者不可通者入要知宋人解經大都好爲新說變亂古
義而復憚於考訂每立一意其罅漏乃不可勝指又按張
子有云笙詩所以亡者良以施之於笙非若歌之可習忽
而不傳其說甚精正與箋說可相引證然古人口耳之功
著於詩者此以口授彼以耳學要必義與詞副詞與聲諧
兩相發明至泐諸竹帛而簡冊之作脫舛者多由劉之說
則耳學也不揣其詞而但傳其聲幾疑爲口授者之多譌
矣由鄭之說秦火始焚古籍脫落簡失而詞亡詞亡而義

文

鈔卷一

六一

猶在義在而聲得所附由聲尋義由義可想見其詞夫三百篇之逸詩多矣若素絢若唐棣均以有詞而逸曾欲傳其聲而不可得而此南陔白華數篇雖曰逸詩轉以編入笙詩而賴樂以傳雖謂之詞不亡也亦宜

柯莘農 士衡 金石拓片敘

先叔父子靜公工小篆兼古籀文光緒中葉與吳縣潘鄭盦吳恪齋歙鮑子年福山王蓮生諸公共治鐘鼎彝器文字是正僞誤辨識真贋書札往還無虛日生平藏器無多而搜積彝器磚瓦印鉢泥封泉幣泉範拓本甚夥同時關中爲此學者則有季父子淮公渭南趙乾生長安楊寶齋

汾陽韓隱壺繼雲諸丈及吾師臨潼呂紫珩先生賞奇晰
疑一時稱盛蓋關中爲周秦漢故都郡國往往於山川得
鼎彝但有真知篤好不必大有力皆可搜羅而蓄積之今
風氣大異矣東西學者爭購吾國古物滬津大賈常挾高
貲來陝採訪爬羅梳剔無微不至每出一器不旬月已展
轉流馳於海外而鄉人雖拓本不及見者常有之求之難
故有之者鮮昌傑讀說文於其說解大籀文若扞格難通
者每於孫仲容吳恪齋劉幼丹諸家金文中得之如高郵
王氏父子之詁經常有怡然理順煥然冰釋之樂因是亦
思兼治此學而家藏諸拓自子靜公見背後盡舉以易鹽

米楊趙諸老輩亦先後歸山無從考注而問業焉莘農柯君博雅好古繼諸公後搜積各種拓本十餘年得二千餘種有新得輒舉以相示間亦據爲該譯考訂獲益良多然未覩其全也今將舉所蓄擇其尤千餘種付之石印自是可盡觀所有供吾參互考訂是亦治許學之一助也因識數言以弁其首

呂子珩先生集序

庚申立秋

光緒丁丑余始自故鄉來秦中時余家與吾師子珩先生衡宇相望才尺有咫世父子林公故與先生爲文字交且皆有金石之耆是正文字判剖眞贗意多相合以故性情

契合尤深歲大無無力自延師因命余從先生受經義先生性和藹從無疾言厲色其教也循循善迪隨事指說一言一動有至教存焉不乞靈於夏楚也世父篤守漢儒家法甚嚴雅不喜宋元人著述家藏紫陽綱目一書不甚愛惜余因得縱情翻閱時年才十三童子無知亦卽肆口妄談古今得失人才廢興之故矣師母武恭人頻陽望族博通經史馳譽丹青時或集家人招童子談史事旁通駁難以爲笑樂而因是轉見賞於先生以爲此子他年當不至爲迂拙儒生未幾余家他徙先生亦遠宦山左不復再親警歎回首前塵忽如夢寐望先生藹然之容愾乎如見不

覺涕泗之承裳也先生以某年卒於官有伯道之戚平生
著作都不存留此集則武孺人就故紙堆中掇拾而得者
雖非全璧每一披讀彷彿四十年前耳提面命時也敬綴
數語擲筆涕零

李雲白企皋詩存序

昔在光緒中葉吾鄉官秦中以文章震一時者厥惟通州
興化兩顧先生公同時以名進士來陝歷宰諸邑所至稱
慈父母未始以文章名當是時予已著秦籍充縣學弟子
員舊例長官月校文一次公常膺囊校閱予文必廁高等
其所指示批大隙擣大竅昭若發矇嗣更與哲嗣竹虛交

援後進禮謁見公風裁峻整而和藹可親譚藝尤娓娓可聽而聲華之茂獨後於二顧何耶今者追惟曩昔近三十年矣文孫問渠刊公遺集成因得盡讀公詩而後今始知公乃深於道者也遁迹玄中脫屣人外游心於寂寞以無爲爲貴文章之事視同芬華間有吟詠不過摹寫山水自據其天趣未嘗劇心剝肝雕藻萬物務爲才士之文也此其所由與通州興化異歟

小碑林記

西安碑林經始於宋元祐庚午歷元明至勝國乾隆壬辰鎮洋畢公撫陝重事修葺而擴張之都計所聚古今碑版

百七十餘種明清兩代小家短書多至不勝計煌煌乎大觀也哉雖然昌黎有言莫爲之前雖美弗彰莫爲之後雖盛弗繼中華人民建國之十有六年十月樂陵宋公來主陝政期年政通人和治具畢張以金石文字關於文化者至鉅故極力搜牢護惜之去年既改新城爲省廨爰移舊廨所存顏勤禮碑及近代名人書畫諸刻並置新廨中近巡行東西路復由興平華陰諸縣輦歸古刻多種別建庭廡周以欄楯覆翼之穹碑大碣羅列森然比之碑林若嵩高之有少室西嶽之有少華焉故名曰小碑林夫彭甘亭氏名其藏書之室曰小謨觴館黃小松氏曰小蓬萊閣儀

徵太傅曰小琅嬛仙館小滄浪亭馬秋玉氏曰小玲瓏山館皆仰冀古人而又有謙讓不違之意宋公命名殆其意倘亦與諸公同乎可謂謙謙君子矣

臨潼陳驪陽先生墓碑

九月初三夜脫稿

先生諱右銘字子箴臨潼人學者所稱驪陽先生者也父廣文公故老宿先生幼從讀篤謹異常兒年十九入邑庠光緒甲午登賢書淡於仕進始終設教鄉里以作育人材爲樂其爲教也學規如鹿洞而有陽明活潑之風暗合新教育之旨以故數十年成就甚衆學者愛敬雖輟業久罔或忘遇必執禮甚恭其感人也若此雖然此不足以盡先

生也辛亥光復羣不逞之徒乘機爲利地方秩序大亂先生出董自治力保治安一邑賴之民國三年有貪吏侵帑鉅忿然廉其實聞於上褫其官民間稱快曰陳先生爲民除害甚勇也六年耿郭之變羣盜紛起先生力請當道得械歸辦團練一邑無恐今年春大軍駐縣城先生任備芻糧時年已就衰旣念民艱復憂軍食徬徨竟夜雖神罷力竭不少懈故事舉費省而民勿擾夏四月邑議儲糧畝科糧六升先生弗謂然以屢歉纔有收不宜重困力爭減其四人曰陳先生生活我凡此諸端皆先生心乎民事德在一邑豈第勲勳教授被其澤者只莘莘學子而已哉先生終

以籌備糧秣積勞致疾遷延至九月二十六日卒春秋六十有九邑人孫君璣既爲銘幽之文詳述其生平矣而惠之在民者民終懷之弗能忘故更爲此文揭櫫其墓道云

王母趙太夫人墓誌銘

并序

太夫人臨潼趙氏處士龍田公女長安王公松山之配今省議員德明之母也距今六年余與德明比戶居凡四歲其時慈親健在年未逾八十太夫人亦在堂余與德明晨夕潔養作孺子慕至樂也去年夏慈親棄養今年夏德明亦丁太夫人之戚吾兩人遂同爲無母之人矣天平痛哉間一月德明踵門請銘隧石余自丁慘變衰病益增人事

文

鈔卷一

十一

都廢未有以應也頃復捧狀來請益堅辭益哀乃濡筆誌之太夫人孝慈能治家教子嚴而有法度樂善好施與胥由於天性少事父母宗族稱孝年十七歸松山公侍君舅君姑如事父母故得堂上歡無幾何丁花門之變隨松山公避荒谷中屢瀕于危亂定歸廬舍悉燬大兵之後繼以凶年太夫人牽蘿補屋量米爲炊不令家人撻飢寒之害而自雜糠粃和野蔬以充食逮舅姑相繼歿附身附棺之具罔不備悉太夫人屏當之時太夫人已有三子因與松山公議貿遷有無博微贏以度日命長子力農次且耕且讀季子最幼專心讀書光緒三十六年松山公歿經營喪

葬亦如昔雖至戟搨必如禮而家計自是益艱難矣太夫人愀然曰困阨如斯弗自奮何以生爲因是內命諸婦紡織外督諸子耕讀躬自操持日夕弗懈以作之則如是者數十年當松山公之初喪也家餘薄田數十畝屋數椽而食指頗衆非太夫人刻苦撙拄何以有今日耶今境遇稍充裕矣而太夫人勤苦如昨每歲底春則拾遺穗於隴畔儲俸之以爲修築寺觀周卹貧乏之需曰此吾勤苦得來者施之神施之人吾意方誠而吾心乃彌樂也又常訓諸子曰聞之汝祖吾家上世多以科名著今科舉雖廢汝輩必思效力社會光大門庭以紹先業以慰我心德明等謹

受教辛亥光復軍起次子德傑因出任民團局局長團勇剿匪嗣歷任地方事不辭勞苦德明投筆從戎陝督張公翔初定大難以軍功得薦任職今年鄉里省議會議員太夫人至是乃色然喜曰繼自今吾勩憂勞愁苦之心庶乎其少慰矣先是民國初元革命山澤羣不逞之徒伺機搶劫鄉居一夕數警太夫人怔忡手顫之疾德明迎居省城醫藥之時愈時發公陡增劇遂於六月二十三日酉時卒於省寓內寢距清咸豐元年二月二十八日子時享壽七十有三子長德潤次德傑次德明女二長適同邑鄒哲卿次孀

長鼎璋次鼎馨師範學校畢業生三殤四鼎周中學校畢業生五金鐔孫女二長適田次適沙茲卜於民國十二年夏曆十二月初一日奉安於城東鄉銅人原賀韶村北阡新塋巽山乾向禮也嗚呼樹欲靜風不寧子欲養親不待吾與德明昆弟茹痛無終極矣乃爲之銘曰惟驪山之麓山水清華乃生賢媛作嬪王家孝以事親嚴以教子之綱之紀家政克理飲冰履霜艱苦備嘗否極斯泰門庭大光嬰兒中路倏悲風樹惻怛呼天慚不知其故我銘玄石泣涕而雨寄一痛於斯文常無極矣終古

玉版禪師小傳

文

鈔卷一

十三

玉版禪師嶰谷人母慈氏五月十三日生師或曰以旬日

內生

說見字書旬內爲筍注

貌白皙如好女子性又方正遂以玉版

字焉少孤從母讀家無多書所藏惟汲郡冢中數種皆漆
簡蝌蚪文夙嗜酒然遵母教每歲生日飲一次飲輒大醉
又好石見石必下拜與松大夫梅處士交至厚每遇清風
朗月招二子掃石坐談冬夜篩雪煮茗逸情韻致不可殫
紀人因目爲歲寒三友焉未幾慈夫人歿師一痛幾絕淚
痕著衣點點成斑國俗化之迄今瀟湘之濱咸稱師爲一
箇人云初慈夫人好佛間以釋典授師故師得通禪悅常
飄飄有出塵想不數年入竹林寺爲僧一時名士樂與游

渭川太守某尤饜服之食必與偕嘗曰三日不見玉版胸
中鄙吝復生又云坐無玉版令人俗不可醫六一居士古
之高尙人也獨不喜佛法著本論三篇詆之師作書與辯
往復數四議論不相下秋崖道人有句云不肯避人當道
筍爲師作也師聞而慨息不置最後慕南海普陀竹林之
勝避地往居未久遂遺蛻以去今其遺象猶存嗚呼士有
規方圓俗斷斷以界尺自繩及至盤根錯節之會顧俯仰
自適折腰不覲問其往昔之所謂枝葉者則曾是句萌旁
達巧於市譽而已遑云遯迹世外絕人生父母妻子之好
子身以方丈爲地哉聞師之風其亦可少愧矣汗青氏曰

文

鈔卷一

十四一

予往讀東坡與劉器之書於玉版傾倒甚至未嘗不廢書而歎後於嬾饒上人席上乃見其人執白玉麈柄說法手腴潤與麈尾都無分別所論說亦醞醞有味退繹其旨十日芬芳不去齒頰諺曰名不虛立士不虛附獨玉版乎哉

君子館文鈔卷二

長安毛昌傑俊臣著

陳配岳先生及其配夏夫人七秩壽序

伏以星明南極角亢騰紫府之輝日永西都徽佩合黃圖
之瑞歲逢作鄂月離於余後浴佛以浹旬先呼嵩而稱慶
時則恭逢我柏生督軍之尊人配岳太翁暨太母夏夫人
弧悅雙懸純熙懋介於是盧諶之至戚韋叡之鄉人平津
侯幙中之賓孔文舉座上之客以及兜鍪戰士褶袴健兒
無不躋公堂酌大斗祝黎眉介景福而柏生督軍對長生
之酒著短後之衣謹率宗族子姪希鞞鞫脰奉觴而上壽

禮儀既備堂下樂作鼓湘靈之瑟彈素女之琴調子晉之
笙擊憑夷之鼓匏匱鞀紛緼婉蠶繫音繞櫺歌吹沸天
觴政斯舉錦屏高張善頌善禱炳炳烺烺禔旨星稠奇思
綺合摛藻挾天庭舒彩麗金牘敷陳至行覲縷淑德評松
頌栢揚葩鋪荼鵝管三千抒善門之慶聖邱十二盡吉人
之詞錦繡曄其滿堂光耀眯乎五色奚容游夏更贊一詞
第思太翁太母嘉言懿行指屈難窮穆行清芬枚數曷旣
褚少孫補史遷之缺司馬彪續孟堅之書成例可循庚言
其概太翁湘中著姓西城大家世服先疇並營商販服田
力穡乃亦有秋慶著鸞林其族益大迨乎弱冠痛稱藐孤

爰助大父代尸家督崔孝暉尺布無私孔君魚脂膏不潤
重幃旣黯家計稍艱種春七世共居顧訓百口同爨拮据
予手屢飫衆心暇更北走長安躬貿縑素逐什一之利供
甘旨之需人靡間言孝乎惟孝羣從昆弟都十餘人食指
旣多羣情斯渙因有創分財之議將析產以居太翁苦爲
陳說厥謀始寢周室葛藟終芘其本根田氏荆華復欣其
茂豫天災流行國家代有而窮檐無告破突不黔泌水豈
可療飢神方窮於避穀於是有鬻其子婦以求生者勞燕
判於東西鴻雁悴於中澤此生民之至苦宜仁者所哀矜
事爲太翁所聞盡焉傷心施以兼金代毀馮驩之券恤我

婦子人頌姬旦之仁家有黠傭克劬厥職太翁嘉其勤奮稱之曰能助以鉅資俾牟遠利乃甫獲餘羨遽變初衷託詞關說丐毀成約太翁笑而允之卒不與較人心有山川之險君子無錐刀之爭古聞斯言今見其事此其至行之尤異而諸君所略言者也至於廣廈育材創成德中學校程工代振復通濟廢漕渠守馮翊嚴城壯左右輔屏藩之蔽修咸陽古渡造千萬人來往之船暑路施漿棧年設餼趙孟一飯活桑下之餓夫彥方片言馴邑中之驚士河潤九里化被羣倫又如貴而不驕富而好禮黜奢崇儉遵柳玘家規懲怠習勤奉主裒僮約凡此門內之庸行則又太

母相助以有成者也太母生長名門幼嫻姆訓來相夫子
逮事威姑夕膳晨羞親調以進釵荆裙布操作而前今既
翟莠彰身蘭蓀繞膝而紡織烹調之細蘋蘩蕙藻之儀事
必躬親毫而不倦若夫折筮勵學晝莪教兒則與太翁家
法同其嚴厲焉且夫干莫之器經淬厲而彌銛珪璧之章
得礪磨而益瑩柏生督軍振古奇士曠代逸才投筆從軍
仗劍殺賊三秦之地誓掃欃槍五年之間坐膺節鉞威棱
侔於李郭倚畀重於范韓作保障於枌榆矢敬恭於桑梓
勳在社稷李晟雖出於天生善保功名陳嬰實得之母教
由斯以談益知太翁太母詒謀之遠而其蒙龐褫鞅重祝

者有由來已某伊洛下士關陝末僚家居抱犢山前曾覽
數百城之圖畫揭來濯龍池畔適逢五百歲之昌期幸廁
賓筵敬貢吉語操觚率爾陳義非高不稱述注之篇聊博
侑觴之喜云爾

祭豫西陣亡將士文

維中華民國十九年三月二十日 某等特具清酌素羞之

奠致祭於豫西陣亡諸將士之靈曰嗚呼痛二陵之風雨
俠骨長埋永一代之馨香英雄不死背邱面洛中原本鏖
戰之場澗東瀍西國士得歸魂之地望嵩雲而雪涕歌楚
些以招魂溯自北伐完成中邦底定卿雲復旦日月重光

擲千萬人之頭顱滌十餘年之瑕穢方冀國基永奠消異
族鷹瞵虎視之謀人心大同蘇黔黎火熱水深之禍何期
奸雄竊柄宵人盈途虺毒潛吹豺牙密厲假共和而行專
制瘠天下以肥一人文恬武嬉罔卹民生之憔悴內憂外
患疇知國本之飄搖寰海沸騰普天忠憤洪惟我愛國諸
將士聞風而起投袂以興爰整車徒大張撻伐值雙十之
令節誓萬衆兮一心日曜潼津關開四扇秋高太華師會
三河泊乎陣鼓雷闐戰雲颺起兩軍旣接矢交墜而爭先
五旬相持路迢遠而不及轉鬥千里斃寇數萬衝鋒奪隘
挫猛摧堅日奏三戰三捷之功彌振不屈不撓之氣蜺旌

文

鈔卷二

四一

蔽日敵軍紛其若雲馬革裹尸男兒酬其夙願斷脰穴胸
而靡悔握拳透爪而如生孔子曰成仁孟子曰取義烈士所以
殉名生而爲英歿而爲靈厲鬼猶思殺賊可謂壯矣能不
悲哉今者暮春三月雜花未生恨血千年宿草已積追爲
此會用妥幽靈桂酒椒漿表將軍死綏之亟春蘭秋菊達
禮魂會鼓之誠尙饗

臘日祀竈文

伏以某熱不因人羞乞爨餘之燼飢來驅我常爲廡下之
傭鳳尾已焦中郎未遇羊頭雖爛李廣不侯無計送窮有
心祈福惟神典隆七祀望重三台實司命於人間功崇炎

帝每上天於月晦職楸地精昔者陰氏獲祥王孫工媚魯
臣臧仲燔柴竊上相之尊漢代文成益壽致榮封之號神
之爲靈昭昭矣某何爲是硜硜然敢具黃羊一蹄膠錫數
品率我婦子仰斲嚴君際坡仙饋歲之辰循島佛祭詩之
雅善頌善禱予取予求用肅明禋祈分利市披髮戴髻君
如美女之容盛盆尊瓶臣效老婦之祝真誠旣達肸鬻斯
通上詣天曹多言好事舉凡犬貓觸穢箕帚生嫌乾餼有
失德之愆寒食違禁煙之例宜蒙原宥悉賴包涵稍作癡
聾阿翁無妨從俗暫時煬蔽下界可得除凶名任我呼口
祈君杜所願雲車風馬少爲留連鋪糟啜醢盡其醅酌騷

除而潔板屋醉飽以登天門代邀九陛嘉祥爲雪三尸媒
孽文昌在邇兆早歲之科名祿神下臨錫流泉之貨貝從
此儒家貧素可洗寒酸世態炎涼都忘冷暖徙薪宛轉衛
邦之新婦初來側席倉皇墨子之突黔無恙焦爛奚爲上
客屢屢幸可下堂一瓣馨香千秋鼓籥除是茹毛之族與
火無緣若逢鑽燧之年來春再見神其昭格鑒此苾芬尙
饗

擬王粲一賦

以惟初太始道
立於一爲韻

粵自圖呈太極符啓庖犧布著而數虛大衍抱式而治仰
無爲德懋以咸化孚荃宰陽生於復律應葭吹悟乾坤擘

畫之原清靈位矣溯堯舜危微之旨終始圖惟由是百端
歧出萬類紛如訖東南於尉候統遐邇以車書譬喻生乎
指馬清濁判以龍豬要語不煩三字蔽全詩之旨奇文共
賞五行爲洪範之初若夫后辟體尊圻同道泰五座相參
兆民斯賴合文武之弛張興仁讓於內外撫秋梧之初落
珪或論封笑粒粟之無多倉應名太又如聞與賜期貫從
參唯本困勉以成功合後先而同揆薰蕕別臭味之殊闔
闢悟神明之理隅經三反心自啓其靈機恕可終身言無
渝乎慎始爾乃寄迹巢壺娛情花草攄觴詠之襟期快豫
游之懷抱林閒之楓葉初丹竹外之梅花更好春畦早韭

文

鈔
卷二

六一

饜風味於田家夜月寒潭證吾心於古道下至豹窺管兮
織織鶚搏風而習習羊已成千牛還費十比鷓鴣之寄迹
所取不多視蚯蚓之用心無微不至豈必矜鳳毛之奇資
慕夔足之孤立是知慮以千而得失判能以百而愚柔祛
苟二心之不矢宜萬變而不居如木支廈似鬼載車念千
鈞繫髮之危寸衷懷若仰四海爲家之日文命敷於客有
琴鶴相隨簞瓢不恤懸陳榻兮寂寥授韋經於祕密贊辭
則卜夏猶難得善則顏回弗失書三冬而足用刻應值夫
金千山九仞而未成功更勤夫簣一

水仙花賦

以天風吹夢
落瑤台爲韻

靜女娟娟凌波渺然移根洛浦鎖夢湘煙羌含睇而宜笑
乍凝嬌而不前煙水迷離芳草白雲之渡神仙綽約小廊
黃月之天爾其青霜未肅綺日微烘簷冰夜坼巖溜春融
結檀心於於蕤斗引綠帶於芳叢范大夫雙槳煙波載來
西子趙子固一生畫債欠與東風獨立瑤池小名玉卮飛
瓊捧袂萼綠通辭裁明璫而結佩翦輕素而爲茶祇宜玉
宇高寒星疏月朗豈料珠宮小謫雨打風吹幽谷春遲小
溪雲凍雪後霜前山迎水送挹蘭薤之清幽敍攀梅之伯
仲誰識冰心一點雅愛冬暄回思玉署三生祇如春夢秀
蘊荆臺價高蓮勺飲水上池霏香東閣伴斐几之薰爐隔

金閨之羅幕描出雙鈎粉本借香草以同箋酌將一盞寒
泉淡秋花而不落是知茵藩莫非命垢淨惟所招但存真
蒂何損清標梅丈人呼爲前輩松大夫與作同僚招來姑
射之仙亭亭冰雪贈以宓妃之賦字字瓊瑤故宜裳垂縞
素花釘玉杯定瓷瀆粉冰井生苔態娉婷而影瘦姿豔冶
兮香猥花也憐儂春意暗回闌苑仙乎如畫此身合住瑤
臺

跋文衡山八十七歲除夕詩冊

戊辰秋問渠世兄得此冊狂喜過望因囑題跋老病萎頓
未有以應也書來敦迫乃姑還之與定後約老夫今年六

四矣使衡山多病多壽之言不虛二十三年之後定當爲
子題之敢渝此盟有如白水

跋路潤生先生老安司行詩稿卷子

林清之變發其伏者韓城強忠烈而實始吾邑劉公簡齋
第公識居萬人之先官歷百僚之底奉常議卹旣薄於酬
庸史家載書亦儕之附傳以故歷時未久其家遂衰尸祝
猶盛其馨香後嗣已迫於寒餓練裙葛帔誰憐任昉之兒
寢邱負薪路有叔敖之子先生目擊其事乃著斯篇陳湯
之功耿育頌之而始著睢陽之烈昌黎寫之而如生表揚
鄉賢扶持公道杜陵詩史足以當之已

文

鈔卷二

八一

跋路禾父壽詩卷子

樂天詩云鬢髮蒼浪牙齒疏不覺身年四十七東坡云四十七年真一夢天涯流落涕橫斜康節云我今行年四十七生男方始爲人父夫四十七歲未可云老諸人之詠亦何類唐迺觀吾禾父則虎頭燕頰熊脰鳥伸勇邁廉頗每飯三斗之粟年過潘岳曾無二毛之侵十年長守田園一官不出鄉里有故國釣游之樂無江關蕭瑟之悲詠厥草之油油南陔潔膳樂夫移之鞞鞞西頌共居高柔賢妻恣其愛玩謝家寶樹羅於庭階尉佗行且抱孫田文亦將生子今茲老蚌更產明珠藉佳兒湯餅之筵祝老子眉黎之

壽斯真聖事可傲古人者也聊爲小言用誌歆羨

跋鮑子年先生書扇面贈楚材

攷訂古泉爲金石學之附庸道咸後其風日盛近時吾鄉方氏項城袁氏搜羅益富考之益精恢然爲大國而究以鮑子年先生爲斯學之泰斗此扇子年先生書贈先王父者所拓皆精品詩典雅書挺秀拔俗藏之篋笥五十年近知楚材篤好此因取贈之余夙好許汝長書家藏商城楊氏臨說文統系圖旣失之矣前歲故人子弟從其家書篋中檢得歸於我爲之狂喜數日鮑亦泉學中之祭酒也楚材得此其忻快爲何如耶

跋楊惺吾書舊扇爲柯莘農

此宜都楊惺吾先生書真采內含如古柏蒼老鬱然深秀
劉彥和論文有隱秀之目先生書足以當之先生地理金
石目錄之學所造深邃爲近今第一人書法更聲流海外
辛亥後遁迹海上鬻書自活月得十餘金蓋日人購之者
最多昔蕭子雲爲東陽守百濟使者索書停舟三日書三
十餘紙給之高麗雞林常遣使入中國求歐陽率更書外
國貢者入唐別署貨貝購求柳誠懸書先生方之未多讓
也余於鄂人中最嗜先生及武昌柯中丞書宣統初余官
鄂中居柯公幕府時先生居武昌之菊灣乞求固甚易也

坐是遷延未久遂去今公及先生均爲古人矣欲覓隻字不可得已惜哉

題梧生書舊扇詩後

余與梧生居同里學同師性習雖殊互爲韋弦之佩以故交逾三十年情日益篤升堂拜母無殊昆弟壬子八月余自滬歸陝先一日至金陵深談竟夕遲明送我至舟而別至家未一月半而訃書至梧生死矣痛哉揮手江干竟成死別談心夢裏時見生平前歲膺若持所書扇索書愴然懷抱賦短章誌悲今爲我六十生日痛憶慈親挑燈枯坐檢讀舊稿棖觸前情長安舊俗每遇元宵多有春燈之戲

余與梧生同有斯好此三日中金吾不禁月明如水我倆分馳街頭爭肆卜莊之勇夜闌歸家則將所中各謎就老母榻前瑣屑陳述以爲歡笑嗟嗟更萬萬年上九天下九淵不復得此樂矣

跋待廬論書詩百絕句

少年學書世父子林公撰石刻源流攷一篇指示古今南北派別至爲詳悉今附刻關中金石文字攷後者是也惟當時祇爲初學計但言石刻不及金文晴帆此作溯源倉沮下及勝朝舉四千年文字分條論列窮其正變較量優劣如指諸掌安吳南海二家視此瞠乎後已論古籍不取

峒巖檀山比干延陵諸僞刻而篇終歸宿於楊濠叟吳恪齋尤見抉擇精嚴凡學者所當奉爲標凖不特津逮初學也

跋百花詩

詠物詩有二難不失之空卽失之滯此作爲百花寫照徵引故事各稱身分而泛泛有弦外音不沾不脫斯體極則且多至二百而詞無重複首尾若一無一懈筆尤爲美意延年之徵

跋張二水草書卷爲劉文卿

張二水書少時與華亭齊名後附閹黨人遂不甚推重薄

其人因輕其書苛矣而近時楊惺吾氏又力爲剖白謂二水入閩籍思宗之誤愛其書並袒其人又迂矣書畫取悅於耳目已耳於大節何與津津辯論甚無謂也

題陳白沙先生手蹟詩卷後爲幼農

往在國粹學報見先生草書卷子及慈元廟碑孔靜幽默心鄉往之然影映縮本真正精神終不得見此卷如俊鷗摩霄神龍戲海有鳶飛魚躍之樂而神情肅穆仍是斂襟危坐氣象粵人黃晦聞謂嶺外二千餘年惟先生書名家非溢美也幼農觀察官粵東兩年許歸無長物唯用斯卷壓裝其視鬱林片石廣州沈香何如

跋王子萱遺墨

余與仲和昆弟交在乙未年時子萱先生已歸道山不及親杖履然心嚮往之久矣先生少年蜚聲幕府晚作寓公長安數十年不應徵辟蝓處曲巷四壁蕭條泊如也年八十神明強固能爲蠅頭細書此冊隸書法完白山人眞行各體並高妙超脫如王晉卿畫水石雲林縹緲風塵之外可以想見其生平矣敬題數言以誌景仰

跋文伯子遺書

成都文伯子以文雄於漢南書法尤精妙絕倫蓋嘗受筆法於其鄉人張氏昆弟張得之合肥沈石翁沈則親受於

包安吳季父子淮公光緒丙子南歸於揚州獲交吳君禮
北讓之先生後也頗得安吳學說余久心儀其人壬戌夏
相見於長安略慰飢渴惟時余正丁陳太宜人之戚苦塊
昏迷無心問學未得數數過從未久先生遂歸蜀歸未久
卽返道山嗚呼亦何緣之慳耶今覩遺墨黯然魂銷特書
數語以誌痛

跋翟文泉聯

文泉先生爲山左金石鉅子此聯質樸渾厚直逼未谷近
人詩句老桂門牆只此君非虛譽也不知何人妄加子良
款字鵬霄謂爲白璧之玷飭匠塗抹而其痕跡終在明人

詩云縱教澣盡千江水爭似當初未浣時卽此可以知立身之道矣

爲閣甘園跋宋芝田畫冊 己巳正月元日

今年芝公少如來五歲大孔子三年而神明彊固書畫娟秀和潤與四五十歲人無異此冊更以一夕之功成之可謂神勇甘園歸才數日竟獲此寶以去攜之海上可以誇示友朋曰不孤此行矣

跋陳堯廷印譜 五月二十四作

刻印以求篆法爲先小篆必出許書古籀當兼求之金文打本言此學者惟陳簠齋潘鄭盦吳恆軒及近時劉幼丹

諸作爲善吾觀近時印人大率奉六書通金石韻府等書爲法程往往以嚮壁虛造不可知之字摹入印章通人所不取也堯廷此集雖摹印無多筆法頗健而篆書皆與古合異乎俗子矣

跋董翼卿先生行述

代楊書卿

洪楊之亂曾胡羅李皆以鄉兵削平大難功在天下矣民國初建暴徒徧海內率假名民軍勾結土匪以肆其毒土匪得其保障益明目張膽與良民爲仇而永順董公遂於斯時而死於匪夫人殉焉夫董公固亦以鄉團保衛鄉里與曾胡羅李同也乃一成一敗功業相反如是何耶曾胡

羅李之時鄉團與官軍合所敵者賊也董之時官軍與賊
合又與鄉兵爲仇者也夫如是鄉兵烏得而不敗董公烏
得而不死耶噫

君子館文鈔卷二終

君子館文鈔卷三

長安毛昌傑俊臣著

跋商壘拓本 爲李逸生

此器出雒南縣山谷中無字而花紋形製皆不類周器按湯之先封商邑卽廢商洛城在今商縣東九十里戰國時爲商於據張儀誼楚言商於地方六百里雒南在商縣東七十里卽商於西二十里正在契封境內其爲商器無疑

跋秦權拓本 爲柯莘農

秦權始發現於隋開皇二年鑄銘二所全文載顏黃門家訓書證篇以此權證之悉合惟右銘灑度則量顏所見作

鼎用籀文此用小篆左銘皆有刻詞焉顏所見有字磨滅此甚完好爲小異耳此權吳恪齋中丞督陝學時所得今不知在何許矣

跋劉平國碑

爲柯莘農

玉門關外古刻裴岑紀功沙南侯獲並此而三此碑前清光緒五年發現於賽里木東北其地在拜城阿克蘇之間南接庫車境庫車卽龜茲二字轉音與碑結銜正合其爲漢刻無疑也聞友人沈幼如言碑出未久卽爲土人椎毀校碑隨筆謂有摹本二吾未之見度亦與申刻裴岑同有輪廓無精神不足貴也此原拓不易得莘農其寶之

跋五鳳玉盤拓本

此盤爲岐陽武敬亭君所得久欲一觀往來岐陽數次均在戎馬倥傯時未能得也微聞此盤溁陽端氏撫陝時以巧計攫之去今武子已歿無從證之矣又案銘詞極類東晉僞尚書不類漢人語書法亦與五鳳刻石殊異然無左證未敢必其真僞也

益延壽磚文跋尾

右磚同里柯君莘農藏以慮僂尺度之廣縱橫各尺有九寸左右刻螭虎四形製奇古上方約漢碑當穿處爲瓦當形中篆延益壽三字筆力適勁精善絕倫的真漢刻無疑

攷益延壽觀名漢武元封二年作於甘泉史記封禪書公孫卿言仙人好樓居於是上令長安作蜚廉桂觀甘泉作益延壽觀褚補武紀文同此卽其觀中遺物也而漢書郊祀志則云上令長安作蜚廉桂館於甘泉作延益壽館黃圖引漢武故事則云於長安作飛簾館於甘泉作延壽館案兩文皆本史公而一於益下衍壽字一於延上奪益字師古作註遂臆斷云益壽延壽二館名誤已而漢書武紀又止載作長安飛廉館一事夫同時興築而記其一去其二筆削之意尤不可解孟堅記事之疎不逮史公卽此一端可見也王西莊曰東觀餘論記雍耀間耕夫得古瓦首

作益延壽三字据括地志延壽觀在雲陽縣西北八十一里正今耀州地然則當以史記爲正云云證以此磚其說益信至觀之所在則當在今淳化縣西北西莊謂爲耀州地殊失考漢甘泉山在雲陽縣雲陽故城在今淳化縣西北六十里以清一統志證之宜都楊氏地圖適合宋耀州卽今耀縣治雍縣爲今岐山縣地淳化正在雍耀之間不涉耀境也先季父子淮公光緒中葉得一瓦文爲益延壽三字蓋卽黃長睿所見者聞之讎者得於淳化農夫益徵觀在淳化不在耀州季父得此瓦未一年逝瓦贈汾陽韓隱壺丈今丈歿近二十年不知落何許矣又聞友人藍田

閣甘園亦於光緒末年得此瓦展轉歸於溷陽端氏其文
右益延二字左一壽字與季父藏瓦及此磚款識相同度
黃長睿所見亦當如此而翁氏兩漢金石記摹其形列壽
於右列益延字於左蓋未見其拓本鄉壁虛造者也

跋長樂未央磚

爲柯莘農

莘農往得甘泉宮益延壽磚精雅絕倫余曾爲攷訂之此
磚以慮僂尺度之縱橫與前磚同一面刻朱鳥玄武四獸
千秋萬歲長樂未央八字一面刻威鳳九苞按三輔黃圖
云蒼龍白虎朱雀玄武天之四靈王者制宮闕殿閣取法
焉此磚蓋卽漢宮殿遺物至長樂未央等則古人汎用之

吉語不必爲二宮所用物始有此字也華農謂爲太液池
磚案太液池在建章宮建章在長安城外未央長樂則在
城內水經注長安第一門名覆盎門北望長樂宮非一地
似難指證又考水經注云未央殿東有宣室玉堂麒麟舍
章白虎鳳凰朱雀鸞鸞昭陽諸殿此磚一面獨鐫一鳳其
卽鳳凰或鸞鸞之遺物歟

跋新莽嘉量銘

爲段少嘉題丙寅七月

新莽嘉量銘載兩漢金石記凡六段此祇其第一段文悉
合第二句云德市於虞四句云德市於新兩市字翁皆作
市釋爲市字又云摹本之旁舊有釋云市字愚意以爲非

文

鈔卷三

四一

也今觀此拓實是市字非市字則不得釋爲出案一切經音義卷十一有市字云古文噍市噍皆俗字然據此可知市與集古聲義並同德市於虞德市於新猶云德集於虞德集於新耳舊釋固通不得如翁說也

跋陽三老石堂畫像題字

漢人書余最愛沈馮二闕楊孟文碑額新政碑萊子侯諸刻疏朗俊逸如天仙化人不可企及此石題字仿佛似之此石清光緒中葉出於曲阜後歸溁陽端氏語見陶齋藏石記今不知歸何所矣

跋石門頌

爲張价人廳長

此碑最爲諸家聚訟者在中遭元二一語大半本石鼓重
文旁註小二字例讀爲元元說固可通唯細審本碑曰烝
烝交寧曰君德明明曰無偏蕩蕩曰世世嘆誦曰勤勤竭
誠重文皆旁註且字形作仁元二兩字則居中正書與諸
句不同是定當讀爲元二不煩言而可決也

漢朝侯小子碑跋尾

右殘石民國初年出長安城西北十三里楊家城卽漢都
城故址始爲帖賈馬張二姓所得售之藍田閣甘園閣售
之天津周季木聞近已轉入東瀛矣石乃碑之下半文字
完好攷續漢書百官志云列侯中興以來賜位特進者次

文

車騎將軍賜位朝侯

殿本朝下行廷字今從汲古本

次五校尉賜位侍祠

侯次大夫又云列土特進朝侯賀正月執璧云云是朝侯之名始自東漢此碑書法酷類曹全及史晨後碑其爲東漢刻無疑洪容齋云碑誌之作當直存其名無所隱諱趙德甫云漢時碑碣載其家世止書官爵非當代顯人遂莫知其爲何人也此碑但書朝侯不書名字小子何人遂至無攷證唯其仕宦之迹德性之純可就碑文得其大略碑云郡請署之簿督郵五官掾又云休歸在家云云又云上廉除郎中拜謁者以能名爲光祿按續志凡郡國有五官掾五部督郵又光祿勳屬官光祿大夫比二千石無員

漢官

日三謁者三十人其給事謁者四百石灌謁者郎中比三百石荀綽晉百官志註曰漢皆用孝廉年五十能賓者爲之是小子起家州主簿歷郡督郵五官掾休職旣郡察孝廉入爲郎中拜謁者洊官至光祿大夫也郡國無主簿後漢書劉焉傳焉子璋爲益州牧有主簿黃權呂布傳并州刺史丁原以布爲主簿宋書百官志述漢制刺史屬官有主簿一人碑云郡請署主簿者蓋由太守荐舉爲刺史屬官非太守自辟掾屬也又碑云上缺卜葬含憂憔悴精傷神越形銷氣盡遂以毀滅銘辭亦云脈并氣結以隕厥身其人蓋以哀毀滅性天其天年者至性如此史籍無聞悲夫

文

鈔卷三

六一

悲夫漢嚴孝子碑云孝弟之至通洞神祇然則此碑之出
殆有不容泯沒者在乎又案漢碑多書元子太尉樓公陳
太尉又恭侯胡公鴻臚胤子司空文烈伯子安平相長子
陳君諸碑及費鳳別碑侯楊公碑孫根碑逢盛感伯著楊震綏
民校尉熊君諸碑以主器之重也亦有書中子夏承譙
諸少子袁良陳留太守胡季子者劉熊惟此碑獨書小子
碑公督郵班諸碑是亦可備一例也

龍門造象二十品跋爲吳竹銘國勳

伊闕龍門造像民國丙辰洛陽縣令曾辛庵極力搜羅得
九萬七千三百零六尊文字可辨者約二千種舊時碑估
選拓有四品十品二十品三百種五百種之目時代不分

精麤並蓄曾氏始精選北魏一代文字最精者定爲五十品此二十品雖皆魏刻仍是舊時碑估所定惟剔除唐刻優填王而補以馬振拜則遵曾氏說也又案其中始平公造像余壯年所見新打本才泐數字今此拓則損缺幾半文義不可復讀矣

跋暉福寺碑寄旭初姪

北碑大半剛健挺拔如俊鶻生駒不可羈勒惟暉福寺碑溫潤敦厚真采內含略似穆子容書北書而近南派者也安吳包氏及近時南海康氏長洲吳氏均極推崇信非溢美碑在陝西澄城縣境鄉民惑於風水禁椎拓甚嚴武昌

文

鈔卷三

七一

柯中丞視學關中時重金求之不得天津劉益齋師丁酉
來主秋試盡力搜羅亦終未獲一紙夫以兩欽使之力何
求不遂然終不敢輕犯衆怒強民所不欲也三年前其地
駐軍移置邑城任人椎拓而課其稅焉絕世瑰寶乃得大
顯於世旭初姪息影揚州吾甚願其讀書習字收束其身
心現贈以新出顏碑更以此拓寄之顏書峻整此碑敦厚
不第書也他日立身峻整其風裁宅心於敦厚尤老夫所
深望也

北魏穆亮墓誌跋尾

余寄文藏

案亮爲穆崇之玄孫其事跡附魏書二十七卷北史二十

卷穆崇傳中所紀世系職官與誌悉合惟誌題文獻公而傳誤云諡曰且誤以文獻爲其子紹之諡又誌云高祖崇宜都貞公穆纂誌亦云宜都貞公崇之後而傳則云諡曰丁按傳於崇之賜諡特筆記之因崇預衛王儀逆謀道武惜其功秘之及有司奏諡帝親覽諡法述義不克曰丁曰此當矣乃諡丁公據此傳文不當有誤誌曰宜都貞公或後來改諡而傳失紀乎誌云曾祖闡而傳則云名觀字闡拔誌云父平國尙城陽長樂二公主而傳則云平國尙城陽長公主其弟正國尙長樂公主此則定係傳誤當據誌文以正之者也此石藏三原于氏

後魏密雲太守霍揚碑跋尾

右後魏密雲太守霍揚碑正書景明五年立此碑歷來金石家未著錄山右金石志

通志單行本

成於光緒己丑年極意

搜牢甚爲詳備如此豐碑大碣竟未一字道及唯鄉人扶

風王子翼大令

煒

山右金石輯略藁本

藏扶風王伯明家

臨晉縣

載有漢霍榮祖墓碑一註云縣東北二十五里有霍氏古

墓殘碑曰名揚大將軍霍光七世孫據碑揭河東猗氏人

臨晉縣東至猗氏界二十里若二十五里已入猗氏境王

氏所載卽此碑榮祖揚字也碑云光之裔王云七世孫者

得之傳聞未見拓本耳碑云景明五年立景明只四年次

年卽改元正始攷魏書世宗紀正始元年正月丙寅大赦
改元丙寅爲正月十九日碑立於正月二十六日其時赦
書尙未到縣故稱五年也書法迺逸挺峭與爨龍顏碑如
出一手爨碑建於宋大明二年前此碑才四十六年宜其
書體相類碑敘揚少遊荆吳仕宋爲才官龍驤將軍旣而
眷懷本鄉歸誠故國授密雲太守他無所述攷揚卒年五
十五其仕宋在三十歲以前去宋返魏事無可攷或因劉
蕭禪代之故飄然歸來乎若然揚乃節義之士也魏書官
氏志天賜二年定制刺史令長各之州縣以太守上有刺
史下有令長雖置未臨民揚於密雲略無治績蓋雖官太

守實未臨民也魏書地形志密雲郡治提攜城清一統志
庠奚故城在今密雲縣東北口外漢置庠奚縣後漢曰僂
奚孟康曰庠音題字亦作蹄提攜卽庠奚之訛也揚封昌
國子魏昌國縣有二一屬武州一屬青州屬武州者武定
二年置在景明後揚所封定爲青州之昌國縣又揚封振
威將軍昌國子其子珍冗從僕射臨汾令昌國子攷官氏
志太和二十三年後重定官制振威將軍及散子皆從第
四品冗從僕射第六品上縣令第六品中縣七品下縣八
品臨汾屬晉州平陽郡地當衝要當是上縣碑額書霍揚
之碑按漢朱博殘碑碑首直書博名衢州張少薇太守德容

疑爲詔策之文此碑係揚子珍部民張保興等所立直斥其名略無避忌斯何說耶曰是不難知北土習於代北風氣文字拘忌中原舊習久已忘之矣篆書任意增減詰屈不合古法漢魏以後碑額及唐誌篆蓋如此者甚多更不足異也

北魏樂陵王元思誌跋

誌略云王諱思字永全景穆皇帝之孫傳中征北大將軍樂陵王之子正始三年卒丁亥三月窆於滙澗之殯贈鎮北大將軍按魏書景穆十二王傳樂陵王胡兒和平四年薨追封樂陵王贈征北大將軍無子紹汝陽王第二子永

一 担 斗 二 調 輔 定 後 入

景穆十二王傳城陽王長壽延興五年薨諡康王次子鸞
正始二年薨與懷王誌傳悉合唯誌題康王元壽而魏書
及北史均作長壽當以誌文爲正

北魏樂安王元緒誌跋尾

按魏書明元六王傳樂安王範子良高宗時襲王薨諡曰

簡北史同以誌證之良當作梁

北魏太妃李氏誌跋

誌略云太妃李氏頓邱衛國人魏故使持節大將軍陽平
幽王之妃使持節衛大將軍青定二州刺史陽平惠王之
母熙平二年十月二日薨於第十十一月二十八日窆於洛

文

鈔卷二

十一

陽之西陵按魏書景穆十二王傳陽平幽王新成太安三年封薨諡曰幽卽太妃之夫也其子惠王無考幽王傳云長子安壽高祖賜名頤遭母喪於高祖之世頤弟衍所生母雷氏衍弟欽亦無爲青定二州事且遇害於河陰與此誌時代尤不合史多闕略非此誌不特李太妃不傳並陽平惠王亦湮沒而不聞於後也誌中驪淵作蠟百兩作蕭皆別體他碑所未見歡恚不形於顏恚當卽恚字廣雅釋詁恚怒也猶云喜怒不形於色也

北魏北海王元詳誌跋尾

按魏書獻文六王傳獻文七男高椒房生北海王詳字季

豫太和九年封世宗時除太傅領司徒傳中錄尚書事後以貪淫免爲庶人禁衛洛陽縣東北隅別館暴死停殯五載永平元年十月追復王封尅日營厝諡曰平王與誌悉合又案洛陽龍門有北海國太妃高造像記卽詳母高椒房也

後魏楊範墓誌跋尾

右後魏楊範墓誌書極精光緒末年與楊胤誌同出於華陰胤志爲藍田閻甘園所得此石現藏長安段氏翰墨堂楊範史無名魏書奄宦傳北史恩倖傳有楊範傳別一人以魏書北史攷之乃楊播之弟子也誌云魏故弘農華陰楊範父諱穎本州別

文

鈔卷三

十二

駕案魏書楊播傳播自云恆農華陰人又播弟椿椿弟穎
字惠哲本州別駕是播弟穎卽範之父也又誌云曾祖諱
仲真云云案播傳祖真河內清河二郡太守父懿除洛州
刺史卒加贈弘農公諡曰簡母王氏播之父母卽範祖父
母播祖卽範曾祖其名諱官職諡法及外家姓氏史誌相
證悉合仲真史作真按鄭道忠誌諱道忠而史作忠鄭義附傳
樂陵王元思誌云諱思而史作思譽穆亮誌云曾祖闡而
史云字闡拔或本是一名而史以爲二名或本是一名而
史以爲一名彼此差互如此類者甚多要當以石刻爲正
又誌云範景明元年卒殯於濟州永平四年窆於里按椿

傳椿太和中遷濟州刺史高祖自鍾離趣鄴幸其州館北史
刪此據此範必卒於世父任所權厝彼都後十一年始歸
葬華陰也濟州地形志曰治濟北碭礮城清一統志山東
荏平縣西南有濟北故城卽其地也魏華陰屬華州華山
郡潁爲本州別駕本州謂華州也又地形志陝州恆農郡
下云以顯祖諱改作恆此志刻於永平末仍作弘農者北
朝初入中原文字例禁尙疏也誌中魏作魏華作萼均與
說文合

君子館文鈔卷三終

君子館文鈔卷四

長安毛昌傑俊臣著

北魏京兆王息元遙妻梁氏墓誌跋

誌云大魏正光元年八月十日故京兆王息遙使持節平西將軍都督涇州諸軍事涇州刺史饒陽男妻梁墓己亥年八月合葬儀同峻按遙誌云高祖時論功除左衛將軍饒陽男景明初除平西將軍涇州刺史與此誌題銜正合魏書北史遙傳均未載除平西將軍涇州刺史事可據誌以補史闕又按遙卒於熙平二年追贈儀同三司雍州刺史梁夫人卒於正光元年在遙卒前而以己亥八月合祔

遙墓己亥爲神龜二年故云合葬儀同峻儀同遙贈官也
夫人安定人見遙誌末魏書地形志安定縣屬涇州安定
郡故城在今甘肅涇州縣北又按遙及此誌兩石據石言
均藏山陰吳氏

北魏穆纂誌跋尾

穆纂史無名以魏書及新出之穆亮誌考之乃亮之從子
宜都貞公崇之來孫也按魏書穆崇傳崇子觀觀子壽壽
子正國正國子長城長城子世恭世恭武定中爲朱衣直
閣纂卒於正光二年辛丑下距武定二十餘年纂當係世
恭之兄而史失載也誌云祖正國冠軍將軍散騎常侍而

傳只云尙長樂公主拜駙馬都尉餘皆失載誌云父長成徙左長史駙馬都尉而傳作長城只云官司徒左長史而闕書駙馬都尉誌云高祖跋爰登太尉傳則云名觀字闔拔亮誌又云名闔夫以字爲名古人常有惟或用上一字或用下一字理無可解至誌作跋傳作拔則古字通用石刻數見無足異也誌云曾祖壽乃作司徒按傳壽以父任選侍東宮尙樂陵公主拜駙馬都尉遷侍中中書監領南部尙書進爵宜都王加征東大將軍眞君八年薨贈太尉諡曰文宣而無官司徒事當據誌以補史缺又按史載崇薨太祖特諡曰丁而此誌及亮誌皆稱宜都貞公或後來

改諡而史失載乎說詳亮誌跋尾又案崇子孫蕃衍北史
刪數過半今據魏書爲列一表以備攷證並將纂補入

魏書穆太尉崇傳崇長子遂留北史作子乙九崇孫

北史作乙子真崇曾孫真子泰崇玄孫本名石洛高祖賜名泰

子伯智伯智弟士儒字叔賢士儒子容北史作

乙九弟忸頭崇孫忸頭子蒲坂崇曾孫蒲坂子詔

字伏興崇玄孫詔子道伯崇來孫遂留弟觀字闡

拔太尉崇子觀子壽子師崇孫贈太尉子平國崇

曾孫尚城陽長公主子伏干崇玄孫尚濟北伏干弟熙崇

玄孫尚新平長公主熙子建字晚興崇來孫建子千牙崇

昆孫 建弟衍字進興崇來孫 熙弟亮字幼輔初字

志生崇玄孫贈太尉尚中山長公主 子紹字永業崇來孫

子長嵩字子岳崇雲孫 子巖崇初孫 平國弟相國

崇曾孫 相國弟正國崇曾孫尚長樂公主 子平城 平

城弟長城司徒左長史北史刪 子世恭武定中朱衣直閣 長城弟彧

子永延 正國弟應國崇曾孫 子度孤崇玄孫

子清休崇來孫 子鐵槌崇昆孫 應國弟安國 子

吐萬子金寶 壽弟伏真崇孫高祖世任城侯 子省貴崇曾

孫 伏真弟多侯崇孫 子胡兒 觀弟翰崇子 子

龍仁崇孫北史作龍兒 子豐國崇曾孫 豐國弟子弼崇

玄孫

北史謂是龍兒子

子季齊崇來孫

翰弟覬崇子

建安康天

安元王卒

子寄生崇孫

寄生弟栗崇孫

子祁字願德崇

曾孫子景相字霸都崇玄孫

栗弟泥乾崇孫

子渾

崇曾孫 子令宣崇玄孫

北魏宣武皇帝第一貴嬪夫人司馬氏誌跋

誌略云夫人諱顯姿河內温人豫郢豫青四州刺史烈公第三女曾祖司徒瑯琊貞王祖司空康王正光元年十二月薨於金墉二年二月二十二日陪葬景陵云云按所謂瑯琊貞王者司馬楚之也司空康王楚之子金龍也豫郢豫青刺史烈公者金龍第三子悅也以魏書楚之本傳考

之北史楚之晉宣帝弟植之八世孫少有英氣折節待士
及劉裕自立規裕報復收衆據長社歸之者萬餘人所謂
毛芳績於晉代也金龍少有父風後襲爵拜侍中鎮西大
將軍開府雲中鎮大將軍朔州刺史所謂播休譽於恆朔
也悅歷古司州別駕河北太守所謂流清響於司洛也又
云悅世宗初除豫州刺史察董毛奴獄豫州于今稱之又
悅與元英攻克義陽改蕭衍司州爲郢州以悅爲郢州刺
史擊敗馬仙陴軍所謂振雷聲于郢豫也夫人三代世系
及所歷官所紀政績史與誌無不相合唯誌稱悅爲烈公
攷悅之死也由白早生謀殺詔曰司馬悅暴罹橫酷身首

文

鈔卷四

四

異所國戚舊勳特可悼念云云以此而言固宜稱烈而傳云諡曰莊或史之誤也此石據石言及古誌新目現歸陽湖董氏

北魏劉根等四十一人造像跋尾

右後魏劉根等四十一人磚浮圖造像并記魏正光五年立正書絕精清末年出於洛陽前人未著錄始見方氏校碑隨筆及顧鼎梅石言石言謂方氏攷訂語焉不詳因據范鼎卿觀察最初拓本錄載全文今以此拓核之旃檻卽旃檀之異文而誤作祝檀慧波洪澍句上脫慧雲彌布四字侯剛署銜左衛將軍左誤作右乞伏寶誤作伏乞寶王

欣誤作王欽以鼎梅之精細不能免百密之一疏此石初出爲開封鄭清湖所得後鄭以事陷獄石歸公家今存開封圖書館其遷徙原委子立知之最審鼎梅所述亦語焉未詳鄭之得禍雖自有因而窮其肇端厥由斯石尤物所在不祥古人寓意於物而不留意於物旨深哉攷像後題名之侯剛見魏書及北史恩幸傳所署官則與本傳悉符乞伏寶魏書孝感傳北史孝行傳並作乞伏保古字通也傳云伏保案乞伏保姓乞伏名保而兩傳皆誤以伏保二字爲名父居甯國侯伏保襲爵例降爲伯此署甯國伯與史正合惟傳敘伏保由左中郎將出爲無善鎮將母喪還洛復爲長兼中郎將卒與

文

鈔卷四

五一

此題銜不符當係史文簡略之故又案北周書段永傳云永其先遼西石城人魏正光末攜老幼避地中山後赴洛陽又攷永卒於周天和四年年六十八歲逆溯至正光五年年二十三正初赴洛時此浮圖主之段永當卽其人質之子立以爲然否

北魏比丘尼統王慈慶誌跋

魏書釋老志沙門師賢爲道人統師賢卒曇曜代之更名沙門統後又有沙門統惠深沙一統謂官魏書無可攷隋書百官志記齊制有昭玄寺掌諸佛教置大統一人統一人卽沙門統也按隋志稱後齊制官多循後魏則沙門統

必魏舊有之官而魏收書失載者也。比邱尼統蓋與沙門
統同一統僧一統尼也。又按魏書畢衆敬傳常珍奇汝南
人爲劉駿司州刺史與薛安都請降顯祖以爲豫州刺史
如內公旣而於懸瓠反叛元石往討大破之。誌所記玄瓠
鎮將常珍奇據城反叛王師致討之事慈慶入宮之由也。
又撰文之常萬魏書有傳當孝昌以前官中書舍人中散
大夫由龍驤將軍進號征虜將軍與誌題銜正合。

北魏金城郡君元華光墓誌

誌略云故金城郡君姓元字華光洛陽嘉平里人明元皇
帝第三子樂安王範之曾孫城門騰之女派州榮之第二

妹下適王氏孝昌元年九月十六日卒於家第二十四日

定

卽寔字

於景陵之東龍

卽岡字

之西按魏書明元六王傳

北史

慕容夫人生樂安宣王範卽郡君曾祖也餘無可攷

派州地形志亦無其名此詩書法方整似元遙溫潤似甯
贇蒼勁奇古似賀屯植六朝絕精品也金城郡地形志屬
河州卽今甘肅省垣皋蘭縣故城在縣西南按此詩古詩
新目彙目均未著錄當係近時出土者

北魏東平王元略詩跋

魏書景穆十二王傳椒房南安王王楨薨諡曰惠以薨後
奪爵子英世宗時以復爵改封中山王薨贈司徒諡獻武

第四子略字儁興肅宗時除侍中義陽王改封東平王又拜車騎大將軍儀同三司左衛將軍遷大將軍領尚書令見害河陰贈以本官加太保司空徐州刺史諡曰文貞與誌傳悉合惟傳漏記遷驃騎大將軍一語故與誌署題微異也又案本傳云兄熙兵敗略潛遁江左蕭衍甚禮敬之封爲中山王宣城太守及略收還衍乃備禮遣之置酒餞別百官悉送別江上此卽誌所云元昆作蕃濫塵安忍避刃越江華民雅相器尙也又云略雖在江南自以家禍晨夜哭身若居喪此誌所云莊鳥之念雖榮願本渭陽之戀徧楚心目者也又據傳略避亂時寄託之舊識司馬妃賓

栗法光刁昌刁雙等歸國後悉加薦拔史稱其所維一食一宿處無不霑賞云云誌所謂信等脫劍惠深贈紵非虛譽也又誌云略以建義元年四月丙辰朔十三日戊辰薨於洛陽之北邙案通鑑考異引伽藍記云十二日爾朱榮軍於邙山之北河陰之野十三日召百官迎駕至者盡誅之與誌所記時日恰合而魏書孝莊紀則云四月丙申渡河戊戌卽位己亥百寮奉迎於河梁庚子榮乃害靈太及幼主諸王公卿以下二千餘人按誌四月爲丙辰朔十三日爲戊辰石刻不容有誤則是月不得有丙申丁酉戊戌己亥庚子等日而通鑑亦仍魏書之誤此當據石刻以正

之者也又略傳由義陽王改東平孝莊紀記河陰死難諸王亦稱東平與誌同通鑑仍稱義陽王亦誤也誌末其詞粵粵卽曰字說文吹詮詞也粵曰皆吹之借字詳見經傳釋詞碑有如此武定八年太公呂望表隋開皇十三年曹子建碑皆如此作銘詞中瀟焉冰日瀟卽泊俗字誰黨誰比比讀入聲按說文比密也朱氏駿聲曰密山如堂者親密字卽比之借字又詩良耜叶比櫛亦讀入聲故此與秩逸室質爲韻也誌後記世字頽字景式按高貞碑同頽於先達陸氏耀通陸氏增祥均承孫淵如說見續古文苑讀爲規字以此誌頽字景式證之益信

北魏元周安誌跋

誌稱周安汝陰靈王第九子按魏書汝陰王傳只載子逞
汎修義三人故周安之事後無所聞據史逞字萬安汎字
普安修義字壽安則周安當是以字爲名也周安死於河
陰之難孝莊紀建義元年爾朱榮表請死於河陰難者諸
王刺史進贈三司三品者令僕五品者刺史周安官終於
通直散騎常侍開國男考官氏志通直散騎常侍一第四
品一從五品開國縣男從五品故得追贈定州刺史又按
志衛將軍第二品加大者位在太子太師之上儀同三司
從一品其位甚崇周安本官五品而追贈及此理不能明

地形志定州本安州天興三年改爲定州領中山等五郡
卽今河北定縣浚儀爲梁州陳留郡治卽今河南開封縣
故城在縣西北誌中備於金騰備卽備字騰卽滕銘詞永
晰山暉二字不可考或卽眉字山眉猶穆天子傳槐眉之
義或云是湄字說文水草交爲湄釋名湄眉也臨水如眉
臨目也是湄謂水濱用之於山非宜此石現藏三原于氏

隋牛弘女暉誌跋尾

誌略云大業十年三月二十一日故光祿大夫開府儀同
三司文安慮侯牛弘第三女暉卒於京都雒陽宅二十六
日窆於北芒山按隋書牛弘傳大業六年從幸卒於江都

文

鈔卷四

九一

贈開府儀同三司光祿大夫文安侯諡曰慮與誌悉合又按煬帝紀仁壽四年十一月詔可於伊雜營建東京大業元年詔楊素楊達宇文愷營建東京故詩云卒於京都雒陽宅也石藏三原于氏

跋皇甫君碑

會稽顧禛癸言劉孔叔藏此碑較近拓多百餘字詫爲至寶案碑斷於明時此拓經扶萬細考較無逸本多百二字三監鄰人爲罷社等字并完好無缺紙墨皆類明拓惜不得劉藏本一互勘之也

又跋皇甫君碑

爲宋鏡涵李子俊

此碑金石萃編攷證頗詳唯立効長邱樹績東郡太尉裂壤於槐里司徒胙土於彤門四句萃編不得其解先世父子林公曰槐里句承東郡而言皆皇甫嵩事見後漢書本傳彤門句承長邱言皆司徒皇父事見左氏文十一年傳足見古人數典之確結構之妙昌傑謹按左傳范史非僻書不知蘭泉侍郎當日何以失之眉睫世父攷證至爲精確故謹錄之以爲讀此碑之一助

跋姜行本紀功碑

爲鄭子屏

此碑書法較穆子容宕昌公少薄而與真興王定界碑極相類唐人書未失六朝氣韻者也碑在鎮西縣天山山脊

椎拓不易故傳本頗稀且水墨溼暈與裴岑碑拓工同一惡劣幸金石萃編載其全文當可互勘而讀之

跋昭陵六駿縮本爲幼農

昭陵六駿刻石舊在醴泉縣北五十里昭陵北闕下民國初元輦之省城其颯露紫旋毛騮二石被人盜賣入美國博物院見于右任詩註載夢碧籀石言第一卷餘四石現嵌圖書館東廊下

完全無缺按此石始末宋游景叔及清張山來說之甚詳惟打本從來未見以鑄刻深淺懸殊難施氈蠟也同里李君月溪素通繪事因仿椎打鐘鼎彝器之法變立體爲平面用油紙規其外節節椎拓拓成與真形無異且能任意

縮小之尺寸比例纍黍不爽真奇技也

跋昭陵六駿縮本爲柯莘農

昭陵六駿刻石舊在醴泉縣北五十里昭陵北闕下民國初元輦之省城其颯露紫旋毛騮二石被人盜賣入美國博物院餘四石現嵌圖書館東廊下完全無缺按此石始末宋游景叔勝朝張山來說之甚詳惟打本從來未見以鐫刻深淺懸殊難施氈蠟故也同里李君月溪素通繪事因倣椎拓鐘鼎彝器之法變立體爲平面用油紙規其外節節椎打打成與真形無異懷甯柯莘農亦擅此術兼能比例尺寸任意縮小之此本卽莘農所拓原石計高慮僣

尺五尺八寸強寬八尺七寸弱此本計高五寸八分強寬八寸七分弱縮小什一不爽纍黍真奇技也

跋殘本書譜爲程仲皋

書譜宋人刻不可見今可見者斷以停雲刻爲最余舊藏一冊確爲明搨失於金陵十年不去於懷今覩此如見舊書如逢故人爲之狂喜惟虔禮此書前半尙有繩墨可循後半直如神虯戲海爲天仙化人之筆無一毫烟火氣此拓獨佚其後半惜哉

跋顏勤禮碑

右顏勤禮神道碑魯公撰并正書歐趙皆著錄勤禮惟貞

之祖魯公會祖也據宋敏求長安志顏師古墓在長安縣南二十里勤禮爲師古弟其墓當亦在彼金石錄謂宋元祐間有守長安者後圃建亭榭輦取境內古石刻爲基址此碑幾毀而存是北宋哲宗時移置城內不知何時沒於土中去年冬復見於省長公署宋守長安者蓋亦宅此也碑中所紀顏氏世系與家廟碑同而加詳書法神采煥發遠勝廟碑蓋廟碑椎拓者多數經刊修洗滌此碑轉以沉霾得葆其真也碑四面惟右側銘文磨泐餘均完好集古錄目云立石年月皆亡而集古跋尾則云大曆十四年立趙錄亦云大曆中立蓋永叔德父皆曾見未磨以前拓本

文

鈔卷四

十二

叔弼則未之見也又案魯公干祿字書殷夫人碑皆稱第十三姪男據家廟所載以杲卿兄弟雁行數之魯公應居十一家廟碑署名第七子據碑魯公實居第六王蘭泉侍郎不得其解今攷之此碑魯公從兄弟二十二人無可疑矣碑中顯慶作明慶蓋避祖諱廟碑敘公祖昭甫下注本名顯甫總之凡有闕文疑義取兩碑互攷之無不渙然冰釋殷夫人碑剝蝕太甚得此碑細心攷究可補之缺文亦不少真大快也

唐張暈妻姚氏墓誌銘跋尾

戊辰四月

右爲唐故游擊將軍行蜀州金隄府左果毅都尉張府君

夫人姚氏墓誌銘其壻前將作監甘伯撰前楚州盱眙縣尉麋寬正書並蓋三十行行三十二字民國十七年出長安城南二十五里焦村現藏翰墨堂段氏文章爾雅書法娟秀而氣滿除銘詞損二字外均完好唐誌中佳品也誌略云夫人姚氏其先吳興人六代祖僧垣典郡關中今爲華陰人也曾祖履謙中散大夫行武功縣令祖珪丹州司馬父擇友涼州神烏縣令年十五歸張府君貞元四年終於上京平康里第張府君諱暈應武舉擢第以當選授官歷職優深加拜五品大曆十三年卒於金隄府之任曾祖顓唐元功臣忠武將軍左清道率祖克恭游擊將軍雍州

歸政府折衝都尉父處謙太倉令以夫人奄逝之年八月
辛酉九日甲申葬於萬年縣龍首鄉原禮也云云案北周
書姚僧垣傳吳興武康人歷仕梁武帝簡文帝後元帝召
赴荊州魏剋荊州隨于謹至長安周建德四年除華州刺
史北史本傳文同南史姚察傳作僧垣誤也誌云夫人先爲吳興人僧
垣典郡關中今爲華陰人語正合新唐書百官志武散階
游擊將軍從五品下舊唐書職官志同又折衝府左右果毅都尉
各一人上府從五品下中府正六品上下府正六品下誌
首張府君官階及誌中加拜五品均與史符新書兵志折
衝府凡三等兵千二百人爲上千人爲中八百人爲下金

隄未知居何等以加拜五品語觀之定爲上府書誌人麋

寬署銜前楚州盱眙縣尉案新書地理志盱眙屬泗州舊志

在楚註云武德八年隸楚州建中二年來屬麋君官盱眙

在建中二年以前故署前楚州也張君曾祖顓唐元功臣

忠武將軍左清道率按新書百官志武散階忠武將軍正

四品上又太子左右清道率各一人舊志云正四品上又兵志玄

宗改龍武軍皆用唐元功臣子弟若宿衛按上文云高祖

罷遣義兵留宿衛者三萬人號元從禁軍後老不任事以

子弟代謂之父子軍所謂唐元功臣或卽元從禁軍之子

孫耶夫人葬以貞元四年八月九日甲申據通鑑是年七


文

月丙午朔八月九日正值甲申以上誌文攷之周書北史
新舊唐書通鑑皆一一吻合者也又按全唐詩有張顓官
左司郎中未審卽張君曾祖否他無左證未敢臆定誌末
書凡八百六十七言石刻唯開成石經詳記字數他未之
見此又可爲金石家增一例也

跋圭峯碑

此碑書法如郭解爲人短小精悍韓非用法慘覈寡恩雖
少溫潤之意挺拔亦自可喜碑於光緒中葉斷而爲二近
聞又斷爲數塊露置荆棘中此尙未斷前打本是可存也
康跋卽取隋卑唐之義創論亦確論也南海論書淵源包

君子館詩鈔



君子館詩鈔目錄

卷一

和王仙洲太守見贈

和仙洲留別 附原作

無題

東田威仲同年

感春

集昌谷句柬井勿幕

壽陳雪堂太翁 凡三首臘月初五日生

寄高郵徐欽韓

詩

鈔目錄

宋芝田參議應選入都集唐人句送之

壽丁液羣尊人仁山先生暨德配戴夫人六句雙壽

祝賴誠昭太夫人鍾七十壽詩六首

壽王傑夫太夫人

祝朱觀察七十四雙壽

前詩不足增作二首

題張扶萬同年計樹園圖

王幼農寄照片詩以答之

紀永嘉王雅軒先生懿行詩

又代葉述

送周季貞北上用卓右文韻

季貞答詩二首仍用前韻報之

述懷疊前韻

爲路禾甫題昭陵六駿圖

題柳陰臥馬圖

題汪更生扇此扇製自庚辰

卽更生
生年

今年爲更生所

得煥然若新蓋摺疊空箱四十年矣更生屬題感

賦一絕

和張澤民韻

壽楊耀海先生四首

詩

鈔目錄

一一一

幼農惠洞庭碧螺春茶詩以謝之

高漢湘丐祝竹言繪溪山無盡圖深夜坐索圖成始
歸蓋借避羣姬之擾也竹言云此風流嘉話不可
無詩戲成一律

仲唐以照片見贈並媵以詩依韻奉答

任毓甫廣文八旬晉二壽詩六首

李子彝詩卷有見懷之作依韻答之

題鄭麗泉耕餘課子圖

題秦子衡太守遺畫

賀成伯人續弦

題雙福硯圖爲金幼菴

題梧生遺書舊扇

題范潤芳參謀長小照

題巖鹿谿先生小像

賀周紹先連長歸郿完婚

白驪鳥

青雕

寄井崧生副司令

題韓戒唐瓜瓞綿慶圖

題徐伯音明府遺像

題三園迴文詩冊

卷二

戲題吳古岳參議小照

題鄭子屏樊川圖

壽憨師長太夫人

六十生日誌感

生日誌感詩竹言爲易數字詩以謝之

竹言書來戲稱詩弟子疊韻答之

送張海澄遊學美洲

舊作遊鳳翔東湖詩今爲友人書扇因憶足之

哭茹懷西明府

蔭之贈家園茶詩以索之

懷芷沅汴梁兼痛漱芳卓甫之亡

題昭陵石馬什伐赤拓本

送孫武臣闈歸丹徒

笠僧以臂瘡卒於豫詩以哭之

再哭笠僧十二首

見幼農喜賦

祝何適珊母姚太夫人七十壽

岐陽郭建侯篆書詩扇見贈依韻酬答

詩

鈔目錄

四一

喜建侯見過仍用前韻

訪建侯幼臣東郭建侯留飲疊前韻

去年十月順德陳伯韜召飲攝影紀念病後題句
與培繹如話舊卽書其扇

和李子彝圍城吟原韻

和李貞白次子彝中秋後一日卽事原韻

鄉人劉文煥爲慈親寫遺像敬賦一律奉酬高誼
讀善息堂詩草用獻芝韻

和萊坡韻

題周雲巖百花圖長卷用卷中鄉人沈習之韻

柯莘農拓龜甲爲山形戲題一絕

李貞白將往江寧用去年中秋後一日贈子彝韻作
詩送之鄉關之念油然而生

再送貞白之江寧步子彝原韻

題竹言畫扇

題泉唐許節母張畫卷

題陳圓圓禮佛圖

題雙脩館校碑圖爲許琴伯

題王虛堂先生寒松圖

十七年一月一日紀事

子彝南游江寧賦詩留別次韻贈行附原唱

憶舊游疊前韻示子彝

寄懷高澧渠兼詢何梅先

題十趣圖

題封侯圖

爲宋明軒主席題山水畫冊

爲郝審夫題畫

詩摺

前題

賀宋芝老抱孫

爲蕭仙閣市長題藍田叔畫四幅

題藍田叔畫爲張价人畫署仿一峯道人富春山圖
作於邗上草堂

和宋芝老喜雨原韻

又

疊前韻

題秋林讀書圖

題溪山雨後圖

題蔣子珍去非詩稿

煥然老弟正月續絃久擬爲詩賀之遷延至今始成

而新人眉樣已春山畫遍更畫秋山矣

題冀茨山房圖

題汪酉山哭妹詩冊

鄧敬亭母王太安人紀念詩

君子館詩鈔卷一

長安毛昌傑俊臣

和王仙洲太守見贈用原韻

舊曆十一月二十日

十載同經離亂來長安今日共傾杯須知吾道難偕俗漫
說中天正急才闔苑有書將鶴至蓬山無意引舟回渭川
此去容高隱西望茲泉有釣臺

和留別用原韻

故交零落盡

謂拜雲
悟生

賸有魯靈光風義兼師友行藏辟虎

狼家餘書萬卷門種樹千章何日容偕隱彭宣拜後堂

附原作

王步瀛

客有可人期不來成今朝相見樂銜杯從知舊雨如新
雨劇愛詩才兼史才千古文章心尙在十年江海首重
回平生說項懷長策誰築黃金市駿臺

西河邃經術繼起炳前光壯志吞江海單身脫虎狼諸
兒蘭桂質行卷鼎彝章莫更貪游宦萱暉永北堂

無題

平生未分判雲泥閨苑層城習共躋玉宇孤鳴餘野鶴瓊
樓高竦舞鷗雞栖鸞別有三珠樹入月曾無百寶梯便擬
漫游九垓上盧敖可許一相攜

東田威仲同年

立名砥行附青雲太史遺言自昔聞毛遂處囊思脫穎今
無趙勝有田文

感春 甲辰二月十九日

流鶯百轉最高枝苦語東皇好護持一歲芳華能幾日莫
教老去憶花時

滿園紅雨落紛紛幾日狂風斷送春十二闌干都倚遍天
涯誰是惜花人

平生自負好芳姿嬾向東君訴別離不見花開見花落黃
昏微雨黯尋思

游絲自在裊晴空深院無人泣落紅墮溷沾泥飛不起敢

詩

鈔 卷一

二二

將無力怨東風

集昌谷句柬井勿幕

涼夜波間吟古龍

湘如

文章何處起秋風

南園其二

長卿牢落悲

空舍

南園其七

邊讓今朝憶蔡邕

南園其十

壽陳雪堂太翁三首

臘月初五日生

峨峯高極天池水清且漣中有隱君子抗心羲皇前神禪
得天趣不爲榮利牽友愛本摯性事兄禮則虔蒔菊東籬
下漁釣清溪邊竿絲與笠影白首常隨肩盛暑侍湯藥熾
炭羅床前汗雨不知苦誠至疾則痊以斯孝友傳家法謝
家羣從盡翩翩就中伯子尤豪賢雲天萬里高騰鶩南窮

嶺海北幽燕廿年庭幃缺旨甘側身北望心煩惋今朝捧
檄歸田園稱觴上壽開華筵我亦杯酒相周旋臺萊請頌
南山篇祝公壽考千萬年

鹿原溯名德無若太邱賢夜釣清谿月朝耕東郭田重言
仰耆艾盛會敞華筵欲效躋堂祝身慚塵俗牽

池陽回首憶前遊十載心儀陳太邱名德一鄉尊架篋高
材羣從盡驂騮天寒渭水波聲小雲湧峨峯瑞氣浮浴佛
會須三日後先敲臘鼓頌添籌

寄高郵徐欽韓

何處桃源好避秦故鄉三十六湖濱五年不踏江南路楊

僕終爲關外人

西風黃葉晚鴉歸
獨坐寒窗淚滴衣
省識淮南風味否
菊花香裏蟹初肥

宋芝田參議應選入都集唐人句送之戊午

飄灑獨歸遲溫庭筠
長隨泛梗移李德裕
此行旣特達杜甫
老去

戀明時劉長卿
戰伐何由定杜
紀綱正所持杜
只應推宋玉

李商隱
排悶強裁詩杜

一路經行處劉長卿
頻年不解兵沈佺期
驂騾開道路杜
豺虎

正縱橫杜
戎馬闡天宇杜
軍須竭地征李商隱
煩君最相警

李商隱
薄斂近休明杜

以我獨沉久

司空曙

風塵何所期

戴叔倫

向來吟秀句

韓偓可以

賦新詩

杜

相送情無限

韋應物

孤飛自可疑

崔塗

今朝爲此別

韋應物

歸臥南山陲

王維

壽丁液羣尊人仁山先生暨德配戴夫人六旬雙壽

戊午八月
丁雲南人

洱海滇池萬里天此中避地有高賢淵源易衍田何學贈
答詩酬子建篇皓首仲淹勤教士龐眉德曜與齊年佇看
游子歸來日銀燭金樽敞綺筵

清才幕府有丁儀迴望南雲劇慕思世難不辭滄海遠歸
期約在菊花時黃魚紫蟹雙杯酒翠竹青松百歲姿我欲

詩

鈔卷一

四一

躋堂同獻壽點蒼山色極天涯

祝賴誠昭太夫人鍾七十壽詩六首

十月寒梅已著花琉璃作碗泛紅霞一庭簫鼓羣仙會春
滿清溪積善家

象賢有子著循聲廷尉能持天下平門內融融更多樂蘭
孫秀茁五枝榮

入門猶及事威姑酒食親調非議無別有一端難到處睦
媿更爲恤遺孤

小姑居處豈無郎常傍萱幃作壻鄉慈愛終身倚阿母都
緣邱嫂與扶將

貧賤夫妻劇可哀，歲寒無計築謬臺。
仁慈爲折馮驩券，不許鴛鴦兩折開。

內政勤劬二十年，門庭肅穆世爭傳。
京陵東海等家法，禮範要輸鍾母賢。

壽王傑夫太夫人

傑夫浙江黃巖人陸軍中校現權釐大慶關家世業釀酒十一月二

十七日補祝太夫人壽時戰事初息

臘雪衝寒綻玉梅

冬月二

瑤池阿母玳筵開

王延齡家貯

中山酒

業釀

獻壽門羅上將才

子爲陸軍中校

賢子聲名凌太華

權釐大慶關

仙人居處近天台

黃巖縣舊屬台州府

還應倚杖看雲笑塵

翳消除瑞色來

兵爭始息和議初開

詩

鈔卷一

五

祝朱觀察七十四雙壽詩

朱崑山人廣東瓊海道子
二均宦粵東

春暖江南二月天羣仙介壽啟華筵
娉娉老猶稱弟鬢鑠香山許比肩
高密一鄉尊碩德潁川百里聚名賢
壺中日月從頭數杖國於今又四年

當年五管擁旌旄身服巡邊意氣豪
瓊島炎方資重鎮金隄澤國奠狂濤
越王臺畔勛威壯陸賈城邊甲第高
寄語嶺南諸父老功名今日屬兒曹

一脫朝衣返故居澗山湖畔結精廬
客來止共漁樵話身隱惟耽水竹俱
閒檢道書偕婦讀偶因醉舞遣孫扶
劉剛本是神仙侶不羨嵩陽九老圖

高名久慕朱公掞晚接嘉姻誼更勤
小子東床慚玉潤老人南極煥星文
束身簪組應憐我樂意園林獨有君
欲向華堂進春酒鄉關恨隔萬重雲

前詩不足增作二首

更說璇閨設悅時豳風正詠食瓜詩
渚宮家世稱名族德曜儒門著令儀
三代綵衣紛繞膝兩竿筇竹正齊眉
笑他烏鵲雙星會天上還遲五日期

昔年同看石城花驚座聲名世共誇
杯酒當筵疏鄧燦賢豪交臂失朱家
一朝烽火侵鄉國十載滄桑感歲華
今日共君身健在尊前莫惜醉流霞

詩

鈔卷一

六一

題張扶萬同年計樹園圖

張侯矯矯人中豪少年意氣雲天高一朝歸學漢陰叟棄
擲萬事輕鴻毛舊廬遠在頻山麓繞廬新種千章木槐榆
椿柳雜桑柘扶疏四布鬱深綠雲烟高張滿壁畫破書撐
破三間屋頽然自放故紙中昕夕探討事幽獨搜羅晉宋
墜簡書案頭排比如筭束爲詩遠法湘綺老句奇語重駭
心目有才如此不用世坐聽世人誚書篋丈夫豈甘老蠹
魚十年世變隨轉燭樸櫟小材支敗廈榎楠良木墜穹谷
東洲千頭橘渭川千畝竹富等千戶侯有此亦已足鷄蟲
得失那可計攜鋤且種籬邊菊

王幼農寄照片詩以答之

南望胥臺是舊鄉江東渭北兩難忘故人紙上須眉見何
日從游澣墅旁

不堪回首憶前塵鏡裏俄驚白髮新載酒草玄亭下過當
年同是少年人

紀永嘉王雅軒先生懿行詩

王鴻初尊翁

永嘉山水甲天下五都一峯尤清腴閉門披讀高士傳此
中定有幽人居繫惟王公古君子千秋名德著鄉閭敦厚
純仁樂施與義漿仁粟周窮廬救荒恆備三年蓄興學慨
輸八畝租修葺橋梁平道路乘輿濟人誠爲愚里鄙賙卹

詩

鈔卷一

七一

恐不及德門積慶常有餘少年刲臂已親疾壯歲鞠子殫
勤劬媼媪覆育父也母保艾教誨寬嚴俱三珠四桂那足
數崢嶸頭角五丈夫蘭孫更茁七枝秀森如玉樹羅庭除
泱泱叔子尤傑特目營四海隘九區天生我材必有用安
能伏案箋蟲魚范陽學得萬人敵出入戎馬紛馳驅謁來
贊佐征西幕近居密勿參戎樞我聞李舟名父子清峻自
與流輩殊八年痛抱風木感陳述世德涕漣如乞取大文
煥泉壤樸遯小材慚鴻儒覲縷至行不能盡擲筆四顧共
躊躇

又代葉述

牆東古君子流韻至今存避世居仁里

公所居名攜仁里

餘輝耀

德門五枝榮玉桂七茁秀芳蓀積善承天慶鄉邦仰達尊

送周季貞北上用卓右文韻

憐君踪跡類萍浮又逐東風去不留幕府端居厭蠻語春

明舊夢壓鼇頭曾標雙柱臨瓊海

曾署廣東瓊崖道

無復三刀夢

益州衰世功名何足數椎埋屠狗亦通侯

漫說黔南天萬里如君才調久聞知

君貴州人

擁旄嶺表從龍

日

受知龍將軍繼光

飛檄關西立馬時經術近延高密緒

謂遵義鄭子尹

風人接跡郢亭詩

謂莫子德

燕臺此去多佳麗莫遣秋娘唱折

枝

詩

季貞答詩二首仍用前韻報之

人物東京周孟玉陳蕃一榻爲君留翹材孫相虛前席入
幕郗超在上頭直北關山縈客夢伺人豺虎徧中州長安
小住聊爲樂眼底應無竊國侯

我亦梁園舊賓客三年理亂厭聞知矛頭浙米危今日盾
鼻飛書快昔時老去相如惟善病愁來匡鼎倦談詩多君
佳句相酬和又向花前唱竹枝

述懷疊前韻

吾儕身世等漚浮逐逐隨波信去留屈子吟成悲往日杜
陵詩詠慟江頭小儒無術寧羣盜大錯何人鑄六州仁義

不施攻守異竊鉤竊國盡王侯

往事思量總是癡書生懷抱倩誰知鳳凰臺畔從軍樂鸚鵡洲邊作賦時十載滄桑醒舊夢百年怨憤寄新詩杜鵑又送殘春去啼遍橋南楊柳枝

爲路禾甫題昭陵六駿圖

路子路子人中龍六韜三略羅心胸出入文場稱健將馳驅戎馬尤豪雄威名萬福滿江東更提一旅來家邦參贊密勿侍帷幄保障閭里功尤崇謁來騷壇作盟主扶持儒雅振宗風手摹昭陵六駿馬徧徵詩句收郵筒我披此圖三歎息雜然萬感填胸中憶昔太原李公子坐乘此馬平

羣凶今時豺虎遍宇內與隋末造將毋同安得渥洼出天
馬與人一心成大功杜掃盪羣寇無留蹤家家銷甲事春
農

題柳陰臥馬圖

改胡筇僧作

天涯何處逐英雄驄叔如今不參龍解斥銀鞍棄金勒綠
楊芳草臥春風

題汪更生扇此扇製自庚辰

卽更生
生年

今年爲更生所

得煥然若新蓋摺疊空箱四十年矣更生屬題感

賦一絕

庚辰之歲到庚申篋笥緘封紙墨新自分空箱久捐棄多

情今日遇汪倫

和張澤民韻

宦跡憐君冰雪清
尙餘詩句自縱橫
仕途嚼蠟閒官味
野店聞雞旅客情
衰世功名羞絳灌
中原人物陋韓彭
南窗且檢端溪譜
補入臨洮綠玉名

殺人未饜更求仙
訪道金泉謝自然
夜演陰符工作戰
日高陽谷總酣眠
浮雲變幻乃如此
故里荒蕪亦有年
便欲從君歸去也
狂來橫笛大江邊

壽楊耀海先生四首

冰桃雪藕薦瓊筵
請頌豳風七月篇
少華峯巔浮瑞靄

華縣

詩

鈔卷一

十一

人稼書堂

楊氏堂名

上聚羣仙長生果進安期棗益壽花開玉

井蓮絳老從頭推甲子於今七十有三年

龍潭村裏

家居龍潭堡

結精廬川谷幽深稱隱居桃李滿園春

燦爛槐榆繞屋夏扶疏到門錯認柴桑里插架惟儲種藝
書至計十年先樹木山林中有管夷吾

諸兒頭角各崢嶸雛鳳清於老鳳聲義山黃卷青燈勤夜

讀淡雲微雨助春耕鑄金慶鍊真良冶醫術長桑有盛名
更喜芳蓀一枝秀會看聞望滿神京

古道今時棄如土惟公意氣薄雲天陟岡歲設招魂祭發
粟民歌贖命田高密一鄉尊碩德嵩陽九老集耆賢鯁生

遠效封人祝聊薦新詩寫錦箋

幼農惠洞庭碧螺春茶詩以謝之

不到江南又八年故園東望莽風煙洞庭春色勞君贈苦
憶平山第五泉

高漢湘丐祝竹言繪溪山無盡圖深夜坐索圖成始
歸蓋借避羣姬之擾也竹言云此風流嘉話不可
無詩戲成一律

高適深耽晝裏禪乞求暮夜亦堪憐畏囂迹等逃詩債坐
待嚴於索酒錢一幅溪山入懷袖滿身花露濕歸鞭那知
寂寂香闥裏紅燭燒殘人未眠

仲唐以照片見贈並媵以詩依韻奉答

搏擊鷹鷂滿九霄誰知鸞鳳在閒僚清詞如水傾三峽狂
筆通天接六朝紙上風裁秋更峻胸中磊塊酒難消吾鄉
明月今宵好騎鶴同君聽玉簫

任毓甫廣文八旬晉二壽詩六首

金樽銀燭敞瓊筵正是龍頭對策年一紙鸞書天外至士

林榘矍屬耆賢

大總統頒給士
林榘矍匾額

人事滄桑飽看來今朝又見嶺頭梅壽辰三十日壺中日月

匆匆過六十年前一秀才

二十三
歲入庠

大道亡羊嘆路歧白沙新建是吾師講學主白
沙陽明靜中養得

端倪出集義求仁總在斯

邊腹便便五經笥萊衣濟濟一堂歡文孫親織登科記何似阿爺耐冷官

豫章採藥萬山青三昧親傳慧印經自是君身有仙骨成百年端合享遐齡

秦樹嵩雲各一天

公河南鞏縣人

久從洛社仰英賢祝釐未遂躋

堂願聊寫新詞寄綵牋

李子彝詩卷有見懷之作依韻答之

得士歐門盛多才首子瞻憂時常怫鬱疾俗特深嚴顧我年垂老思君時久淹何當共几席險韻更同拈

詩

鈔卷一

十一

題鄭麗泉耕餘課子圖

圖爲董紳永作

谷口幽棲鄭子真詩書訓子見深純傳家兩字惟耕讀此
是羲皇以上人

樊川山水極清虛合有幽人此隱居矮屋三間一亭子半
藏農具半藏書

叱犢歸來靜掩關書聲遠出翠微間一灣鴨綠門前水萬
疊螺青屋後山

點點疏花短短籬水村一角仿清暉借韻筆端寫出高人致
北苑吾鄉老畫師

題秦子衡太守遺畫

并序

庚申秋仲翔姻弟持此軸眎余曰此屏凡四幅先
大父子衡公庚寅年作時公已七十有一歲因秀
水陶尚書旬宣關中與公交甚摯而愛公畫甚篤
勉力爲之才成三幅遽以疾卒迄今追計蓋三十
年矣今秋出之篋衍裝潢成軸其第四幅全未着
墨擬徧徵題詠以補其闕子曷爲我敘之余案公
金陵人曾親承菊垞繡谷兩先生緒論兩先生歿
公之畫遂名海內此更最後絕筆尤可寶貴故謹
敘其顛末并題三絕以誌景仰

翩翩燕子話呢喃紅杏枝頭春又酣回首烏衣舊門巷一

簾花雨夢江南

第一幅杏花燕子

淺水橫塘六月天
霜衣一鷺立寒煙
露筋祠是清涼境
門

外野風開白蓮

第二幅鷺鷥白蓮

秋來楓葉點胭脂
薄薄閒花弄野姿
遊戲蘭苕好容色
春

風猶記少年時

第三幅翠雀丹楓

賀成伯人續弦

才人北地數成郎
筆走蛇龍草檄忙
賸有盾頭餘墨在
更來花下賦催粧

三月天桃花滿枝
東風吹綠滿平池
倚欄共檢鴛鴦譜
消受春光正此時

公子材華自逸羣仰天長嘯過行雲從今倡和添新什臣
妹清才亞左芬

紅燭金樽敞綺筵雲璈聲沸畫堂前剛過洛水瀉裙會應
憶藍田種玉年

題雙福硯圖爲金幼葦

研刻雙蝠爲劉石庵舊物贈彭芸楣現爲幼葦所
藏

雙蝠勢踰蹠端溪舊研田校文助劉向好古得彭錢大雅
久不作李流風誰爲傳石兄與金叟交契有前緣

題梧生遺書舊扇

憶君書此時江南春正好草長羣鶯飛日夕同歡笑彈指
十年耳君墓久宿草忽然見遺墨龍蛇尙夭矯擲筆爲此
詩惻焉傷懷抱

題范潤芳參謀長小照

江南范夫子仗策來咸秦蟠胸富兵甲落筆驚鬼神幕府
贊戎機日夕相依因言論至醴粹骨相尤嶙峋七尺好鬚
髯千古窮比倫漫誇眉山蘇遑論迦陵陳名實兩相副獨
有鬚參軍

題嚴鹿谿先生小像

嚴陵先生骨相奇披圖重見古鬚眉回思四十年前事東

閣摳衣問字時

賀周紹先連長歸郿完婚

天上月輪滿人間桂子香吹簫引秦女顧曲有周郎霸岸
秋風起郿州歸路長暫停馳檄手且去賦催妝

白號烏

昭陵六駿之一
昌谷句

此馬非凡馬

馬詩第四

銀號白踢煙

馬詩第一

只今掎白草

馬詩十六

何

忍重加鞭

青驢

昭陵六駿之一

昭陵數片石久沒蓬蒿中伊洛還多事神駝泣向風

末句借昌

句谷詩

鈔卷一

十五

寄崧生副司令

脫手千金寄草堂元戎意氣邁原嘗萬間廣廈歡寒士一
飯窮塗活駢桑稍喜妻孥免溝壑轉教涕淚滿衣裳此恩
銜戢知何謝默誦淵明乞食章

題韓戒唐瓜瓞綿慶圖

堂前雙壁人腔髮毛髻始腔髮幾何時復生毛髻子冰雪
淨聰明雙瞳剪秋水驊騮作駒時汗血已可期更有炳田
兒畫錦堂前舞綵衣雙雙白髮喜可知再披此圖繫此詩

題涂伯音明府遺像

代王蔭之

杯酒池陽識使君鳴琴單父頌明神長安此日瞻遺像飽

歷滄桑四十春

題三園迴文詩冊 和石園餘園韻

三益友來欣笑言集成詩句白酬元醴醴厚味餘醪醪宛
宛深情洽夢魂含咀異聲新律呂蘚苔斑暈古壘尊南山
霽雪臨軒檻甘酒杯傾獨樂園

園樂獨傾杯酒甘檻軒臨雪霽山南尊壘古暈斑苔蘚律
呂新聲異咀含魂夢洽情深宛宛醪醪餘味厚醴醴元酬
白句詩成集言笑欣來友益三

詩

鈔卷一

十六

君子館詩鈔卷一終

君子館詩鈔卷二

長安毛昌傑俊臣

戲題吳古岳參議小照

延陵吳季子骨相特清癯
錯認羅敷婿鬢鬢頗有鬚

題鄭子屏樊川圖

提壺挈榼訪樊川
一曲波光萬頃田
今日把君圖畫看
卅年前事渺如煙

壽慈師長太夫人代

東望嶠函紫氣來
羣仙集會到蓬萊
謹呼門列豨貅隊
漱澗香浮鸚鵡杯
蘭桂盈庭森寶樹
榎楠並進逞雄材
躋堂

未遂摠衣願遙企關門四扇開

六十生日誌感

甲子

六街花市燈如舊門外春風總不知一室強羅兒女拜兩
年廢讀蓼莪詩生來骨相難偕俗老至文章漸入時己幸
榮期三樂備皋魚永感下泉思

餅梅開盡雪初晴火樹銀花奪月明連臂踏歌兒笑樂濡
毫寫痛淚縱橫又聞新婦稱君舅無復慈親喚小名

余以元宵

先一日生俗名燈節十載飽餐藜煮飯篝燈午夜伴機聲

慈親卽以是名余

孤露竟成立艱危賴母慈備嘗諸苦境調護一孤兒中歲
常多疾親心少樂時六旬稱下壽爲報九原知

生日誌感詩竹言爲易數字詩以謝之

居然腐朽亦神奇齊己真吾一字師可笑小儒丁敬禮獨
於後世覓相知

詩格依稀范石湖

竹言謂余詩近通州范伯子多悽惻語

情詞哀惋異歡娛

可憐此是孤兒曲月冷霜寒啼夜鳥

竹言書來戲稱詩弟子疊韻答之

高情迭蕩語瑰奇久奉懷星作導師敢屈枝山稱弟子此
間得失寸心知

半生落魄走江湖養拙歸來足自娛獨有深愁消不得
嗷反哺媿林鳥

詩

鈔卷二

一一一

送張海澄遊學美洲

風塵正溷洞忽漫海天游故里張公子今時博望侯澄懷
棄軒冕蠻語識鈎鞞壯歲翻勤學羸糧訪十洲

舊作遊鳳翔東湖詩今爲友人書扇因憶足之

閒步東郭門行行東湖澹徑暖芳草積風和楊柳新鶯聲
出遠樹蜂蝶趁行人衝烟飛翠羽潛波游素鱗春容劇駘
蕩颯然怡心神我家淮之南三十六湖濱上有文游臺風
流跡未陳良朋共游尋仿佛蘇與秦十年不歸去前游入
夢頻人生若夢耳奄忽馳颺塵隨境皆可樂何必故鄉春

哭茹懷西明府

弱歲才華供輩倫，雙丁兩到出咸秦。高涼百里神明宰，更

著循聲大海濱。

宰廣東吳川縣
卽漢高涼境

座擁臯，比作講師池。陽回首憶前期最，憐風雨青燈夜。執
卷依依問字時。

蔭之贈家園茶詩以索之。

盆盎滿儲秋夜雨，清冷更勝在山泉。新茶乞與家園種，好
付樵青竹裏煎。

懷芷沅汨梁兼痛漱芳卓甫之亡。

三十年前事，相思一歎嗟。風流憐范叔，任俠有朱家。都逐
秋風去，傷心落日斜。夷門更回望，孫楚尙天涯。

詩

鈔卷二

三一

題昭陵石馬什伐赤拓本

爲趙輔卿參議

秦王掃蕩中原日
赤驥歸來汗血殷
灑澗烽烟今未靜
青旌誰唱凱歌還

送孫武臣

閩歸丹徒

十年不喫中冷水
聞道君歸欲斷腸
君到江南還北顧
綠楊城郭是吾鄉

笠僧以臂瘡卒於豫詩以哭之

遙望夷門淚滿襟
前軍忽報大星沉
一腔熱血功初就
滿目瘡痍痛尙深
善將眞如身使臂
多憂終竟疾攻心
顏淵早夭東陵壽
天意懵騰直到今

再哭笠僧十二首

十圍庾覬腰支闊七尺淳髡氣象奇天下儘多皮相士爭
誇北地莽男兒

下筆如傾百斛泉短衣敦劍直無前翁歸才略兼文武餘

事能書史籀篇

常自撰壽楊耀海先生文二千餘字余爲
刪存其半又從余學篆書臨石鼓文兩月

已得
形似

一縑慎守舊家風百戰纔成汗血功不愛錢尤不怕死一
生低首岳精忠

待士情同膠漆堅將軍氣誼薄雲天八千子弟如貔虎生
死相依一少年

詩

鈔卷二

四一

縱橫豺虎徧人寰
民命今時賤
草菅揮淚陳前誅
馬謖葛

侯軍令肅如山

禹州之役斬一團長以徇

初聞伊洛靖烽煙
撫卹先頒十萬錢
今日遺民哭司馬
白衣野祭徧山川

君家懷德古城隈
處士門庭舊草萊
手握兵符逾十載
故園無地起樓臺

東西跳躑見精神
龍性由來不易馴
獨有支公賞神峻
英雄可愛是天眞

雄才豈盡性粗疏
抽暇螢窗伴蠹魚
案上一編遺墨在
蠅

頭小字手親書

余戲纂聯語集唐一卷君爲寫定細草莊書一筆不率

愛我真同骨肉親，問奇載酒意勤勤。
草玄未竟侯芭死，寂寞何人識子雲。

雙鯉梁園問訊頻，茂陵深念長鄉貧。
雙嶠關外軍書急，特

貸千金饋遠人。

去冬戰禍將興，軍書旁午之際，尚向雪亞假千元贈我。

信陵終日望侯嬴，未得單車虛左迎。
今我欲來君死矣，九泉重與話平生。

見幼農喜賦

夢得樂天同甲子，匡衡蕭望更同師。
身經江海卅年別，心有冰霜百歲期。
白首重逢驚隔世，青燈共讀憶兒時。
長安風物都如舊，腹痛灑西墓草衰。

詩

沙
卷二

五
一

祝何適珊母姚太夫人七十壽

祥雲糾縵楚天長
高會羣仙頌瑞堂
桃熟綏山獻王母詩
吟水部羨何郎
家聲連越青陽巷
世澤綿延丹桂香
欲效邠人進春酒
故園東望路茫茫

岐陽郭建侯篆書詩扇見贈依韵酬答

故人憐我暑中行
惠以清風扇底生
篆法壁經饒斌媚
詩心潭水鑑空明
山鳴鶯鶯鄉關遠
箋到蟲魚詁訓精
今日長安欣聚首
相思猶恨隔重城

喜建侯見過仍用前韵

東郭先生策杖行
窮廬來候老儒生
淺斟杯酒已心醉
忽

見異書猶眼明離亂重逢魂尚悸儲藏日富識彌精目前
幸有安居樂南面終朝擁百城

訪建侯幼臣東郭建侯留飲疊前韻

不辭襍穢近郊行舊學商量魯兩生史法精深推范曄奇
文析賞到泉明憂時滄海橫流急待客山廚飲饌精亂世
相逢何忍別驚心畫角起巖城

去年十月順德陳伯韜召飲攝影紀念病後題句

德星堂上聚羣賢海客珍盤色色鮮更有神方教駐景雪
泥鴻爪證他年

藥爐茶竈鎖相親我是維摩久病身今日鏡中參色相稜

詩

稜瘦骨見精神

與培繹如話舊卽書其扇

承平舊夢渺如烟別後滄桑四十年往日風流各年少祇

今顛顛共華顛情懷跌蕩張公子

謂拜雲

詩酒粗豪王仲宣

謂梧生

話到故人都宿草一回相憶一潸然

和李子彝園城吟原韻

八月初七晚

李生磊落天下奇媚於古學乖於時竭來示我園城吟有
識讀之皆淚垂念我飢驅三十載如匱韜玉囊處錐倦歸
欲覓一邱臥弦歌苦無三徑資今年故人相迫促五日京
兆不能辭京兆五日何事日讀漫叟春陵詩蒿目坐視

生民困捫心寧免後世嗤攢眉徒手終無策窮搜冥索縈
夢思斯城被圍且半歲兩軍勝負良難知齊將閉壁身不
出單于長圍山不移可憐百萬空倉雀求食不得栖無枝
况復比戶索軍食緹騎四出紛奔馳毀家紓難古所重家
無可毀將安之救焚振溺豈無人戰守不繫於職司排患
釋難亦有術儒生議論百不宜蚌鷸相持兩弗舍一城坐
困同囚羈三旬九食久難繼奄奄生命如微絲今讀君詩
一神王枯腸渴肺忘調飢志士不忘在溝壑騷壇重與張
鼓旗蠻觸紛爭剎那耳世運平陂有常期五月圍城餓不
死此中疑有神扶持

和李貞白次子彝中秋後一日卽事原韻

巖城四面角聲哀孤負中秋皓月來
荒徑曾無佳客過好花都向戰場開
解圍陳相無奇策搜粟蕭何有別才
誰念遺民溝壑死先生灑淚立蒼苔

鄉人劉文煥爲慈親寫遺像敬賦一律奉酬高誼
五載思親淚被池常不乾精靈誠可接色象現終難畫手
留真迹遺容寫筆端優乎如有見更勝夢中看

讀善息堂詩草用獻芝韻

閉門幾日息交游一卷新詩破古愁
怪底胸中多塊壘知君皮裏有陽秋
雄心冀野存司馬筆力庖丁說解牛
湖海

豪情終未減元龍百尺在高樓

和萊坡韻

擁衾坐聽竹瀟瀟兩幅雲箋破寂寥好句如珠穿錯落名
言蜚玉意清超彌天風雨添愁思萬古煙霞竦峻標原詩
中語
只合于公共酬唱過門熟客莫輕訾

題周雲巖百花圖長卷用卷中鄉人沈習之韻

拂黃點素寫羣芳
駮綠嫣紅滿紙香
忽憶蘇臺腸欲斷
彌天烽火閩江鄉

柯莘農拓龜甲爲山形戲題一絕

老龜千歲餘枯骨
綠字璘彬閒薛斑
好古柯生有奇思
幻

詩

鈔卷二

八

形堆作米家山

李貞白將往江寧用去年中秋後一日贈子彝韵作
詩送之鄉關之念油然而生

藥苦梅酸楚調哀銷魂橋上送君來驛亭過雨穠華發岸
柳迎人倦眼開衰老能無懷土意疏狂不是濟時才何如

從子江南去野寺尋碑剔蘚苔

居江寧年餘未得至花
林一訪梁闕至今爲憾

再送貞白之江寧步子彝原韵

太息窮途阮步兵更堪歧路送人行攀來楊柳千條細話
到鄉關百感生廢壘銜芹誤歸燕雜花滿樹亂啼鶯知君
此去應回首渭樹江雲總有情

題竹言畫扇

臨水數間屋山窗面面開雲邊一艇出應是故人來

題泉唐許節母張畫卷

許琴伯以栗母

丹青幾幅換鹽醯燈影寒窗烏夜啼教得兒登循吏傳賢
聲流遍隴東西

題陳圓圓禮佛圖

淨除一室禮空王舊事尋思總斷腸天子傾城好顏色教
人家國感興亡

羣藩策士湊滇池又是中原沸鼎時爲向蓮臺虔懺悔美
人心地總慈悲

題雙脩館校碑圖爲許琴伯

歸來堂上舊風流大碣穹碑共校讐今日泉塘許玄度天
人福慧稱雙修

郡國山川出鼎彝遠追倉沮祧冰斯閨中亦薄簪花體學
寫天南小爨碑

漢唐殘碣盡搜羅匹馬新從關輔過他日書叢尋故事飲
茶先後定誰多

題王虛堂先生寒松圖

伯明曾大父

君是牆東避世人霜天白屋未嫌貧百年留得丹青在一
幅寒松寫性真

十七年一月一日 卽舊歷臘八後一日

纔畫銷寒第二圖青旗一色曜天衢爭敲臘鼓迎新歲忙
寫春詞換舊符百戲魚龍陳曼衍陶甘園有龍燈之戲六街士女競
謹呼居然節物都更變數點梅花處士廬

子彝南游江寧賦詩留別次韵贈行

寂寞玄亭誰問字年來止是與君俱危城齧草邛依歷險
韵酬詩獺祭魚此日別余關外去臨歧贈爾袖中書誅茅
莫近秦淮水十里珠簾枕水居

驪歌一曲腸堪斷恨我頻年老病俱朋輩飄零嘆勞燕箋
疏瑣細注蟲魚知君志趣難偕俗莫爲羈愁懶寄書他日

詩

鈔 卷二

十一

攜歸錦囊句蓬門先訪故人居

原唱

李元鼎子逸

卅年函丈因依久槁餓圍城八月俱雕琢無成一璞玉
响濡相處兩枯魚壁間粲粲新酬句牀上鱗鱗疊惠書
此別草玄知未畢何時重近子雲居

憶舊游叠前韵示子彝

我亦江南舊游客卜鄰昔與故人俱

謂王梧生農部

春郊并轡看

盤馬落日沿溪問打魚花徑紅飛三月雨蕉窗綠映半床
書君行若過烏衣巷爲訪當年水竹居

寄懷高澧渠兼詢何梅先

吳公三輔建旌旄入幕鯁生亦足豪綠水紅蓮依儉府飛
書馳檄佐枚臯三年瀕洞烟塵隔千里雲山想望勞料得
當時何水部敲棋覓句興猶高

題十趣圖

矩步繩趨不入時出門惘惘欲何之人生萬事都如戲莫
怪諸人託迹奇

題封侯圖

若個好男兒日把吳鉤弄時移世已殊才大難爲用可憐
閨中人猶作封侯夢

爲宋明軒主席題山水畫冊

家在江南黃葉村一幅

詩

鈔卷二

十一

披圖觸我故園情
木落淮南秋水清
一棹烟波黃葉渡
隔江望見綠楊城

綠楊城郭是吾鄉
紅樹青山水一方
多少人家臨水住
到門日日有歸航

扁舟容與碧波中
江北江南秋色同
黃葉前朝多少寺
疏林缺處晚霞紅

江上無風浪不生
中流自在一帆輕
禪心畫意誰參得
留守西京宋廣平

爲郝審夫題畫

小橋通曲徑
紅樹映閒門
更有幽棲處
當窻匹練奔

詩摺 次于獻芝韵

南海詩人興不窮
驚人好句出懷中
帳名鼠尾頒鄉戶
字寫蠅頭困老翁
留與疆臣馳驛奏
不題僧院待紗籠
秋來景物吟懷健
百葉窗開晚照紅

前題

思抽軋軋出無窮
收拾巾箱摺疊中
句貯錦囊師李賀
書成啓事憶山翁
常留楷式懷中祕
不羨輕紗壁上籠
妙語絲絲都入扣
漫誇剪翠詡裁紅

賀宋芝老抱孫

窗外榴花照眼紅
餅園老子樂無窮
已欣雛鳳飛清望
更

詩

鈔 卷二

十二

引騶駒紹祖風文若方孩嬉膝下司空尙小著車中衡門
他日高軒過百里荀陳聚會同

爲蕭仙閣市長題藍田叔畫四幅

聞道蕭雲宅珍藏玉笥山四圍花爛漫一水碧潺湲仗策
者誰子攜童來叩關遂令此中語傳說到人間

赤帝騎龍火雲燒空清涼世界在此山中飛瀑千尺芭苴
一叢看雲倚石靜聽松風

本來仙閣在蓬壺縹緲烟雲時有無一角紅樓出山半恰
成仙閣隱居圖

一葉山溪裏衝風冒雨行誰憐滄海上跋浪鬥長鯨

題藍田叔畫爲張价人畫署仿一峯道人富春山圖
作於邗上草堂

富春山萬重山逕白雲封不識披裘客家居第幾峯
蝶叟揮毫處吾鄉舊草堂十年歸未得對此意茫茫

和宋芝老喜雨原韻

中宵不寐起傳杯聽雨茅簷實快哉七月方歌田峻至三
峯預兆瑞麩來好尋梁苑忘憂館漫築周王避債臺兩歲
深愁眉未展今朝笑靨鏡中回

又

久病幽憂笑舉杯南山鬱鬱氣佳哉誰鞭洞口乖龍醒頓

詩

鈔卷二

十三

覺雲中萬馬來滌滌荒原成樂土
渠渠夏屋盡春臺悲秋
宋玉尤多興告我天公意可回

疊前韵

十斛閑愁付酒杯百工從此慶熙哉
博輸玉女天爲笑倒瀉銀河雨驟來
大廈初成歡燕雀平池新漲漾樓臺
獨憐思婦憂無那簷溜聲中視萬回

題秋林讀書圖

秋林景物未凋疎小閣虛窗稱隱居
盡日看山情不倦偷閒補讀少年書

題溪山雨後圖

一抹好溪山何人此中宿閒花護短籬長松蔭茅屋風來
一枕涼雨過衆山綠積疊滿牀書檢取面山讀古歡聊可
尋卽此洽幽獨

題蔣子珍去非詩稿

蔣犇灤陽人

君本灤陽僮儻人西來偶現宰官身劫餘撫字賢勞甚漫
叟詩中見性眞

煥然老弟正月續絃久擬爲詩賀之遷延至今始成
而新人眉樣已春山畫遍更畫秋山矣

西子湖邊學藝歸春來重賦好迷詩金鏡刮膜專長擅玉
椀調漿內助資痼疾能除眞國手上元纔過是佳期羨君

詩

鈔卷二

十四

今日房中樂眉畫春山更入時

題莫莢山房圖

莫莢自開落山中不計年閑情偶一寄萬物供雕鐫不讀
印人傳淵源史籀篇笑彼皖與浙流派徒紛然

題汪酉山哭妹詩冊

汪倫家有女相如太息曇花一現餘廿首哀詞寄泉壤十
七年華返太虛


鄧敬亭母王太安人紀念詩

往歲擁皋比講學聚徒侶誰傳梁邱易喜得鄧彭祖傳經
守家法入門奉母儀支機伴夜讀篝燈速晨曦勤劬二十

載振翰搏風飛春水採芹藻秋風折桂枝往綰赤縣符種
花燦如錦昔年桃李陰今作梓桑蔭羣被明府化復仰慈
母賢倏忽萱草萎于今已三年執筆紀懿行遺風奕葉傳

君子館詩鈔卷二終

君子館日



君子館日記目錄

卷一

民國七年三月二十一日至民國八年十二月二十
六日止

卷二

民國九年一月二日至民國十年十二月三十日止

卷三

民國十一年一月六日至民國十二年十二月二十
九日止

卷四

日

記
目錄

一
一

民國十三年一月三日至民國十四年十二月七日
止

卷五

民國十五年一月五日至民國十五年十二月三十
一日止

卷六

民國十六年一月一日至民國十六年十二月三十
一日止

卷七

民國十七年一月十一日至民國十八年十二月十

四日止

卷八

民國十九年一月二日至民國二十一年五月二十
八日止

The image shows a large rectangular frame with a thick black border. Inside the frame, there is a very faint and illegible grid or table structure. The grid consists of several vertical lines and a few horizontal lines, but the text within the cells is completely unreadable. There is a small dark mark on the right side of the frame, approximately halfway down.

君子館日記卷一

長安毛昌傑俊丞著

民國七年戊午三月二十一日即舊歷二月初九日早七鐘興入鐘往會館團拜到太早尙無多人因往李問渠家小坐片時同至館九鐘行禮十鐘入席共五桌礦務特派員梁立周同縣人城防營馬柱臣祖崑山人初見面餘大半熟人歸讀辛卯侍行記第四卷半卷

二十二日即舊歷二月初十日早十鐘起讀辛卯侍行記卷四半本卷五一本此書攷黑水甚詳萃二十九家之說而折中於清聖祖以潞江定爲禹貢黑水以三藏爲三危

合雍梁導水三黑水爲一攷河源昆侖亦甚詳惟仍守舊說以葱嶺于闐爲遠源以阿勒坦爲重源不知新疆地勢低於青海於新學說不合也

二十三日卽舊歷二月十一日星期六早八鐘興天陰讀

辛卯侍行記卷六半本讀林歸雲傳甲侯官人中國文學史第

一篇至第六篇讀水經注圖

二十四日卽舊歷二月十二日星期早九鐘興出經南院門地攤上見孟顯達碑拓片字整飭而氣味樸厚遠勝元太僕蘇孝慈往在湘子廟見此石亦甚平平拓出而精神乃見午後董禹祿明銘來談甚久彼治說文不守舊法旁推

交通頗多新意雖失之穿鑿其心思之敏可喜也讀文學史此書溝通新舊頗得要領羅列諸籍皆能提要鉤玄可爲治中國文學之導綫於初學極便也讀辛卯侍行記第六卷半本

二十五日卽舊歷二月十三日星期一早八鐘興飯後田桂舫吳映辰兩廳長來談甚久映辰託覓董美人張通妻陶元太僕諸誌讀辛卯侍行記六卷終讀水經注趙本清一

目錄

二十六日陰微雨卽舊歷二月十四日星期二早十鐘起東路略通華局爲軍隊所據不知何時能騰出渭局振東

日

記
卷一

二二

等尙勉支持然無所事事讀水經注趙氏目錄卷二十六
巨泮水一稱具昧一稱巨蔑一曰胸瀾皆一聲之轉無緣
作巨泮也案詩河水瀾瀾漢書地理志引作泮泮是泮卽
瀾字也巨泮水定是巨泮水傳寫之譌王益吾博采諸家
至爲明備未及見此因訂正之

二十七日微陰卽舊歷二月十五日星期三早九鐘興讀
水經目錄讀小說尸櫃記一本讀水經注浙江篇

二十八日晴卽舊歷二月十六日星期四讀水經注目讀
上元梅筠谷先生芳鈔本雜文一冊中有大父季海公秋
山詩一首敬錄於左芙蓉天半現雕劓爽氣朝來逼遠巖

絢爛莫嫌紅葉晚分明不受白雲緘連番細雨峯如洗一
夜西風草徧芟攜手蓬萊最高處請看山骨盡峻嶮 碎
玉詞集李義山七律六十首闕名湖居上下平三十首均
佳無暇鈔錄惜哉

二十九日晴卽舊歷二月十七日星期五訪郭希仁見商
務館初印通鑑甚佳希仁欲求通鑑以前歷史佳本予舉
黃薇香周季編略告之此書博采史記周秦諸子綴合而
成而一一條具出處並別其異同於下去取之間至爲精
審左傳以後溫公通鑑以前二百餘年記載書無善於此
志矣自希仁許歸道過南院門購名山勝概殘本六冊讀

水經注目

三十日晴卽舊歷二月十八日星期六早八鐘起讀水經
注目錄完各水與今源流同者悉照楊惺吾圖及鄒童今
地圖註於目下更擬列爲一表以屬註水名列第一格以
趙目所引班志說文諸家說列第二格而以今日水道備
列俗傳諸異名爲第三格如此讀鄺書較有眉目亦可免
知古不知今之弊矣

三十一日晴卽舊歷二月十九日星期早往閩甘園處與
田桂舫同觀字畫佳品甚多幾如行山陰道上目不暇給
余非內行不敢言賞鑑旁聽桂舫與甘園談論亦足增長

見聞歸途遇沈幼如言有劉文清書札墨跡約明日攜來
共賞之讀水經注涇水篇

四月一日卽舊歷二月二十日星期一晴道過南院門購
四書旁訓饒珊叔十國雜事詩各一部午飯後沈幼如來
攜有劉文清郝廷光墨筆冊頁兩種秦刻李元賓觀集一
本元版初印極佳郝嘉慶時江都人小楷秀潤不知爲何
人俟攷

四月二日卽舊歷二月二十一日星期二訪董雨麓並觀
成德中學基址東至北大街西至蓮池岸南至二府街後
北至王家巷前共占地七十畝規模之大可知讀說文釋

日

記
卷一

四
一

例第一卷

四月三日卽舊歷二月二十二日星期三讀恆農冢墓遺文一冊殷虛書契考釋半卷

四月四日陰卽舊歷二月二十三日星期四晚讀十國雜事詩

四月五日陰卽舊歷二月二十四日星期五今日清明晚讀十國雜事詩翠墨園語黃紹箕跋說文古籀補條舉其失十有三端語多中肯六舟僧名達受舊藏宋拓太清樓書譜後歸覺羅雨舫中丞崇恩題跋甚多悉具此書

四月六日卽舊歷二月二十五日星期六雨讀三垣筆記

四月七日卽舊歷二月二十六日星期答拜張聞乘見魏
造像四種二神龜年一正光年一無年號得之臨潼石新
出櫟陽鎮今在臨潼縣華清宮尙有零星數石未拓贈温
泉頌一分精拓本也

四月八日雨卽舊歷二月二十七日星期一讀孟子正義
郭希仁來談自書詩經雜說一本攜來讀郭詩經雜說數
開十國雜事詩前蜀一卷

四月十九日晴大風卽舊歷三月初九日星期五飯後出
門往省長公署見祝竹言並見岳立山同年吳敬之陳册
襄周子敬作詩鐘三聯題符堅茶船子敬閱卷余一聯取

第二

瑞占池水雙蒲長
載得雲腴一葉輕

四月二十三日卽舊歷三月十三日星期二訪張扶萬談甚久扶萬贈尙書今註音疏二本與我所購合之仍闕一本美中不足也甯月樵亦來座未久去索雁塔旅行記一份此吾前歲爲第三中學生改作批評詳細明淨少年稍肯用心讀之定當心花怒發

五月十三日卽舊歷四月初四日星期一讀蔡鶴嶺石頭記索隱一卷此書謂寶玉巧姐影胤初黛玉影朱竹垞寶釵影高江村探春影徐健庵王熙鳳影余國柱湘雲影陳其年妙玉影姜西溟惜春影嚴蓀友寶琴影冒辟疆劉老

老影湯潛菴石獸子事卽戴名世南山集包勇卽方苞黛
玉代寶玉作杏帘在望詩卽張文端爲漁洋捉刀事大都
依稀影響之談其比附牽強有極可笑者與紅樓夢索隱
一書穿鑿附會正復相同後附董小宛考力駁彼書以情
僧爲清世祖以小宛爲董鄂貴妃之謬極翔實可取

五月十七日卽舊歷四月初八日星期五讀楊傳九苞西

湖秋柳詞其族弟楊拙園新知註詩極秀逸註尤詳博讀趙

飴山談龍錄論詩極正語訐漁洋太過則恩怨報復其實

於漁洋無損也惟朱貪多謂竹王愛好謂漁兩語極確

五月十八日晴卽舊歷四月初九日星期六早讀國朝詩

日

卷一

六一

別裁第十二卷

五月二十日晴卽舊歷四月十一日星期一擇讀國朝詩
別裁中近體詩一卷至八卷

五月二十二日晴卽舊歷四月十三日星期三讀杜樊川
賈浪仙詩

五月二十四日卽舊歷四月十五日星期五讀別裁十三
卷至十六卷

五月二十六日卽舊歷四月十七日星期六趙宋丞來談新
購帖數種內有貞觀八年倉窖題名一種似匠人以錐刻
畫鐵畫銀鈎挺秀天然致可愛也呂憲墓表八分書極佳

然非原石

五月二十七日卽舊歷四月十八日星期一讀天山客話
艾子後語猥談半野村人閒談蓉塘記問抒情錄臨漢隱
居詩話延州筆記北窗嚙語各一卷

五月二十九日卽舊歷四月二十日星期三讀歸田詩話
卷下別裁卷二十

六月二日卽舊歷四月二十四日星期六
冊楊佛士變雅樓詩徵序神似南華易實甫登飛雲峯絕
頂朝神似太白張峯石一均在第四期內暇當錄之姑識
於此楊雲史鑑北游五律四十首後幅紀近事可取者甚

日

記
卷一

七一

多惜懶於鈔錄也

六月十日即舊歷五月初二日星期一宋丞有劉平國碑跋一張攜歸暇當錄之碑後

六月十二日即舊歷五月初四日星期三讀隨園詩話第一至第四卷此書板本惡劣訛字極多悶損人也

六月二十日即舊歷五月十二日星期四晴今日甚熱讀梁卓如德育鑑梁平生學問得力於陽明先生其爲人鄙人崇拜數十年私目爲中國第一人乃長財政數月各關監督及各財政重要人更換大半川督羅之搗亂川省亦梁暗中助力而皆由賄賂致之然此猶可謂報紙傳聞或

未可信惟嗜賭一事則在京友人所述確非虛談每日下直卽入賭場一擲動以萬計此財何來且嗜賭若命不知陽明先生當日有此否

六月二十一日卽舊歷五月十三日星期五雨讀易實甫順燕榻集一卷魂西集兩卷與樊先生唱和詩最多

六月二十二日卽舊歷五月十四日星期六讀國風報第二十年十期滄江致部州報一書自辨被誣至爲明透然以民國任國務員後所行觀之則言行不相副我中國以如此之人才一朝得志亦隨俗波靡不克自立他何論乎

六月二十四日卽舊歷五月十六日星期一讀國風報第

二年十四期至十七期只購至此以後無從搜求惜哉南海游西班牙記從十七期始登起此書極可讀也梁上南海排律百韻雅近梅邨其丰骨在元白上此才真不可以斗石計人品乃一敗塗地可慨也夫

六月二十九日卽舊歷五月二十一日星期六傅長春彤臣觀察長子在南校場騎兵團爲團副彤臣守鳳翔時延余主鳳起書院未久以禮去官賓主至相得公學問文章爲一時之冠而性情和厚藹然仁者服闋後改官直隸癸卯應特科試入都公正在都相見兩次嗣後不復見未久遂歸道山公二子在鳳時從宋子珍讀皆十餘齡今長君

以保定陸軍學堂畢業任軍官次君留學美洲善人多有
好兒孫信不誣也

七月一日卽舊歷五月二十三日星期一午前出門至文
獻巷借痰盂至東二道巷十號答拜劉蓮浦未見訪芝逸
勿幕亦在座暢談知參院議員爲宋芝田何達夫郭蘊生
武念堂王蔭之五人看漢碑數十種倉卒不能細讀因言
借歸讀之勿幕允飭人送來讀漢書西域傳

七月三日卽舊歷五月二十五日星期三早七鐘興八鐘
半往端履門赴南右嵩之約同席郭希仁車立齋祁俊生
李翰臣趙宋臣曹古馨其一人忘其姓字便飯甚精潔遠

勝肥魚大肉座客無達官清談頗快飯歸讀宋元明詩選
七絕一卷 五雲深處息鑪烟丹竈今宵火候全鍊得黃
金成底用昇仙別有好因緣 淮南學道幾經年一日乘
龍上九天誰料雲中有雞犬餘丹舐得亦成仙

七月六日卽舊歷五月二十八日星期六代劉少樓擬家
譜派名詩一首 奕葉清芬遠淵源溯漢京真人起豐沛
碩德始彭城天祿傳經術宏農著政聲箕裘期勿替百世
盛簪纓讀墮園詩話十二卷

七月十一日卽舊歷六月初四日星期四姚伯麟由東京
歸與之同住在東留學十餘年始歸可謂有志之士見中

華圖書館初印十八家詩鈔甚佳擬函購之借梅仁山毛詩本義四本前借律呂正義兩本太白詩一本鈔本雜詩文一本均還今日讀毛詩要義第十三卷此書集傳採用甚多

七月十三日即舊歷六月初六日星期六芝田參議應選入都集唐人詩戎馬闡天宇問君何所之此行既特達疑誤有新知戰伐何由定紀綱正所持煩君最相警排悶強裁詩一路經行處頻年不解兵殘雲歸太華晴翠接荒城一作驂騑開道路豺虎正縱橫以爲傷時易之戚戚去親愛萋萋滿別情還將兩行淚千里贈君行

七月十五日卽舊歷六月初八日星期一早送致芝田信
隨得復函內言集句詩有餽釘碎玉二集未見其書暇當
覓其書讀之竊意黃唐唐之香屑集儼如無縫天衣兩書
恐未必出其右

八月三日卽舊歷六月二十七日星期六景莘農來攜詩
稿一冊共詩十八首響切光堅於此道入之甚深未易才
也

八月二十八日卽舊歷七月二十二日星期三讀井勿幕
詩卅首略爲改訂作孔安國傳一篇並駁文獻通考所輯
原傳郭希仁屬作也

八月三十一日即舊歷七月二十五日星期六改訂胡安國傳一篇

九月一日即舊歷七月二十六日星期改訂歐范胡瑗司馬四傳早希仁來因將昨所修改各傳先交攜回又交來寫定本各傳屬較誤字希仁去未久即著手較對盡一日之力閱竣明日即可交卷也

九月八日即舊歷八月初四日星期今日又霖雨一日令人悶損夏日集唐人五言詩得五百餘聯重行分韻錄出達兒有志學詩然不知裁對押韻擬郵寄示之實學詩之第一入門法也讀遊戲雜誌說部中酒令一則仿天方夜

日

記
卷一

十一

談而作意趣橫溢而詞尤濃豔亦初學駢儷文字之津梁也游戲雜誌只出至十九冊而止令濤生分編改訂爲二十二冊較便披覽 老人好讀小說特購此以娛之

九月十日卽舊歷八月初六日星期二校訂先儒小傳五篇

九月十一日卽舊歷八月初七日星期三讀十人家詩鈔太白五律一卷歷代地理沿革志總綱第三卷

九月十二日卽舊歷八月初八日星期四作祝丁液羣太翁六十雙壽詩兩首草稿錄後容改訂後再清寫致郭希仁一信送先儒小傳十篇

九月十九日卽舊歷八月十五日中秋星期四讀西廂記
畢復讀續記便不復能耐此書實惡劣聖嘆肆口痛罵亦
不足責

九月二十六日卽舊歷八月二十二日星期四在問渠家

小坐借讀書譜歸讀之此書靈石耿斗垣名文所著指示

初學門徑甚詳盡大旨不外南皮輜軒語而更爲明白其
藏書八萬卷有書目北方學者無其比也此書作於光緒
十五年而東南學人尙無知之者可惜焉

九月二十九日卽舊歷八月二十五日星期讀耿斗垣目
錄學九卷其中論法帖頗詳鈔錄無暇置之此君尙有仁

日

記
卷一

十二

靜堂書目紫玉函書目萬卷樓藏書記三種並目錄學讀書譜共五種叢書舉要及彙刻書目正續編均無其書蓋僻在山右南中未之見也擬託山右人訪購之

十月二日即舊歷八月二十八日星期三晚讀思亭詩草

鈔本此詩全是自寫性靈清新如話字法雅秀逼類華亭

著者不知其名其弟名長佶京城漢軍駐防道光元年辛巳舉

人十五年乙未進士山東肥城縣知縣當係其後人宦吾陝攜來者二年得之長安市中爛書攤上初未注意今細讀之實佳作也他年如有力當代爲排印以存其人不知今生有此日否如不能酬此願亦當什襲以藏願我子我

孫務體吾意有力代爲刻印勿使湮沒於我之手

十月十日卽舊歷九月初六日星期四病中讀才調集十卷思亭詩四卷此集古體皆不佳好用長句音節率不入格近體直寫性靈自在流行初若不經意而實醇熟到極處順筆寫出遂覺頭頭是道

十月十一日卽舊歷九月初七日星期五寫集唐聯八十余聯合計將九百聯擬再努力湊足千聯鈔寄元徵姪訂正後發印

十月十二日卽舊歷九月初八日星期六訪秦芷齋未見見三爺借汪梅村文集違礙書目各一部歸彼處尙有蘇

日

記
卷一

十三

州刻國朝著述未刻目一本暇當借來謄錄一分所載皆佳書

十月十四日即舊歷九月初十日星期一早起撰挽朱選
菴聯又撰贈王勉之醫士聯三付聯語錄後

撒手一朝成大覺

傷心卅載與齊年

挽朱選菴同年

種松勾曲陶真逸

賣藥長安韓伯休

清光昔飲上池水

良相今居勾曲山

諱病誰知在腠理

照疾能見人肝脾

右三聯均擬送王勉之醫士現在東街設一醫院兼藥房
首聯稍切藥房餘兩聯更泛也

十月十八日卽舊歷九月十四日星期五飭武振請客取款武振持回天福同兌條一千兩三鐘時劉滄麟李問渠閻甘園與劉姓之客二人一姓同來交契交款飭存唐往接內子歸四處拊湊只得一千二百八十兩當卽面交清楚欠銀二十兩一半日交滄麟手正草契各一紙原紅契二紙點收清此事至今日始告成功蓋謀畫此事七年卒未得成今日始如願惟此房破碎太甚再得千金修理佈置可爲娛老之地此生固無奢望也

十月二十日卽舊歷九月十六日星期房金短數二十金面交滄麟此事自今日完全辦竣

日

記 卷一

十四一

十月二十九日卽舊歷九月二十五日星期二撰牛引之
挽聯一付如左 秋色正蕭疏常遣緋衣召長吉故交當
寥落更揮老淚哭侯芭

十一月一日卽舊歷九月二十八日星期五唐聯寫出清
本合計千一百四十餘聯又雜集歷朝人詩句百五十餘
聯共千三百餘聯財力稍裕當排印以贈同人此遊戲而
有益於學問者也

十一月六日卽舊歷十月初三日星期三李約之託擬輓
聯太早送去急就章不能佳也

秉祖訓以育才三輔人材蒙教澤

仰徽音兮未遠千秋巾幗奉儀型女子學校全體同叩

慈訓猶存佇文孫力挽狂瀾肅清三輔

徽音未沫仰賢母芳留彤管儀範千秋女子學校校長李博叩

十一月十五日即舊歷十月十二日星期五昨枕上作挽

夢竹聯云 本中表戚更深文字交一月中兩訂君詩研

競病審推敲墨瀋猶新頓成永訣 現宰官身兼習岐黃

術十年來四爲民牧箴膏肓起廢疾口碑長在不愧良醫

十一月十八日即舊歷十月十八日星期一撰賀茹卓亭

生子聯如左 跪履數從圯上志東坡和張郎中春畫

生子當如孫仲謀元吳師道赤壁圖吳蘭溪人

日

記 卷一

十五

卓亭仁兄從我游才十許歲自博桑學成歸回佐戎幕任
議員運帷幄深謀合天下大計頃復生得寧馨兒爲聯賀
之吾非黃石甚望子爲張子房也

十一月二十四日卽舊歷十月二十一日星期往吊夢竹
挽聯十餘惟徐與如聯馴雅自然云 杯酒昨言歡風雨
一樓妙謔清言猶在耳人琴今並去鄉關千里大行恆岳
許招魂聞井勿幕遇險之信不勝哀慟勿幕與我十年前
東瀛一見近三年彼此以文字切磋甚相契洽且其人曾
廁身同盟會而天性好學醇醇然一學人吾陝劫運未終
失此中流一柱爲私情痛更不能不爲大局惜也

十一月二十五日卽舊歷十月二十二日星期一枕上作
挽五妹一聯云此際復何言多智多謀痛汝一世聰明隨
逝電前塵了如夢以養以嫁惜我十年心力付東流 早
訪芝逸知勿幕凶問屬實刺之者李東才有一傅姓在座
卽勿幕副官也少時漱兄亦來楚囚相對旣痛逝者行自
念也

十一月二十六日卽舊歷十月二十三日星期三師範學
生張君名德本縣人家住書院門治說文之學苦不知古
均分部之故介梁峻臣來見欲就商榷余告以先看六書
音韻表如有不解條記來問當就所知答之

十二月九日卽舊歷十一月初七日星期一昨夜枕上作
挽壽臣族弟聯如左讀杜集十三卷終三更寢 回首前
塵故里言歡恍如昨日傷心此際吾宗不幸又失斯人

十二月二十一日卽舊歷十一月十九日星期六枕上作
祝王潔夫太夫人壽詩王浙江黃巖人陸軍中校前充督
署軍務課長現榷釐大慶關其家以釀紹興酒致富祝壽
期冬月二十七歐戰告終南北和議開始詩語就此著筆
尙不泛

詩已入集

讀叔父子靜公金石考證兩卷此外公所著

筆記雜考金石文字甚多獨到處書只餘兩本一題第十
本一題攀古閣金石史其簽下題有第二卷之字此書至

少不十本今所存只此可痛也

民國八年一月二十七日即舊歷十二月二十六日星期
一病中作對聯數付補書於左

賀仲和納兩妾

舊歷正月
初二

昨宵春入屠蘇暖 今日花開並蒂嬌

代仲和擬爲姪權娶婦門聯

粗了向平願 敢云阿買賢

綉餘再補離騷註

女家

粧罷低吟摩詰詩

挽李襄初旅長

代曹
鐵珊

勒銘紀績載筆書勳愧我才非曹子建

日

記 卷一

十七

結髮從戎捐軀殉國至今人惜李將軍

又集句

代仲和

身當恩遇常輕敵 死到沙場是善終

二月二十二日即舊歷一月二十二日星期六枕上作挽

薛麟伯聯如左

絳帳談經恍如昨夢 絮酒致奠遂隔平生

三月七日即舊歷二月初六日星期五購水道提綱一部
係許竹簣侍郎贈樊山先生藏本可寶也到局讀水道提
綱黃河及入河諸水篇

四月十日即舊歷三月初十日星期四早十一鐘到局代

于哲生擬挽俞樸臣夫人聯一付如左 撒手西歸夫婿
多情視此十齡嬌女 側身東望故鄉無恙誰招萬里芳
魂 乘車至教育廳希仁請張衡玉余古詒作陪客同座
皆熟人惟張公係初見讀張公寒雲詞七古一首入關雜
事十絕句三鐘入席四鐘半客散希仁屬作手寫道德經
跋語五鐘歸景莘農送來音聲樹下集並問二曲先生遺
事晚劉楚材來談二更後去讀音聲樹下集終

四月十一日即舊曆三月十一日星期五南老屬作長安
日報祝詞曹健菴挽聯即刻歸擬就祝詞令午正送去接
塵來談定更後去擬就挽聯四付如左祝詞稿另錄雜記

中 入陳六花有帳下兒郎能傳戰法 一朝千古痛關

中豪傑頓失師資 家學淵源註十三篇兵法 英名震

疊遍百二重關山 曹劇論戰鄙肉食無遠謀願與當代

英雄一雪此恥 武侯治兵以妄殺爲大戒更望後來豪

俊永識斯言 教成六郡良家子 長作三秦禦侮材

四月二十三日卽舊歷三月二十三日星期三接王幼農

信寄自蘇州贈煙霞草堂集一部

四月二十五日卽舊歷三月二十五日星期五到局擬聯

語一付歸 挽駐漢二十二師參謀衛雲衢中校

墜馬死
代劉南

志

馬走長安撒手竟隨春共去 烏啼夏口有情應紀

鶴歸來

四月二十七日卽舊歷三月二十七日星期至樹德堂看書有南北史識小錄一部搜求數十年未得者索價過昂未購

四月二十九日卽舊歷三月二十九日星期二樹德堂贈方宦售世文一部缺售世文一冊此書顧晴谷曾贈一部失於南京累覓不得無意得之大快也

五月二十三日卽舊歷四月二十四日星期五徐壽軒家以車來迓到彼未久卽點主臨時撰贊主詞四句曰譽滿南州派延東海福裕後昆簪纓百代

五月二十九日即舊歷五月初一日星期四早楊君來

在

大街紅十字會
對過百零六號久談此君藏書頗富

五月三十一日即舊歷五月初三日星期六大雨一日四

郊霑足大喜無量道滯不能出門讀陳樸園四家詩異文

箋三卷

六月四日即舊歷五月初七日星期三讀韓詩解七八卷

六月七日即舊歷五月初十日星期六十鐘到局代吳葆

三擬爲子完婚聯語二則 第一聯原闕 漫云立功立

名歎梁孟風微第料量荆釵布裙同修淑德 對此佳兒

佳婦喜向禽願了好整頓芒鞋竹杖徧踏名山擬一半日

往仲唐處與之暢談問學於我情意殷摯良可愛信中述
及勿幕生前與伊談及讀書必念及於我失此良友深可
痛悼拉雜寫之擲筆涕零而吾日記第二冊遂於此終篇
六月三十日卽舊歷六月初三日星期一至督署祕書處
與宋幹庭世叔談崑腔此公於此道入之甚深現年七十
三設無傳人此事在陝真爲廣陵散矣

七月一日卽舊歷六月初四日星期二訪楊書卿託致函
吳保仁代購後漢書集解並訪分類皇清經解價值著石
聲略釋第一聲畢

七月三日卽舊歷六月初六日星期四早十鐘出門至良

甫處不遇到局作石聲淺釋畢稿甚潦草當更書一本方可看

七月四日卽舊歷六月初七日星期五石聲淺釋另錄一稿

七月六日卽舊歷六月初九日星期赴劉樂天之約見宋版程史一部京客出價四十元未賣借石聲文釋存一本海鹽張苞堂燕昌著貴池劉世珩刻劉氏並刻金石契足本未見也歸讀石聲釋存不如張氏德容金石聚之精確

七月八日卽舊歷六月十一日星期二大雨道瀟未出門讀說文釋例第一卷

七月九日卽舊歷六月十二日星期三讀說文釋例第二卷

七月十一日卽舊歷六月十四日星期五大雨未出門讀墨子閒詁一卷說文釋例第五卷

七月十九日卽舊歷六月二十五日星期六馬良甫來將石聲涉用小爨碑體臨一過中有誤字須爲正之黃仲唐示七律一首

七月三十日卽舊歷七月初四日代東初撰賀當鋪開張聯云 有無可通緩急所恃 泉源不竭子母相生

七月三十一日卽舊歷七月初五日星期四早仲和來拜

先生十二鐘趁車至局太熱小坐卽歸李靜菴彭念孫均
來閒談歸作題扶萬計樹園圖七古一章飯後看節臣王
守金劉楚材亦在座談甚久暮歸

八月三日卽舊歷七月初八日星期接嚴毅孫信一件

雁峯

三知雁峯於去歲病歿成都讀金石學錄四卷李遇孫著

號金瀾嘉興人實甫富孫
族弟書成於道光二年

八月八日卽舊歷七月十三日星期五早張接塵來云明

日往鳳縣探友飯後同往局接塵領薪去余代哲生撰湯

太宜人挽聯一付云 躋上壽八旬生當浴佛

四月初八日生

先立秋三日遽賦遊仙

七月初十日故

今日立秋初十正先三

日也因自撰挽彭硯孫太夫人一聯云 登上壽八旬福
齊金母 遲天孫一日駕返銀河 彭母七月初八日故
也作陳新羅真興王巡狩所管碑跋一則爲朱敘五屬題
八月十日卽舊歷七月十五日星期託長甫函達其尊翁
楓宸先生覓精印大本漢石例此書板存濟南厚宰門會
友堂接塵爲購一部普通甚草率

八月十七日卽舊歷七月二十二日星期今日未出門讀
顧襟癯石言六卷終

八月十九日卽舊歷七月二十四日星期二讀杭堇浦石
經考異半卷歸讀陶淵明全集圈點一過詹氏詩集註少

日

記 卷一

二十二

可取者閒錄

板均甚劣也

八月二十一

出門到局二

人壽聯一付

此聯若改云
稱七秩觴更

七月二十六

人任姓今年

八月二十二

文名士劍雁
姪穀孫族

種如左 關中金石記計四本戴東原集六本空同詩集
六本信陽詩集四本滄溟詩集四本弇州詩集十六本均
佳紙精印本可寶也

八月二十四日卽舊歷七月二十九日星期早劉曉初來
談爲改挽晏海臣聯一付 數百年齟弊未除賈恨西歸
蜀道淒涼怕聽遺民談往事 九十日赴書方至舉頭北
望燕雲慘淡感深知己賦招魂 致王幼農函附題小像
詩二首並寫寄近作及集唐宋詩

八月二十九日卽舊歷閏七月初五日星期五接王幼芸
函南老命擬九月一日追悼會挽聯共得三付如左 諸

日

記 卷一

二十三

君皆關輔健兒那知彈雨鎗林拚百萬頭顱甘向沙場同
一擲 是地乃秦藩故址對此斜陽衰草九原落翼聊將
杯酒吊孤魂 故宮寂寞空秋草 新鬼煩冤是國殤
百歲無幾何烈士殉名四塞河山壯聲色 九原不可作
英雄遺恨萬方寇盜尙縱橫

八月三十日卽舊歷閏七月初六日星期六昨夜補作挽
聯一付曰 恩怨兩忘願我成仁志士方命游魂同歸正
覺 河山如昨對此冷殿斜陽故宮衰草一弔英靈

九月二十二日卽舊歷閏七月二十九日星期一撰挽范
太夫人安葬聯云 范母賢聲常留梓里 裴家吉地近

傍粲林北史裴俠傳

九月二十八日即舊歷八月初五日星期致楚材一片託覓分類皇清經解讀莊子德充符大宗師應帝王三篇取曲園說之善者書於湘刻本之眉

九月二十九日即舊歷八月初六日星期一前在薛家見劉南老自撰壽聯云與君子百歲慶偕老先中秋十日祝齊眉與我前作挽湯挽彭二聯同一用意兩聯載八月八日日記中

十月五日即舊歷八月十二日星期致掃葉山房信一函附藝文旬報卷一紙郵票六角六分購雷氏說文四種詢廣刻全史樣張明日附郵掛號午後一鐘萬文泉旭如叔

姪來談旭如云說文統係圖覓得中題跋擬鈔錄後送來
忻喜之至此圖係商城楊鐸爲先大父所繪白描藁吾家
三世好治許學吾好之尤篤此圖本貼吾齋壁光緒中年
萬賓耀世兄借去未幾賓耀卽世今旭如覓得珠還眞大
快也

十月六日卽舊歷八月十三日讀荆楚歲時記諸子精華
本有誤字以漢魏叢書本校勘之

十月十五日卽舊歷八月二十二日星期三早敬之來談
借周季編略一部十三經註疏一套還去並贈湖南書單
一紙

十月二十五日卽舊歷九月初二日星期六昨日陸軍革命紀念日今早呼榮送說文統系圖來並傳言今日補放假一日十鐘敬之來還周季編略

十一月五日卽舊歷九月十三日星期三擬挽鎮嵩軍陣亡將士二聯十月初一在蓋屋縣開會追悼聯語如左

豹死留皮人死留名萃兩河少年著三秦戰績 山曲曰

蓋水曲曰屋假名儒故里招烈士歸魂 諸君稟嵩岳精

靈轉戰入秦中慷慨捐生勁節英聲徧三輔 二曲是名

儒故里招魂歌楚些馨香無愧聖賢豪傑共千秋

十一月十八日卽舊歷九月二十六日星期二擬陳督軍

日

德配盧夫人挽聯四付均與周雅初借用錄如左 十八
年新婦承歡兩代慈親孝思不匱 二千里津門回首三
秦故國魂兮歸來 丁字沽西迎歸丹旆 九巖山下靜
閱玄宮 鬱鬱新阡近傍漢家宮闕 悠悠我里常依秦
地山川 生也榮死也哀芳留鳳琯 山之南水之北吉
卜牛眠 又補撰一聯備同書曰 隴以東陝以西羣欽
壺範 山之南水之北肇啓新阡 又代奧壽如撰挽謝
寶山聯曰 養望東山百戰功勳屬兒輩 歸神西土千
秋名德在鄉閭

十一月二十日卽舊歷九月二十八日星期四代劉樂天

擬挽陳夫人聯一付云 賢淑聲聞德星里 寂寥春冷

莫愁堂 甚劣立候無暇改削也

十一月二十六日即舊歷十月初五日星期三購八言對
聯一付撰祝蔡堯階太夫人聯一付云 綵服承歡有劉

家三嘏 焦桐獻曲祝王母千秋 余哲生來託代擬王

鴻初斌尊人聯一付云 販匱扶危名賢合住攜仁里

戡亂定暴令子真爲濟世才

十二月七日即舊歷十月十六日星期讀述學畢文格高
古詞鋒駿厲可學也

十二月八日即舊歷十月十七日星期一讀論衡國故上

日

記 卷一

二十六

中卷

十二月十一日即舊歷十月二十日星期四撰聯三付

補賀韓綰青新婚

其婦孟益民女

室有孟光人第一

才如韓

信士無雙

賀韓繼雲世兄續弦

其婦蘇漢卿女

織錦奇文仿

蘇蕙

催粧豔體續冬郎

又代馬良甫

綠窗倡和香

奩集

金字迴環織錦圖

代劉養伯挽魏英伯

同教

授於鄉邦文章我愧劉阿士

痛朋儕之零落志行今無

魏仲英

十二月十六日即舊歷十月二十五日星期二荷汀對擬

成云

爵晉東方對南山而獻壽

筵開北海祝西母之

遐齡

祝高財廳長
太夫人王壽

十二月二十日即舊歷十月二十八日星

伯聯代南老作即時交卷 化普鱸堂兩

風寒馬帳三秦士子失儀型

十二月二十四日即舊歷十一月初三日

作高太夫人壽敍一篇以公羊學說發揮

見

十二月二十五日即舊歷十一月初四日

聯挽王太夫人聯 和以事夫溫恭有度

死相依

日

十二月二十六日卽舊歷十一月初五日星期五劉燕生
託擬高太夫人壽聯要長至二十字外於次日枕上成之
云 日照潼津雲橫華岳峯連太乙雪霽終南佳氣滿關
中好事爭傳共看王母今宵開夜宴 桃獻方朔酒進麻
姑瑟鼓湘靈笙吹子晉眞仙來海上先期介壽恰好秦皇
明日臘嘉平

君子館日記卷一終

君子館日記卷二

長安毛昌傑俊丞著

民國九年一月二日即舊歷八年十一月十二日星期五
昨撰聯二如左 才人合儷黃崇嘏 吏隱羣欽李少温

賀李問渠續
弦女家黃姓

望斷白雲千里關山游子恨 風淒絳帳

滿天冰雪茂陵秋

挽南霽生
右嵩之父

一月五日即舊歷十一月十五日星期一到局代平甫擬
挽南霽生一聯云 驛路瞻雲游子傷心燕市月 鱸堂
布化經師遺澤伏波村

一月七日即舊歷十一月十七日星期三出門至澍信堂

看書有明板六臣註文選大字軒爽出價三十兩不賣又有千家集註杜詩一部簽題南宋刻本其實明人翻元刻也京估已出價二十元尙需加增方可買

一月八日卽舊歷十一月十八日星期四澍信堂來約今早往伊店早十一鐘出門卽到伊處云六臣註文選已賣價銀三拾兩十二鐘至局讀六臣註文選細校卽繆藝風所藏明嘉靖袁氏翻宋本與藝風藏書記所述悉同按六臣註仍不出李註範圍精博遠不逮李註然亦有時可補其闕且抒通作意處頗便初學故坊行評林本多所採錄固亦不可盡廢也

一月九日卽舊歷十一月十九日星期五至明德書局看書遇謝文卿久談到局已一鐘後矣五鐘歸文卿余在日本調查學務時曾見意以爲留學生於舊學不甚注意前日在樂天家會食復見之略一傾談彼於吾國學問門徑知之甚悉今日復接談經史詞章均能言之了了且其氣象亦極沈細靜穆絕無學生習氣甚可喜也其堂兄號瑞生好書畫昨在甘園處曾一見之文華齋謝六之子也

一月十日卽舊歷十一月二十日星期六在張得祿處看王山史手寫左傳共十冊索價六百元筆墨甚舊然是否的出山史手不可必五鐘歸還澍信堂石印文選一本在

日

記
卷二

二二

裕興看史記彙纂共十卷清初人選索價二元船山詩草
索價一元未買南右嵩送來其尊人墓志屬改太簡略因
另作一篇至雞鳴始寢

一月十五日即舊歷十一月二十五日星期四昨夜代仲

和擬蔡太翁挽聯一付 初度古稀年龍蛇入夢一十七歲

恰當長至日鶴雁迎歸初冬二月初二 早仲和遣人來索蘇打並

將聯語改定付之改之如左 渭北春歸葭瑄剛逢長至

日 嶺頭雲暗椿齡初過古稀年

一月十六日即舊歷十一月二十六日星期五昨夜成賀

田毅民團長尊翁壽聯一付與胡平甫合送 哲嗣能傳

司馬法 耆年合錫富民侯

一月十九日卽舊歷十一月二十九日星期一早九鐘仲和來同往高府祝壽今日正期也看戲珍珠塔全本脚色甚佳譬如作文聚精會神之佳構通篇無一懈筆頗難得也

一月二十一日卽舊歷十二月一日星期三張節臣來談新購角山樓類腋一部贈之節臣擬南霽生挽聯二付其一甚佳錄如左 生而爲英死而爲靈石曼卿主芙蓉城公宰洛川後先媲美 行可以渠言可以範曹子建著學官頌我慚大雅稱述無能

日

記 卷二

三一

二月一日卽舊歷十二月十二日星期看敬之稍談歸敬
之言有王子安詳註集甚佳當向文瑞樓購之昨夜至今
午得大雪歡喜無量

二月十二日卽舊歷十二月二十三日星期四昨晚擬

老母壽聯二付 春歸九日 節屆千秋 詩詠南陔潔

白以養 年齊西母福壽而康 又書常銘卿屏一幅韓

縮青對一副集長吉句云 薄霧壓花蕙蘭氣 羲和敲

日玻璃聲

二月二十九日卽舊歷正月初十日星期昨夜成挽聯一
付代謝吉三挽桂漢臣太夫人 賢郎號百里神君治譜

流傳棠陰比事 慈母乃萬家生佛祥雲擁護蓬島歸真

今午始改定羌無故實甚難切合也

三月九日即舊歷正月十九日星期二昨晚擬輓曾子才

祖老大人聯一付代明侯 廳長 元養參參養哲曾氏家風一

門賢孝 公慚卿卿慚長太邱道範百代儀型

三月十日即舊歷正月二十日星期三昨夜復成輓曾太

公聯一付擬與謝吉山同送也聯云 家學淵源遠溯南

豐類豪 名山俎豆近依丞相祠堂葬於定 軍山陽

三月十三日即舊歷正月二十三日星期六仲和函託擬

對聯送仁濟堂藥鋪開張 仁民常蓄籠中藥 濟世仍

多海上方

三月十四日卽舊歷正月二十四日星期郭希仁來談託
代撰挽曾太公聯云 至德可師圖畫百城夙仰太邱道
範 佳城永奠馨香萬古常依丞相祠堂

四月一日卽舊歷二月十三日星期四看希仁知常銘卿
墮水死十六日午開追悼會傷哉吾門佳士日益零落

四月二日卽舊歷二月十四日星期五寫致振新書社函
一件匯洋四元郵票四角七分購書七種作挽銘卿聯一
付云 濁世難與居羨君汨羅江邊下從屈子墮洛河死清
才不易得痛我草玄亭畔又哭侯芭

四月十一日卽舊歷二月二十三日星期十鐘去至桂漢
臣家弔其太夫人見孟益民約同至其家看舊拓九成宮
有翁松禪跋云係宋拓其實並不舊恐非此板之跋語十
七帖一本甚佳云某君得自朝邑劉氏

四月十三日卽舊歷二月二十五日星期二讀徐湘秋

蘭生

南京人集詞詩鈔天衣無縫不亞黃唐堂香屑集也

五月九日卽舊歷三月二十一日星期前日代胡麗生擬
挽督軍王夫人聯如左 月冷空閨傷心綉祿三齡女
魂歸淨土回首紅塵十九年

五月十日卽舊歷三月二十二日星期一晚改胡麗生詩

四首題係題柳陰臥馬圖末一首全改曰 天涯何處逐
英雄驪叔而今不參龍解斥銀鞍棄金勒綠楊芳草臥春
風 並書復函示以七絕平仄

五月十四日即舊歷三月二十六日星期五看湖南官報

書目一本內有歷朝經學史三卷羅田王葆山撰官報局主任

甚閱博京師優級師範會印於京華書局古文詞通義羅田

王葆山撰二十卷本名高等文學講義止八卷曾印行於漢口

維新書局再版於河南學務公所會萃羣書至六七百種
林琴南云百年無此作則其書可想惜無處覓得一觀之
也又長沙吳家瑞撰老子述韓二卷長沙曹鏡初墨子曹

氏箋十五卷讀騷論世二卷

屈子編年

列傳辨證

諸家敘贊辨證

天問疏證

長沙胡兆鸞墨子尙書古義三卷均當可觀記於此以俟搜羅

五月二十三日即舊歷四月初六日星期軟脚會今日定

在實業廳十鐘余先到廳十一鐘糜仲章來十二鐘周濟

生來一鐘會友續到齊

子端未到

仲章作詩一首仲唐竹言各

作二首四鐘散桓卿處見魏元銓元略元彥

新出元氏誌共三十八種

諸墓誌均極佳元銓誌據云十二元之代價新出土之品

如此之貴甚怪

五月二十九日即舊歷四月十二日星期六段濟○來恆

日

記卷二

六

煜送茶食二封又贈金文拓片六十張連前共一百二十九開皆精拓本可貴也此物丁君芾庭麟年所藏辛亥之亂段君之兄在街頭購得者其兄故濟○檢點書篋得之舉而贈我而我之舊藏散失都盡得此稍可解嘲也

五月三十日即舊歷四月十三日星期今日輦脚會第十次會址在祝竹嚴景樓上十二鐘到人尙未齊一點半人始到齊余出謎二十餘條猜去約三分之二詩鐘題爲石榴花諸葛亮余作二聯云 美人顏色紅裙妒 丞相祠堂碧草春 三分割據終身恨 五月繁華照眼明

六月二十日即舊歷午節星期擬挽憨次端封翁聯 有

丈夫子三人教成鸞鳳 先我佛生一日夢應龍蛇初四月初七月

歿日

六月二十一日卽舊歷五月初六日星期一昨夜成挽賈
善生太夫人聯一付 數海屋之仙籌大年五九 駕雲
輶而上駛逢令重三 又代郭希仁一聯 蓬島歸空正
吉月良辰節逢上巳 萱庭多樂有賢孫令子福備林壬
七月四日卽舊歷五月十九日星期早十鐘至俱樂部今
日爲輦脚會第十四次禾父以足疾未來盧子鶴今日新
入會會員共有十五人矣郭搏九來覓才坡談及顧華伯
有五十自壽詩二十首頗佳云四鐘散中途足疾又犯歸

日

記 卷二

七一

急以水溫之約一鐘時遂止

七月二十四日卽舊歷五月初九日星期六攜宣兒至圖書館今日撞詩鐘嵌字之笠二字余作兩聯一取元一取第三之江曲繞巴山路 笠澤新刊魯望書 之而作器傳周禮 笠屐成圖說志蘇

七月二十六日卽舊歷五月十一日星期一爲廳長撰壽楊耀海封翁聯云 四月八日爲生辰是瞿曇再世 二首六身書亥字與絳老齊年

八月十三日卽舊歷六月二十八日星期四早省長來召十鐘至省署先見竹言少時見省長云軍事略定急應整

頓實業命擬條陳就輕而易舉事興辦一二並普飭各縣
購買棉子明歲認真講究棉業湖南新出人工紡織器具
酌量購數具以爲百姓倡就近擇開煤鑛以濟晉炭之窮
談畢復往竹言處少時劉次風亦來余卽往廳與諸人商
之

八月十五日卽舊歷七月初二日星期答拜楊禮堂

守見敬

二十四史統計表一書附沿革表並表共三種約書五六
十本偃師人某所著有武虛谷敍其書頗宏富而未知名
別有米半紙印淮南局本楚詞一部極可愛鈔本曲譜中
有喬醋一折擬借鈔之

八月二十日卽
夫人聯一付交
能勤儉持家聰
窗共繡紗幔談

八月二十三日

世父子林公

集共四本兩夜

八月二十六日

軍劉夫人聯

北而節錢關中

幃雍穆亦佳婦亦令妻亦勤劬賢母千秋淑慎仰名門
相夫子十年名垂彤管 先天孫三日駕返銀河 勤苦
八年餘一夕秋風返瑤島 淒涼三日後雙星良夜會銀
河 一葉落秋風入世年華悲錦瑟 十年成大夢悼亡
詞句寫烏絲

八月二十七日卽舊歷七月十四日改作聯語如左 嫁
得湖海英雄出入戎行而漢南而渭北而節鉞關中十載
艱難資內助 並取郝鍾禮法主持家政爲賢婦爲令妻
爲慈仁阿姆一門雍肅仰遺型

八月二十八日卽舊歷七月十五日星期六洗元吉山均

日

記 卷二

九一

託擬聯因更湊一聯合得五聯 秋冷樂遊原馬鬣封崇
新卜地 神傷荀奉倩烏絲集賦悼亡詞 廳長楚材吉
山洗元並自用適敷用如再有浼作者則難著筆矣

九月一日即舊歷七月十九日星期三昨日爲楚材撰賀

宋紹正續弦喜聯一付 夫婿才華今宋玉 賢媛族望

古宏農

女家
楊姓

九月六日即舊歷二十四日星期一昨晚復幼農信今午
付郵託購歷代疆域圖早九鐘張子壽攜嚴翔鶴書來見
十鐘劉養伯來談檢經解短四百四十八七七百六十七
四卷函希仁商補緣希仁購得此書殘本一部也

九月二十二日卽舊歷八月十一日作左文襄墨跡跋語
一則錄下涇陽徐熙庵太常在諫院著直聲治河多政績
人鮮傳者曾典試湖南以搜遺卷得文襄兄弟士林至今
以爲嘉話夫以文襄之才之識不遇太常終有識之者就
令不獲一第終當以功名著於天下惟太常則因拔文襄
以顯名今之大人奈何不好士

十月二日卽舊歷八月二十一日星期六昨日擬挽劉介
夫太翁聯云 教諸子法言躬行不怠 悟大慧宗旨含
笑而終 早十一鐘至廳書之並爲楚材書聯一付其文
云 胙史枕經從此三秦失泰斗歸真返璞果然一笑證如

日

來節塵作也

十月三日卽舊歷八月二十二日星期擬挽周季貞夫人
楊夫人聯致季貞慰喪偶啓一封 撒手人間偏逢七夕
傷心天上正會雙星

十月五日卽舊歷八月二十四日星期二挽路夫人聯
嘆逝悼亡淒涼才過中秋節 相夫教子遐邇都稱內助
賢

十月七日卽舊歷八月二十六日星期四昨夜改路禾父
夫人事略並和仲唐詩一首 仲唐以照片見贈並媵以
詩依韻奉答 鷹鷂搏擊在層霄枳棘鸞皇屈下僚書合

羲之稱北面詩如元亮冠南朝丰標畫裏看逾峻塊壘胸
中知未消今夕吾鄉好明月與君駕鶴聽吹簫 附原唱

黃福藻
仲唐

一老巋然燦碧霄養親不畏屈閒僚桓榮絕學

尊三輔任昉高文冠六朝鏡裏容光人未老天涯烽火恨
難消程門早已稱私淑愧少新詞佐玉簫 早起改原詩
云 搏擊鷹鷂滿九霄誰知鸞鳳在閒僚清詞如水傾三
峽狂筆通天接六朝紙上風裁秋更峻胸中塊壘酒難消
吾鄉明月今宵好騎鶴同君聽玉簫

十月二十三日卽舊歷九月十二日星期六挽路禾父夫
人志冰金夫人 故國迢迢流水棲鴉鍾阜月 新阡鬱

日

記 卷二

十一

鬱西風殘照樂遊原 挽石又審代仲和 昔參蓮幕稱

名士 今主蓉城作散仙 賀党松年爲世兄合脞集句

郎君下筆驚鸚鵡

山義

羸女吹簫引鳳雛

洋漁

十月二十八日卽舊歷九月十七日星期四祝金澣東太

夫人七旬壽聯

九月十日

祝萬歲千秋壽齊金母 後重

陽九日酒進瓊觥

十月二十九日卽舊歷九月十八日星期五早十鐘至金

澣東家祝壽見敬之一聯云 母教著甘泉介壽秬侯斟

菊酒女宗瞻建業承歡束皙補笙詩頗典重

十一月一日卽舊歷九月二十一日星期一昨夜成浪淘

沙一闕題溪山無盡圖爲高漢湘廳長作早起書之並將
前日戲作一律書於卷中 畫手有荆關揮灑雲烟峯巒
重疊水灣環一幅剡藤天萬里無盡溪山 落葉滿長安
景色荒寒披圖我羨白雲間便欲將身移畫裏跳出人寰
十一月十七日卽舊歷十月初八日星期三至敬之家今
日請客並爲詩鐘之戲賈苦生首座右次張衡玉邱莼汀
盧子鶴祝竹言周子敬景莘農翟新齋鐘題郭泰熏籠余
作兩聯 千秋碑記中郎筆 三日衣留荀令香 此聯
取第四餘一聯因拗句被屏敬之第一其聯頗佳 遊學
鸞宮巾墊一 納妃龍邸聘貽雙 余惟嫌其龍邸鸞宮

日

記 卷二

十二

之字皆本典所無渾成終未到也但詩鐘之體向貴纖巧而不貴渾成也八鐘散

十一月二十八日即舊歷十月十九日星期午後一鐘代仲和擬挽聯二付云 往事難忘樽酒言歡廿年共飲粉

榆社 余懷曷已總帷高掛一卷空留淮海詞輓秦往

事憶三十年前對渭水晴光時懷舊雨 噩耗來二千里

外望淇園葉竹空賦停雲輓樊仲民

十二月九日即舊歷十月三十日星期四撰膠東道尹吳

永夫人盛氏聯 月暗雙珠故劍愴懷吳季子 臺傾重

璧靈輻遙酌盛夫人

十二月十日卽舊歷十一月初一日星期五評子逸右任詩卷畢和子逸詩一章 子彝詩卷中有見懷之作依均答之 詩別存

十二月十六日卽舊歷十一月初七日晚約九鐘地震時甚久余家西邊牆震墜一堵

十二月十七日卽舊歷十一月初八日星期五早集姚武功聯擬爲萊坡書之 繞舍惟藤架之武功縣中作三十首之一侵階是藥畦

憑欄記葉窠之武功縣中作三十首九就架題書目

十二月二十一日卽舊歷十一月十二日星期二寫挽聯一付並寫萊坡小對 挽涂老姑母何太夫人 月冷萱

日

記 卷二

十三

幃淑德常留青史範 灰飛葭瑄仙駟遽返白雲鄉

十二月二十八日即舊歷十一月二十日星期二早十一鐘復地震微動余未覺而家人俱云然想心怯所致十二鐘出門至廳寫條幅四為李文軒四鐘後與濤甥同車歸今日大雪雪水烹茗甚佳節塵代擬秦少觀太夫人壽詩四絕頗佳吳保珊所託也

民國十年一月六日即舊歷九年十一月二十八日星期四昨夜成題鄭麗泉先生耕餘教子圖四絕句即刻寫成今早遣人送之又擬聯一付代王勉之亦並送去又函索希仁新印說文部首聯語錄左詩稿寫入札記中 賀袁

佐卿爲其尊人立碑代之王勉士類爭歸袁彥伯書詞無

愧蔡中郎

一月八日卽舊歷十一月三十日星期六今日讀白香詞譜箋始畢硃圈一過是一好讀本也

一月二十二日卽舊歷十二月十四日星期六自十六日病至今日始愈共病六日臥牀看詩人玉屑一部山谷七律一卷十八家詩鈔本雖病未始能閑也

二月十九日卽舊歷正月十二日星期六顧鼎梅寄贈自著金百書六種寄到

三月十五日卽舊歷二月初六日星期二秦枳丈誌倩顧

日

記 卷二

十四

華伯代擬另鈔一過便送其家晚代廳長作挽聯二付如
左 挽張子誠大令 檢篋內遺書民危燕雀國沸蜩蟬
問四海混茫誰施補救 仰洛中耆舊澤在枌榆教成桃
李應百城圖畫永載儀型 作三晉之福星棠樹留陰四
野謳歌沐時雨 棄一官如敝屣梓鄉遺愛滿城桃李泣
春風

四月十四日即舊歷三月初七日星期四早顧鼎梅自衛
輝來十年不見暢談甚快十一鐘同車至土地廟什字鼎
梅歸 爲次公撰挽鄒申甫聯一付如左 吾師本經濟
爲文章綜覈生平宦遊四省服官廿載著績千秋大有流

傳數卷遺書訥菴集 小子以門人居幕府低徊往事提
倡實業振興教育整飭吏治忝參末議三年侍座見山樓
四月二十五日卽舊歷三月十八日星期今日擬挽賴太
夫人聯一付次元廳長 慈母爲奕世所宗憐孤寡恤
貧困濟物利人好善之忱老而彌篤 令子著循吏之績
職京曹官陝右明刑弼教平情以聽民自不冤

五月二日卽舊歷三月二十五日星期一在老賈處得辛
亥年許君號爾康名 澤者日記一本歸讀之內載對聯
一頗佳錄之 嗟君此別意何如憶白頭親老黃口兒孤
大弦小弦齊斷聲觸物興悲鴻雁不堪愁裏聽 回首故

國歸未得指秦樹兩行蜀山萬點來魂返魂好尋路臨風
薄暮杜鵑休向耳邊啼又篇首駢文自序一則亦佳

五月十六日卽舊歷四月初九日星期一早仲和來託擬
陳配岳壽聯十一時到廳廳長二時來云壽文竹言敬之
謂起筆類於祭文須改其實吾本於方宦顧先生曾也顧
文如此起法甚多而榮仲華壽敘起筆正吾所仿也三鐘
敬之改過送來

五月二十日卽舊歷四月十三日星期五代廳長擬挽柏
孝龍聯一付云 覓高士幽居灑水繞門南山當戶 頌
神君遺愛百花潭畔萬里橋西

七月六日卽舊歷六月初二日星期三步行至廳至二鐘時傳聞東方人有聞炮聲且見軍隊西去者甚促譌言大起卽行閉市余亦歸

七月七日卽舊歷六月初三日星期四陳督昨日午後三鐘出城今日閻督入城早覓車不得蓋均往東關迓新督也

七月十三日卽舊歷六月初九日星期三十鐘步至廳廳長前晚歸云只至咸陽聞陳督已入山因卽折歸晚已至廳余未去故不知也今日十一鐘來二鐘去余亦卽歸

八月二日卽舊歷六月二十九日星期二程仲皋贈吳讓

之寫刻本棲雲山館詞又送來停雲殘本書譜命鑑定確是原刻只缺末後一二頁索價兩元真難得也

八月十三日即舊歷七月初十日星期六余行至黃公祠門忽見塗人奔走甚急云聞西關有炮聲行至家尙無動靜隔半鐘時鎗聲續起連聞十餘響薄暮雷振之來述馮旅長誅郭堅並鈔掠其家

八月十四日即舊歷七月十一日星期早起時約九鐘即出門至馬良甫處遇李問渠確知郭堅業已鎗決

八月二十三日即舊歷七月二十日星期二早忽省長來請因即前往久候始見錫侯亦在坐少時希仁來蓋擬令

吾與希仁同往涇陽見笠僧也二鐘謁督軍並見周理菴
馮禹門周玉芙復見參謀長張康侯仍歸省署見省長後
歸

八月二十四日卽舊歷七月二十一日星期三見岳持齋
因共至節兄處問持齋命將理兒書箱送來少時楚材吉
山均來楚材約喫木蘭居三時出廳五時歸傳聞閩督出
缺甚怪歸少時敬之函詢此事因卽往談論久之終不解
歸聞法姪言係郭堅餘黨所刺仲唐來言確是已故致死
之由尙不知因函告敬之

八月二十五日卽舊歷七月二十二日星期四大雨終日

日

記
卷二

十七

未出門已亥在涇陽手校謝本荀子辛亥在金陵失去兩本近特別購一部重校補之凡三日校之只餘一卷明日破一日之功必竣事也

八月二十六日即舊歷七月二十三日星期五大雨終日午後二鐘楚材函約偕弔督軍即乘車至廳同往督署四鐘歸晚省長來請因即乘車往希仁已先在仍命往河北定後日行督署周理菴馮禹門並一周姓者明日先往留餐後歸約明日五鐘至省署今日並見孟符次元

八月二十九日即舊歷七月二十六日星期一早七鐘興候馬至八時半起身在警察署遇唐昆生金幼菴閒談時

許希仁始來卽行薄暮至咸陽渡渭行十餘里擬宿大王廟駐軍無歇處復行四五里住新莊小學堂

八月三十日卽舊歷七月二十七日星期二早七鐘半行十里修石渡渡涇河十一鐘到涇陽住田潤初營部卽知事公署督軍所遣周理菴馮禹門周明星三君亦初到彼皆二十七日出省直往渡河爲河阻隔行四日始到也傍晚胡笠僧始來未卽多談伊往周馮處未歸

八月三十一日卽舊歷七月二十八日星期早八鐘興柏厚甫來久談笠僧同往天泰永茶店送周馮諸君返省復同歸午後書屏條對聯數付

潤初德輿王菩生

晚笠僧回三原話

已說定笠僧一面無難解之處惟右任尙無下臺之意亦實無下臺之善法也

九月一日卽舊歷七月二十九日星期四早七鐘半起身師之敬偕歸九鐘半至修石渡涇費時約二十分十一鐘至撮口渡渭費時約三十分並休息統計一點鐘十二鐘半起身四鐘半回省至省署復命省長他出見竹言約略一談歸

九月二日卽舊歷八月初一日星期五早十一鐘乘車至省署希仁先來在敬之處相候因同見竹言見省長復命銷差省長令往見馮煥章督署令薛秀清介紹同往二鐘

見面談畢令與笠僧通信因商令希仁起草明晚來我家相商云

九月三日即舊歷八月初二日星期六三鐘希仁來攜致笠僧稿商定膳清令武振送去

九月五日即舊歷八月初四日星期一晚接馮督聘書一件聘充督署顧問由薛岫青轉交

九月七日即舊歷八月初六日星期三早十鐘謁馮督正值期上講堂掛號而去

九月十五日即舊歷八月十四日星期四早十一鐘乘車至督署督軍閱操至一鐘方入座參謀長門致中作陪席

日

記
卷二

十九

中馮督始至席用中餐西式菜無多然頗可口可謂儉而
不陋同席希仁蘊生立如錫侯念堂葆珊桐軒俊生秀清
春谷飯後閱兵紀律嚴明精神振奮稱爲軍人模範不愧
也贈精神書兩部

九月十九日卽舊歷八月十八日星期一昨夜入夢未久
忽爲炮聲驚醒闔家人俱醒時方一鐘四十分二鐘後炮
聲息復睡今早方知東軍在張飛生旅部辦公處拘人其
原因言人人殊城門未開故今日未到廳

九月二十日卽舊歷八月十九日星期二官兵與土匪在
魚化寨開仗城門甚緊

九月二十四日卽舊歷八月二十三日星期六早九鐘張丹屏藩來託爲飛生說項十鐘接飛生信十二鐘答拜丹屏未見因卽刻行也一鐘至商會一鐘半至薛秀清許並見段岡伯少時希仁來因卽同謁督軍久談飛生似無大礙惟督軍甚恨張鐸蓋疾惡如仇其天性然也

十一月五日卽舊歷十月初六日星期六早十鐘往葆珊看滋蕙堂一部仇實甫漢使遣嫁圖手卷甚佳惟剝落太甚黃瘦瓢畫冊王阮亭諸人字畫各一阮亭兩葉甚佳十一月十二日卽舊歷十月十三日星期六早華伯來談代撰劉耀廷墓碑並二聯送來充暢流麗可佩也

日

記
卷二

二十一

十一月十七日即舊歷十月二十八日星期早興車未來
笠僧約至師部喫早飯畢上車時已九鐘笠僧送至城外
握手而別車行極快涇河及汭河均未乘船渭河渡亦甚
速約三十二分鐘二鐘左水店打尖三鐘半行七鐘到辦公處

十二月五日即舊歷十一月初七日星期至小亭家並見
金幼菴涂心培略談小亭新購日知錄集釋連半紙印朱
筆點勘甚佳價只六元可羨也接笠僧聘書聘爲暫編陝
西陸軍第一師顧問余今日身兼五頭銜而不名一錢冤
哉

十二月二十日即舊歷十一月二十二日星期二早十一

鐘蘊生來同往協議會約二鐘來八人共看葆山岡伯兩稿甚妥即照繕出偕蘊生岡伯聘初同看秀清述昨馮督自陳困難必須設法解之所以保善人也

十二月二十四日即舊歷十一月二十六日星期六早十二鐘至自治會二時開議畢胡笠僧有電來因即同希仁扶萬至督署代陳胡意請將所允收來司令部經費二萬元速發即啓節南行又言協議會以俱樂部爲會所又言請告戒學生示威運動不可過激均允行贈十六旅八九兩年紀實一部

十二月三十日即舊歷十二月初二日星期五早十二鐘

到善後協議會

長安俱樂部

今日公請三原派來新議員三鐘

開會四鐘入席共四棹陪客竹言林開甲沙月波薛子良
吳曉川劉定五劉養伯竹言未到開甲回三原餘均到五
鐘散約繼續開會議決三原諸事

君子館日記卷二終

君子館日記卷三

長安毛昌傑俊丞著

民國十一年一月六日即舊歷十二月初九日星期五早
爲圖書館水心亭書聯一付集唐句頗切合 林閒掃石

安棊局李印水面迴風聚落花張

蓋亭中位有大石作棋

局之用四圍活水迴繞之兩語諸意均到且係唐人熟句
故善也十二鐘至會會議舉扶萬定午仲三赴府院赴吳
曹諸處呼籲速濟軍費稍減吾民負擔此一重大事也

一月七日即舊歷十二月初十日星期六書賀竹言抱孫
聯車中撰成頗切合也 啓福齋中梅結子仙經十一月十一日爲啓

福齋懷星堂下竹生孫

祝允明有懷星堂集三十卷

扶萬言直奉當經

決裂不日大局有大變動也壽亭來將陝省商業狀況並出產種類地點詳造三表攜來檢閱詳明令伊卽行封好付郵

一月二十三日卽舊歷十二月二十六日星期一吾國以農立國數千年矣新理日出而農服先疇不知改步學者心通其理率未身親隴畝手把耒耜天時人事未盡知之學雖精未必見之施行也地利物土之宜人民之財力營無所知而欲取數萬里外近數年之新法一步一趨強吾國以行無怪其枘鑿不相入也農會諸君近有勸農淺說

之刊舉最新之學理出以最淺之詞稍識字者能讀之無異家至而戶說之也吾國農事庶乎其有進步乎

右勸農淺說題詞張午中屬作久未應命今早飭人來取
下床勉湊成之

一月二十六日即舊歷十二月二十九日星期四代吉山
擬春聯一付集康樂蘇州句曰 池塘生春草 楊柳散

和風 對頗工且切謝姓額題東望夏口並切鄂人也

二月二日即舊歷正月初六日星期四晚讀宋言行錄別
集下第一至第五卷李綱呂頤浩朱勝非張俊趙鼎宗澤

六傳

日

二月五日即舊歷正月初九日星期讀益世報數十張一月十七號載河南省議會條陳沒收匪產作自治會經費一案甚合人心聞省長已交參事會議決公布施行此事各省皆可仿行誠澄清盜匪釜底抽薪法也

三月十三日即舊歷二月十五日星期一梅仁山借來梅

筠谷先生

芳伯言先生之弟

鈔本雜文內有世父子林公鳳枝七

律數首未暇鈔錄

三月十七日即舊歷二月十九日星期五祝吳子玉巡使

四十九壽聯

三月初七清明

節近清明草長鶯飛正暮春三月

人歸洛浦良辰美景祝名將千秋

定五擬日內同洛陽

名世應

五百昌期海屋仙籌盈大衍 歲華到三分佳處雨絲烟
柳欲清明

三月十九日即舊歷二月二十一日星期早九鐘半至商
會袁岱松已來少時薛子良郭希仁皆到商議督軍擬辦
通俗教育事議定先由省城內分四區各辦講演所一以
縣署爲主管機關長安講演所爲執行機關限一月成立
先將此意由薛袁面告督軍星期二早十鐘余三人再見
督軍細商十二鐘歸

三月二十一日即舊歷二月二十三日星期二早十一鐘
至協議會武念堂提議請飭第一師速行開拔毋令久駐

渭北一帶民力供給不勝全體通過 爲成柏人代撰娶
親對一付 三十初婚洞裏桃花應對我 百齡養志堂
前萱草解忘憂

四月六日卽舊歷三月初十日星期四督軍來招卽往託
詢訪探鑛人材並問賈小侯之歷史並令講左傳鞏之戰
一篇見張之江旅長劉定五亦來余恐有軍事談話卽告

辭歸

四月十四日卽舊歷三月十八日星期五昨夜眠甚遲枕

上作今雨雅社課得詞二首 卜算子

留春

今日是清明

昨夜驚風雨柳絮漫天作雪飛芳草天涯路 杜宇耳邊

啼燕子花閒語訴盡離愁總不聽還是要匆匆去 前調
送春 看遍帝城花折遍離亭柳無計留春轉送春此意君
知否 但道不相忘何必長相守且囑明年及早歸嶺上
寒香逗

四月二十日卽舊曆三月二十四日星期四早四鐘半興
喚車至約五鐘趕赴東關送馮督行至端履門探詢馮督
業於十二鐘出城其時已過臨潼縣矣因轉歸復睡十一
鐘起卽至廳同人邀求在財廳及省長處懇請發款以救
眉急與午中議余往財廳午中見省長面陳困難云云笠
僧信吉山派人端送大約後日可見回音然東方消息甚

惡吳使大有失敗之勢恐陝軍未必能開拔也

四月二十一日即舊歷三月二十五日星期五至商會門
爲蘊生邀入笠僧處來電與我及蘊生希仁索馮督留存
票銀八千一百餘兩修工業學校洋樓補修紅十字會醫
院此款原留作社會教育之用吾三人斷不便擅爲處分
因復同車訪希仁希仁云明日善後會席上談後作答

四月二十三日即舊歷三月二十七日星期早九鐘半出
門至廳正十鐘梁廳長亦於是時到當即接印接印後即
行蓋今日又向鹽務保運局交卸代孫少林跋打本昭陵
石馬白蹄烏集長吉句 此馬非凡馬馬詩其四銀蹄白踢烟

馬詩其十六只今掎白草馬詩其十六何忍重加鞭 昭陵石刻白蹄

烏打本老馬伏櫪無復千里之志因蓉芳兄索題悵然有感於中集昌谷句爲此以應命

四月二十七日卽舊歷四月初一日星期四早十鐘出門

遇少林云前詩係青驢須另作因改之云 神驢泣向風

馬詩其十拳毛屬太宗其十六祇今掎白草其十六何處逐英雄其十

四月二十九日卽舊歷四月初三日星期六題昭陵石刻

青驢代孫少林昭陵數片石久沒蓬蒿中伊洛還多事神驢泣

向風末句借昌谷句

五月十七日卽舊歷四月二十一日星期三往廳代廳長

日

擬賀馮督調豫督兼直魯豫巡閱副使廳長命誠一擬稿
誠一以不能四六爲辭浼我操筆中有語云節制一省巡
察三州鎮中原扼南北之樞機佐司隸作屏藩於畿輔云
云頗切題

五月十八日卽舊歷四月二十二日星期四見督署軍醫

課課員許峴青

名游湖南寧鄉人

馮督電調與仲三約伴同行許

善文稟前在軍事日刊中見其游記兩篇七律兩首頗佳
四六筆氣雅近樊山夫子

五月二十一日卽舊歷四月二十五日星期今日國粹學
社延余講經以無暇却之至湖廣會館今日社中同人會

議公舉仲章爲社長兼庶務訂每兩星期聚一次地點圖書館湖廣館兩處早七鐘至九鐘晚五鐘至七鐘祇備茶點不用酒食云云

五月三十一日卽舊歷五月初五日星期三早聞達媳病又加重急起看之請劉次青亦託辭不來延至十二鐘溘然長往痛哉是兒爲吾次甥少時曾鞠養吾家爲庶祖母劉孺人所卯育嗣隨大姊往沔縣十餘年未見旣而歸爲吾家婦上事慈親殷勤體帖無微不至老母甚愛憐之由鄂而寧而滬而陝隨老母一步未離真有相依爲命之勢而吾數十年來食指愈衆生計愈艱勤苦數十年卒因積

日

記
卷三

六一

勞致疾而逝由今溯昔思之痛心祝竹言遣人來送節禮
因函乞暫假一二百元爲辦後事人去未久劉省長遣人
送來三百元蓋竹言以此况轉達之甚可感也一鐘子餘
弟爲看枋共洋六十元三鐘豐山弟亦自渭南病歸而到
家已愈卽來幫同裝斂七鐘半大斂成服諸孫均夢夢毫
不曉悲苦尤令人感痛也敬之來候斂三甥女頭痛不能
來想亦悲傷所致晚致陳姊丈函

六月一日卽舊歷五月初六日星期四訪鼎梅鼎梅以世
父金石考原稿見還並贈舊硃碇一碇半

六月六日卽舊歷五月十一日星期二代廳長擬挽楊耀

海先生一聯 至德可師以勤儉傳家詩書教子 佳城

永奠在苻禺水畔石脆山邊

六月十二日卽舊歷五月十七日星期一代持齋撰聯一

付託誠齋寫又代誠齋撰聯一付挽宋甘亭丈

五月初端
午亡

大夢初醒正酒泛蒲觴門懸艾虎 流風未泯有詞傳紅

杏賦寄梅花

七月一日卽舊歷閏五月初七日星期六自七月一日至

十四日天氣異常炎熱日趨公作晚間不能伏案數年所

未有也因太熱故老母傷暑致牽動胃痛舊疾此陰歷閏

月十八日陽歷七月十一日事也先一日午後與家人作竹戲晚

間前半夜尙能看書後半夜遂傷暑腹痛天明後牽動胃疾此亦常有之事次早十九請梅雪菴來診視云脈象變常恐三日卽有危險云云余尙未深信蓋老人神情固如常也午往軍醫院擬求馬蘊山針腿疾忽遇楊叔吉在座因邀歸爲老人復診據云脈象尙好攜瓶返紅十字會醫院配藥遣人送來卽往督署辦公暮歸家人云服楊藥無大效此次犯病與他時異飲食固不能進卽藥亦不能下腹老人自云亦如是以故以藥進卽搖手不肯服次早十二時神情仍如常惟胃痛反側不寧至十一鐘後不復能言目視家人神光未散約十一鐘二十分後目光忽暗卽換

小衣請安置堂屋約十二鐘遂棄不孝而長逝嗚呼痛哉
不孝自今永爲無母之人矣請陰陽擇定亥時大斂壽枋
舊時置備未做裏急命匠做裏亥時大斂卽日夜發南鄭
高郵淮城信發李約之信二十一日遣長班分報親友

七月十六日卽舊歷閏五月二十二日星期今爲老母三
天早仲和來弔偕邢漢臣同來少坐卽去秦綏之來託將
假條帶交范潤芳轉呈督座午後仲芳澣東充督座代表
來奠並送洋二百元深可銘感是日弔客約百人晚濟銓
甥自漢中來謁老母均不及見痛哉

七月十八日卽舊歷閏五月二十三日星期二早文獻徵

輯處來索校定畫墁錄因未校還之請轉浼同人校勘早
七鐘吳敬之來昨晚約來陪督軍也六鐘督署遣人送魚
翅祭席一棹賞洋四元錢一串七鐘督軍來奠祭行舊禮
並面爲慰問情誼周摯甚可感戴坐約半鐘去

七月二十一日卽舊歷閏五月二十七日星期五發義河
持齋信仲唐自三原歸來弔督署軍需送來函一件云奉
督座手諭毛某純孝足挽末世之頽風今丁內艱送治喪
費現洋五百元云云因卽敬謹拜受覆函云奉讀來函並
督座鈞賜治喪費現洋五百元敬謹拜領沒存均感先此
奉覆緩日恭趨督座匍匐叩謝云云老母此次事出倉猝

手中不名一錢慌急萬狀督座體恤周至情實可感加以純孝之名愧忤無地矣

七月三十一日卽舊歷六月初八日星期一早十鐘王伯龍張獻琛來弔十鐘半至督署謝參謀長謝參謀處副官處參議室諸同事軍需軍法軍醫三課長均在參謀處見面叩謝午後二鐘見督座並見陳次元萬鈍庵飯後歸謝竹言並見樂天吳敬則謝敬之均見面託敬之撰墓誌敬之謙讓未允並云可仿南右嵩自爲之其議甚是惟哀痛之極不能下筆尙擬作二度之請求

八月八日卽舊歷六月十六日星期二早接報知師母呂

日

記
卷三

九一

怡鴻老人於昨日戌時棄世八鐘乘人力車訪鼎梅面交
護照十鐘往呂府候斂並見楊伯淵李吉甫趙冠儒諸君
八月十八日卽舊歷六月二十六日星期五早鼎梅來函
託在軍署探東方情形以定行止十一鐘到署六鐘半歸
晚鼎梅遣人來索復信因詳告之靈閣盧三縣土匪甚橫
於十六日破陝縣潼關憨司令奉令派梅團率兵五營助
剿豫亂

八月十九日卽舊歷六月二十七日星期六昨挽成葆山
一聯 君今與造物者游應識浮生皆幻境 我方抱終
天之恨更揮餘淚哭良朋

八月二十四日卽舊歷七月初二日星期四早鼎梅將老
母墓誌稿送來隨送敬之鑒定

八月二十六日卽舊歷七月初四日星期六老母墓誌昨
送敬之鑒今早送來云文甚好惟嫌敘事太略我意初亦
有此疑繼思哀啓甚詳墓誌體裁不宜繁冗鼎梅此文雅
飭若加潤飾便不能成合格文字因卽決定仍舊用之而
以哀啓補其缺逸他時擬自爲家傳一首附刻家乘中敬
之去余卽出門訪希仁求其寫墓誌已允希仁病喉已十
餘日達兒竟未一言荒謬已極晚銓甥將墓銘謄出清稿
共七百七十餘字約計添入撰書篆蓋人名才八百餘字

日

記
卷三

十一

耳書挽呂師母聯一付云 碩學久瀉羣士所宗豈僅詞
華高女界 小子方抱終天之痛更揮餘淚向師門

八月二十七日即舊歷七月初五日星期至圖書館今雨
社集會於此並見四川文伯子成都書法北魏久負重名在

漢南以文章教生徒受學者甚衆與王魯生相好現寓蔡
堯階家五鐘散

八月三十日即舊歷七月初八日星期三訪鼎梅叩謝撰
墓誌小談即行

九月十三日即舊歷七月二十二日星期三早至文獻徵
集處扶萬奉委至河北禁烟公推立如主任剛伯來時兩

人共主持處務庶務李君辭職蘊生荐王君錫恩同人公認並買挽聯送張子宜太夫人其辭云 駕返銀河後天孫六日 階羅玉樹有令子四人 武振歸由實業廳持回河南兵工局局長尙君得勝一函云馮督擬招余到豫襄政務囑爲函達云云晚訪蘊生閒談蘊云前日亦有電召伊與希仁伊不能去希仁本有意秋間爲曲阜之游惟刻病不能出門已函謝之矣

九月十四日卽舊歷七月二十四日星期五仲唐將墓誌寫好親送來余未在家書法甚好

九月十六日卽舊歷七月十五日星期六復尙君函云得

日

記 卷三

十一

勝先生大鑒接誦惠書如親警效良深慶幸邇維起居安
善爲頌馮公名德近世無儔私心欽崇已非一日昨歲旌
麾蒞陝福我三秦傑以一介迂儒辱蒙青睞情誼深摯禮
遇優渥頃復擬召入幕中赴豫匡襄大政囑公代達厚意
驚下之材獲孫陽之顧盼溝中之斷得匠石之裁成更深
知遇之感且馮公賢者也佐賢者作事盡一分力卽有一
分實利及民此尤半生所禱求不可逢之際會其爲欣幸
何可名言惟刻下實有爲難者茲親葬期定在夏歷九月
身無昆季兒輩不材喪葬諸事卽至纖細者亦須躬自籌
辦未安窳窳之前實無遠游之理更有一節傑淹滯實廳

欠薪不發事蓄二字幾不能供劉雪帥兼督命下卽改委
爲督署參議憐我貧也慈親棄養未三日躬臨奠輟賻贈
重金厚誼高情感深存歿就道義言就良心言斷不忍恣
然舍而他去馮公厚意只好報稱於他時伏惟婉轉代陳
無任瞻望徘徊之至謹頌勛綏棘人毛昌傑謹覆嗣後如
蒙賜書寄大湘子廟街敝寓或督署參議處均可實業廳
職久經辭却矣

九月十八日卽舊歷七月二十七日星期一早病未愈勉
強出門復王默公信計聞掛號寄京到署十二鐘爲潤芳
擬喜聯四付賀柴春寔爲令郎楨完婚八月初二萊綵堂前

日

記 卷三

十二

椿萱共茂 桂花香裏人月同圓 今日好花開並蒂

來朝秋色喜平分 朱履三千躋華堂而上壽 綵車百

兩隨秋色以西來 喜氣充庭筵開北海 將門有子學

紹南溪

宋柴中行五學者稱南溪先生

又多擬一聯典故重複未用云

鴻雁賓秋綵輿百兩燕雀賀夏朱履三千尙穩稱寫致古
書流通處一函付郵票一角索宋六十家元四家集樣本

九月二十五日即舊歷八月初五日星期一接仲和信屬
代擬挽張子宜太夫人聯一付如左 節近中元七月十三日神

歸天國 年登上壽賢著鄉邦

十月五日即舊歷八月十五星期四訪鼎梅久談鼎梅明

早準行車洋已付一半大約更無移動矣今日往訪正好
送行

十月八日卽舊歷八月十八日星期訪仲特桐軒細談伊
家爲仲嫂開弔只備點心不待酒席竟費至五百元以外
力戒余刻意節儉並云渭北各處麥全未種後半年大局
不知若何危難萬不可爲一時虛榮計而不爲生計一籌
慮良友深識之言至可欽佩與欽韓表弟之論正同

十月十三日卽舊歷八月二十三星期五六鐘余便道至
白師家將篆就墓誌蓋交之令速刻

十月二十二日卽舊歷九月初三日星期余往尋胡師命

將墓誌中誤字速改然已拓來二十餘份矣因便帶十份歸四鐘時忽接漢中電侶竹姊丈於九月初一日未時大姊於亥時同壽終痛哉吾同胞只兩人耳今年大媳死老母喪而吾姊又死且與姊丈同去吾生今世誰爲親我者十月二十七日卽舊歷九月初八日星期五恭擬祭告老母文 維中華民國十一年十月二十八日不孝男昌傑謹以清酌庶羞之奠敬告於吾母陳太宜人之靈曰嗚乎吾母棄不孝而長逝于今百有十日矣此百有十日中吾母溫然之容不得而見也藹然之言不得而聞也噉然而號力竭聲嘶吾母不吾應也悄然以思泣血椎心吾母不

吾知也出必告不聞戒早歸也入必面不聞告夙寢也朝夕上食猶晨昏侍膳之常不聞勸加餐也寒不復衣之也飢不復食之也勞苦不復哀憐之也疾痛不復撫掩而噢休之也此百有十日中所可時時撫摩聊以寄戀慕之思者惟此黝然七尺之棺也而今已矣卜人來告將以翌日良辰恭奉靈輜永安幽室並此黝然七尺之棺亦不得而見也嗚乎哀哉尙饗 右奉安窆窆先一夕告祭文昨夜擬定今早起自書之

十月二十八日卽舊歷九月初九日星期六今日爲慈親設奠告廟點主卽於今日領帖自晨八鐘起至午後八鐘

日

記 卷三

十四

止來弔者共二百二十三人女客約三十餘人女客未登禮簿無確數可計也督座因有事遲至十一鐘始來送奠儀洋四百元翅席一棹午後二鐘點主大賓郭蘊生襄題吳敬之劉春谷晚八鐘行三獻禮九鐘半徹奠即用自撰祭文黃仲唐兄宣讀

十月二十九日即舊歷九月初十日星期早五鐘半起六鐘客已有來者因吾本定七鐘啓靈故也無奈槓房來遲七鐘始告奠至九鐘方啓靈至墓正十一鐘又候陰陽先生略遲延下葬分金正十二鐘余候封堂後奉神主乘轎歸到家安神約在二鐘時今日送靈者甚衆督座遣代表

曹子斌王保良兩參謀來送殯直送至墓上金澣東兄亦
來送至城外歸者約三十餘人直送至葬所者又二十餘
人女賓十餘人吾家共定車十輛曲江池擺路祭者凡七十餘家
此慈親盛德足以感動人之欽仰也晚達兒歸慈親百日
以日計當在八月三十日因八月小建故改爲今日旣云
百日似當以日計不當以月計此等事在禮經無可依據
只好以意斷之也

十一月五日卽舊歷九月十七日星期早十鐘與內子攜
達兒牛孫湘孫辰娃引弟同下鄉與老母覆土馮三在墳
照應給錢五百回至岳家約十二鐘購買董老入地今日

丈量地鄰急切不到余不耐候因偕內子至鴻溝岸三雪宮一遊歸時見雨點急收拾歸丈地事留振東兄弟代辦到家約三鐘禾父請飯謝之今日爲其太夫人壽素服不便與吉事且慈親新喪每與賓客會談偶有感觸情不自禁涕泣隨之故凡吉慶燕會一概謝絕禮到人不到當亦有識者所能曲諒也

十一月二十三日卽舊歷十月初五日星期四早十一鐘至關帝廟弔大姊今日五七之期敬之誦經一日吾家放焰口一夜至廟未許時卽行甘園亦在座談及墓誌價云每分一角餘已不爲少晚寫條幅對數紙挽聯二付挽

劉俊生參議太夫人任 哲嗣爲南服英豪功高陝右

慈母是太任苗裔賢媿岐陽 挽郝立丞太翁緘三先生

八月十四日
卒葬龍渠灣

蟾月初圓少微遽隕 龍渠一曲幽室潛

藏

十一月二十七日卽舊歷十月初九日星期一寫挽大姊

夫婦聯令銓甥帶歸寫致顧抃驚信要金石存逸考五部

復信云令匠重印明日可送到 挽侶竹姊丈大姊同日

仙逝去慈親之喪才百日耳痛何如也 百年靜好一夕

偕歸搖落秋風候氏山頭同跨鶴 慈竹初摧棣華又隕

淒涼夜月秣歸峽裏獨聞猿

十一月三十日即舊歷十月十二日星期四早十鐘唐芝
初來託改詩略坐去十二鐘將出門而雨籠來極誇張馬
神廟韓姓道術之神奇十二鐘半去余即到署治公之暇
爲芝初改詩四律居然可用題代潤芳挽董翼卿
夫婦兩麓之尊人也仲和函
託代擬挽詩衰經之中烏能作韻語耶擬改作跋語一段
了之叔惺託爲王緯齋代擬挽聯如左 天人三策傳家
學 義烈千秋著里門

十二月七日即舊歷十月十九日星期四楊書卿屬撰挽
詩守禮不能作韻語改作挽聯 餘姚毛母余太宜人挽

聯代楊
書卿

孝闕流芳事重幃而隆敬養 里門戴德出倉

穀以賑困窮 毛母余太宜人餘姚望族先世以富名鄉里洪楊亂後家道中落而丁丑饑歲太宜人猶能節衣縮食出倉廩以賑窮民所全活者甚衆且上事重幃極敬養之道庚申春政府以孝闕流芳四字扁表其門以教天下懿行謹撰爲斯聯以誌欽仰其他懿行不殫述夫人之賢固無逾於仁孝者也

十二月二十一日卽舊歷十一月初四日星期四省長修操場掘出魯公書其曾祖顏勤禮神道碑此碑歐趙均有跋惟後代金石書皆不著錄不知何時埋沒今時復出甚可寶也銘詞已泐金石錄時已然

十二月二十二日即舊歷十一月初五日星期五冬挽向宋

辰樊靈山 肝膽誰憐雙烈士 風雲常護五臺山

十二月二十四日即舊歷十一月初七日星期在文誠堂
觀書見舊板大字詩經集傳一部五本梁君云係元板以
余觀明時仿元刻五經讀本中之一種也

民國十二年二月九日即舊歷十二月二十四日星期五
早哭奠老母自今年始此一日爲永永斷腸之日矣在往
年無論如何貧窘必設法略治酒食延親朋爲老人壽雖
受盡艱辛而心境至樂而今而後不可得矣痛哉

二月十一日即舊歷十二月二十六日星期在孟老三處

見耽虛孟處有元板通志堂一部索價二百元余還百二十元不賣歸

二月十三日即舊歷十二月二十八日星期二晚讀杜詩久不讀公詩忽爾披誦數首清奇濃淡無所不有無論何人古今作者不能出其範圍稱爲詩聖誠然

二月十六日即舊歷十二年正月初一日星期五每逢佳節倍思親有生五十八年今日初當此境痛哉

壬戌臘月三十日揮

淚書早起形神悵惘百計無能排遣午十一鐘攜湘孫步至

南門什字湘孫聞鞭砲聲有懼意急攜之歸蓋數年禁止放砲今年初開此禁湘孫生四年未聞此聲其畏懼也固

日

記卷三

十八

宜歸來仍茫然不知所事

二月十九日卽舊歷正月初四日星期一至署正十二鐘今日爲年節聚飲大半均未來酒半古岳來因留共飲極歡古岳復在此暢談相法謂余明歲當有大病或極不如意事過此以往頗順利壽可至七十三云姑妄言之姑妄聽之耳

二月二十一日卽舊歷正月初六日星期三擬挽陳配岳封翁一聯與仲和同送早交仲和製寄 郎君爲湖海英雄昔年坐鎮關中忝以微材居幕府 宇內仰太邱道範此日歸魂滬上遠留遺澤在鄉邦

二月二十四日卽舊歷正月初九日星期六嚴穀孫致澍
信堂信擬借吾關中勝蹟圖志翻刻允贈書十部爲酬

三月二日卽舊歷正月十五日星期五以關中勝蹟圖志
贈嚴穀孫交澍信堂郵寄嚴擬刻成先贈十部

三月三日卽舊歷正月十六日星期六早微雨十鐘雨止
天仍陰因與內子攜辰弟兩孫往大雁塔一遊登至初層
半路覺腿痠卽下蓋不登此塔逾三十年矣

三月十四日卽舊歷正月二十七日星期三燈下爲馮禹
門尊人書挽聯挽帳 惠澤滂敷古京兆 遺民猶頌大
馮君

三月十五日卽舊歷正月二十八日星期四次元來談古韻攜來段註說文卽余售出之本爲敬之購得伊由敬之處借來者

三月二十六日卽舊歷二月初十日星期一晚李子逸來談甚暢吾門佳士也避地渭北三年未見現應民立中學之聘乃挈眷來省歡然道故良慰余懷

四月二日卽舊歷二月十七日星期一午後禾父及姚正乾均來談聞均有從憇東征之說郭魁元亦委參議可怪搢老來談詢晉書庾亮傳牙尺垂訓語不知何書

四月十六日卽舊歷三月初一日星期一午後周子搢來

談詢晉書贊中語曰然後茵藹緹油作程奕世者也茵藹緹油四字不知作何解

四月二十日卽舊歷三月初五日星期五升庭託擬挽石幼審三年追荐挽聯如左 在葛相之幕中君才第一主蓉城於地下于今三年

四月二十二日卽舊歷三月初七日星期早十二鐘赴國粹學社爲講桃花源一篇並爲其監社某君改詩一首如左 世事滄桑感不勝十年戎馬苦頻仍浣花溪上風雲惡閒步城南訪杜陵題爲謁杜祠誌感原作板重改筆較輕靈也晚寫挽王錫侯聯 入春纔七日 此別遂千秋

日

記 卷三

二十一

又擬挽張幹臣封翁一聯云 賢郎保障關中治軍嚴明

民仰萬家生佛 碩德優游洛下律身勤儉羣欽一代儀

型 挽石幼審三年紀念代李賓陽 公本一代文豪合主蓉

城居上將 我憶三年舊事同參蓮幕媿清才

五月四日卽舊歷三月十九日星期五擬挽鐘琴石尊翁

潤堂聯枕上作就 羅四世孫曾躋九旬上壽 著一鄉

宿望留百代遺型

五月七日卽舊歷三月二十二日星期一晚寫上馮檢閱

使函致岳持齋函竹汀來談送拓顏碑一分 上馮煥章

檢閱使書 煥帥鈞鑒前歲旌節蒞陝猥以樗櫟之材獲

被藥籠之選忝居賓館備前席之諮詢情誼殷拳禮遇優渥雲天一別倏忽經年牋候雖疏眷戀之私未嘗一日去諸懷抱近維壬林納祜甲帳延禧整飭戎行巡行郡國樹軍人之模範作畿甸之屏藩威鎮京華名滿寰宇燕雲翹首欽佩無任希仁服務賑局昌傑備員督署密勿從事差免愆尤希仁自去秋一病纏綿床褥八月有餘近雖略有轉機而精力罷憊形容枯槁急切尙難復原敝省人才本極缺乏至如希仁之廉介絕俗樸誠任事尤不易得天道無親常與善人希仁之病當能日有起色知關垂注謹以奉聞去歲所存餘款盡數寄存錢局行息□月計得利□

日

記 卷三

二十一

就所在南院講演亭辦一夜學成立數月刻下講演亭教
廳收作本廳之用因而解散鄙意借用官房終非久計似
不如暫時停辦此項息錢積蓄稍多採購一地自行建築
單間土屋一院然後舉辦學校庶乎可垂永久拙見如此
未識我公以爲何如謹此布陳敬候明教順頌勛綏

郭毓璋毛

昌傑同上

五月二十三日卽舊歷四月初八日星期三早閱報知希
仁昨日病故旋蘊生亦來告十一鐘往弔之纔入殮也

五月二十四日卽舊歷四月初九日星期四早幼崧來約
在伊家議希仁事覓車不得僱人力車十一鐘到伊家蘊

生西軒先在少時雨麓仲南胡文卿子莪同來同人擬公
葬希仁於華山麓而希仁之夫人不願共議俟叔吉來再
與磋商我與蘊生卽先行

五月三十日卽舊歷四月十五日星期三晚擬挽希仁聯
言爲士則行爲世範德量可方陳仲舉 隱不違親貞

不絕俗碑銘無愧郭林宗

五月三十一日卽舊歷四月十六日星期四今日潤芳奉
督命招集各界會議巡查街市辦法因近又有當街搶劫
之事幸而未成故也今日寫挽希仁聯改昨晚所作又代
督座潤芳擬數聯如左 挽郭希仁聯十八日在紅
十字會公奠 愧

乏鴻文銘郭泰

痛揮老淚哭侯芭

又

代督軍

郭有道

風規隱不違親貞不絕俗

太史公著述藏之名山傳之

其人

又

人仰宗風士類羣歸郭有道

我銘貞石碑詞不

愧蔡中郎

六月十六日即舊歷五月初三日星期六十一鐘到署聞潤芳談黃陂已被逼遁至天津總統印爲直省強索去並有電辭職此電恐出僞託既無內閣又無總統且副總統位久虛無人真成一無政府之國矣

六月十九日即舊歷五月初六日星期二今日事清減因取續漢地理志以今地釋之取材於汪梅邨漢志釋地略

其與民國以來不同者則用今圖改之已成三卷意復厭倦拚明日一日足成之

六月二十日即舊歷五月初七日星期三今日註續漢地理志尚餘半卷明日無論如何必治竣再能列一表真大快也

六月二十五日即舊歷五月十二日星期一今日法課有一稿述錄事許景謙罪案與口供絕不相同因督座批鎗斃字樣故入人罪余不忍下筆特簽一字未蓋章潤芳他出無可商量者自盡我心特爲簽出不知何如但定罪明日即執行可危也

日

記
卷三

二十三

六月二十六日卽舊歷五月十三日星期二郭誌繕就飭
送督座許景謙案周晉老亦大不謂然特往省署面告督
座乃知許實有同謀之證據特供單未敘入耳

七月十四日卽舊歷六月初一日星期六十鐘至通志局
今日成立

七月十五日卽舊歷六月初二日星期六往商會蘊生遣人
來邀商議馮督存公益款概係銀票刻聞銀票有不用之
說議定卽以今時行市易爲銀元託王益然存寄爲穩

七月二十七日卽舊歷六月十四日星期五晚寫賀趙冠
儒世兄完婚聯 郎君詩著談龍錄 才女名高寫韻樓

八月二十二日卽舊歷七月十一日星期三寫復嚴毅孫
函告以學篆當從石鼓琅邪入手不宜問津於錢十蘭託
購毛詩新義水經注頌致鼎梅函問關中勝蹟圖志并令
早接抃鰲歸

八月二十七日卽舊歷七月十六日星期一擬挽馬陵甫

尊人楚丞先生七月二十日設帳扶風經術演其家法躬

耕妣野鄉里稱爲善人挽曹道符尊公楷亭廣文七月二十

一至德可師記從任昉齋頭親承道範少微遽隕遙

望武將山畔痛失儒宗

八月三十一日卽舊歷七月二十日星期五晚擬對聯一

付挽徐與如

歷任府谷沔縣
白河武功知縣

傳先世清芬孝穆文昌穀

詩鼎臣楚金之小學

訪神君政迹沔水南榆塞北美陽

藜縣之舊疆

九月一日卽舊歷七月二十一日星期六至二府街鄭葛
民家行禮其尊人三年也送幛有藍者有紅者三年自古
無定禮蓋釋服已久送素幛固不可送紅幛是直以親喪
爲喜事更非人子所安故余謂只當自行家祭斷無接待
外客之理世俗於三年之禮最重非古義也撰聯一付挽
王潤生太夫人 比屋爲鄰拜德常親大家範 教子以
義建言洞悉小民情

九月七日卽舊歷七月二十七日星期五聞孫玉溪言長
安擬修縣志願我幫忙書樵略言余卽以疾辭之晚擬挽
柳彥琛太夫人劉聯 賢母著百代儀型詩書訓子 哲
嗣爲羣倫冠冕經濟匡時

九月八日卽舊歷七月二十八日星期六昨夜撰挽王幼
農太夫人胡太淑人一聯如左 惟賢母三邨所宗惜一
朝蓬島歸真遽返慈雲於上界 與哲嗣十年共學痛此
際麻衣對泣同爲中路之嬰兒

九月十五日卽舊歷八月初五星期六王小洲借三輔黃
圖送去帶回黃丕齋易古文鈔四本令吾書簽並跋吾於

易向未研習明人經學更未嘗問津苦無下筆處

九月二十九日即舊歷八月十九日星期六余到署尙未至十一鐘次元持來蔣杏邨計聞云潤芳命伊擬挽聯伊不善此請與潤芳言之余因代擬一聯如左取用皆其計啓中語也 奠國是於灤陽借箸前籌十九信條參大計 溯鄂城之奇士惟公後起二百餘年無此才

九月三十日即舊歷八月二十日星期昨晚擬挽李季昌聯 水引桑乾變瘠土爲膏腴塞外百年蒙大利 澤留梓里普時雨之化育關中羣士仰宗風

十月一日即舊歷八月二十一日星期一今日公事甚簡

因代仲和擬聯三付如左 挽史玉莊鳳翔縣令 世德清芬

湖南史 先生遺愛在東湖 挽俞月如 政績在西都

南國猶存君子樹 家山懷北固東陵學種故侯瓜 挽

雷幼初四川知縣 如次宗在南邦羣倫爭湊鶴籠館 屈士

元於西蜀百里誰知驥足才

十二月二日即舊歷八月二十二日星期二昨晚擬挽雷

幼初聯 大耐冷官治績遠留巴子國 善談名理朋輩

今無雷次宗

十月六日即舊歷八月二十六日星期六早八鐘撰一聯

挽党晴帆太夫人雷 名言真百世良規明理讀書賢母

日

記 卷三

二十六

教 有子負一鄉重望文謨武烈外家風

皆計啓中語

十月七日即舊歷八月二十七日星期今爲 至聖誕辰
孔道會及國粹學社均來約以讀禮不與祭未往十二鐘
出門至圖書館遇芝初因同往雅集社共到十餘人仍有
隱語之戲余與爽園各中十餘條余出十餘條猜去半數
畢覲文七律二首絕佳內秦地□□仍夏屋皖江餘事紀
春燈滑稽顛倒東方朔影舞□心杜少陵二聯尤雅切而
典重眞老作家也

十月十六日即舊歷九月初七日星期二昨日接伯瀾赴
聞擬集句一聯挽之云田園寥落干戈後詩卷長留天地

間情事頗合惟字句虛實對不工當別作之

十月十八日卽舊歷九月初九日星期四午後陳次公及葛民陞庭皆來談和甫亦來談余本有校碑隨筆一書近又由上海購得一部字迹較大因將小字本贈禾父正談時天忽陰微雨至晚未住今日重陽見陰象甚難受憶王丹麓暉九日陰雨有感詩薄寒細雨怕登臨羞對黃花白髮侵漫說人情多反覆重陽也自變重陰真妙想也見藝苑名

言第
六卷

十月二十三日卽舊歷九月十四日星期二聽韓鏡湖君講演科學甚透徹且皆新理口齒亦清晰有條理講盤旋

日

記
卷三

二十七

器面試單軌鐵道皆極精確余平生最厭聽演說獨今日所聽頗覺怡快

十一月七日即舊歷九月二十九日星期三午後小亭來談有曾刻爾雅音圖索價八元余謂可買因此書甚不多見也

十一月十一日即舊歷十月初四日星期二改定漢郡國志釋略程仲皋代纂表甚可感也

十一月十三日即舊歷十月初六日星期二註三國郡縣志二卷

十一月十七日即舊歷十月初十日星期六早十一鐘至

孔廟歡迎康南海本定十二鐘及到始知改一鐘直候至
一鐘後兼座先到南海偕李敏生王來行禮講演畢至
縣農會照像讌會兼座有事先去共四棹余一棹南海敏
生孟符扶萬蘊生紀朗佛陵甫南海談及戊戌舊事不勝
今昔之感與余論經學仍堅守今文家言東漢學者甚不
信也五鐘散

十一月二十一日即舊歷十月十四日星期三早十二鐘
到署昨晚爲潤芳書字六幅今日贈之顏勤禮碑初出土
即承潤芳贈精拓本一分余曾據作跋尾一篇因即書爲
屏條報之

日

記
卷三

二十八

十一月二十七日即舊歷十月二十日星期二二鐘十五分至青年會報界公會歡迎南海浼作陪客故也余至芝田石笙孟符均先到少時陵甫立丞來將芝田石笙牽率往曲江春赴惠春波之約四時講畢攝影後入座五鐘散步歸接幼農信楊惺吾歷代輿圖已覓得共三十四本洋三十四元郵費二元約冬至節前後可寄到

十一月二十八日即舊歷十月二十一日星期三王智輝送徐熙菴先生遺稿一本

十二月二日即舊歷十月二十五日星期壽熬太夫人聯
代嚴翔鶴 花甲重開集萬衆
羅貅祝萱幃之上壽 林壬輯

福萃一門鸞鳳舞萊服以承歡

十二月十七日卽舊歷十一月初十日星期一早接仲和
信屬擬挽聯三付並自撰挽繆聯一付如左 挽繆石逸

夫人 六瑄飛灰佳節纔過長至節 一棺暫厝芳魂近

傍梵王宮

又代仲和挽
劉介夫令叔

別墅養高名謝傳一時稱宿

德 阿宜傳治譜陳倉百里試長才

杜牧之姪
名阿宜

挽王潤

生太夫人

代仲和

教子有方作小民之喉舌

治家以禮

仰賢母之儀型

十二月十九日卽舊歷十一月十二日星期三午後仲和
來談送劉樂天添箱禮託伊代辦合送擬楊書卿世兄喜

日

記 卷三

二十九

聯 賀楊書卿世兄吉席冬月十八日也 畫眉春信將舒

柳 呵手妝翻欲放梅 述德家傳吟翠集 催妝學詠

洗紅詞 催妝詩譜雙聲豔 刺繡紋添一綫長

十二月二十二日即舊歷十一月十五日星期六早十一
鐘敬之來談及越縵堂日記極佳特約價三十元並郵費
當在三十三四元無力購之甚快賈逵傳還來午後二鐘
王仙洲來看並攜其三世兄同來暢談神采猶昔年已七
十二可羨也屬題東坡硯詩

十二月二十三日即舊歷十一月十六日星期冬至令節
燈下讀憨山釋德清莊子 七篇註解釋寓言處頗醒豁

莊書寓言十九不將其本意指指出殊不易解也

十二月二十四日即舊歷十一月十七日星期一挽張子

溫河南新安人子百英代仲和 東望函關哲嗣勛名繼

楊僕 西來陝右先生學派演橫渠

十二月二十五日即舊歷十一月十八日星期二今日不

爽臥一日未起晚致書敬之借越縵堂日記第六函扶病

讀之

光緒三年二
三四五六月

十二月二十六日即舊歷十一月十九日星期三讀越縵

日記三冊

光緒三年至
四年三月

郵局寄到後漢集解十本只少續

漢志二十卷年內當可刻成

十二月二十八日卽舊歷十一月二十一日星期五讀越
縵日記第六函終擇其論金石萃編數集鈔錄本書之首
代姚壽朋撰賀秦綏之娶兒婦聯董老太太做壽還敬之
越縵日記 韓侯百兩迎佳婦 王母千春祝大年

十二月二十九日卽舊歷十一月二十二日星期六早十
二鐘至署一鐘後移居新建參議廳第二層西頭第一間
新建房共兩進每進七楹也看公事無多畢覲文王席珍
唐芝初潤芳禾父皆來看四鐘食炒米飯一盃五鐘歸陽
歷元旦放假一日

君子館日記卷三終

君子館日記卷四

長安毛昌傑俊丞著

中華民國十三年一月三日即舊歷十二年十一月二十七日星期四十一鐘至署少時潤芳星齋陳次公均來次公云有寧壽堂初學記索價八十元可謂貴極矣仲章攜來覲文和禾父易俗社七絕十首極佳禾父五絕慨然言之略少含蓄耳

一月五日即舊歷十一月二十九日星期六訪李誠齋見面久談人極好現方治毛詩傳疏余告以兼讀傳箋通釋欲治詩經地理余告以讀詩地理徵三書皆王氏經解中

所收也

一月七日卽舊歷十二月初二日星期一遣張華取郵件
乃幼農所寄楊惺吾歷代輿地圖共三十四本價三十四
元郵費並包裹一元零五分由武昌官書局寄來幼農云
款已付無庸寄數年求之一旦始得快何如耶

一月十一日卽舊歷十二月初六日星期五余至署治公
後卽註三國郡縣表拚一日之力補註二卷尙未終燈下
補註三國郡縣表完竣漏已三下矣此書已治前六卷閣
置數月今日方了此事然尙需切實攷證著書豈易言哉
一月十三日卽舊歷十二月初八日星期早九鐘李誠齋

來訪余尙未起床卽請內室相見辭縣志局書樵不允余擬將照會託誠齋帶交誠齋亦不願久談後去敬之來談云越縵日記已購定交郵不日可到余託告錢健菴勸其令世兄來就文穆學敬之又云通志局亦有招我之說縣志局尙未擺脫而此事發生又須費無限口舌

一月二十六日卽舊歷十二月二十一日星期六讀龔定菴太誓答問春秋決事此皆今文家專門學不甚了解以余向未深治公羊家也

一月二十七日卽舊歷十二月二十二日星期錢健菴來談其世兄明歲仍在董卜五處讀書取相距近也若能遷

居至南城一帶則當來吾家附讀云云蓋余曾託敬之告
文穆教法之善令其來附學故也昨今兩日讀韓詩外傳
畢九卷趕明早可讀畢漢魏叢書本不佳以阮太傅詩書
古訓校讀之

一月二十八日即舊歷十二月二十三日星期一十一鐘

出門拜王縣長仍未見到署約十二鐘趙宋丞由三原來

訪住一師辦公處

主任王寅
初邵陽人

未四鐘車即來因太早令略

候四鐘後歸晚為柯莘農題益延壽磚拓本

另書清稿
在辛酉

二月二日即舊歷十二月二十八日星期六今日讀韓詩

外傳畢所讀為漢魏叢書本譌脫甚多趙懷玉校本無處

搜求因取阮氏詩書古訓陳樸園韓詩遺說攷陳碩父毛詩傳疏所引校定之補其奪文正其誤字而全書居然可讀成爲善本矣校此書約費十日之功

二月六日卽舊歷正月初二日星期三午後一鐘步行由城隍廟出後門至郭簽士巷訪姚萊坡久談並見郭君號益口者爲菸酒第一支棧棧長談及仲和病多日未出門坐間賀少亮亦來讀萊坡近詩中有游後園兩絕句味淡韻長餘亦極刻入無浮響並見少亮竹言諸作

二月七日卽舊歷正月初三日星期四出訪子彝久談並見王君陸一三原北城人年少而有學據子彝云有過目成誦

之天才言詞亦極雅馴因留與久談

二月十七日卽舊歷正月十三日星期王書樵來又將志局照會退回早間鄭子屏來謝步因託向壽軒說項將志局事讓與豐弟頌書樵又來力辭不脫此事真難處也王李同去宋後去余卽出門二鐘後少亮覲文純汀仲芳浣青星齋均來復以電話招竹言至決議社長一人推我充之副社長三人少亮覲文禾父充之庶務一人仲章任之竹言來打詩鐘第一次題龍井茶杜鵑竹言第一云普洱武夷皆下品野花山鳥偶同名第二次燈市長髯亦竹言第一皆余所取也第一題余作兩聯其一聯云烹來西子

湖邊水聽到黃陵廟裏聲尙覺自然惟西字黃字對不工
究非上乘余作六十生日諸感詩三律鈔與仲章禾父觀
之既而禾父浣青爽園各鈔一分去臨行余將底稿交竹
言請其認真改訂散時已四鐘矣

二月二十二日卽舊歷正月十八日星期五早十二鐘至
署看公事畢成二絕謝竹言並函寄萊坡竹言點定吾詩
作二絕謝之

二月二十九日卽舊歷正月二十五日星期五燈下撰聯
二付挽樊竹虛同年 聯襪入成均昔日忝稱同歲友
赴書來隴右今朝痛失濟時才 挽勞擘太夫人洪 居

上郡十八年人懷淑德 望并州二千里痛失慈雲

三月一日卽舊歷正月二十六日星期六作鄭印譜題跋如左 印譜以漢銅印叢爲最善皆用原印印來不失毫釐故可貴也然只註龜鈕瓦鈕亦全不得見此譜悉書原印更經李子游鶴寫其鈕精妙如椎拓視汪氏其彌精矣又跋錢健菴尊人水利議後 關中地勢高亢水利不修一麥不收遂有餓死之民然言水利者多矣詳盡縝密確可施行無逾此書有才如此竟以蓬蒿老輒不禁廢書而嘆也隨卽書就以了宿債

三月九日卽舊歷二月初五日星期六接萊坡函附閱中歲

月七律二十四章甚雋永有味亦其境遇寬綽故胸懷能
泰定如此我則不能也噫

三月十五日卽舊歷二月十一日星期六晚買對一付送
甘園今年六十壽也撰聯二付書其一祝閣甘園六十生
日二月六秩華年稱下壽 百花生日是今朝 又共君
一百二十歲 應知五十九年非

三月十八日卽舊歷二月十四日星期二撰挽韓綰卿尊
人聯未恰心姑記此 關隴著英聲策馬從軍兩省羣欽
名將度 桑榆娛暮景騎驢載酒十年領取故園春

三月二十一日卽舊歷二月十七日星期五仲和來看爲

代撰挽韓益三聯 立馬關西聚米人傳名將策 騎驢
灞上閉門老種故侯瓜 余又自撰一聯挽之 揚鷹關
隴牧馬涇原卅載人欽名將略 射虎終南騎驢灞岸十
年大隱故園春

三月二十二日卽舊歷二月十八日星期六廿園來約明
日十二鐘在其家西餐並云鮑子年扇已覓得大喜鮑係
古泉專家扇一面其手拓古泉一面自書詠泉詩小行書
精妙上款對先大父稱姑丈下款署名稱姻姪絕非僞作
至可寶也

三月二十三日卽舊歷二月十九日星期余與潤禾竹同

至圖書館爲海澄錢行撞詩鐘一課余主試未作取浣青
第一題菖蒲遊美句云萬里長風憑破浪一樽美酒可延
年氣象極好五鐘散

三月二十四日卽舊歷二月二十日星期一王品清夫人
明日開弔趕寫挽聯一付文曰 返駕層城先花朝五日
招魂灞岸牽柳線千條

三月二十五日卽舊歷二月二十一日星期二陳次公來
談攜來范鼎卿觀察藏書帖目錄萃集金石六千餘種索
價五千元真大觀也

三月二十七日卽舊歷二月二十三日星期四今日擬挽

聯一如左 挽岳持齋太夫人段 今朝瑤島栖眞聽雲
天簫管齊鳴迎歸海上蓬萊閣 昔日板輿就養看分地
桑麻遍野不數河陽桃李花

四月二日卽舊歷三月二十九日星期三十二鐘飛機一
架由空中過今日落西關各機關均往參觀余因僱車來
遲未去讀鮑子年泉話卷中諸人名備載卷末因錄於左

以備遺忘 劉青園 師陸 潘伯寅 祖蔭 初涓園 尚齡著吉金所見錄

劉燕庭 喜海文 吳子苾 式芬 陳壽卿 介祺 李竹明 佐賢 鍾

麗泉 洽 王戟門 錫榮 胡石查 義贊 吳清卿 大澂 王廉生 懿

榮 孫澄之 大川 翁宜泉 樹培覃 費虹舟 開榮 馬愛林 胡

安之 定生 幼雲 繼振揚民 韓季卿 韻海 戴醇士 熙謚文節 呂堯仙 佺

孫 吳柳門 文炳 蔡鐵 耕雲 葉東卿 志說 何鏡海 福字 陳式

甫 模 劉振齋 輅 金蓓穀 錫鬯劉燕庭之師 高西園 鳳翰 張叔未 庭

濟 郭懷堂 蔭之 朱近漪 楓 馬伯昂 昂 張石匏 開福 陳粟園

峻 張麗瀛 崇懿 馮晏海 雲鵬 李樸園 光庭 唐西園 與崑許

賓門 元愷 謝佩禾 壘 朱多燿 陳誰園 萊孝 翟木夫 中溶

盛子履 大士 張崑喬 端木 黃小松 易 胡自玉 我琨 路子端

慎莊 閣丹初 敬銘 孫春山 汝梅 李古農 敬直 鄭小塘 修 吳

霖宇 惠元竹 伯兄子遠 廉 仲兄子周 序

偽造古泉者蘇兆祥 張二銘 鳳眼張 薛氏父子 皆長安人 蘇

日 記 卷四 七

億年

高密泉

繼珩

沈韻初

樹鏞

吳我鷗

珩

四月十九日卽舊歷三月十六日星期六早十一鐘至署
五鐘歸爲幼農書磚文跋尾又爲李逸生題拓片 此器
出雒南縣山谷中無字而花紋形製皆不類周器按湯之
先封商邑卽廢商洛城在今商縣東九十里戰國時爲商
於據張儀誑楚言商於地方六百里雒南在商縣東七十
里卽商於西二十里正在契封境內其爲商器蓋無疑也
此器形製渾樸花紋密緻文作卣不可識略似立戈形
疑卽古文戈字

四月二十七日卽舊歷三月二十四日星期良甫交來龜

拓十開云華君天逸託題者又見良甫新購得北周張僧妙誌一本頗佳此碑在耀州云

四月二十九日卽舊歷三月二十六日星期二次公來談擬約幼如入署以便共商舊學並談及余况頗爲關心均可感佩

四月三十日卽舊歷三月二十七日星期三早十鐘沈幼如來約明日同往答拜陳次公承贈伯祖秋伯公詩稿李元賓文集各一本秋伯公詩稿家中舊藏一小篋庚子余主講崇實年弟聽鼓山西所有書帖均寄許家從此零落於外思之痛心范售帖目送還次公午後三鐘次公來攜

來元刻通志極佳索價五百元有補鈔三本
紙脆美中不足也

五月七日即舊歷四月初四日星期三李守
拓片文曰云陽右胡騎監云癸亥冬修龍洞
當檢漢書百官公卿表

五月十三日即舊歷四月初十日星期二
爲世兄合卷聯 好句催粧芙蓉出水
當階

五月十六日即舊歷四月十三日星期五
周寶江蘇山陽人有上某提學書一首懷

五月二十五日卽舊歷四月二十二日星期余往縣志局
只立如張梅岑數人才到直候至二鐘壽老書樵來開會
三鐘散會余創始請書樵向督署索十萬分之一長安新
測圖兩分此最要件也

五月二十九日卽舊歷四月二十六日星期四陳次公來

攜高南村

鳳翰

詩稿四本甚佳卓亭云伊有翁常熟手批

詩經一部約日往觀之六鐘歸晚爲年弟改挽聯一付

挽馬警廳長太翁

桐鄉小吏梅尉微官却敵建奇功月

夜清笳劉越石

絳帳談經白眉著望傳家有令子霜威

赤棒漢金吾

日

記
卷四

九一

五月三十日卽舊歷四月二十七日星期五今早復作挽
馬子萬一聯擬自書送之 樂氏守孤城保境安民功邁
江陰閻典史 賢郎作美宦詰奸鋤暴名高漢代執金吾
六月十日卽舊歷五月初九日星期二至勉之處值其爲
人治目疾先用迷藥注射後用刀及毛刷刮目血淋漓而
病者略無知識毫無痛楚西醫之術精妙如是安得不令
人俯首至地吾國舊書專以五行五色五味等等渺茫之
理求效烏乎可

六月十三日卽舊歷五月十二日星期五擬挽聯三付挽
黃仲唐室朱夫人 夫婿多才勉齋紹紫陽之學 詞人

不死斷腸與漱玉同傳

又代仲和

閨閣雋才樂府留傳斷腸

集 風流夫壻傷心慘賦悼亡詩

六月十五日即舊歷五月十四日星期晚寫聯一挽黃室

朱夫人 征車未發目極東方遺恨千年望夫石 片玉

幸存名高北宋雅音一卷斷腸詞

六月二十一日即舊歷五月二十日星期六日月易逝今

爲慈親二週之期諷經一晝夜吳敬之楊幼尼李約之來

弔哀哀父母生我劬勞欲報之德昊天罔極痛哉

六月二十二日即舊歷五月二十一日星期晚爲敬之謝

步知三家詩義疏及禮經校釋扶萬皆有當借來一讀也

日

記 卷四

十一

七月九日卽舊歷六月初八日星期三午後在署寫對聯
二付爲仙航題畫詞一首清平樂 松風謾謾幾樹濃陰
綠更有蕭疏數竿竹左右兩間茅屋 火雲燒遍塵寰閉
門坐看青山如此清涼世界料應不在人間

七月十二日卽舊歷六月十一日星期六午後晚青自湘
歸來談略知行路情景自南京至陝州不過費六十餘元
由潼關到省覓車不得人及行李皆用膠皮車費至百元
以外行路難無過於陝省也六鐘歸今日改法課訓令以
高逆叛產撥作白郃澄等縣公益之用內添數語云且取
之民者仍還之民亦可稍平怨毒之氣而寒貪黷之心云

云自覺頗沈摯

七月十九日卽舊歷六月十八日星期六早十一鐘出門
便道取書接塵寄詞律舊板雖非初印尙是元板

八月四日卽舊歷七月初四日星期一仲章言晚青星齋
諸人之意路太夫人壽序必欲強我爲之余力以病辭而
禾父因病至今節略開不出此事或可打消也五鐘歸

八月五日卽舊歷七月初五日星期二早起改訂挽樊聯
如左 遺掛空存悼逝今憐潘騎省 絳帷不啓傳經昔
仰宋宣文

九月五日卽舊歷八月初七日星期五賀紹老來談江浙

日

記 卷四

十一

開戰今日已見新秦報從此必牽動天下矣

九月九日即舊歷八月十一日星期二蘊生遣謝鼎丞

振甲

長安白鹿原人來告知馮督留款現湊足現洋叁千六百元月收

利息三十六元由商會借給地方並棹橙器具辦一平民

夜學延鼎丞主其事而商務會之商業校長蘊生子兼督之

每日晚六鐘開講至八鐘止現共有報名三十餘人不日

開學云云甚善也

九月十二日即舊歷八月十四日星期五昨夜歌鳳求皇

一曲早十鐘起初擬不入直繼思明日秋節後日星期連

兩日放假今日似不應曠職因即乘車到署約十一鐘半

五鐘歸代程小亭改聯一付郵遞去 祝景吉人八十壽
兼重游泮水 治績滿衡湘迨陶令歸來晚節喜同籬菊
健 文章儕屈宋更魯公難老者年重擷泮芹香

九月十四日卽舊歷八月十六日星期早仲和送桂花數
枝置之案頭香滿一室余性好此少時蓄於外王母家所
典沈氏室有桂四株高出屋棟花時芳香遠布余自八九
歲從揚送世父至高郵爲外王母所留十二歲七月外王
母上賓後始歸凡五年享受此味十三歲入陝北方此物
極貴所見大半盆景高及屋簷者甚鮮也每見此輒回憶
外王母愛憐之德不勝悲楚

日

記 卷四

十一

九月十七日卽舊歷八月十九日星期三書挽聯一付如
左六鐘半歸 挽法課崔協之太夫人伊聯 獄無冤民

三輔謳歌京兆母 世遵慈訓一門孝友德星堂

九月十八日卽舊歷八月二十日星期四早恭祭慈親今
日爲釋服之期日月易馳慈親之沒已二十七月矣永爲
無母之人生於斯世實無聊也

九月二十一日卽舊歷八月二十三日星期一鄭子屏沈
幼如來談幼如贈毛詩本義一部此書係梅仁山世兄舊
藏前歲借閱伊卽欲贈我我因係伯言先生手澤堅却未
受今竟爲貧所困售於他所展轉爲幼如所得復舉而相

贈却之不得只好受之鄙性向不喜受人贈遺且經學書宋人著作更非所好也

九月二十二日卽舊歷八月二十四日星期一至署午後紹老來談並約至伊室看純汀及紹老祝景吉人壽詩寫作並佳陳次公來談鐘鼎拓片等並幼如贈程春海字條勒少仲聯均送去屬先爲道謝云在紹老處見子平樊川圖及耕餘課子兩卷題詠甚多南海兩絕句詩字跳脫可喜又有漢中陳君名毅五古一章古雅字蒼老近代一作家也

九月二十五日卽舊歷八月二十七日星期四昨晚擬賀

日

記
卷四

十三

劉介夫爲子納婦聯 一對璧人工吟新樂府 雙栖玉
樹認我舊巢痕

九月二十六日卽舊歷八月二十八日星期五爲省署科
員擬賀景吉人聯 才子三人鶴栖珠樹 佳辰九日爵
獻瓊漿

十月一日卽舊歷九月初三日星期三挽聯一付如左挽
崔營長 紀綱 太翁華峯聯 大荔城內 興學輸財羣士謳
三和巷

歌商洛道 傳家有訓一門孝友德星堂

十月二日卽舊歷九月初四日星期四早間腿疾復犯因
而復睡起遲已十一鐘亟啜粥一小碗卽往水利局而督

座已到久矣水利局因開弔兒嘴引涇事今日開會召集
各界往觀並開展覽會三日任人往觀奈今日爲雨所阻
來者甚少竟未開會而散

十月三日卽舊歷九月初五日星期五至署寫挽范卓甫
朱六哥聯二付六鐘乘趙車歸今日讀漢書五行志終此
志至難讀特加圈點鉤勒之 挽朱漱芳兄 我生第一
知己旣亡復何所樂 佛說大千世界無盡死又奚悲
首句尤展成哭湯卿謀語余與漱兄情誼極相類漱兄晚
耽禪悅次句特用彼教語慰之 挽范卓甫兄 兄竟先
我云亡卅載前塵如夢 余亦殘年待盡九原相見有期

日

記 卷四

十四一

十月八日卽舊歷九月初十日星期二燈下得一絕又跋
閣景軒藏春谷畫一則錄左 跋春谷畫 春谷精入分
小篆而畫尤高出儕輩此幅蒼莽渾樸雖屬少作取徑高
古已與凡近殊尸子曰虎豹之駒未成文而有食牛之氣
其春谷之謂乎

十月九日卽舊歷九月十一日星期四寫挽聯一付挽趙
其相太夫人劉 入奉母儀淑德久欽大家範 出參朝

政賢卽能達小民情

其相爲第一屆
參議院議員

十月十三日卽舊歷九月初五日星期一撰挽聯二付挽

馬海峯尊翁昆山 鄉里稱善人名高沙苑人 大荔 詩書

延世澤學紹扶風 又代馬良甫 望高白眉碩德一鄉稱
善士 經傳絳帳儒風百世仰吾宗

十月二十四日即舊歷九月二十六日星期五病中擬挽
岳持齋尊翁祝武念堂六十晉二壽聯各一付如左挽岳
持齋尊人朗軒聯 至性過人朝野欽其德行 義方教
子鄉里奉爲儀型 祝武念堂暨德配卞夫人雙壽十四
庚嶺梅開春歸渭北 綏山桃熟頌獻終南

十一月十一日即舊歷十月十五日星期二銀票停止兌
現人心惶駭此至劣政策不知建議何人馮子明軍過河
在華陰與嵩軍小有衝突並聞有攻取華縣之意西路嵩

軍全開東路鳳岐乾隴均請甘軍填防是又爲陝省貽無窮後患也

十一月十二日卽舊歷十月十六日星期三寫挽田潤初太夫人李聯 持家本東海風規奉承禮教 有子習穰苴兵法保障鄉邦 午後一鐘仲章來談渭北兵又退渭北甚慰唯銀元票止兌現人心大恐無善法挽回也

十一月十五日卽舊歷十月十九日星期六傳說督座歸豫軍事交潤初民事交聚五莘農長政務廳卓亭財廳禾父警廳云云不知從何發此議論並聞馮子明兵已過渭南並分支占藍田西路衛軍占興平咸陽原上亦開火三

原軍即日渡河云云晚訪敬之據說督座電召笠僧歸竟無復電華縣馬憨夾擊馮軍已敗聞有南竄入山之說街談巷議皆無根云

十一月十六日即舊歷十月二十日星期讀從戎紀略一過辛亥陝省革命真像惟此書耳希仁已死此書印刷無多亟應保存用以作他年攷訂資料

十一月十七日即舊歷十月二十一日星期一晚寫祝劉

曉初封翁聯 祝劉瑞璋年伯九旬大慶十月二十三日百年

自得榮期樂 三昧親承慧印經豫章何規十月二十三

以三昧慧印經見月令粹編

十一月二十日卽舊歷十月二十四日星期四途遇潤芳
立談數語知東路戰事已終馮子明經嵩軍讓路今還渭
北西路興醴破壞甚興平搶劫教堂並洋人負傷女學生
多人被辱此皆郭堅遺患當郭堅誅後掃除甚易而竟養
癰成患深堪痛惜訪晚青少亮均未見遇次公略詢病狀
數語而散五鐘歸 挽李季修明府 蓬萊高步華萼相
輝壯歲才名動關右 桃李盈門萑苻懲惡神君遺愛在
江南

十一月二十三日卽舊歷十月二十六日星期六由禾父
處借來當代名人小傳一部甚佳著者稱沃邱仲子不知

爲何許人吳光新治軍蜀東自云曾親與其行事蓋軍閥之幕客故敘述諸人窮形盡相大都得其真文章雅潔議論公允傳作也

十一月二十六日卽舊歷十月三十日星期三寫挽李季修聯並爲梅雪菴書字多幅趙宋丞賀少亮皆成詩據云吳子玉已到洛陽將來仍不免有戰事而吾省適當其要衝奈何 前撰挽文穆太翁聯補書於此 驊騮作駒己汗血 蚪螭旣駕難招魂

十一月二十八日卽舊歷十一月初二日星期五昨夜撰挽鶴皋聯未妥協聊記於左以待改訂 述慈親懿行紓

日

記 卷四

十七

小子哀思每讀遺文增涕淚
嘆新雨朋儕如秋風飄落
那堪人事日蕭條

十一月二十九日卽舊歷十一月初三日星期六車中改
挽鶴皋聯如左挽趙鶴皋兄前歲撰先太宜人誄文今雨
雅集社健將也 述慈親懿行紓孺子哀思墨瀋淋漓猶
存遺迹 嘆今雨不來如秋雲易散騷壇牢落又失斯人
燈下寫之並爲文穆寫安葬門對兩付 奉安窀穸

永痛蓼莪 情深烏哺 地下牛眠

十二月二日卽舊歷十一月初六日星期二早十二鐘到
署適紹老談聞謀來乘之言吳子玉有下野通電若然洛

陽可免戰事幸已

十二月十七日即舊歷十一月二十一日星期三挽周石生夫人李 撤手人天德曜未償諸老願 多情夫婿草
牕痛賦悼亡詞

十二月十九日即舊歷十一月二十三日星期五膺若來云
懃師因與胡爭鞏縣兵工廠開戰敗後逃往南陽云云
十二月二十八日即舊歷十二月初三日星期彤城來攜
來中國大文學史一部源流甚詳備可作教科參攷本也
謝無晚訪敬之將捐米冊送之並借來新攷正墨經注一
量著
本張子晉之銳河南實業廳著河南官印局寄售價一元半

十二月三十日即舊歷十二月初五日星期二昨夜擬挽
鄧朗泉聯早十鐘起一日無事 挽鄧朗泉兄 十年遠
走他鄉杜老及身逢亂世 一事尚留公道鄧攸晚歲得
佳兒

民國十四年一月十五日即舊歷十二月三十一日星期
四製大門春聯一付如左 錫名永識庚寅日 入春重
逢乙丑年

一月十六日即舊歷十二月二十二日星期五十一鐘軍
需課飭人送洋票千元未云何故亦無函件因張華未歸
無法詢問不得已冒風自往需課一行車剛啓輪而張華

歸因卽令之隨往軍需課見周漱六問故云係督座特下
一條令如此因將條取看只書送某某洋若干旁注需付
二字大致因余病多日醫藥等等費鉅不支故有此賜體
恤周至感深知己兩年來並未能稍效微勞益增愧慙

一月十七日卽舊歷十二月二十三日星期六晚成一律
今日改訂如左 千金雅贈慰窮愁穩暖香山萬里裘極

喜病魔眞可遣轉憂高誼重難酬文章知己樊南郡

少受知樊

山先生飲食肝膽照人劉豫州屈指平生兩恩遇一般風

教誨凡五年

義邁千秋晚寫上督座詩並啓燈下作小楷居然尙不過
差樊師六十二歲能於紈扇上作八百字小楷此則吾不

能也明早飭張華送署

一月二十三日卽舊歷十二月二十九日星期五訪禾父
談及始知督座一款乃笠僧電督座並託禾父寄語爲我
送此託劉公代墊而劉公遂卽由伊名下送我雪帥可感
笠僧尤可愛也

一月二十四日卽舊歷乙丑正月初一日星期六早八鐘
起祀先家人拜年悉令免除每逢佳節觸念慈親兒輩強
拜益增痛也

一月二十六日卽舊歷正月初三日星期一病中擬挽聯

一付挽周子摺

瑤宮作記新承吉

金瓊敲詩舊主盟

41

二月十日卽舊歷正月十八日星期二續假一星期適值扶萬亦來久談扶萬云中山病故京師四鐘返禾父贈二曲先生像片一

二月二十五日卽舊歷二月初三日星期三余三十日夜夢見老母看余藥方因指醫案中顛顛二字問余作何解次日復夢如是自老母棄養後日祝於夢中相見而三年之久只見夢一次今乃兩日連夢且神情語言如一案顛顛二字出楚詞九歌云長——亦何傷王逸註——饑意余每病總患胸口不開家人又恐不食易召虛火老母夢中特舉此二字見示必謂余病原由胃弱總以少食爲宜

日

記卷四

二十一

雖長有饑意亦無傷也自是日始立志每食不飽非甚餓
不食老母之訓當永永奉守終身不敢忘也

三月三日卽舊歷二月初九日星期二擬聯一付挽胡太

夫人陳

平甫之母

秉禮持家東海遺風垂世則
升堂拜母

池陽回首憶前游

三月十三日卽舊歷二月十九日星期五讀水經注潁洧
溟澮四篇以王益吾兩漢志註及楊惺吾歷代疆域圖註
其今地名於書眉上使全書能如是註釋則此書與今地
合一便成有用之書惜精力衰憊不能成此宏著也舊有
張匡學水經釋地一書無從購覓且其書成於勝朝乾嘉

年於今時亦不合也

三月十四日即舊歷二月二十日星期六聞甯月樵明日
開弔急撰一聯挽之並撰郝立丞太夫人張一聯即書之

挽甯月樵兄

猜燈虎
舊友也

君今西極乘蚪去 誰復南山

射虎來

挽郝太夫人張

葬龍
渠灣

鶴馭三更迎歸仙闕

龍渠一曲長護佳城

三月十五日即舊歷二月二十一日星期六趙晉卿銓斌來

言覓嚴鹿溪先生及世父小傳擬送通志局

三月二十一日即舊歷二月二十七日星期六連日更訂

三國地名略釋只餘三卷

日

記卷四

二十一

三月二十二日卽舊歷二月二十八日星期敬之來談借水經注疏要刪六本萬旭如來談攜周禮世說來質疑數事只答其一條餘皆不能解送隸篇石印一部暫留未便受之

三月二十六日卽舊歷三月初三日星期四早裕弟來訪家中舊地契因檢出交之北鄉老墳契兩紙共七畝數年前年弟交來亦在其內余老矣精神日益頹敗此等物禮當歸之大宗敬之來由錢健菴處轉借來參謀本部四年所印地圖十張伊共得五十張非全本以賤價購之冷攤者

四月四日卽舊歷三月十二日星期六擬劉瑞璋年伯挽
聯一付 與哲嗣齊年記九日佳晨紫菊丹萸曾向華堂
祝公壽 痛老成遽謝正三春欲暮綠楊衰草來歌蒿里
送君歸

四月十日卽舊歷三月十八日星期五訪宋丞云已歸他
出因詢郭瑞圃住處知孫文伯自笠僧許來因投刺見之
據其言從太原來在平陽遇劉雪督只帶衛兵四人次元
相隨先一日眷口數十在介休相遇劉在後行頗狼狽文
伯約一二日回汴

四月十一日卽舊歷三月十九日星期六挽俞月如安葬

聯如左 俞月如烟丈挽聯 念故國之山川一江星火
兩點金焦魂魄常應依北固 占新阡於羸博百代馨香
千秋俎豆使君至竟愛桐鄉 故居在揚子江邊鐵甕金
焦千里鄉關依北固 新阡卜鳳棲原上馨香俎豆萬家
尸祝視桐鄉

四月十三日即舊歷三月二十一日星期一挽俞聯重改
定如左刊落虛字乃覺適鍊 故園大好山川黃鵠磯邊
兩點金焦望瓜步 新阡近隣韋杜鳳栖原上百年俎豆
視桐鄉

四月十六日即舊歷三月二十四日星期四早十鐘起閱

報有胡笠僧病故信大駭飯後出門不數武遇扶萬亦如是言趕往南院門看他報如何紀載乃亦只新秦一分悶悶歸少時濤甥張華皆如是言蓋已滿城傳說殆遍朱健男自強來並言有人問之電局所說午後三鐘訪宋丞細詢伊有數電往詢未接回電近日電局阻隔開封電須由甘肅轉殊不可解惟宋丞云此電由晉省傳來且十一日之事今已四日無確信當是謠言

四月十九日即舊歷三月二十七日星期早閱報知笠僧凶耗已證實痛徹於心

四月二十一日即舊歷三月二十九日星期二昨夜擬挽

日

記
卷四

二十三

何潛白表弟一聯 君是廉吏子孫竟迫饑寒死道路

誰謂天心仁愛偏誅蘭蕙植荆榛

四月二十三日即舊歷四月初一日星期四擬復岳西峯
電如下開封督署西峯師長勛鑒真電奉悉笠僧溘逝得
公維持遐邇悅服指日即真必能撫循瘡痍竟笠僧未竟
之志預祝毛昌傑叩東代仲和擬挽涂心培夫人朱聯

淑德千秋列女傳 遺文一卷斷腸詞

五月三日即舊歷四月十一日星期出訪禾父並見蘊生
久談笠僧病狀全誤於恃強不謹慎也痛哉 挽

孫中山
胡笠僧

抱三民主義奔走京津惜大功未成山木摧頽哲人隕

提十萬雄師奠安河洛奈捷書初告風雲黯淡將星沉

五月四日即舊歷四月十二日星期一成六絕挽笠僧

五月七日即舊歷四月十五日星期四昨晚將哭笠僧詩略爲排比得十二絕一律今早寫成清稿三分一託敬之

轉交竹言改正其二交新秦及平報館託登報

五月九日即舊歷四月十七日星期六蔣仲三

經紹周同年之子宏

道舊學生來云學界擬電劉定五表歡迎之意余即附名並改

電稿一字撰挽聯四付如左

挽笠僧

代趙宋丞

論並世英

雄方駕孫陽追踪馮異 仰生平志趣遠師武穆近法文

忠 生則爲英論蓋世勳名直與三峯同峒 歿而猶

日

記 卷四

二十四

視痛神州擾攘何時四海見澄清 挽陳太夫人 有子

爲一代英雄久著羊杜風流范韓威望 卜地得萬年吉

壤近挹南屏山色西子湖光 挽雷仲南太翁友初先生

厭城市樂山林與物無競 祛浮靡期實口教子有方

五月十五日卽舊歷四月二十三日星期五又雨一日微
嫌多矣石逸詩云荷耜望澤春徧少扶杖看雲夏更奇誠
佳句也

五月二十三日卽舊歷閏四月初二日星期六劉養伯來

略言一路歸來接洽馮子明麻元文甄壽山麟遊均一致

歡迎定五軍紀則以甄部爲良定五至今尙未籌得政務

長殊難其人

五月二十五日卽舊歷閏四月初四日星期一蘊生定初八日續弦擬賀聯一 荆楚重開浴佛會 河洲更譜好

述詩

六月十一日卽舊歷閏四月二十一日星期四早九鐘起

午後一鐘奉督署一七號命令派充督署秘書六月十日發今日到

賞票洋二元在南院門一遊瀛記曹姓書局移竹筓市因

往看之見豫章叢書係新製棉連紙印甚佳又豫章集王

著其子鵬運刻碎錦吟皆甚佳汪孟慈喜孫一作喜筓容甫先生子從

政錄仿宋刻亦好然書皆不甚緊要且價大故未買尙有

李申耆歷代地圖一分共一十六卷裱八十本因缺十本故亦未買此則甚有用也

六月十九日即舊歷閏四月二十九日星期五昨夜爲陳

翰卿德藻湖北人書扇一把題笠僧遺書一則爲鄭子屏 笠

僧曠代逸才也而所學聖賢之學所志聖賢之志顏敗叢蘭冉傷茅苴此子竟不永年吾將呵壁而問天矣

六月二十二日即舊歷五月初二日星期一高培支送來希仁說文提要稿本緣昨在圖書館談及丁仲祜搜求許學著作故向培支將此借來擬寄丁也然細讀其書僅止節錄說文常用字三千餘直一刪本說文解字他無發明

似無須寄丁昨在高處並晤劉依仁

名安國華縣人談及第三中學校長

亞新地學社有陝西分縣圖係左文襄所繪本不久當可印出

六月二十四日即舊歷五月初四日星期三讀東坡年譜終接鼎梅信屬作輔卿兄讀書提要敘飯後訪仲和略談歸代擬挽聯一付交之並託告劉介夫 挽楊書卿夫人

薛代仲

彤管揚芬聲稱南國

黃楊厄閏駕返西池

六月二十六日即舊歷五月初六日星期五晚寫挽聯兩

付 挽楊書卿夫人薛孺人

無錫人暫寄長樂門外江蘇義園

內助得

賢才常把丹黃共讎校

傳家守故訓時將清白勗兒孫

又代宮
月舫

月冷梁谿愴懷故里
鐘聞長樂暫妥幽魂

七月十日即舊歷五月二十日星期五早起祭慈親不動
外客以此間習俗三年率用吉禮點綵演劇主人受賀實
非禮故余仍遵故鄉俗只家致祭外禮概不收受晚間艾
女爲放焰口一臺一鐘畢

七月十五日即舊歷五月二十五日星期三聞人言孫軍
與吳軍開戰東門內載歸傷兵頗多吳戰始不得手又聞
岳西峯及吳督辦均派代表議和平解決暫時停戰未知
究竟如何

七月十六日即舊歷五月二十六日星期四早約六鐘時

何梅先之家人來報督辦於昨夜出省署內人員遷徙一空令我卽遣人往搬行李因卽令張華黃元同往搬取幸未遺失一物督辦之去昨日傍晚定我不知也非何之家
人來報必損失無遺矣早飯前訪敬之知吳督去志已定於昨日正談頃聞炮一聲卽歸老三來言周近仁移居蓋恐會館爲軍隊所佔伊有家眷不得不避之裕弟去余亦上街在甘園鋪中遇張子信君因將李逸僧之扇託伊轉交南院門南華公司美華亨大利兩鐘錶店均被搶院門巷共搶七家皆昨夜吳督旣去其東路敗歸之兵所爲也路遇孫玉溪知李虎臣姜伯範已入城下午在趙松屏門

日

記
卷四

二十七

首遇仲和立談遇熙庭知孫禹行前隊亦入城李駐省署
孫軍駐督署遇孫克丞屠小梅知禁烟總辦郭君翼已逃
財廳長侯鑑丞被押於陸軍監獄

七月十七日卽舊歷五月二十七日星期五早九鐘起甚
熱未出門午後一鐘幼農遣人送其守寧遠城紀事一本
因將陳卷令其帶回

八月十二日卽舊歷六月二十三日星期三長班報告顧
燕青於今日巳時病故此吾初授徒時第一學生且少時
設帳其家重承耳山丈厚愛優禮甚周且於學問受益不
少燕青遇我踪跡雖疏情誼不薄良可痛也

八月十五日卽舊歷六月二十六日星期六晚擬挽燕青
一聯 儕輩落落三兩點晨星那堪泣鳳傷麟更揮老淚
几席依依四十年舊事爾時鳩車竹馬方在髫齡

八月十八日卽舊歷六月二十九日星期二挽顧燕青聯

代仲和卅年相交性情靡閒 一日不見生死長辭

八月十九日卽舊歷七月初一日星期三劉養伯來云定
五已於早間到省現住通志局屬余卽往以便辦理筆墨
云振東來託代緝電報

八月三十一日卽舊歷七月十三日星期一攜祝詞清稿
屬看有無改云頃得電知陝督任孫岳吳芑孫改陝西護

日

記 卷四

二十八

軍使馮煥章任甘肅督辦仍兼西北邊防督辦李虎臣任

陝西幫辦豫陝甘剿匪總司令陝甘邊防督辦

孔繁錦

均裁

撤又姜登選任安徽督辦楊宇霆任江蘇督辦此令一發
陝局暫時可免紛擾亦大幸也 寫賀張文穆喜聯明日

續絃也 今日良辰諧伉儷 來宵好月共團圓

九月七日即舊歷七月二十日星期一賀楊書卿續絃十二

一日白

露節 擇吉剛逢白露節 合歡共醉碧筒杯 孫督

擅委李梅森為煙酒局長王子中

建極

為印花處長並欲

委焦易堂為政務廳長且代折代行李可亭為財政廳長
向李虎臣商擬令強奪省長印李不允暫擱置劉鳳五省

長朱子敏財長已電京未見命令也

九月十三日即舊歷七月二十六日星期三寫挽段太夫人
聯一付 慈惠待人溫如冬日 義方教子望重秋曹

九月十六日即舊歷七月二十九日星期三挽甯月樵太
夫人 比屋爲鄰久欽懿範 治家以禮永著遺型

九月三十日即舊歷八月十三日星期三賀周紹先連長
歸郿完婚

十月四日即舊歷八月十七日星期三蘊生偕某來借南山
谷口攷一本敬之向臣陸續來談自定五來我一身將爲
人役且如山陰道上接應不暇我不過一閒散顧問且如

日

記 卷四

二十九

此設據要津不知更如何困苦也

十月五日即舊歷八月十八日星期一接張澤涵信附條陳一紙以統一政令拔用人材整理財政三大綱言之成理然非武人覺悟不能行也

十月十六日即舊歷八月二十九日星期五李東初託代擬挽聯立刻即要擬就飭張華送去而又遣人來催挽

郭伯龍聯

代李東初

或爲牛耀廷轉託望重鄉邦東國人倫

郭有道才兼文武西京循吏尹翁歸

十月十七日即舊歷八月三十日星期六一鐘復到選舉事務所略商酌預算事飯時復回祕書室開委員單請批

薪水批定仍照上屆委員長二百六十元委員一百六十元王萊亭來訪紹岩久談悉石逸背瘡極重瀕危者數次現已大好挽吳希真 灞岸分襟竟成死別 玄亭問字痛憶生平

十月十九日卽舊歷九月初二日星期一到秘書室張虎臣調參事會秘書長王子經亦聞有他調說道符數日未來作文字者只敬孟繹岩四人矣孟擬布告一長篇文甚佳唯恐不易履行耳

十月三十一日卽舊歷九月十四日星期六感冒病九日至今始能勉強起床馬玉堂看一次王勉之看一次並爲

日

記 卷四

三十一

素姬診視皆略見輕減終未退盡早十一鐘至所令將概
算改定午後四鐘交定午閱過見南圃談及來家看病並
代定午送到現洋百元養病因卽面謝之財政極艱爲我
謀者至爲周摯可感當面告之請後勿再如是受之適增
慚愧却之又非彼我交情所應爾也

十一月二日卽舊歷九月十六日星期一祝路禾父太夫
人七旬壽聯九月十七 檉華垂蔭家風舊 萊綵稱觴壽母

歡

十一月五日卽舊歷九月十九日星期四挽張鳴岐省長

五代定

數鄴下人才盛名與韓魏國岳鄂王並重 守容

城學說終身奉顏習齋李恕谷爲師又生有自來仙樂先

徵鄰媪夢 天乎不弔神州未奠哲人殂 挽邵某代定

五 草檄飛書幕府高名馳塞外 揚枹擊鼓使君遺愛

在湘中 挽赤百符老先生亞武族長之父 耕讀傳家克勤克

儉 詩書教子允武允文

十一月八日卽舊歷九月二十二日星期早七鐘起程住

臨潼縣魚浪山署中韓城人 次日住渭南縣曹毓生靈秀渭南人

署第三日住華縣劉慈卿署植青渭南人 第四日抵華麓焦易

堂李可亭招待先住太素宮後遷雲台觀內焦仙祠道人

直隸人號法正俗姓郝氏招待甚周共住七日十九日起初四日起

日

記 卷四

三十一

身歸

十一月二十五日即舊歷十月初十日星期三擬挽景吉人聯一付託紹岩代書文如左 佳節近重陽去年菊綻籬邊曾向華堂祝公壽 人生若朝露此日梅開嶺上又歌蒿里送君歸 飯後歸寫喜聯一付後日爲宣兒完婚也 梁孟風微須料量荆釵布裙希蹤往哲 向禽願了好整頓芒鞋竹杖徧踏名山 此昔年代寶珊所擬者略爲刪易用之

十二月二日即舊歷十月十七日星期三定五招至客室王丕卿在座商酌與馮煥督一密電

安戰事將了從事善

後請其出主大計余因在素子室擬定登時定五看過卽拍發

十二月四日卽舊歷十月十九日星期五西峯正鵠兩電知郭松齡反戈攻出山海關已至綏中自稱東北國民軍並迫張作霖下野李景林中立自稱國民第四軍陝軍則李紀才在濟南樊老二在德州鄧寶珊在保定虎臣住鄭州以待時機云

十二月五日卽舊歷十月二十日星期六與蘊生敬之竹言黃俊老閒談宋聚五擬撰民國陝西大事記諸人談困難甚多確有至理二鐘到所總計各縣報到初選人已有

三十餘人五鐘飯飯後在華貴勤房略坐歸

十二月六日卽舊歷十月二十一日星期昨晚寫挽聯二
付 挽鍾琴石太夫人馮 入奉姆儀淑德遙欽大家範

出參朝政賢郎洞識小民情 挽周振軒 霽月光風

懷茂叔 隻雞斗酒哭橋公 余購鈔本逸周書分編句

釋殘本上元唐大沛醴泉纂受業蔡世松友石校刊只上

編十八篇至王會
解爲止

十二月七日卽舊歷十月二十二日星期一跋秦芷齋書

聯芷齋丈工文章精金石之學隸書筆學伊墨卿往往神
似此聯以不愜意未署名今丈歸道山已四年矣寸紙隻

字皆當寶貴上聯用陶詩敝藏陶集數種皆作宿好此作
素不知據何本對句則張茂先詩席間告定五請勿主持
收房捐此議本非定五所創外間皆怨之冤哉

君子館日記卷四終

君子館日記卷五

長安毛昌傑俊丞著

十五年一月五日卽舊歷十四年十一月二十一日星期二自十二月十五日病至一月五日共二十日今始下床十七日定五來視疾次日遣劉蓮浦送來養病費現洋百元情實可感隨覆手片請後勿再施增我慚悚請王勉之看三次服藥已效迄未淨仲和來勸請王蔭之看三次始驅淨外感又速服補劑三帖始愈然虛弱過甚尙需數日始能出門也病中陳伯韜送來照片一紙成七律一首一月十八日卽舊歷十二月初五日星期一早十鐘起擬

入署因天陰仍畏冷而止今日開會議議決覆選辦事法
二月一日卽舊歷十二月十九日星期一春秋輿圖一本
交定五伊近讀通鑑輯覽至春秋時故以此書佐之

二月二日卽舊歷十二月十九日星期二寫王佐周三週
紀念幃一

二月五日卽舊歷十二月二十三日星期五見定五詢搬
署事已定明正十日遷移余因密告陝事終無所爲再視
大局若何不妨借故引退易云見幾而作不俟終日此言
甚可味也定五頗以爲然並云伊久有此意相機行之
二月八日卽舊歷十二月二十六日星期一笠山來言寶

雞確爲吳軍所得楊軍專守號鎮郡縣亦有戰事到祕室
與敬之孟符略談古詩平仄宋芝田持論太拘實非通論
孟符並云及填詞一事芝公直是外行

二月十日卽舊歷十二月二十八日星期三購崇記歷代
地圖一部李申耆著大本共十六圖八十幅缺十幅因將
全部細細檢點與李氏五種所刻略有異同

二月十一日卽舊歷十二月二十九日星期四早九鐘起
趙宋丞來攜朱子敏贈洋百元辭不得十一鐘乘大車至
財廳面辭之未久坐步行到所蘊已先到未幾春笠均來
因商就現有之款與同事暫發半月之薪現七票三搭配

以備度歲之用三鐘定五約談看舊拓雲麾碑一本甚佳
余爲估價二百元晚朱仲尊仍將子敏贈洋送來義不能
却受之此仍是笠僧關係言念及之黯然欲涕

二月十四日卽舊歷十五年正月初二日星期余卽往敬
之家答拜見孟符元日七律一首甚佳

二月二十一日卽舊歷正月初九日星期昨夜製挽聯二
付如左挽涂澄亭表弟 風俗日偷管鮑交游棄如土

予懷益惡劉盧世戚漸無人

又代
仲和

君死豈無因良夜

剛逢司令醉 我生復何樂重泉轉覺故人多 柏孝奉
爲孝龍子續絃撰聯賀之 今夕同斟合歡酒 來宵共

看上元燈

二月二十八日卽舊歷正月十六日星期郭
雙聲疊韻並六書音韻表諸疑難具答之

三月六日卽舊歷正月二十二日星期六在
失守我軍退駐華縣省長派蔡祥符往慰問
將並擬派南浦往晉與閻督有所接洽

三月九日卽舊歷正月二十五日星期二據
新豐頃聞筱亭言出門時赤炳文由東返奪

不足信若然則一二日內省城又起大恐慌
三月十日卽舊歷正月二十六日星期三到

旅克復潼關西攻至弔橋三鐘定五約談爲改賀馮宣撫
直豫陝三省之喜內閣改組賈德耀爲總理兼陸長紹岩
代長安知事復請培繹如來任秘書余贈顏碑精拓一份
今日交之

三月十一日卽舊歷正月二十七日星期四早十一鐘至
所寫挽聯一集聯二擬贈韓繼雲 挽王勉之尊人蘊空
乍脫征塵五日驚魂猶未定 死有餘恨四郊羣盜尙
如毛

三月十四日卽舊歷二月初一日星期蘇敏生來辦楊虎臣
主任舊在民立 曾在子逸處見過數次故爾與之熟據伊
中學任教習

言汴梁確爲吳軍所得岳西峯李虎臣均被困陝州天津
被李景林反攻亦有此說楊虎臣西邊戰事頗得手惟子
彈缺乏現已移開來省擬向省東行爲豫西援助而令衛
總丞一定西歸敵孔吳云云

三月十五日卽舊歷二月初二日星期一閱京電知直隸
戰事甚確三軍失敗實意中事也

三月二十一日卽舊歷二月初八日星期訪萊坡勤孫均
未見歸至門口適遇萊坡遂約歸暢談云有南祝兩夫人
畫囑題詩允之挽秦聯如左 懿行常昭彤史範 佳城
永奠白楊邨

三月二十三日卽舊歷二月初十日星期二早九鐘仲和

來信託擬挽繆夫人聯因令在敬之處借計聞十一鐘王

虛齋乃心永鎮城固賴定之華峯子同來詢京電事去卽到所撰

聯一付如左 故里難歸嘆豺狼遍野魑魅窺人痛絕烽

烟阻南國 花朝乍過正芳草粘天垂楊罕地愁看旗旒

出西郊 趙念甫來四鐘余至祕室卽開飯因將卓亭之

言轉達定五定五已如其所開單照准矣

三月二十四日卽舊歷二月十一日星期三到署定五又

促我擔任關中道剴切與言並力薦郭蘊兄吳敬老謝文

卿均未允正談頃素子亦來並與素子力言不可狀迄未

解決而散到所無事到祕室繹如未來因至竹言處擬將
漢廷代政務廳長事告之而漢廷正在座不便言也

三月二十七日卽舊歷二月十四日星期六早八鐘起省
長素子均來道喜十一鐘半到所蘊生已到街上懸旗云
虎臣今日回省省長已往東關相迎少時省長回云今晚
住臨潼大約明後日方歸

三月二十八日卽舊歷二月十五日星期一李督昨晚回省
省長已見面

三月二十九日卽舊歷二月十六日星期一李督辦今早
往三原而又向長安催烟款限五日要三十萬並收房捐

兩月真不了也

四月五日卽舊歷二月二十三日星期一清明節早八鐘半起十鐘攜湘孫同往督署行清明植樹典禮植樹畢順看吳督新修之房尙未畢工而吳已去深可爲好興土木者戒

四月十二日卽舊歷三月初一日星期一見定五云李督昨有出省之意今日宗旨又不定余告以鎮靜爲是薛正清來電亦與余同

四月十三日卽舊歷三月初二日星期二省署來請卽到省署定五言李督辭職已發通電楊虎臣師進城定五亦

辭職卽請孟符擬電上執政總理各一通並有拜章旣上卽擬出署就醫印信交我代拆代行之語余力言不可卽操筆刪去並請素子漢廷來力諫之漢廷極然予說李振初吳敬老均以定五說爲是經余一再解釋敬意已了解席中我與敬之又力言其萬不可輕去之義

四月十四日卽舊歷三月初三日星期三往省署痛陳不宜輕去之故李貞白亦來力言之意似有轉機余卽到道署已二鐘矣四鐘往通志局和平期成會見蘊生亦擬約之同往省署而省長來請余卽暫往復有提及令余代行已下條並令卽將印代歸余卽遣車往約蘊生而和平會

○談畢復約蘊生王善卿同來阻定五之行
○同人已到督署並約余往同見督辦及柴司令代表宋世

四月十五日即舊歷三月初四日星期四早腿疾犯即起
少時愈十鐘到省署適李貞白亦來略談省長歸談及刻
下楊虎臣定今日進省李督意俟楊來會商軍事辦法省
長暫時不行甚善

四月十六日即舊歷三月初五日星期五到省署李貞白
亦在座定言楊虎臣今晚進省姬慧伯昨日進省素子曾
見面余聞禾父某天自臨潼返特往訪之兩處均未見路
遇文穆云聞霆軒說彼方要求六鐘進城代表謂時太促

萬趕不及彼方謂若不然則進兵云云吉凶今夜必見分曉也

四月二十八日即舊歷三月十七日星期三往省署軍界召集會議請各機關各團體電告中央各省報告陝西被兵慘禍四鐘散

四月二十九日即舊歷三月十八日星期四訪子逸久談子逸云楊虎臣師長方在伊家談次欲來拜余余因便往拜焉見面人極謙下氣度嫻雅略談歸

五月一日即舊歷三月二十日星期六昨晚戰事最烈大礮十餘響鎗聲不可計數惟余倦極故爾能睡今早七鐘

起鎗聲仍未止礮聲亦閒數分鐘一響

五月二日卽舊歷三月二十一日星期早八鐘起十鐘訪王潤生擬託向倉廩紳說項在應交縣款內扣數百元據云城內吃緊鄉紳無入城者且十九年錢糧確已征完刻下惟房捐一項正在催收如能與紹虞商妥準在此款內挪用則可辦到卽出訪蘊生不在訪問渠略談訪繼之卽將潤生所談請其商之紹虞訪韻卿未見歸敬之來談飯後至省署定五正在庭閒步因入與清談據云段仍出維現狀云出訪素子不見卽歸迂道訪甘園李友鶴諸人正議下星期開會擬俟戰事了後演劇籌款賑濟難民甚盛

事也余極贊成衆散更與甘園清談片時返

五月四日卽舊歷三月二十三日星期二到署聶夢九來言同人說有田毅民督陝之說四鐘出署到省署見素子警堂警堂言適往我家未見省長因蘊生言明日一鐘召集財政會議共四十七人恐到者未必及半也

五月五日卽舊歷三月二十四日星期三到署午後一鐘到商會約蘊生同到省署今日召集財政會議也四鐘始開會議決在外縣發行公債俟商之軍界定議後舉行

五月六日卽舊歷三月二十五日星期四午後一鐘到和平期成會議答劉雪帥回信招韓綰卿久不至芝老因多

日

記卷五

八

談不耐散去直至五鐘始來言彼方能承認陝豫合作任
井崧生爲陝西總司令然後方能言和話畢衆散

五月七日卽舊歷三月二十六日星期五至和平期成會
韓綰卿函云欲言和須承認井爲陝西總司令麻爲副司
令井未來由楊虎城代行再議條件卽由張紫橋擬覆函
將韓信附入函稿大衆看過極佳發繕交俞嗣如送郵三
鐘後散

五月十三日卽舊歷四月初二日星期四至和平會一鐘
芝老來二鐘衛總成師長來議定由和平會函詢劉雪督
若陝西果能退彼方能否不追擊并函吳芑督請勸劉罷

攻以穫麥在卽也三鐘半散

五月十四日卽舊歷四月初三日星期五午後一鐘到和平會劉雪督復二宋念堂信云極愿和平陝軍有鎗者皆爲改編無鎗者給資遣散岐鳳興武爲分駐地點云照鈔數份舉次楓嗣如與衛總成送閱借余車前往三鐘時歸云與二虎商定再與回話又李楊各送一紙韓綰卿一紙由鄭子屏代交四鐘散薄暮振初來談未去省長來談少時去

五月十五日卽舊歷四月初四日星期六至和平會到者無多問警堂言二虎見雪復宋武信甚不謂然大約和議

不能成也蘊生與嗣如因報載財政會議事不實嗣如漫云聞之蘊生因而面相詰難頗激烈嗣如卽去少時衆亦散余到省署飯後同繹如酌修致雪督信請停戰令民收麥改成而定五已往李虎督處卽同出署擬明早再往一談

五月十六日卽舊歷四月初五日星期至省署見王丕卿函云有東路人得家信傳說劉肩中飛彈勢頗重云云午間爲惠春坡道喜並見魏子樹據鳳丞言春坡到任聘顧問二人彭毅揚王益然諮議八人子樹當卽入諮議中一人也薄暮南城鎗聲甚多大礮數聲家人小孩均甚惶駭

五月十七日卽舊歷四月
在外借得百五十元柏衛
食請增加善初言卽照通
論多寡皆以票洋補足姑
五月十八日卽舊歷四月
驚醒昨夜放數大礮余在
頂飛過聲尤烈家人羣驚
起起後未久而礮聲停十
秦報已登褚小密鎗斃事
證據甚確云又有一說前

皆褚所發縱此番係屈之告密云未知然否午飯後至省署知長安縣改委張念祖子甲之子也

五月十九日卽舊歷四月初八日星期三四路總司令部來函屬轉告西門外外人遷居以避危險蓋其花園已駐兵矣隨起函稿送署明早繕發

五月二十日卽舊歷四月初九日星期四早八鐘起接軍務聯合處函今午李督辦就陝西總司令職十一鐘往道喜乃知李尙謙讓不就聶夢九來言美安息會賈華兩牧師復信來云今日遷城內請發護照封條當卽發與護照一紙封條俟後再發夢九言李司令於三鐘半時任事賀

者均已去惟省署數人而已

五月二十四日卽舊歷四月十三日星期一十鐘時聶夢九來言賈牧師願將西關物件搬進城內請發護照一紙給之小車二十輛挑夫六人四鐘後礮聲又緊

五月二十五日卽舊歷四月十四日星期二午後約三時南門外礮聲又作共計十餘響家人仍移住街房至晚停五月二十六日卽舊歷四月十五日星期三到署曹仲謙談云自褚小密事出後竟有人飛語及劉樂天者屬余如有談及者務爲據理剖白云云四鐘到省署飯後略爲改訂致劉雪帥函稿六鐘出署

日

記
卷五

十一

五月三十日卽舊歷四月十九日星期二午後一鐘到省署見定五將邵教士函與閱之云無識之傳單無足計較貴教諸善士勸人爲善每遇急難我兄不避險阻出而排解受福孔多至爲佩感凡在公之人對於貴教會無不極端保護務請寬懷爲幸云云因卽歸

六月七日卽舊歷四月二十七日星期一見定五代敬之續假數日並將劉依仁伯母行略交之本擬請敬之代撰家傳敬之因病不能作故繳回余因告定五此等應酬文字不必求好可隨意請一人作之定五近日讀通鑑輯覽甚勤因與略言讀書之法四鐘歸七鐘餘卽寢

六月九日卽舊歷四月二十九日星期三到署命人來請美教士賈華二君來見伊開西門外住宅存物單兩紙請余簽字余答以並未點驗無簽字之理惟留一紙存案允之

六月十日卽舊歷五月初一日星期四早八鐘起飯後復睡十鐘時仲和來談縣署日昨將伊請去派捐軍餉二千元婉商減至千元實在無法應付並知吳敬則派萬元謝文卿派入千元甘園派三千餘皆不識約計單開十餘人仲和去余卽往長安見張伯銘康繼堯鄧敬亭高介人更有四路軍需某君在座不便談話辭出伯銘送時路中將

日

記
卷五

十二

仲和近况略告之請其推情照拂並將甘園事亦與言之此際無論何人現款實難籌辦伯銘並云仲和近况適敬亭亦與言之意思似已了解余便請其籌少數款救午節之急亦有允意余卽歸與仲和函知因早間建侯函約在家相候不便往面談也五鐘時建侯來談云長安亦派伊助餉三千元勸捐者一潘姓一張海颿余允爲向海颿說項留吃便飯去借小方壺齋六十四本願勸堂日記一本建侯去余卽訪海颿未見到省署見定五云趙貴卿昨日歸彼方答復甚和婉而此方得姚鼎陽信云張飛生已到咸陽傳聞陳伯生來信云都中大局有變伊已奉段令帶

兵回陝晉督亦助援陝党自新已假道山西由北山歸解
到大批子彈又聞綏俊卿章保已爲部下所戕全部投田
潤初矣訪趙貴卿不在卽歸訪蔭之略談歸

六月十一日卽舊歷五月初二日星期早九鐘張海颿來
因將建侯近况爲言之請其切實照拂滿口應允頻行云
究竟能出若干余以意答之若一二百元必能勉力報効
多則恐難辦到貴勤略述此次往來情形述畢去余卽往
建侯將見海颿時語告之訪仲和訪甘園均因捐事煩惱
特往慰之歸途遇謝文卿立談苦况今昨奔走兩日只湊
千元交去限初四午後三鐘續交一千由至新社出保條

日

記 卷五

十三

只明日一日工夫實無可設法憂慮不堪言狀良可慨也
六月十二日卽舊歷五月初三日星期六余卽到省署未
見素子與繹如坐談多時歸繹如前見鏡湖奉李督使往
東關邵教士擬借軍餉數萬真奇事也歸途至曹書鋪將
馬渥夫繪陝西輿圖還之元和郡縣志索價五元輿地廣
記歐陽索價二元歐書宣紙印甚佳

六月十三日卽舊歷五月初四日星期往財廳訪春波未
見至省署見之索款云擬商之軍界借發政費一層能允
與否尙不敢必出訪子彝借朱墨韓詩三本經傳釋詞四
本歸邱善初來云長安繳百元惟尙未見高九如面

六月十四日卽舊歷五月初五日星期一早十鐘起爲老
母叩節對影象展拜痛不可忍家人拜謁立止之邱善初
來云長安取來百五十元各員分配人五元衛士夫役人
一元聶科長共百一十元衛士九人節賞九元夫役八人
節賞四元車錢三十元共用洋百五十三元付內子錢五
十千作家中打散財廳竟未發一文也建侯遣人來告捐
款催甚緊明日擬再爲設法一疏通之

六月二十一日卽舊歷五月十二日星期一早八鐘半醒
十鐘至署繼之來談問渠事已擱置或者可免二鐘到省
署代敬之辭職定五言現無事可辦不必來俟有相煩時

派車來請不可言辭職昨有一詩也李漢廷交來卽是此
意已令素子往挽留矣云云飯後見敬之代達定五意素
子亦來過問敬言翟星齋富戶捐竟出至千五百元明日
當往慰問之

六月二十二日卽舊歷五月十三日星期二往看翟星齋
久談據云姚萊坡富戶捐旣出四百元已了事矣而新知
事接事復又翻異云出訪白紹魚云同友往騾馬市觀劇
未歸留刺返

六月二十七日卽舊歷五月十八日星期六午後邱善初來
言高九如亦病銀行借款事不諧刻惟有設法仿賈道尹

舊例向丁神父以交涉署名義貸千元維持現狀可託涂心泉先商之裕弟借來十元可暫爲接待省長之用然亦支持數日而已

六月二十九日卽舊歷五月二十日星期二今日老母第四週年購菜不得僅自製祭菜五小品黃魚火腿並仲和昨日所贈莧菜而已傷哉

七月一日卽舊歷五月二十二日星期四早七鐘起九鐘敬之來略談去允贈向之唐代方鎮表據云宋明兩代均有其書且較唐爲詳惟並未註今地名爲缺憾哉

七月二日卽舊歷五月二十三日星期五素子言省長到

日

記
卷五

十五

道署因卽返署略談去余以道署經費萬難支持與商請
委李子逸子逸與楊虎城有舊伊如任此每月數百元楊
必能相助而定五不允云此時不便有所更動經費一層
再爲財政廳言之前曾允撥二百元當能辦到云云亦不
便再告艱難矣

七月六日卽舊歷五月二十七日星期二到署丁神甫來
長談允借洋五百元兩個月限期還並需余與夢九皆署
名三鐘到省署吃飯飯罷卓亭孫文伯來與定五議外人
致劉信稿因高陵主教函告姜伯範云伊已與劉函請令
難民回鄉令省城各外人與慈善團體亦去函請而省內

軍事主政者不謂然也看楊虎城詩並爲易數字歸未上
燈困不可當卽睡半夜鎗炮聲甚盛起望城內西北角大
火稍時幸息

七月七日卽舊歷五月二十八日星期三今日奇熱昨夜
火係南院門西之市場已焚燬一空又添無數難民慘哉
七月十三日卽舊歷六月初四日星期二晚看敬之正坐
時又雨乃乘車返萊坡富捐出六百竹言曾言已經打消
實不然敬之家存米十八石爲糧台輦去十三四石尙能
爲留數月之食亦不幸之幸矣

七月十四日卽舊歷六月初五日星期三會計處還來洋

百元歸家略休息到省署飯後歸訪甘園同往答拜楊虎
城師長張亞雄亦在座略觀中州會館可園大異舊規余
少年時常來游今日重來逾三十年矣

七月二十四日即舊歷六月十五日星期六早薛宅來報
喪壽萱於本月十三日亥時作古今日三天十鐘到署十

二鐘西門福音堂嚴牧師

至佑

來云有信電擬託總司令

部代轉劉雪帥問可否少坐去四鐘時復來持信十五件
電三件共裝一函並與我一函託轉請司令部代遞余即
允代辦隨來教友趙君在此將信封繕就同去去後余即
寫信飭衛兵送去

七月二十六日卽舊歷六月十七日星期一署中人來云
武路兩牧師擬來署見面答以十二鐘相候旋即赴商會
見蘊生託爲仲和緩頰並見孫克丞十一鐘到署十二鐘
武路兩君來云擬修函託總司令部代遞余卽將糧台報
告春茂湧在彼存麥九百餘石駱駝巷某姓存麥五百餘
石有無其事武路咸言毫無影響余告以有函相達云云
去後卽擬函令人送去明日再囑聶夢九往查以便稟復
七月二十七日卽舊歷六月十八日星期二到署教堂復
函已來又派聶夢九自往詳查一次糧台所稱事全屬子
虛徒貽笑外人耳李仲特來談少時送之覺微風相襲又

日

記
卷五

十七

有病意歸來略息往省署與素子報告查詢困麥情形明日呈復

八月四日卽舊歷六月二十六日星期三又病一星期今早勉強起床因仲和捐款事縣署逼之甚迫昨日將其家丁羈押縣署特起擬爲託鄭子屏爲周旋九鐘出門先訪仲和已出門見叔惺略詢大概不得要領卽訪子屏子屏病不能會客掃興而返卽到署高九如來略談借款事云以錢票借用我云可照時估寫作洋元如此將來兩方均無吃虧之患未知能行否長安縣仍答隨後爲籌少數財廳今日擬往商之午後二鐘到署見定五因久病未晤並

擬託爲仲和緩頰乃定爲繆石逸事三致書而無效因而未言警堂漢庭舊事重提催迫亦甚警堂已逃漢庭丁艱稍緩飯後歸素子病牙頗重五鐘時仲和來細談擬明日訪王潤生代爲設法趙叔揚趙錫三同來言警廳又令各坊造居戶冊以備挨戶派麥

八月六日卽舊歷六月二十八日星期五大雨一日至夜不已萬餘難民彌增困苦天胡不仁至是哉四鐘訪王潤生談及仲和事託其說項據云毫無理解不通人情直是無法近來日避居陳督軍之公館內專爲避人說情者其奈之何

日

記
卷五

十八

八月七日即舊歷六月二十九日星期六早十一鐘到署
遣車接夢九請往總司令部見參謀長安君朝邑人說外
人託寄信件仍請其代轉已允惟月只可一次再信不宜
多因彼處無識外國文者檢查已艱難也司令部來函云
西關嘉牧師教堂已飭第四混成旅加意保護矣當即函
復嘉牧師省署庶務趙善徵來送洋三十元愧哉四鐘訪
高九如略談訪周鳳岡並見王香亭營長知仲和事仍無
辦法甘園又出洋六百五十元經楊師長說項始了事海
帆亦在座春坡前話云直不能談故未與我回話歸少時
趙叔揚趙錫三陳惺園同來言長安與歸義三坊派麥百

二十石三坊共派洋三千元直無辦法

八月九日卽舊歷七月初二日星期一早七鐘趙錫三送來三坊合詞呈稿中多過火語特起爲改定卽令送去飯後擬涂表姑丈象贊 宓宰單父鳴琴而治越三十年音徽未沫敬拜遺像悠然以思西京循良百世之師

八月十日卽舊歷七月初三日星期二張亞雄來略談云有糯米可讓數斗照買價十二元且可當時不付款真難得也趙錫三叔揚來言捐款已改辦法照警察燈油捐每百錢者捐洋一元如此甚不難辦而麥捐則催辦甚急此尤難也

日

記
卷五

十九

八月十六日卽舊歷七月初九日星期一邵教士伯清源來久談甚歡三十年前舊交也四鐘歸云禾父在同善社相候因往見之並見查君聽彈琴兩齣聲細幾于無古樂必不能行可見也

八月十七日卽舊歷七月初十日星期二到錫三家十二鐘人始到齊收前日所派麥數重行公定除去長安教育局通志局國學專修館興漢會另派一單吾家仍派一石二斗餘則有增有減四鐘散余卽赴省署省長他出見素子略談在素子房見審判廳公事云犯人不能供給口食數十人擬一律開釋皆殺人強盜十年徒刑以上者是又

添數十惡人於社會也

八月二十一日即舊歷七月十四日星期六早十一鐘到署舒大夫來答拜並攜信一件報告交通部云郵政局長陳伯韜芟濤因霍亂於今早病故請吾送總司令部檢查即託設法送至他縣交郵局拍發又昨接武牧師請索告示信因即擬兩函請夢九親送去

八月二十七日即舊歷七月二十日星期五昨日七鐘即睡十一鐘腿疾驚醒在搖椅上假寐早八鐘醒十一鐘到署寫聯一如左 挽陳伯韜芟濤 郵務局長 杯酒聯歡 鏡裏尙留鴻爪在 重泉有恨雲邊久阻雁書來 寫畢

卽攜往弔之今日頭七也見許璧臣省長屬之令代主持
喪事者璧臣與伯韜同鄉且舊交也

八月二十九日卽舊歷七月二十二日星期薄暮子屏送
來麥一石付護兵酒錢二千

今日價四元五六

九月一日卽舊歷七月二十五日星期三一鐘時嘉華達
來言急欲往漢余固留之仍不肯云情願與我寫一函云
縱有意外不怨保護不周云云答以必如此俟信來再與
省長商之四鐘張華告建侯來當卽歸正談頃子彝來細
述三次與虎城談張事已決定卽釋放交馮旅翟事必無
危險但非紓鉅款不可

九月二日卽舊歷七月二十六日星期四早八鐘起九鐘半買來小米一斗洋四元因用車裝送糧台余乘車至易俗街口下而步行訪夢九告以嘉華達昨日來談之意出復步行歸車遣往子彝家借用也馬僕言敬之來云有話商議因卽往其家見之託爲心齋設法疏通因將轉託子彝並子彝三見楊師長之事詳告之歸

九月七日卽舊歷八月初一日星期二早八鐘起夢九送來代借八十元

付收條

並函請病假兩日食油餅兩枚卽乘

車遊曉市訪亞雄未見歸飯後十鐘到署交庶務六十元令付車價一月衛士夫役各一元餘留雜用招鳳丞來將

改定建侯詩兩本令與仲皋同看可悟作詩之法並擇數首屬代鈔存中有代改小題數首如泥人泥馬泥瓜及挽宋藹人諸首頗有意致故也

九月八日卽舊歷八月初三日星期四早八鐘起九鐘亞雄來談去十一鐘至趙松坪家見其姪光甫云伊父有病調查員擬推舉晁興泉之子又糧台催擬合議辦法余云卽須赴署不克久候將來公議如何卽如何吾從衆也

九月十三日卽舊歷八月初七日星期一記改郭建侯詩如左 泥馬 塊土能成汗血功康王莫漫泣途窮長江天塹投鞭渡渡得江來便化龍 泥人 黃土搏人造化

奇侏儒三尺好容儀此身本自泥塗出莫向清流與濯肌
九月十四日卽舊歷八月初八日星期二早八鐘起又有
兵士來欲伐樹卽函請子彝索糧台條據至午後糧台派
人來告無論何人不持糧台條據不准來伐而伊仍不肯
出一憑條與我可恨也十二鐘到署馮炳奎告長假奉其
母出城就食庶務無款因以身帶一元賞之交柏隊長手
爲問渠寫條幅錄新作圍城吟卽交繼之轉交三鐘歸飯
後步遊南院門由粉巷往看仲和略談返仲皋來談託代
覓米三五斗扇面交之

九月十五日卽舊歷八月初九日星期三今日爲上丁祀

日

記 卷五

二十一

孔之期早四鐘興沐畢食麵一碗少候至四鐘四十分起身及至孔廟尙無一人到者少時警長徐烈卿到直至六鐘時人始齊敬謹致祭余分祭東配三獻禮上下略覺困倦祭畢略息歸

九月十六日卽舊歷八月初十日星期四自昨日病至今日未退淨早十鐘勉起赴署繼之復來爲衛士夫役等直欲斷炊真無可設之法也

九月十七日卽舊歷八月十一日星期五早八鐘聞有飛機卽起望之少時卽去十一鐘訪子屏並見勞覲九高介臣託子屏代覓糧食出看聶夢九病路遇亞雄略談可代

覓小米五斗立談片時別去至省署見素子將詩送與鑑
正雷仲南呂南仲亦在座見定五王卓亭胡文卿王綬金
並一回教某君同在座見早間飛機所散傳單回漢文各
一紙大意係安慰回人者歸知糧台又來伐樹卽向子屏
索來一條飯後復訪子屏令以電話告糧台未知有效否
敬之來言席梧軒云汪太太事終非空言能了屬余轉告
之並託再爲心齋託子彝緩頰晚子屏送來麥一石給脚
力四千今日市價約七元餘

九月十八日卽舊歷八月十二日星期六方擬入署而李
貞白來談看余詩並看子彝詩約同訪子彝至而梁蔚園

在座暢談午後四鐘時貞白去余留食饅首一枚爨炖紅
肉味甚美方食畢楊虎城衛總丞兩師長同來周旋數刻
歸星齋事更託子彝子彝極力設法惟彼方願欲甚奢已
出至七千仍不放手幸而虎城面允子彝絕不令其吃苦
歸時卽訪敬之將此情告之晚爲貞白寫詩稿一分今日
送子屏詩稿一分麥價二十元

九月二十日卽舊歷八月十四日星期一十二鐘至署發
衛士三名夫役八名火夫茶爐節賞各一元又已去之馮
炳奎有老母不得養特與一元翰文不能歸亦與一元吳
川馬維德祝廷章各一元共節賞十五元

尚短張華
車夫二元給發

畢卽往商會見蘊生將詩稿一紙呈正印花處文當與王子坤商定原文退還卽屬用正式公事將表退回另造扣提成數準照新章百分之十再無異議因卽往尋管濟甫未見卽面交萬旭如請轉告濟甫往省署素子新兼司令部秘書長未見見定五詢知張靖清楊叔吉同歸楊無意入城張遣人請命於司令部擬入城司令部答書如箇人回家卽所歡迎若有與戰事相涉之事則決計主戰無可商量不必徒勞往返請自度量而行云云若然張必不來矣

九月二十二日卽舊歷八月十六日星期三早八鐘來飛

日

記
卷五

二十四

機一架散傳單道署落一紙係告兵士令反楊者內云一軍全行失敗馮已自戕殊不可信卽到省署知張靖清爲丁增華接歸只談數語云漢口失守吳退信陽他未及談而城上開炮絕不准其進城傳單與定五素子看之卽歸九月二十八日卽舊歷八月二十二日星期二連病數日今日勉能下床尙畏風如虎早天主堂閔司鐸理遣人來屬余署派一人與之同往十里鋪送信函告以不可如左敬啓者戒嚴時間在官之人不准與敵方來往軍部禁令嚴厲異常貴堂令敝署派人偕往嵩軍送信一節殊覺不便蓋一經涉足敵境歸來卽有嫌疑此事已經數次前

車可鑿不得不特爲慎重方命祈原諒 楊幼尼出城被阻而歸云在戰壕並見萊坡變裝逃出亦未得過宣兒兩次出城亦未得出昨日同吳川等同出並聞有一誤中槍彈者李廚歸言其服飾與宣兒相似合家惶懼余病昨已減輕聞此語痛澈心骨因而加重既向吳川鋪詢問無其事稍時宣亦歸而余心惶惶猶不定也午後一鐘劉文煥自攜所畫老母像送來炭畫直與照片無異可感之至少談去

十月七日卽舊歷九月初一日星期四雷振之來言亞雄代賒生白米三斗價十元一斗甚善

較市價賤二元價賤且賒賬

日

記 卷五

二十五

眞難得也十二鐘亞雄來一鐘去昨今兩日讀支偉成江鎮
人清代樸學大師列傳畢晚讀書林揚鱗上卷終

十月九日卽舊歷九月初三日星期六寒露節一鐘至省
署見定五觀鄧寶珊冬電鄂縣劉知事歌電均言援兵已
至寶鷄號鎮克復七師大敗入山不日可會師援省云云
仍不知若干日也素子他出未見定五收拾官書局殘書
數種余取歸三禮約編東洋史要歷代史論各一部歸知
星齋已釋出飯後卽往看之雖經釋出限十日尙須交八
千元方能了事亦大難也晚讀周禮約編攷工記一卷並
讀周禮補註攷工記一卷

十月十日卽舊歷九月初四日星期雙十節步行在南院門一遊路遇禾父正擬來訪因與同歸看子彝詩並看余和貞白詩禾亦有和句鈔示甚佳久談約二鐘時去曹姓書鋪送來周壽昌漢書校補五十六卷後漢書補正八卷書頗佳惟大半已爲王益吾所採錄且索價五元太昂擬明日退還之

十月十一日卽舊歷九月初五日星期一見劉姓少年岐山人在馮欽哉部下幹事傳說一軍援陝確已到整鄠一帶今日有軍事會議一星期可會師省垣大戰以解圍云云借建侯清稗類鈔四十八本羅叔蘊金石書兩種六本

日

記
卷五

二十六

十月十二日卽舊歷九月初六日星期二祝庭璋自東鄉歸傳說晉軍曾有來者近聞甘肅來援嵩軍命晉軍東開而以嵩軍填防不知何意午後張文穆來言援軍已到不知至何處呂益齋偕安會亭團長來訪談詩頗有條理留自作五古一首頗佳伊新自興平回省繞道鄠縣云援兵已到整屋咸陽路仍不可過久談去

十月十五日卽舊歷九月初九日星期五重陽訪聶夢九久談又借來四十元真大快也轉瞬家人將斷炊且公家催糧甚急竟無法設得此可解數日憂連前共借百二十元利錢不肯說且不要字據尤難得

十月十六日即舊歷九月初十日星期六往南院門購鄂宰四種大本一部

十月十七日即舊歷九月十一日星期早九鐘呂南仲來余尙未起即下床南仲因言余坊糧已交過九成趕緊須設法上稟因約俟余飯後與叔揚會商呂去余用膳膳畢即訪叔揚並請南仲在叔揚處會商少時蔭之亦來並招錫三代表席姓來詢本坊現只餘四石之譜未交清因定議請南仲主稿上公事議畢散余遊南院門購世父關中金石古佚考稿本一卷缺卷古存攷稿本一卷全並存佚考殘本二卷海錄軒文選殘本八本歸共錢二千文

日

記
卷五

二十七

用洋一元找回錢九千

十月十八日卽舊歷九月十二日星期一見定五云
下總攻擊令出步遊南院門歸

十月十九日卽舊歷九月十三日星期二到省署見
少岩素子知援兵之來確已不遠然若無所酬恐不
力

十月二十二日卽舊歷九月十六日星期五叔揚來
帖上否正談頃四旅三團又來一條云歸義三坊續派
二十石因卽往趙家請闔坊會議到者約六七人議用
敬之張紱庭皆來略談去

十月二十三日卽舊歷九月十七日星期六南仲來訪因約至錫三家會議至晚未決因暫歸晚飯後復往始議決續派糧四石八斗商會同善分配二石四斗餘二石四斗以三十三石之比例舊派一石者派七升三合我派八升七合六分二十日先交四升

十月二十四日卽舊歷九月十八日星期查紹白來派糧又不承認十鐘在錫三家會議李子春來爲衆議所迫勉強承認與南仲爭論聲色俱厲殊無謂也十二鐘與叔揚南仲周定齋並吳君五人同往商會經嚴輯承認出十石以後再說蘊生亦在座不便再爭且姑照此辦理

十月二十五日即舊歷九月十九日星期一省署會議發行舊銀元票加蓋戳記文曰團體保證開城兌現用省議會省參事會總商會賑務局四團體作保障一致通過

十月二十七日即舊歷九月二十一日星期三敬之來談借樸學大師傳兩本去祝庭璋代購小米一斗價洋二十四元緩日交

十月二十九日即舊歷九月二十三日星期五至省署未見一人復訪子彝而楊師長仍在彼因即歸便道訪夢九而夢九在門相遇伊正擬來我家也稍遲一刻即相左矣因入談復借來洋三十元共百五十元並云有麩子可覓重託

歸途遇振之告之令今晚或明早往詢如能得最佳近日
卽此亦難購也

十月三十日卽舊歷九月二十四日星期六早八鐘起聞
出城逃難者紛紛退回云外面援兵已到正在激戰之時
行至後村一帶卽聞礮聲甚烈然城內無所聞也余往子
彝家在梁府街口外親覩其事一商人以竹籃盛糧約斗
許上用氈毯覆蓋竟爲當街兵士四五人奪去在聖公會
遇耿一偉言郵局會計某君家住參府巷今日被搶甚可
懼也

十月三十一日卽舊歷九月二十五日星期早七鐘起聞

日

記
卷五

二十九

昨夜並無激戰鎗礮數響遊戲焉而已十一鐘到省署見定五見姜宏謨致李電云一軍五旅長兩支隊均於二十九日由潑店東來分駐斗門鎮各處姜現到杜城距城十餘里三兩日內可解省圍云云姜兩月以來所報無一可靠此信恐不可信也

十一月一日卽舊歷九月二十六日星期一敬之來談午後二鐘傳聞西門已通援軍有入城者急往街探信至南院門均如是說步由市場至西大街廣濟街口察看毫無動靜且行人寥落歸途至南院門遇甘園子屏略談歸大約援軍至大白楊彼處嵩軍守兵退去鄉人有一二入城

者故云西門大通此說似較可信

十一月五日卽舊歷十月初一日星期五早八鐘起家中
食罄卽麩麵亦無之與蔡雄霆寫信借麩子數升令祝廷
璋送去十鐘至省署定五出門見素子並見仲南等略談
訪子彝並見梁蔚園細詢張翼初狀況據述煙癮甚大恐
無生育之望其前房之妾係京妓妾死其母其兄據其家
政無術驅遣云云出訪夢九雄霆請看新買字畫惟香光
兩小冊枝山一手卷略可餘均僞只祝枝山中堂在數軸
中稍可夢九雄霆滋軒三家湊麩子三斗帶回始造午飯
十一月六日卽舊歷十月初二日星期六早八鐘醒復睡

十鐘省署庶務趙君送來洋三十元去後仲南來略坐去
祝霽璋代購小米五觔洋十元

十一月八日即舊歷十月初四日星期一早八鐘起出洋
二十元購糧食十二鐘鄉約來言團部又欲派糧二鐘後
在錫三家會議先往團部交涉擬請減輕團長他出團副
孫君臥病幸借蔭之看病之便始得見面並見戴君允向
團長轉達恐未必有效復回趙家公議仍照四斗八升分
配俟明日交三斗能否有效再計較問今日麥價午後每斗二十一元陳
素子攜來電稿一紙屬改晚間改就明早見定五面交尙
須面談

十一月十日卽舊歷十月初六日星期三早九鐘夢九來兼商借款事恐未必有效真無術矣飯後料理字畫約二十餘件交雷振之帶聖公會託賣價值甚低或能出售一二午後四鐘王智輝鳳丞來略談去皆云斷炊無法可想楚囚相對而已

十一月二十三日卽舊歷十月十九日星期二病十日今早愈夢九來言路牧師允借銀百五十兩作洋二百元便期歸還不論利因卽寫一借據交之明早遣車往取仲皋來交來洋十元飯後往商會與蘊生商以銀易洋事明日可交魏子樹代辦約八錢一二歸飯後嚴教士

西大街
協同會遣

人來言軍隊住西關神道學校恣意踐蹋余告寫信來以
便代轉司令部

十一月二十四日即舊歷十月二十日星期三早八鐘起
仲和來交五十五兩託向商會易洋聶夢九代借百五十
兩亦交來陳素子李貞白曾同來談素子攜芝田信擬請
另改客去因即往商會將銀交會員代易洋元以八錢二
分一元共合二百五十元整先帶歸百元余偕蘊生同訪
芝田路遇孫仁玉因三人同車往芝田家令馬維德將洋
送歸中途遇王翰卿同往宋宅磋商久之始將信令寫成
余代交省長並見素子略坐歸家人已於午後出城南右

嵩饋上麵六觔賞洋一元此物已兩旬不食矣以今日之
價值洋二十餘元且無此淨麵也至可感念李子彝來看
未遇

十一月二十五日即舊歷十月二十一日星期四早八鐘
起家人昨晚仍未得過戰綫今早復歸仲和來將洋五十

元先交之

下短十七元零七分

十二鐘至省署詢知芝田信交赫團

十一月二十六日即舊歷十月二十二日星期五訪子彝
久談二鐘歸鳳丞來擬出城詢有機會答以昨日家人出
城阻回勸毋再冒險芝田信竟未遞去

十一月二十八日即舊歷十月二十四日星期日昨薄暮

一軍擊退嵩軍今早七鐘起卽啓南門登城一望鄉人紛
紛運糧入城出城者亦衆歸來過粉巷一探糧價每元購
米一觔及歸來而振寅振夏及長房老四先後送來糧食
共一斗餘午後糧價跌至八元一斗及由省署歸聞已跌
至四元一斗矣自今乃有生機萬分之幸也午後一鐘省
署會議約明日聚警廳預備歡迎一軍長安縣委白紹虞
今日下委

十一月二十九日卽舊歷十月二十五日星期一早八鐘
起內子乘車下鄉十鐘歸十一鐘至省署省長出城至東
十里鋪見孫良臣司令及歸來又往司令部久候未歸余

腹飢卽歸時已四鐘餘矣在素子處見一軍祕書趙皖卿
詳述進戰情形又聞右任已到三原馮軍長委爲留陝二
三軍臨時總司令歸家知寶彤城隨右任返屬余借洋若
干以應急用

十二月一日卽舊歷十月二十七日星期三蔡祥符來言
難民賑濟委員會午後一鐘在皇城鄧寶珊處開會請余
往一鐘因往行至皇城忽心有所觸急欲一訪建侯令馬
維德持片到會聲明有要事不克到會余卽往見建侯相
慶再生商借百元借來華國十二本

十二月二日卽舊歷十月二十八日星期四早八鐘起十

日

記
卷五

三十三

鐘至商會訪王愷臣未見見郭世兄託轉告黃貨無庸再
覓受主卽往省署今日兩長召集會議由八鐘候至午後
二鐘未到齊改明日十二鐘召集李虎臣有電宣告下野
請馮來主陝事卽日呼應便不靈矣定五擬卽日回籍省
長印交余護理布告由段少岩擬就始與余商余卽婉告
精力萬難擔任果如是則朝受事而夕死矣卓亭亦在座
並爲余言之始收回成命隨爲代擬電稿一致馮煥帥請
其速遴良才來主陝局云云時已四鐘卽歸晚李振初來
云伊受任寶鷄縣知事道署公事屬明日辦好伊定後日
往接事此公果能任事三五月必能提款若干馨香祝之

十二月十三日即舊歷十一月初九日星期一擬致孫紹

雲電 紹雲仁兄總司令勛鑒庚電敬悉陝局紛紜十有

餘歲更經大亂元氣彌傷悲後懲前挽回劫運非根本覺

悟改弦更張發揚民治之精力剷除一切舊弊外患雖去

內亂仍無已時我公主張開全陝國民大會改造陝局崇

論宏議實所欽崇第茲事體大經緯萬端籌畫進行必須

大力相助並祈電懇煥帥早日蒞陝毅力相持成功較速

不敏願以國民資格從諸同志之後勉竭棉薄效力鄉邦

無任欣幸回思吾國紛亂連年考厥禍源蓋由只有共和

虛言曾無合法之政府陝局既經改造指日削平河洛奠

日

記 卷五

三十四

定幽燕全國一致翻然革新民氣伸內亂弭外患亦無自而生瞻望神州馨香以祝弟治洲印元

十二月十五日即舊歷十一月十一日星期三早九鐘起爲子屏改南山谷口攷序即令送去十一鐘至署二鐘至省署爲舍叔言欲索北關釐金當時命警堂告春坡在素子處看繹如所擬通電報告陝亂始末並乞賑文甚好

十二月十七日即舊歷十一月十三日星期五早九鐘起十鐘出東門在八仙菴歡迎孫紹雲司令

良丞

十二鐘到

閒談時與安鳳喈保薦屈深據云人極深穩有機定當拔擢云一鐘返在城門遇管濟甫同車至端履門什字素子

約看定五新公館

七十一號即郭希仁舊居

濟甫即在此下車余與素

子祥符同在定宅一看即偕至省署定五出外養病省長職務令余代行三辭未解決余即歸到家一看即往道署看公事畢歸晚楊景珊竟將代行委令送來即往與仲和商之往定五家面辭少時素子亦來深談至十一鐘仍未允乃歸

十二月十八日即舊歷十一月十四日星期六早寫致定

五信辭代行省長委

稿存文稿第三本

十鐘寫就遣馬維德送去

十一鐘到署馬維德歸云素子即來請在署稍候看公事

託聶夢九往省議會探右任來省信並命楊福蔭到彼供

日

記 卷五

三十五

繕寫午後二鐘素子要蘊生同來勸我權代省長事原委復攜來只好留下約明日十一鐘到省署與同事會話十二月十九日即舊歷十一月十五日星期早十一鐘到省署見素子警堂仲南代行公事數件聞右任明日十一鐘到省因請素子往接四鐘飯後歸請繼之來告以鎮安情形訪定五將京電一紙示之電文如下 關中道尹本月十日政局陡變中樞政務關係極重不容一日中斷在政局未定以前自應暫維現狀亟盼迅定國是俾息仔肩特電奉達外交總長胡維德財政總長賀德霖司法總長盧信教育胡仁厚海次吳紉禮文印

十二月二十一日卽舊歷十一月十七日星期二早八鐘起十時至署十二時至省署四時素子歸知右任於三時到省住舊皇城鄧寶珊處

十二月二十二日卽舊歷十一月十八日星期三早八鐘起冬至節九鐘祀祖敬之來談夢九來言省長接待薛子良擬借道署爲行臺允之十二鐘到省署今日右任就總司令職素子往道喜直候至五鐘未歸余因卽往定五寓中素子夢九均在彼深談至九鐘歸

十二月二十四日卽舊歷十一月二十日星期五早九鐘起十鐘定五來招飯後卽往知右任派魏寶仁至省署點

日

記 卷五

三十一

查家具云即日遷居省署定五因令素子往詢情形坐候之以定辦法因爲擬電稿一少時電話傳言素子回署余卽到省署函招子彝來令向右任說明令順手續辦理

十二月二十五日卽舊歷十一月二十一日星期六午後二鐘右任差人在家相詢何時回家由電話告以四時在家相候三時看公事數十件四時回家少時右任來談並約蘊生來告以諸事須由收束軍隊下手然仍須用和平不可激烈云云省署當時亦不遷移將來仍用作民政廳七時去素子來略談卽將晤于情形轉告定五

十二月二十七日卽舊歷十一月二十三日星期一到省

署李虎臣自鄉歸來談伊被困杜城亦四十餘日飽受驚恐但未受餓耳李漢亭口述數詩均佳午後四鐘答拜右任並見衛總丞吳仲奇同年吳隨馬紹雲師長自甘來者住紅埠街右任處客多無暇談話告以警戒學生無毀斥教堂免生枝節伊允照辦少坐卽辭歸

十二月二十八日卽舊歷十一月二十四日星期二早入

鐘薛子良省長

篤弼

來見余尙未起床旣來又不便擋駕

因卽請入正談頃張文穆亦來少談去文穆仍留據其談話口氣似外人尙未了解定五進退之意余告以退志已決絕無更變

日

記 卷五

三十七

十二月三十一日即舊歷十一月二十七日星期五段世
兄傳定五言令與素子向蘊生共商其進退之良法余主
堅持冷靜態度因與素子警堂同往定五寓告之即返

君子館日記卷五終

君子館日記卷六

長安毛昌傑俊丞著

民國十六年一月一日即舊歷十五年十一月二十八日
星期六十一鐘見國民日報載總副司令明令省長道尹
警務處實業廳各員缺均即廢止省署道尹警務實業公
文案卷由本部民政廳接管云云即至省署與素子略談
即將日報送定五素子往蓮花池歡迎會余訪子彝見南
右文劉某談次知民政長有委郭子興代理之說茹卓亭
不就也將行素子亦來又留談數分鐘同至定五寓告之
約議一切公文即時停頓辦理結束何時有人接收即交

日

記
卷六

之一大快也

一月二十一日卽舊歷十二月十八日星期五文穆來云定五祥符均在平涼甯夏中途遇險此信昨晚聞之益齋今早聞之王霆軒而余方接定信十六日自平涼發現任馮部建設部部長擬一二月後赴俄並無日內他往之說足徵謠言不足信也省長管卷諸人來云入路兵士遷移直入省署內放搶夫役鋪蓋暨舊家具俱搶去舊卷亦有失遺者余令補一公事以便移交他無法也

一月二十二日卽舊歷十二月十九日星期六便訪夢九未見遇仲皋歸途與夢九相遇下車立談伊亦聞定五遇

險之說蓋得之報館中人余歸而楊晉珊來言今日接宋
念菴十九號由邠縣所發信云定五與馮煥帥同東來留
住長武伊先獨行故早至邠如斯以觀則前言實謠傳無
疑也聞此言心爲一快

一月二十三日卽舊歷十二月二十日星期余寫挽壽萱
聯如左 平生風義兼師友 勝國文章失典型 遇吳
幼丞知右任往三原

一月二十四日卽舊歷十二月二十一日星期一早八鐘
起寫挽方海帆聯一付方少海團長之父 經術授徒醫方濟世

兵書教子禮法傳家 飯後往弔壽萱見陳松喬南鄉

杜城左近人

一月二十六日即舊歷十二月二十三日星期三宋念菴

自平涼歸來見云定五約郝某趙崑山同往乾縣將任郝

為祕書崑山未定位置云云劉依仁安國新委白水縣來

見略談去午後二鐘訪子彝並見張夢濱南右文三原談

次因子彝精華錄訓纂不全允將余藏書贈之今日東西

大街淨街數時因馮煥帥來省故此公向來輕騎減從今

日乃如王者出禁入蹕舉動大可怪也晚蘊生來談云煥

帥已到明早約十鐘時來余家同往謁之

一月二十七日即舊歷十二月二十四日星期四十一鐘

蘊生偕胡優丞同來少時張定九亦來同謁馮煥帥至門武念堂亦約同行因至其家少座同至紅城馮往圖書館余等因見定五久談馮仍未歸念堂定九優丞先後去余與蘊留候至三鐘時見面談次意見與我輩仍不甚異與報端所載大不同也略坐辭出

一月三十一日即舊歷十二月二十八日星期一早八鐘

起十鐘省署三科科員李晴林

蔚森長安

王蓮君

若濂蒲城伯韜之姪

來

言證明文件損失余告以俟民政廳成立後呈明以後有需用時請同鄉印結只有如此辦法

二月一日即舊歷十二月二十九日星期二訪子彝贈與

日

記卷六

三一

五十元左右任贈款大半出其力也右任送伊二百余贈不收強而後受

二月二日卽舊歷十六年正月初一日星期三昨夜腹痛微減早七鐘大解卽趁便起床祀先受兒輩拜賀十鐘時顧鳳丞來略坐去步遊南院門今歲公安局禁止過舊年仍令商人照常開市余遊南院一過無一戶貼春聯者門則仍未開也微雨歸午後一鐘寶彤丞來拜年言王海珊遣人來邀三兩日卽往鳳翔出近詩數首並口述數首均頗佳較前作大有進步世上無難事只怕有心人洵不誣也趙貴勤來述定五請作挽陣亡義士聯明日在紅城舊卽

皇城開追悼會卽草一聯付之 諸君眞海內健兒不惜百萬頭顱直視沙場同樂土 斯地爲秦藩故址際此一天風雪聊將杯酒弔忠魂

二月十三日卽舊歷正月十二日星期早八鐘醒復睡十鐘起趙貴勤來云定五昨日奉馮電往臨潼監修華清池擬改爲大公園不知有無他意殊不可測度貴勤去吃飯時仲和偕濮紹戡來略談同往甘園家看郭忠恕馬遠大幅畫極佳又李曉園續蘭亭修禊圖

二月二十六日卽舊歷正月二十五日星期六寫對聯二付挽顧芝眉夫婦合葬

二月初一日

白首同歸二月初吉

玄宮永閔萬歲長安 挽孫文伯祖太夫人王 祖武克

繩有慈孫名區作宰 女宗共仰惟賢母奕世留芬

三月二日卽舊歷正月二十九日星期三早八鐘起十鐘
甘園來託爲春谷寫墓志文係敬之所作極佳惟太長寫
者甚吃力也將鳳岡信託轉交李宜之來看建設廳事已
辭却午後步遊南院門購北魏密雲太守霍揚碑一紙河
東猗氏人碑卽在猗氏十三年出書法極類爨龍顏景明
五年正月卽正光元年

三月五日卽舊歷二月初二日星期六早九鐘起民政廳
委王靜山持函來接交代答以當卽作函將印信送去文

件器物無可點交云云飯後寫覆民政廳函卽令張華送去並省長印二方商縣印一方取有回條

三月七日卽舊歷二月初四日星期一見帖賈范姓來付廣武碑又洋五角兌換霍揚碑一張廣武碑據范君言係述古齋謝君無意中訪得之今日讀古文審八卷竣此書爲嘉魚劉幼丹心源太史著訂正前人誤譯金文綽有獨到處以所見極多小學功用甚深故也此光緒十七年所刻二十四年奇觚齋吉金文述二十卷用石印印出更詳博矣此爲近代第一小學大師也

三月十四日卽舊歷二月十一日星期一咸陽劉仲繡名

文錦西北大學文科學生因聞王來廷言意欲研究說文來談劉君年少而看小學書不少可嘉也

三月十九日卽舊歷二月十六日星期六今午下床寫挽趙錫三聯 八月驚魂猶未定 一朝鬼伯忍相催

三月二十一日卽舊歷二月十八日星期一張焦桐琴偕

歐陽載育來見載育名坤湖南永陵人民廳秘書前在西

北大學聞宜之談及特來相見談次知民廳兩長並一科

科長均向總司令辭職緣撤換保安局長魏保仁不聽命

令也宋紹正來細談新委趙國斌藍田人不諳手續兩面

皆有錯也今日讀奇觚室金文述畢連日讀恪齋集古錄

二十六本劉幼丹古文審八本並金文述二十本甘園以所寫墓志來商定

三月二十四日即舊歷二月二十一日星期四早八鐘起接民政廳一函仍令詳造省署交代午後繼之來略談知禾父任田潤初參謀長於十九日往三原繼之亦定往蒲城三兩日即行晚擬柯莘農金石拓本序成

三月二十七日即舊歷二月二十四日星期訪子彝並見劉紹文郝敬齋李壽亭張景秋田蘊如久談託子彝向右任爲定五辨白正談頌韋文軒來知定五自涇歸時已五鐘即往訪之未見留片約今晚來寓面談余即歸飯後即

日

記卷六

六一

上燈矣晚定五來以所聞告之令少發議論以避時評

三月二十八日即舊歷二月二十五日星期一十二鐘訪郭子興細談省署交代之困難情形

三月三十一日即舊歷二月二十八日星期四敬之來談四鐘乘車赴右任寶珊之召五時入座六時散今日送來政治專門顧問聘書一紙敬之則顧問無他分別也

四月二日即舊歷三月初一日星期六十二鐘半送民政廳覆函說明省署交代無法補造並摺據數目不符及銀
行欠款皆非劉任內事不知尚有後言否覆楊虎城信希
望其整頓軍紀能如前在扶武時舊規可作陝軍模範

四月五日卽舊歷三月初四日星期二宋鶴亭來攜明益
王字一條見示口述近集詩經五言對數聯極工如胡然
而帝也乃如之人何誰從作爾室何以穿我墉誕置之隘
巷胡爲乎株林等共四十餘聯云萬旭如送來近思錄集
解一部約略一讀此本終勝江註江註未有訓詁不便初
學此記係用方于魯墨書亦無甚異其爲贗品可知

四月六日卽舊歷三月初五日星期三清明節程仲皋送
來江註近思錄一部因雨將至急於趨公未久談此本係
少墟書院所刻字大行疏豁目惟字不佳且此註鄙意終
遜葉註

日

記
卷六

七一

四月十日即舊歷三月初九日星期聶夢九來談禁煙總局孫奉堂已去職繼之者爲過之翰馮部財政部長也達兒事無可希望矣民廳科員蔣迪先沛榮湖南湘陰來言民廳公事已發係伊主稿敘述雖甚詳盡但能先向總部疏通更善總部一科科长爲袁文煥向不相識只好聽之訪韓敬齋並見藍君今年自漢口歸者楊瀛老之舊人也略談南方事知陳明侯現在蔣介石處爲連絡軍隊事任奔走之役歸時約五鐘六鐘小睡七鐘半起成詩一首擬明日書並寫去歲和詩送貞白

四月十二日即舊歷三月十一日星期二早十鐘大雨終

日禾苗受損憂如之何午後擬挽右任世母聯出句甚切
對語數改均不恰意擬書寄子彝爲余選定之如左 挽
于右任世母房太夫人聯四月初六日安葬 當年育兩歲遺孤

推燥居溼咽苦吐甘世母恩勤邁慈母 此日正三春欲

暮雨慘烟悽鳥啼花落素車雜沓送雲車 又艱辛鞠兩歲

孤兒推燥居濕咽苦吐甘世母恩勤等慈母 猶子奉三

民主義宣化承流著書立說名山事業紹中山

四月十四日卽舊歷三月十三日星期四昨日爲謝彩臣

擬挽彭仲翔聯楊幼尼託代擬 三輔佳城埋烈士 萬

人空巷弔忠魂 又自撰一聯 手刃仇讎除害馬 心

儀兄弟並英雄 過星垣門知後日安葬其太夫人明日
家奠趕歸撰一付急就不能佳也 素旒翩翩出南郭
彩雲擁護返西池

四月十八日卽舊歷三月十七日星期一呂益齋來看送
來衛總城聘顧問書一分函一件晚民政廳來咨一件省
署仍令補辦交代直是無理取鬧也

四月十九日卽舊歷三月十八日星期二讀寶雞何芸舫
艮石山人集一過何名毓藻嘉慶時人舉人歷官大荔三
水教官署四川冕寧西昌縣詩文皆入川後始有可觀其
少年中年之作皆不脫頭巾氣也郭建侯鈔本無刻本也

四月二十日卽舊歷三月十九日星期三爲柏占魁代書
挽蕭某聯一付 踏白石以上昇暮春三月 過黃墟而
興痛此別千秋 步遊南院門以十千文購長沙饒珊叔
智元 明宮雜詠殘稿本四冊全書當八冊缺其半甚可惜
也此書成於癸巳十二月光緒十九年在十國雜事詩後二年
恐未付梓詩極佳註尤詳博晚定五來略談去伊現將往
西路修理官道直達平涼約後日行

四月二十二日卽舊歷三月二十一日星期五紹文將于
太夫人寫墓門聯屬爲代擬對文右任云葬地名厚口鎮
與其母墓相近因爲撰聯曰 千古河山終不改 九原

日

鍾郝永相依 門額 融融洩洩 卽時寫成隸書頗好
財會款右任允明日向子良言之余擬後日一往催省署
交代案亦面告以不可再駁據右任言並非伊意也昨晚
作一律今早交郵寄子彝並請轉送貞白家

五月八日卽舊歷四月初八日星期賀端丞來談代改學
生會祝詞又索圍城吟詩以鈔稿一分畀之據言省署交
案公事又由廳轉呈總部矣鄭子屏竟於昨日申刻病故
痛哉此實吾縣後來之秀乃不永年奈何奈何

五月九日卽舊歷四月初九日星期一飯後擬聯二付挽

江稚帆明府

代仲和

與德爲鄰十載居依江令宅 鳴琴

而治百年人愛召公棠又 三輔遺黎思樾蔭 一官敝

屣老瓜門

五月十日卽舊歷四月初十日星期二擬挽鄭子屏一聯

學博古今鄭漁仲 才兼文武尹翁歸

五月十一日卽舊歷四月十一日星期三昨夜擬喜聯三

付代仲皋賀羅君續弦女家張姓四月十六 夫婿才華繼昭諫

賢媛族望著清河又 却扇詩賡紅葉豔 合歡酒飲碧

簫清又 百兩和鸞迎谷口女家醴泉 一雙彩鳳集頻陽男家

富平

五月十二日卽舊歷四月十二日星期四寫挽子屏聯一

付如左 挽鄭子屏 十年氣節兼師友 旬日睽離判
死生

五月十五日即舊歷四月十五日星期聞白蔚章言省署
交案又批令民政廳直向劉省長詢問真可怪也

五月二十三日即舊歷四月二十三日星期一早八鐘起
少時地震對門湘子廟牆震落上段湘牛兩孫方開門未
出使早數秒鐘即被禍矣險哉然即此湘孫已受大恐惶
矣

五月三十日即舊歷四月三十日星期一義興堂曹姓來
言有不全趙註水經一部缺五本在驪馬市曹姓家可補

全京客出十元伊索價二十元云

六月三日卽舊歷五月初四日星期五致

衛總城岳西峯

總司令

謝聘書

維摩善病愧箋候之久疏遽使遠來望旌麾而

色喜采及葑菲詢于芻蕘以山澤之癯儒作軍門之揖客

鶴書下賁蟻困增慚恭惟

總城西峯

總司令鈴閣風清韜鈴望

重坐膺節鉞作保障於鄉邦誓掃欃槍覃威稜於河洛功

成指日望在下風昌傑樗櫟凡材鄉里下士年逾六十身

無寸長孔壁汲冢之殘編祇略通其句讀鳩冶風胡之兵

法曾未涉其藩籬乃蒙隆禮相邀用備前席之間泛紅葉

依淥水我慚昔日之參軍說禮樂敦詩書公眞近時之儒

日

記卷六

十一

將臨風懷想拜手歡欣謹肅寸箋敬伸謝悃順頌勛綏顧

問毛昌傑謹肅

六月三日

昨夜擬信稿一件早八鐘起命達

兒書之明日掛號發右任送節費流通券三百元可感也

客去寫對聯三付扇一柄

武旭晨

錄送周季貞詩第一首又

爲莘農跋劉平國碑段仲嘉跋石經公羊殘本

六月二十二日卽舊歷五月二十三日星期三弟來言

有山西舊學生趙友琴

名守鈺

現在一軍充師長忽於段仲

嘉處詢知特來相見當可得其援助

六月二十三日卽舊歷五月二十四日星期四今日讀古

文審終此書嘉魚劉幼丹

心源

光緒十七年所著其奇觚

室吉金文述則二十八年所成也

六月二十六日卽舊歷五月二十七日星期早八鐘起飯後復睡段仲嘉來談伊所藏諸唐人石刻擬仿石墨鐫華例錄其全文囑爲題跋云云並言趙友琴昨晚送年弟洋四百元票現各半午後年弟來談伊昨往答拜幸遇其閑見面後卽送款來今年先當住宅而伊尙不甚爲然

六月三十日卽舊歷六月初二日星期四早八鐘興十鐘敬之來談一鐘爲聶尙軒書條幅

亞雄託

寫題陳圓圓禮佛

圖二絕句三鐘至適道中學今日歡迎鄧鑑山談次知右任暫不回陝此間由石敬亭代行

七月二日卽舊歷六月初四日星期六前日許琴伯口述
舊詩兩首甚佳紀如左 觀勝朝親貴演劇 金貂朱邸
夜開筵帝子風流託管弦回首不堪天寶盛曲終腸斷李
龜年 七夕 銀河一水可通航隔歲相思兩渺茫修到
神仙還不足年年耕織爲誰忙昨見劉子俊飛花詩中一
聯極佳云也似秋風吹落葉悔從孽海聚浮萍 早五時
醒少時復睡一鐘乘人力車答拜趙友琴未見贈顏勤禮
碑一分存逸考一部爲留下訪子彝卓亭亦在座子彝新
賦有感一律云轆轤一聲君去也迢迢千里路難通關中
已換新秦月夢裏猶存舊楚宮 回思溼沫响濡處已在

江湖相忘中甚佳惜忘其頸聯

七月二十一日即舊歷六月二十三日星期四爲趙友琴寫扇錄題陳圓圓禮佛圖二絕題昭陵石刻什伐赤拓本一絕

七月二十四日即舊歷六月二十六日星期早五鐘起今日趙友琴約遊宋氏城南草堂六鐘喫點心即往年弟處行至南門什字與年弟車相遇即登車年弟與段仲嘉及余同一車至宋園諸人尙未到少時陸續均來八鐘早膳四鐘晚膳五鐘起身六鐘到家座中爲韓繼雲宋荷亭馮繼之李問渠吳某馮旭初子繼之余繼文年弟學生段仲嘉

呂某教外皆其本部人其記憶者參謀長徐仙槎名廷機
保定人原籍崑山軍械主任王幹臣定縣人參謀主任陶雲階
名慶海軍需官王景銘名焜耀榮河人賈鳴山山東沂縣人呂君
及王軍需官彈外國琴極佳呂技尤熟極靈妙無比餘不
復憶其姓字矣

七月二十六日即舊歷六月二十八日星期二午後總司
令部送來政治顧問聘書一封顧問共十四人如下除趙
吳二人外省餘皆陝籍 吳仲旗 趙守鈺 宋菊塢
宋芝田 李孟符 毛俊臣 吳敬之 寇立如 黃俊
臣 郭蘊生 王蔭之 胡優丞 李仲特 李桐軒

八月四日卽舊歷七月初七日星期四霍梅卿先生從祀鄉賢冊弁言 年伯朝邑霍梅卿先生歷秩清要終始詞曹未嘗一與吏治而宅心行事濟物利人駸駸古名相風規良有司治績於族於鄉功甚夥鄉人不忍沒其義條舉事實公呈從祀鄉賢祠旣得請竹汀同年觀察復采集諸文牘事冊徧徵題詠以廣其傳昌傑綜觀先生事實出可爲循吏處不愧純儒德業事功普及遐邇一己操行尤夔絕古今民國以來麟角鳳毛不可復覩吾因之有感謹誌數言願大雅宏達各抒胸臆贊詠先生爲古儒吏風爲先生千載壽撰李嫂黃夫人仙逝聯 伉儷八年餘一夕秋

日

記卷六

十四

一

風返瑤島 淒涼三日後雙星良夜渡銀河

八月七日卽舊歷七月初十日星期晚擬聯一付挽沈幼如兄 同學少年餘我在 孤神獨逸似君稀

八月九日卽舊歷七月十二日星期二午後爲宋鶴亭道喜嫁女與劉文卿次子號公輔歸來卽寫一聯送文卿

良會銀河後雙星七夕 同擎玉斝祝萬歲千秋

八月十一日卽舊歷七月十四日星期四聞劉師言今日爲王蔭之生辰卽撰一聯 後天孫七日 祝君子萬年

八月十三日卽舊歷七月十六日星期六續漢百官志摘要 大傅上公一人 每帝初卽位輒置薨輒省 大尉

公一人 長史一人 掾史屬二十四人 西曹 東曹
戶曹 奏曹 辭曹 法曹 尉曹 賦曹 決曹
兵曹 金曹 倉曹 黃閣主簿 令史及御屬二十三
人 公令史 閣下令史 記令史 門令史 司徒公
一人 長史一人 掾屬三十一人 令史及御屬三十
六人 司空公一人 屬長史一人 掾屬二十九人
令史及御屬四十二人 將軍不常置 第一大將軍
次驃騎將軍 次車騎將軍 次衛將軍 又有前後左
右將軍 長史司馬各一人 從事中郎二人 掾屬二
十九人 令史及御屬三十一人 部校尉 軍司馬

日

記 卷六

十五

曲軍候 屯長 軍假司馬 假候別部司馬 太常卿

一人 丞一人 太史令一丞一 明堂及靈臺丞 博

士祭酒一人 博士十四人 易施孟梁邱京房尚書歐陽大小夏侯詩齊魯韓禮大小

戴春秋嚴顏 太祝令一丞一 太宰令一丞一 大予樂令

一丞一 高廟令一 世廟令一 先帝陵每陵園令一

人 丞校長各一 先帝陵食官令各一人 光祿勳卿

一人 丞一人 五官中郎將一 五官中郎 五官侍

郎 五官郎中 左中郎將 中郎 侍郎 郎中 右

中郎將 中郎 侍郎 郎中 虎賁中郎將 左右僕

射 左右陞長 虎賁中郎 虎賁侍郎 虎賁郎中

節從虎賁 羽林中郎將 羽林郎 號巖郎 羽林左監

一人 丞一人 羽林右監一人 丞一人 奉車都尉

駙馬都尉 騎都尉 光祿大夫 太中大夫 中散大

夫 諫議大夫 議郎 謁者僕射一人 常侍謁者五

人 謁者三十人 給事謁者 灌謁者 衛尉卿一人

丞一人 公車司馬令一人 丞尉各一人 南宮衛

士令一人 丞一人 北宮衛士令一人 丞一人 左

右都候各一人 丞各一人 宮掖門每門司馬一人

南屯司馬 蒼龍司馬 玄武司馬 北屯司馬 朱爵

司馬 東明司馬 朔平司馬 漢官目錄曰右三卿太

尉所部

八月十七日卽舊歷七月二十日星期三寶彤城攜來呈
扶風縣文來看爲改定數字糜仲章來久談書示一詩頗
佳錄左 子規啼盡東風歇駟馬高門掛殘月賓從雜還
會葬來猶子佳兒共臨穴星霜回首隔三載母氏徽音終
不改漫將歐范競前賢斯風卓卓千古在幽宮冷兮閔黃
腸岡陵鬱鬱樹蒼蒼母氏享壽七十盡母氏留芳清水長
八月二十二日卽舊歷七月二十五日星期一問渠來重
提公請友琴事一託於伊辦理段仲嘉來爲其世兄覓癸
卯闡墨周犢山時文奇極因將不全之十家文鈔贈之內

有周犢山也

八月二十五日卽舊歷七月二十八日星期四午後三時半同年弟往問渠家今日公請友琴主人八人繼雲鶴亭琴伯小梅問渠吳彬如暨余兄弟五時入座六時飯罷年弟先歸余略留而散敬齋來當面同余將趙叔揚薦之友琴余言此等逆產清理處機關本地人甚不便入友琴云亦不勉強云云

八月三十一日卽舊歷八月初五日星期三恭謁聖廟春秋祀事已廢今日由紳界舉行主獻芝田聚五仲特余分獻東哲仍行三跪九叩禮禮成時約八鐘

日

記
卷六

十七

九月二日卽舊歷八月初七日星期五擬挽俞嗣如太夫人一聯如左 故里接蓬萊仙樂迎歸五夜笙簫鸞鶴馭
新阡近韋杜桐鄉配食百年俎豆鳳凰原

九月十一日卽舊歷八月十六日星期讀官場現形記五編終此書前半甚佳四五兩集言之多有過當者

九月十五日卽舊歷八月二十日星期四早九鐘起十一鐘乘車至年弟家偕往梁府街爲友琴送行以舊藏俞理初爲張石洲寫楷書一條贈友琴因伊極仰石洲先生故也一鐘歸三鐘琴伯來言不日返京作長安留別詩兩首斟酌良久去

十月一日卽舊歷九月初六日星期六晚讀孫淵如續古文苑所選王褒僮約可訂孫樵本誤處甚多移錄孫本內此文竟可讀又所選石崇奴券戴良失父零丁二文皆奇作也惜不完全

十月八日卽舊歷九月十三日星期六敬之來約同赴省署因余睡未坐卽去其時太早伊尙須他往余卽起用膳飯後方十鐘十一鐘出門至省署在祕書處閒談敬之聚五怡然仲旗同在此十二鐘開會李參謀長興中代報告東方並山西情況又涇原與宋哲元爲韓得祿黃得貴兩匪故將起戰禍云云會畢仲特與余與主席言涇原是多

日

記
卷六

十八

年未破壞者能調停免開戰爲至善也余又催撥款事並託張子宜代催之

十月十一日卽舊歷九月十六日星期二聞有右任仍回陝主持陝政之信未來時以宋哲元代理云云則又與前時一樣文章也

十月十二日卽舊歷九月十七日星期三李子彝來知于復回陝事已確惟暫由宋代彼歸尙不知在何日也

十月二十四日卽舊歷九月二十九日星期一霜降褚培之來略坐去因報載留石電有余名甚怪也六鐘省政府送來鄭州電一紙云于宋均暫不能來已請政府仍留石

代主席矣即將原電送王潤生

十月二十五日即舊歷十月初一日星期二早八時起讀

芳谷

振方常
熟人

金石訂例四卷此書在金石九例之外後知

不足齋刊本書成於道光丁未年取金石例金石要例兩書而折衷之甚略末附學文訂例則採蒼崖而節刪之而蒼崖實取王伯厚辭學指南而刪節之者也全書實無可取宜爲刻金石例者所棄新秦報載覆芝田等電與昨電同石暫留不去

十月二十六日即舊歷十月初二日星期三在市場購二十四史分類言行錄清異錄各一部二十二千文言行錄

日

記
卷六

十九

錢竹汀纂購求十餘年未得竟無意中得之且價極賤大幸

十一月二十日卽舊歷十月二十七日星期政府知會明日十鐘在新城聚餐敬之蔭之均來約明日同行新城者卽舊皇城明藩故址故相沿有此稱今年于右任執政深惡皇字易爲紅城近人又易新字不知新城乃舊時滿城名近執政者所不知也卽至細事無不可咲荆公呂惠卿所爲不至如此

十一月二十六日卽舊歷十一月初三日星期六讀宋史演義十卷終此書古越蔡東帆著十一年會文堂出板

述詳而不冗夾敘契丹西夏金元頭緒甚清初學讀此一
過再讀正史至爲便利

十一月二十九日卽舊歷十一月初六日星期二午後寫
挽王仙洲聯送交韻清家覓便代寄 平生風義兼師友

鄉國人倫失典型

十二月十二日卽舊歷十一月十九日星期一午後一鐘
書聯挽孟符如左 君今西極驂虬去 誰共南山射虎
來 余與孟符世丈同射燈謎爲訂交之始匆匆四十餘
年矣棖觸前塵黯然製此以弔旣痛逝者行自念也

十二月十五日卽舊歷十一月二十二日星期四晚擬楊

伯海尊翁芸階聯又爲楊禮堂改挽立如聯如左 有子

象賢名高關輔 以善爲寶澤被鄉閭 右挽楊芸階

挽寇立如 盛德稱耆年半生坐擁皋比教思無窮常留

關輔 爲官持大體卅載宦遊巴蜀使君遺愛遠暨川邊

十二月三十一日卽舊歷十二月初八日星期六早九鐘

起食臘八粥一碗寫春聯略有改易 藉將臘鼓迎新歲

自寫春詞換舊符

君子館日記卷六終

君子館日記卷七

長安毛昌傑俊丞著

民國十七年一月十一日即舊歷十六年十二月十九日
星期三寫呂秀實挽聯一付 白楊蕭蕭奠君安宅 玄
風冽冽送子遠郊

一月十六日即舊歷十二月二十四日星期一昨日報載
通志局聘芝田爲總纂石笙委提調撥三千元爲開辦費
直接隸屬於省政府張文穆前日有書辭局長未見下文
觀此令當已取銷局長之名矣

一月十九日即舊歷十二月二十七日星期四周石笙來

日

記
卷七

一
三

談宋主席擬聘通志分纂以病體萬難擔任託爲婉謝敬
之來看細談志局事宋菊塢亦以病謝去

二月十五日卽舊歷正月二十四日星期三郭蘊生由華
來省暢談志局事實不易下手

二月十八日卽舊歷正月二十七日星期六謝文青來自
晉歸來談修志金石一類最難著手所深談者皆中窺要
非箇中人不能知此也謝去因往志局答拜石笙未見見
芝老蘊生敬之董福田來看芝老談及放脚事騷擾特甚
有一回坊放足員舞弊經查實辦三月徒刑

二月二十五日卽舊歷二月初五日星期六五鐘時文青

來談屬余將舊稿搜集伊擬爲擇尤付印盛情可感惟余
一生無多製作大半皆酬應之文在古人例不入集也

二月二十九日卽舊歷二月初九日星期一昨夜書託顧
鼎梅向錦章書局取十三經註疏附致錦章一函掛號今
早付郵又致耀三甥一片要精拓石門頌石門銘亦今早
交郵

三月二日卽舊歷二月十一日星期五晚爲笠僧墓坊製
一聯 一代英名齊華嶽 千秋高冢象祁連

三月四日卽舊歷二月十三日星期昨晚撰挽聯二如左
袁迪菴太翁桐岡先生 棣萼聯芬早歲聲華冠庠序

岐黃濟世暮年鄉里頌仁慈 張景秋太夫人王 持家
奉東海風規樹一鄉閩範 教子守西銘學說成三輔英
材

三月七日卽舊歷二月十六日星期三夢九來託寫字並
屬爲青年會撰贈新紹介人聯語爲撰二聯 詞華傾後
輩 談笑獎人倫 玉府標孤映 青雲滿後塵 又爲
楊晉三書聯一付集李杜 我尋高士傳 因見古人情
三月十日卽舊歷二月十九日星期六謝文青來久談殷
殷屬余葺理舊作寫示詞數首極佳伊於此道用力深矣
鄉人無第二人也

三月十七日卽舊歷二月二十六日星期六晤楊晉三在彼看何子貞篆聯極佳又看舊榻雁塔聖教一本治字未封口玄字點未鑿然墨色並不過舊又見鐵梅菴一聯一橫披均佳

三月十八日卽舊歷二月二十七日星期讀報知說文解字詁林售預約六十元一部特託右任代訂並附請王陸一幫忙辦理此書渴想數年急欲一見也

三月二十九日卽舊歷閏二月初八日星期四三鐘半子彝攜其幼女貫珠來子逸將南遊今日爲餞行素姬自辦家常菜入碟入碗外客僅楊幼尼一人作陪耳四時入座

六時散潤生將墓表攜來詢撰書格式並商量墓道碑應
否用碑陰余謂碑陰可不用以其既有誌銘又有墓表墓
道只書大字一行及年月他皆可省也亞武送潤筆百蚨
受之

三月三十一日卽舊歷閏二月初十日星期六寫挽林太
夫人聯 霜月聽烏啼機杼三更難忘母教 幽宮鄰雁

塔浮圖七級永識慈恩

四月四日卽舊歷閏二月十四日星期三閑遊南院門在
樹德堂書攤購讀本詩經一部不知何人所批專論文法
爲說經家所罕見甚可寶貴惜刻板旣劣紙張尤惡已爛

壞不能讀矣又在冷攤上購阮文達原刻王復齋鐘鼎款識一本亦爛破尙未缺少價一元二角至便宜也

四月七日卽舊歷閏二月十七日星期六擬聯一付胡笠僧本月十日三年紀念揮淚書此 時有淚沾巾幾度摩

抄峴山碣 更無人載酒三年寂寞子雲亭

四月十日卽舊歷閏二月二十日星期二子彝南遊江寧賦詩留別卽次原韻贈行

四月十六日卽舊歷閏二月二十六日星期一昨夜擬挽

孟香泉二聯 騃馱鳴春剛逢百草初生日 龍蛇入夢

更值黃楊厄閏年 撒手人天春色平分三日後 愴懷

日

記 卷七

四一

故舊交期回憶卅年前

五月二日卽舊歷三月十三日星期三讀新生命第二冊
戴季陶行易知難一篇極言國民革命不從科學著手研
究萬一與外人開戰我國衣食醫藥戰術器械無一非自
殺之具也議論甚通

五月三日卽舊歷三月十四日星期四寫挽莊小瀛一聯
卽送去又擬挽井崧生夫人趙一聯如左仍需改定 莊

小瀛挽聯

商務書館經理

此日方醒蝴蝶夢 一生終老蠹魚

叢

井嫂趙夫人

二月十一日卒

撒手人間翠羽明 瑤返蓬島

歸真天上悽風慘雨逼花朝

五月四日卽舊歷三月十五日星期五改并聯 依然入座尊榮羽旆雲車返蓬島 可耐二分春色急風甚雨阨花朝

五月十日卽舊歷三月二十一日星期四早約四鐘爲素姬喚醒鎗礮聲四作城內馮部全調關外城防空虛陝軍乘此隙來攻此舉大約樊部動作卽已計畫周備而馮一意東方毫不顧慮及此爲民衆謀利益者乃如是乎八鐘時鎗聲稍停而街上遂有行人陳秉坤張華黃元濤甥振東等均來看黃元由南門進城據述南關三部門均閉二軍昨夜行三十里始抵城下天明開鎗云云晚傳六鐘靜

日

記 卷七

五一

街

五月十一日卽舊歷三月二十二日星期五礮聲一夜未絕早九時少止十時後遂停十二鐘出步往南院門一看正俗社居然開演觀者寥寥在南華公司購自製餅乾一斤^{三角}歸至商會略座正開會爲公家籌洋五萬元維持西北銀行

五月十八日卽舊歷三月二十九日星期五早八鐘起十鐘時聞人言南門開然只准進不准出午後約二鐘乃大開任人出進蓋馬軍長^{鴻賓}自東來故圍者皆退大喜過望因往南院門一看商家已大半啓門繞盧進士巷歸爲

敬老謝步未見歸少座卽往通志局同人皆在芝老室閑
談並楊聞齊韶福建人亦在座談次向聞齊借舊拓雲麾碑歸
未多時卽遣人送來因攜與萃編所錄對讀尙少數十字
蓋下半已泐之本且看其神情猶恐非原石芝老亦云然
歸來後人紛紛言每元可購麵二十觔矣

五月十九日卽舊歷四月初一日星期六早七鐘起尙聞
礮一兩聲卽令人趕購白米一石十三元並脚用共用洋
十四元午後訪仲和叔惺弔張海颿步歸作張暈夫人姚
氏誌銘跋尾一篇尙未清稿

五月二十五日卽舊歷四月初七日星期五在南院門金

日

姓處購得造像四條皆外國文字其像係六朝時物據帖
賈云出河南在前數年究不知爲何時何人所製

五月二十六日卽舊歷四月初八日星期六余至志局見
蘊生白紹虞席梧軒先在座詢知蘊家三院均燒盡本族
一姪被殺叔吉家全燬其二兄被害在芝老王漢卿房略
坐歸

六月一日卽舊歷四月十四日星期五定五託帶來馮復
電一紙文如左 西安孫總指揮轉宋先生毛先生周先
生吳先生郭先生霍先生馮武陳趙查侯孫賀先生大鑒
漾電奉悉秦中不靖變起蕭牆雖星火未致燎原而風鶴

已驚關右消弭隱禍自愧未能重苦吾民益深慚悚宋主
席前以豫西匪熾奉命剿辦大兵所至小醜殲除刻已次
第肅清不日西旋力謀撫輯諸先生粉鄉碩望仍請就近
指導弼成到治尤盼在遠不遺多多惠教專肅布復毋任
企禱馮玉祥宥第二方面軍總指揮部照鈔原電

六月三日即舊歷四月十六日星期挽劉魯堂母李太夫
人 留慈愛于鄉閭懿範仰千秋鍾郝 參元戎之幕府
賢郎盡三輔英豪 諸子盡英豪綠水紅蓮依幕府 一
鄉仰慈惠素車白馬送靈輜 歸來未久幼尼來云外間
傳說敵軍離城只十餘里警生傳告居民令早備糧食云

云亟購米五斗用洋九元

六月八日卽舊歷四月二十一日星期五至通志局閒談
芝老石笙乃自東關接宋主席歸據言帶歸兵四五師省
城當可安靜但供應必加重耳

六月十一日卽舊歷四月二十四日星期一往通志局閒
談召公刀釋文交念堂收因未見王漢卿也並見謝文卿
董雲五雲五述長安城沿革至詳盡記誦之博迥絕尋常
可佩也

六月二十九日卽舊歷五月十二日星期五隋郁久閻伏
仁磚誌釋文
督東宮左親衛郁久閻伏仁墓誌

銘君諱伏仁本姓茹茹夏有淳維君其苗裔魏晉以來世
長幕北陰山以北丁零以東地廣兵強無非國有高祖慕
容蓋可汗英才天挺碩謨秀立部洛落同蕃蕃同滋邊方

無事曾祖俟利佛祖吐口度吐阿入弗父車朱渾驃騎大

將軍開府儀同三司使持節都督口兗州諸軍兗州刺史

太常卿太和之時值魏南徙始口口口口為河南洛陽人

也改姓郁久閭氏君即公長子也幼口口口口口口神生便

岐嶷波瀾不測墻仞難窺口貴金駒珍口口口口里齊武

平五年年甫十歲乃堪從政授給事中裘裳朱衣簪纓纓

同已襲豈宜張良之子幼插豐貂甘茂之孫早懸金印及

初平東夏杞梓無遺西從入關遷大都督周鼎既移 大
隋承運春官式建文武斯擇開皇元年入爲親衛參陪欄
檻容容階墀方口股肱口志口口天地不仁奄然口遘病
盛年天枉行各嗚呼以十月四日亡于私第春秋廿有二
以開皇六年歲次丙午十月戊申十三日庚申塋于長安
城西七里杜村西嗚呼哀哉 爲銘曰 右磚柯莘農以
五十元購得數年未有識者因太殘蝕也前日精打本爲
細譯之以備攷證 文青送來和余與繹如話舊詩一章
如左因在卓亭扇頭見原作也 神州莽莽正風烟放浪
情懷憶昔年塵事不堪來眼底幽悰無奈付毫顛安仁有

賦思朋舊崇禮何時見武宣我亦長安重回首讀君詩罷
益悽然

七月二日卽舊歷五月十五日星期一嚴毅孫來談云二
十前後仍往滬由滬返川託寫顧鼎梅紹介信

七月二十五日卽舊歷六月初九日星期三題雷友初先
生墓銘稿本後仲南
尊人十步之內必有芳草先正典型見

此一老高陽之里通德之門懿惟我公古處是敦東躬治
家惟勤惟謹居鄉處友必誠必信洸洸大文著之玄石佑
啓後人古訓是式

八月二日卽舊歷六月十七日星期四題葦葦圖

爲王同
春常姓

號春

八十曰耄九十曰耄誰爲斯圖使君壽考

又貓

之言耄也蝶之言耄也因聲求義以言乎其老也惟老而漁神明靜謚引而進之壽無極也

八月九日卽舊歷六月二十四日星期四韓仲魯尊人墓

聯 千年桐樹韓家宅 百尺松陵渭水濱 崇岡卜得

眠牛吉 華表何年化鶴歸 鬱鬱松楸神明是處 綿

綿瓜瓞子孫世昌 白首同歸永安窰窰 玄宮一閱長

隔音塵

八月十三日卽舊歷六月二十八日星期一致井總司令

函 崧生尊兄總司令麾下前奉大函正值病中未卽肅

復叨在知愛諒不爲罪近惟勛猷日懋爲頌爲慰榆林撥款實因弟處省垣不諗北山狀況奉讀來書備悉種種情形良深憂灼省城附近亦苦亢旱麥收極薄上月底本月初疊獲甘霖四郊沾足秋糧收穫尙有四五成可望實不幸中之大幸也未知北山一帶近日已得透雨否良念良念榆林縣署財政旣極困難弟處撥款自當取銷現已函達襄縣長請將撥文退回矣至老兄眷念故人慨然以千元見贈隆情厚意高薄雲天感激涕零無可言說謹賦七律一章抒感愧之意附錄呈教稍緩當覓佳紙書成條幅寄上

八月十五日卽舊歷七月初一日星期三仲魯來誌銘苦
太長屬爲刪節晚因爲改正二鐘後脫稿原作千六百餘
字刪存九百餘字通篇機杼全行更動直與別作一篇無
異也過勞苦不能睡四鐘後始眠

八月二十一日卽舊歷七月初七日星期二至通志局見
石笙蘊生聞石笙談主席此次在蒲富收鎗五千餘支大
快人心陝禍從此或可弭乎唯聞耿段皆遁入黃龍山又
不能無他日之患且所收鎗五千餘亦有民團之數否富
平東四聯楊君所訓民團數十村極能保衛鄉里抵禦匪
人十餘年遠近感頌若誤以硬肚紅鎗會一類視之則大

可惜矣

九月二日卽舊歷七月十九日星期賀師親民完婚 晝

眉黛染荆山翠 照鬢花爭錦水嬌 江上芙蓉開並蒂

門前桃李綻雙花 寫賀子敬聯另擬一付如左 人

息機心堦下馴禽來就食 門多喜氣膝前么鳳又將雛

註戊辰七月子敬我兄爲少子親民完婚
時解組歸田謝絕人事三年矣撰聯寄賀

九月十七日卽舊歷八月初四日星期一早九鐘馮煥公

遣汽車來迓卽往只余一人旣至因言昨日與胡優丞郭

蘊生同來謁未見因卽遣車迓蘊生共談先與余言擬辦

水利問有此項人才否余以李宜之對馮公云此子現在

日

記 卷七

十一

浙卽命秘書電于右任代招之或水利局或建設廳可聽
擇一席云云午後一鐘歸

九月十八日卽舊歷八月初五日星期二早九鐘起擬聯
語三付馮煥公屬代筆也十鐘蘊生來錄出交之與敬之
閱看斟酌伊託敬之另撰三付同送去聽其擇用聯如左

黃帝祠中部願吾四百兆生民無忘祖德 闡我五千

年文化遂躋大同 留侯祠留壩縣紫柏山廟臺子紫柏千章是神

仙窟 素書一卷爲王者師 武侯祠沔縣菜園子宗臣遺像

丹青古 丞相祠堂俎豆新

九月二十三日卽舊歷八月初十日星期敬之來約同行

赴馮煥公之約伊先在通志局相候四鐘至通志局少時馮處來催請因卽前往余搭敬之車至則鑑三已在門首相候矣少談入座同席宋芝老李桐軒郭蘊生吳敬之霍竹汀武念堂張西軒周石笙鄧鑑三宋明軒主客十一人長餐棹菜四樣八大燉甚豐滿馮公親爲客盛飯奉菜賓主極歡飯後略談歸

九月二十四日卽舊歷八月十一日星期一早八鐘起與張子屏寫信退長安縣志局聘書正修函時侯乾初來因卽將信託其代送此事今日方擺脫一大快也

九月二十九日卽舊歷八月十六日星期六午後擬挽聯

二如左韓姻嬭盛恭人 吉壤近占忠孝里 故鄉遙望
藐姑山 挽韓仲魯尊翁子謙先生 下筆幸無慚敬師
郭泰 登龍空有願未識荊州

九月三十日卽舊歷八月十七日星期昨夜改韓聯如左
雖然未識荊州面 猶幸能爲有道碑

十月六日卽舊歷八月二十三日星期六早八鐘起昨夜
代馮煥公作革命公園國殤墓碑記一篇早命達兒騰清
飯後往通志局乃知馮已於今早六時行矣

十月八日卽舊歷八月二十五日星期一挽惠春波夫人
王淑人 百歲相莊德曜未償諧老願 五車遍讀惠施

工賦悼亡詩 遲十日中秋冰輪未湧玉宇初涼先效素娥歸上界 有多情夫壻落葉添薪野蔬充膳賡吟元相遣悲懷 宋主席尊翁先生挽聯 先生是万朔鄉人東海栖真聲聞四國 令子有廣平風度西京留守福被三秦

十月十日卽舊歷八月二十七日星期三早七鐘起卽詣聖廟諸人大致已到鄧鑑三來傳說政府有電定孔子生日爲紀念日別定新禮節廢拜跪禮行三鞠躬禮因卽照行禮畢略談余附卓亭車歸

十月十一日卽舊歷八月二十八日星期四晤郭養軒又

日

聞一回教人談伊見鳳翔所出諸銅器皆商器甚精美內
有一方鼎字甚多據伊所述形製大小與叔父子靜公所
得於鳳翔者相同但叔父器只數字此器字多更可貴耳
十月十三日即舊歷九月初一日星期六早九鐘起錄薛
壽老長安志敘目共二十三篇內唯地理田賦二篇未作
又志局採訪冊十二本生字三四九十
昆字一至八亦送來明日當面
送去

十一月四日即舊歷九月二十三日星期六晚函幼農附校
定澧西先生詩集十三條

十一月十四日即舊歷十月初三日星期三撰挽聯二

挽張亞雄尊人光遠 物與民胞家學仍承張子厚 排
患釋難鄉里羣欽魯仲連 挽劉依仁尊人 家學世傳
劉子政 鄉人羣仰鄭康成

十一月二十二日即舊歷十月十一日星期四蘊生敬之
來云自衛團訓練所擬聘余爲教習每星期任課三四點
勸余勉任之蘊兄先來致意徵得同意再令潤生來達意
蘊敬二公爲余籌畫頗周允之張次屏

維翰

來見伊現寓

袁繼武家段仲嘉攜來信行禪師碑係薛壽軒舊物向所
未見薛少保

稷

書與褚登善如出一手惜只半本耳王潤

生來代孫隆吉道意請余任訓練所教習專教曾胡治兵

要略余告以多病之身鐘點若多絕不勝任總以鐘點多寡定去就

十一月二十四日卽舊歷十月十三日星期六敬之來約午餐今日新生兒彌月芝田諸公必欲申賀因約午餐洵余作陪午後二鐘往諸人已到入座同席宋芝田周石笙張扶萬霍竹汀武念堂郭蘊生馮孝伯主賓共九人念堂屬查金石錄有信行禪師碑否歸查無其名卽函復之五鐘接自衛團訓練所聘書一件

十二月三日卽舊歷十月二十二日星期一晚寫賀許壁臣世兄聯 坦腹東床王家快婿 蜚聲南閣漢學宗工

十二月二十七日即舊歷十一月十六日星期四早八鐘起午後一鐘至訓練所月試問答題兩道 問古論將有五德五德爲何 問曾胡皆書生乃出任兵事澤被海內孰驅使之

十二月三十一日即舊歷十一月二十日星期一遇王同云通志局來尋即往志局見芝老石笙石笙云主席明日九鐘半遣汽車來迓告余同在志局聚齊同往歸知宋主席以訓練所名義贈洋四百元

民國十八年一月三日即舊歷十七年十一月二十三日星期四早八鐘起午十二鐘寫勿幕紀念碑

日

記
卷七

十五一

二月四日卽舊歷十二月二十五日星期一跋石門頌爲
張价人參謀長 此碑最爲諸家聚訟者在中遭元二一
句大半主石鼓重文旁註例讀爲元元傑案其說固自可
通唯就本碑考之曰丞二交寧曰君德明二曰無偏蕩二
曰世二嘆誦曰勤二竭誠重文皆旁註且字形皆作二元
二二字居中正書與諸句不同則定當讀爲元二不煩言
而可決也价人先生以爲何如 右跋昨夜書之早九鐘
起午後一鐘訪敬之將石門頌交之請題後仍交來轉付
繼之

二月八日卽舊歷十二月二十九日星期五讀馬敘倫
杭

人莊子禮記數卷甚
卷雜篇十一卷及莊

二月十日即舊歷十
先十鐘敬之來拜年十
百三十二元還我十

二月十四日即舊歷正
門頌送來因余即欲上
軒墓記一篇爲誌文作
作好寄歸晚跋芝老書
二月十七日即舊歷正

墓誌至三鐘始寢原文係華縣張益齋所作正文未多改
惟於首段加敘一節故較自作為省力也

二月二十日即舊歷正月十一日星期三至科學儀器館
看顧惺夫據言鼎梅科館已辭謝但雖准而需四月開大
會後交替則來陝尙在五六月也

三月二日即舊歷正月二十一日星期六蘊生述及東方
糧食急切無火車可運而此間需糧甚急甚危險也

三月二十日即舊歷二月初十日星期三答拜卓亭久談
看翁常熟少年時手批讀本毛詩集傳儘有佳刻而特用
鈔本書法亦甚平常紙用竹紙皆非特別精美不知何故

眉批雜錄他家說是少年用功書非著作也晚書挽聯一

付如左 挽楊松軒四月七日安葬 人仰宗風家學遠承楊伯

起 我銘玄石頌詞無愧蔡中郎

三月二十二日即舊歷二月十二日星期五三鐘在通志

局閒談並見呂誠一戴震三敬之在念堂家燕飲作四絕

句頗輕靈鬆秀今日王振麟為請領振坤恤金由年弟代

擬稟稿由伊自書稿甚佳微嫌過文非粗豪武夫所知也

三月三十日即舊歷二月二十日星期六晚聞張次屏之

世兄來詢劉省長來否始知定五歸來即往看之次屏袁

繼武溫天偉李蔚青謝香齋諸人均在彼座中相候據云

日

記 卷七

十七

同馬師長往觀劇歸時尙早余卽返繼武次屏天偉亦均返定五明日回鳳到鳳一二日卽返省云擬聯二如左

大將威名遠垂鄂渚 祁連高塚近接堯山 陳驪陽學

博墓闕聯 繡嶺葱蘢幽人是宅 太邱風範奕世之師

四月七日卽舊歷二月二十八日星期讀燕京學報第一

期十六年六月出 內容庚所著殷周禮樂器考略一篇後

附一百三十五圖攷據詳博而覈惟兼採考古博古及西清古鑒寧壽鑑古諸書殊欠鑒別要爲治此學必不可不讀之書也

四月八日卽舊歷二月二十九日星期一挽張子橋太夫

人徐代仲和

持家奉東海遺規人遵禮法 有子守西銘

學說望重鄉邦

挽陳蘭亭太夫人除夕卒代仲和

屠蘇飲罷

乘鸞去 薤露歌中弔鶴來

六月二十四日卽舊歷五月十八日星期一四鐘王尙璽

攜來鈔本觀象玩占詢問案此書四庫提要已收其已有

刻本可知卽使真是孤本此等書亦實無一顧之價值也

八月三日卽舊歷六月二十八日星期六挽孫玉溪明日頭七

故里重逢一鶴一琴笑我寒酸歸老後 舊歡如夢某

山某水共君游釣少年時 午後讀嚴鹿溪文虛閣遺集

丁酉年有贈詩一章除夕送余北上一詩期望良厚至今

日

記 卷七

十八一

讀之頗深愧沮也

八月九日卽舊歷七月初五日星期五爲嚴翔鶴夫人擬

賀人遷居聯

由柳巷遷郭簽市巷

蟬曳餘聲移從柳市 鶯遷喬

木作我芳鄰

八月二十九日卽舊歷七月二十五日星期四爲潤生温

天偉擬聯二付挽張价人之妻事實一無所知但知死一

張姓之婦人而已挽張价人夫人某

代王潤生

牕下畫眉昔

日風流說京兆 白中炊飯今朝噩夢痛張瞻 京兆空

餘畫筆 安仁工賦悼亡詩 悼亡詞賦張三影 誅德

才慚温入又 可憐京兆畫眉筆 用寫安仁哀逝文

九月六日卽舊歷八月初四日星期五民廳送來公文一件委乃疆爲紫陽縣毛壩關縣佐遣往繼之處道謝此皆繼之之力也

九月十三日卽舊歷八月十一日星期五早八鐘起十鐘楊幼石來談示陶在東鏞名公至力歌曾在志局見過詩極博大繆石逸自鄂來談伊述清德宗及那拉后過懷來縣事極詳伊時在該署目擊也

九月二十日卽舊歷八月十八日星期五寫賀聯一付賀林杏旃新婚董姓桂魄初生雙成下嫁梅花與共

和靖多情

九月二十九日即舊歷八月二十七日星期早七鐘起七鐘半恭詣 聖廟同人業經行禮因即補行兩跪四拜禮同時陳惺園范紫東亦後到同行禮畢即往拜張西軒禮畢後會議保全孔廟事同時議舉孔教會副會長紫東提議以余承其乏衆皆讚成余力辭未有結果

十月三日即舊歷九月初一日星期四劉玉珊

景現靈寶人舊張百

英軍來訪並攜雪帥名片致問談及范潤芳現亦在雪帥需官幕內正談頃張永甫亦來訪少時玉珊去永甫告崧生贈款匯到因同往樓西公正紙店掌櫃張君他出由王君手遣人隨我送歸四百元餘隨時往取聽便到家後即具一

收條交其夥帶回

十月九日卽舊歷九月初八日星期三劉玉珊景琨來傳

雪督語贈洋一百元玉珊三兩日卽行

十月二十三日卽舊歷九月二十一日星期三挽黃俊臣

小冠誰別杜子夏 驚座更無陳孟公

十二月十四日卽舊歷十一月十四日星期六自十月二十七
日病至今日始能執筆整五十日矣初病痢極重痛至不可忍
惟以雅片止之如是者十餘日幸痢止而雅片亦斷未至上癮
大幸也痢愈體弱疊受感冒仍服蔭之方十餘劑始瘥今日爲
同仁孫彌月之期湯餅之筵無內置

日

記 卷七

二十一

辦只艾女五女兩家來賀以牛羊肉款之病中王君子立
來談以劉根造像記屬題此君皖人笠僧幕下客頗富收
藏今日爲題跋之

君子館日記卷七終

君子館日記卷八

長安毛昌傑俊丞著

民國十九年一月二日即舊歷十八年十二月初三日星期四馮繼之攜來省政府主任秘書委狀一紙一月受之惟一刻不能到差已與秘書長談過然亦不能過遲也垂暮病軀仍不免於奔走衣食苦矣哀哉晚攷定余寄文裱本魏誌畢自上月二十九日至今日共五日成跋尾十六篇尙餘隋誌兩種單片四種隋誌書法亦佳以憚於翻書其單片魏誌則因披讀不便均未著筆

一月四日即舊歷十二月初五日星期六致楊秘書長一

日

記
卷八

函函送繼之轉交 鎮公秘書長大鑒繼之來奉到委狀
猥以樗材辱蒙薦拔藉得趨侍左右暢聆教言良爲慶幸
弟孱軀多病學殖荒落恐劉道祖實不副名有辜殷中軍
之推許也大病兩月刻雖勿藥仍須避風緩日方可從公
請先呈明主席爲禱

一月十八日卽舊歷十二月十九日星期六跋百花詩

詠物詩有二難不失之空卽失之滯此作爲百花寫照徵
引故事各稱身分而泛泛有弦外音不沾不脫斯體極則
且多至二百而詞無重複首尾若一無一懈筆尤爲美意
延年之徵 函趙友琴 友琴仁仲麾下亟思趨談奈病

將三月迄未大痊良深歉仄茲啓者敝居對門渭南趙君
叔揚有趙伯駒手卷世藏舊物爲家計所迫將以易鹽米
聞弟博雅好古託兄函詢如有意購藏請約期降臨其家
一看價在二三元之間可否請賜復此頌勛綏

一月二十一日卽舊歷十二月二十二日星期二早十鐘
下床今日天氣甚和午後擬聯一付 賀楊仁天爲子完

婚 方荐黃羊祀司命 喜逢靈鵲渡天孫 跋玉書拓

本 此叔父子靜公所藏器不知何時失去余藏此拓片
數紙與陳壽卿手拓毛公鼎同置一處辛亥歲爲江寧亂
民拉雜摧燒之今見手澤黯然欲涕蓋叔父棄世於今將

四十年矣

一月二十二日即舊歷十二月二十三日星期三題宋芝公詩書畫冊爲惺源此冊詩書畫並溫潤佳妙可稱三絕鄭廣文不得專美於前矣惺源兄其寶之

二月十日即舊歷正月十二日星期一幼尼來忽言郭蘊兄作故余初不之信湘辰兩孫自外歸復言之乃命王同向通志局探詢歸云昨日傍晚由局中歸晚間即故實萬分所不料也年來知己只希仁蘊生兩人希仁於六年前死今蘊生復先我而去痛哉

二月十四日即舊歷正月十六日星期五挽翁

思柔兄弟
華甫

安葬 荆樹方摧棗華繼隕 青山共穴白首同歸

二月十五日卽舊歷正月十七日星期六敬之處借來王
益吾三家詩義集疏首載陳樸園三家遺說攷細讀節其
要於左 魯詩 申公受詩於浮邱伯浮邱伯受業於孫
卿故荀子書引詩綴爲魯詩原其所自始也 孔安國從
申公受詩 太史公從安國問故 楚元王少與魯穆生
白生申公俱受詩浮邱伯劉向爲元王子休侯富曾孫故
知說苑新序列女傳所稱述出魯詩 白虎觀講經諸儒
如魯恭魏應皆習魯詩故白虎通引詩定爲魯說 爾雅
傳於叔孫通魯人也臧鏞堂定爾雅所釋詩爲魯詩 熹

平石經以魯詩爲主 東京賦改奢卽儉制美斯干說同
劉向知張衡習魯詩 楚詞註繁鳥萃集負子肆情事同
列女傳知王逸必習魯詩 論衡法言皆以闕雎爲康王
時詩可證王充揚雄習魯詩 潛夫論淮南註並以鹿鳴
爲刺上之作可證王符高誘習魯詩 齊詩於經徵之儀
禮大小戴禮記 轅生以治詩爲博士諸齊以詩貴顯者
皆固之弟子而夏侯始昌最明后蒼事始昌戴德戴聖慶
普皆后蒼弟子 鄭註禮記未得毛傳時說皆用齊詩
於史徵之漢書漢紀 齊詩有翼奉匡衡師丹伏理之學
班固之從祖伯受詩於師丹地理志引子之營兮自杜沮

漆並據齊詩之文又云陳俗巫鬼晉俗儉陋與匡衡說詩亦合 陳寔子紀傳齊詩荀悅叔父爽師事陳寔 於諸子百家徵之春秋繁露易林鹽鐵論申鑒 公羊本齊學治公羊者其於詩皆稱齊董仲舒治公羊與齊人胡毋生同業則習齊詩可知 易林甲戌己庚達性任情之語與翼氏齊詩言五性六情合又亥午相錯敗亂緒業與詩汎歷樞言午亥之際爲革命合故知焦延壽習齊詩 鹽鐵論以周南之置兔爲刺義以邶風之鳴雁爲雅文與魯韓毛並殊顯見爲齊詩也 荀悅習齊詩故申鑒所引必齊說 韓詩 唐人經義及類書所引韓詩要皆薛氏章句

爲多至於內傳僅散見一二焉 經典釋文閒采毛韓異同而罣漏尙多 宋元以後僅有存者外傳十篇而已

二月十八日卽舊歷正月二十日星期二仲和來託擬王曉岷太夫人挽聯如左 勤儉相夫三輔儀型賢母教

義方訓子一門孝友外家風 昨晚擬挽蘊兄一聯 挽郭蘊生兄 卅載深交相忘於道術 十日不見遽判乎死生

二月二十一日卽舊歷正月二十三日星期五建侯攜幼子來送來顧耳翁日記四冊詩稿數本

二月二十二日卽舊歷正月二十四日星期六早八鐘天

陰微雨一日無事讀顧耳翁日記

二月二十四日卽舊歷正月二十六日星期一柯莘農來
談攜來漢南武陽功曹闕畫像云係老張者索價五六元
按金石聚此闕有東西南三面此只其南闕也石在山東
臨沂縣模糊太甚古人只趙氏金石錄載之他書未著錄
二月二十六日卽舊歷正月二十八日星期三讀興化趙

亞樓

名馭卿顧耳翁之舅氏

醒蘭館詩稿寓感八律余最愛之擇錄

佳句如左 漫說謝家爭詠絮可知秦女學吹簫當筵只
解迴紅袖隔座頻看整翠翹 枇杷巷裏譜芳姓鸚鵡簾
前喚小名 事到垂成偏是夢心纔欲醉便如麻 偷唱

離歌調白紵密封錦字付青鸞 十斛明珠元有價三升

紅豆最相思 畫舫玲瓏依碧水湘波瀲灩護紅粧多情

拚折才華福有酒曾澆錦繡腸 燭邊時落橫釵影襟上

空餘墮淚痕 一時鑄錯何須鐵百計藏嬌合費金回首

蓬山知更遠且從花下學長吟 更擇其斷句如左 君

何淡如此予亦瘦堪憐 看菊 久病寒先中多情夢易癡 冬

書懷 不向尊前問賢聖祇從藥裏配君臣鶴能健飯應驕我

花到頽顏轉媚人 病起 一病身從秋後健百年詩向眼前

吟 和人自挽詩 錦帳未容巢翡翠羅幃空自繡鴛鴦 漫興 豈有

蘇秦能相國斷無趙括敢談兵 詠史 夕陽衰草短暮雨落

花深秋夜半村楊柳籠朝霧十里芙蓉映晚霞有志驂騑

偏伏櫪能言鸚鵡久拘籠述懷烟塵容古佛風雨耐孤僧

破雪椀茶香聯舊雨紙牕榻冷臥秋人看菊風塵各顛顛

時事共艱辛與友夜話風定杵聲急月高人影孤長貧來客少

久病得詩癯秋夜書懷酒熟恨無知己共月圓贏得故鄉看中

秋

二月二十八日即舊歷二月初一日星期五早八鐘起余

寫馬潤之屏八幅郭繹甫四幅又寫挽蘊生聯一付呂益

齋來談云教廳長政府擬與文穆然主意不決擬屬我函

定午爲之推轂余告若政府意不屬文穆知此事須不相

日

記卷八

六一

宜而外人觀之固勝於局中人也大媳得響女信知樸生
同年於今年元旦病故渝城孩提至交一朝死別不禁愴
然趙友琴往甘肅

三月十日卽舊歷二月十一日星期一撰挽蘊生聯爲孔
教會 是吾道干城當衆說披靡之會 作人倫師表爲
三秦物望所歸

三月十二日卽舊歷二月十三日星期三昨擬挽蘊生二
付 師表關西楊伯起 人倫東國郭林宗 陳太邱文
爲德表範爲士則 郭有道貞不絕俗隱不違親

三月二十日卽舊歷二月二十一日星期四早七鐘時馮

煥公來拜余未起床客已入門卽起接談兩年之別神采如故甄壽山同來略座卽往弔蘊生先遣湘未兩孫告其家午後蔣子珍偕焦師來談去後訪敬之略談歸馮公贈洋二百麵粉兩袋遣王同在建侯家取歸孔傳參正並詩三家集疏送還敬之

三月二十二日卽舊歷二月二十三日星期六博古齋紹介吳竹銘國勳山東諸城人來見擬從吾學古文問讀何

本告以備有註古文詞類纂一部供瀏覽古文百篇一部備揣摩總以熟讀爲主

四月三日卽舊歷三月初五日星期四三鐘爲陳公嵐晴

篆碑額六字晴說文作甞嵐依說文當作蘆大徐新埭言
嵐字因卽用新埭往見吳恆軒篆聯曾有此例

四月十五日卽舊歷三月十一日星期二張叔冶來談咸

陽縣長姚繼華

肇封河南延津人
北京大學學生

託撰花園小亭花牆對

各一付如左 咸陽縣署三角亭柱聯 此地是西出巖

疆東來孔道 斯亭可南觀渭水北眺峻山 花牆門對

徑暖草如積

王荆公

牆高月有痕

李義山

四月二十四日卽舊歷三月二十六日星期四早十鐘下

床爲蔭之撰挽蘊生一聯 舊雨難忘何日重歸遼海鶴

前塵若夢當年同食武昌魚

四月二十五日卽舊歷三月二十七日星期五湘孫手製
紙插一枚爲撰銘一則 竹紙插銘 斷簡零縑聚斯一
插銖積寸紮可盈筐篋邱陵學山古今良法

五月六日卽舊歷四月初八日星期二爲世界大藥房寫
挽聯一付挽楊和翁 清白傳家仰楊公之懿訓 枌榆
共社接孟氏之芳隣

五月八日卽舊歷四月初十日星期四陳嵐晴墓碑跋尾
去歲凡書四碑此碑稍有古意然遠遜二十年前書矣
再數年不知更何如也陳驪陽墓碑跋尾 芝翁年近八
旬書法猶鮮秀絕倫眞壽老之徵也吾文庸庸乃假芝公

書以傳史公謂附驥尾而名益彰亦可幸矣

五月九日卽舊歷四月十一日星期五挽劉母張太夫人

代仲

吾師效仲氏養親負米常縈遊子痛 鯁生著歐

公學籍畫荻親聞母教嚴

六月七日卽舊歷五月十一日星期六十二鐘歸午後二鐘弔蘊生行至小湘子廟街知李問渠遇火災急往看之擬爲幫忙而公安局阻禁無論何人不得過更不能至其家也無已由包吉巷繞道四府街至蘊兄家直至點主禮畢火已熄始偕王潤生孫伯衡同往一看只餘街房並二門內兩廂餘悉化灰燼矣最可惜者書籍字畫頗有精品

一物未能持出略視一遍未見問渠快然而返

六月二十八日卽舊歷六月初三日星期六改定跋穎拓印譜 穎拓印章以吾所見非失之麤疏卽失之板滯唯友人陳緋青吳羹梅最善此技今羹梅墓草久宿緋青前歲重見長安白髮盈頭亦不復作此狡獪堯廷此冊用筆靈活其佳者幾與印本無異披閱一過仿佛三十年前親見陳吳奏技時也庚午六月毛昌傑識

七月一日卽舊歷六月初六日星期二今日開慶祝克復濟南大會放假一日本擬注射腿疾因此中止龔德菴攜來嚴毅孫信開示關中勝蹟圖志缺六開黃河圖卷第十

三四卷三十綏德志第二共六頁擬向謝文卿借書鈔補
五六魏碑跋尾今日交送報人帶回

七月十一日即舊歷六月十六日星期五擬挽聯三付挽

韓繼雲暨其子裕齋安葬南鄉杜城新塋 百里循聲留

鄂杜 九原孝子侍晨昏又代仲和 謳歌常頌神明宰 生

死相依孝子心又未用 治績尚存灋水曲 新塋近築杜

城隈

七月二十六日即舊歷閏六月初一日星期六午後建侯

來談借得新鄭古器圖錄宜祿堂金石記寶應朱士端著 古墨齋

金石跋三種涇縣趙紹祖著 建侯借去唐詩貫珠及千巖亭磚錄

二種

七月二十七日卽舊歷閏六月初二日星期昨晚至今晚讀借來書三種竣宜祿堂第四卷有記大父季海公自巴州寄贈嚴武楠木詩拓本又第五卷唐楚州使院石柱題名蕭令裕跋一篇攷唐人官制及石刻署銜至爲詳贍苦天熱不及鈔錄

七月三十一日卽舊歷閏六月初六日星期四讀文學叢刊第一期己巳年成都大學中國文學系出版內有杜工部年譜三篇一梁造今編一楊益恆編一鞏固編入杜詩詩名攷一篇陶嘉根作皆極詳贍又陳鳴西杜詩地圖十

日

記
卷八

十一

幅尤爲精美實讀杜集必不可少之書也暇日擬託嚴毅孫代購之

八月一日卽舊歷閏六月初七日星期五讀蒼石山房文字談著者石廣權號一參穿鑿附會嚮壁虛造不可知之說謬託於今文學家痛詈許汝長實則毫無學識無殊癡人說夢于右任譚延闓趙戴文均爲題贈惟胡漢民書不守故常時有所獲八字尙非全無皂白者

八月二日卽舊歷閏六月初八日星期六今日讀文字談竟解釋背謬文字冗雜不通處甚多若細爲駁正非數十日不能竣事然其書實無可駁之價值聽其自生自滅可

也

八月三日卽舊歷閏六月初九日星期李郭三生來爲講
庚子山年譜後總括大要一篇

八月五日卽舊歷閏六月十一日星期二老五來言公家
索捐麥每畝派一升六合老母墳地共十九畝三分攤麥
共三斗八合給洋十元購麥以時價計洋二元五角當用
七元七角之譜此地四年以來租稞斗粒未收而出款如
此者屢矣有田反爲累也

八月十七日卽舊歷閏六月二十三日星期跋翟文泉隸
書聯 文泉先生當乾嘉金石學極盛之後著隸篇一書

攷據精嚴雙鉤解字風神奕奕與原碑不失纍黍不僅虎
賁之肖中郎也此聯樸質厚重接武未谷雅得師承惟聯
本未署款後人妄加子良款字鵬霄先生以爲白璧之玷
命工抹去而遺迹終在明人句云縱教澣盡千江水爭似
當初未澣時君子於此可以知守身之道矣

八月二十一日卽舊歷閏六月二十七日星期四見曹道
符一西席來君述道符習字甚勤每日習篆隸各百風雨
無間云

八月二十二日卽舊歷閏六月二十八日星期五吳竹銘
來代擬挽王子坤一聯 君是商界英豪幕府襄勤賢聲

41
卓著 我惜老成凋謝秋風未到撒手先歸

八月二十五日即舊歷七月初二日星期一早九鐘起大雨終日既霑既足蝗蟲可以撲滅蕎麥可種使此雨早半月得之秋糧不至全行枯槁蝗蟲亦早消滅豈不佳乎

八月二十八日即舊歷七月初五日星期四禾父擬開講學會令余講孝經席間並飯後力言不敢擔任蓋當今之世欲談學非能溝通中西融會新舊不可我實無此能力若照舊時講解按之時勢沮礙太多吾輩不能開張新文化亦不宜反背新文明也

九月八日即舊歷七月十六日星期一禾父段象山二人

日

記 卷八

十二

同來言卍字會講書事仍請我擔任每月不過一次所講可聽人自由因允之與酌擬講廿一史感應錄云

九月十四日卽舊歷七月二十二日星期挽段室王璞卿夫人代馮執齋 吉協熊罷幼子呱呱方墮地 夢徵鶴

雁仙雲縹緲遽登天 又 天上石麟方下降 夢中旗鶴

忽相迎

九月十六日卽舊歷七月二十四日星期四挽楊仁天太

翁和翁與仲 戒深四知恪守家聲清白 年躋九秩飽

看世變滄桑

十月六日卽舊歷八月十五日星期一往孔廟恭行釋菜

禮余主祭禮頗單簡行禮後聚議紫東提議向政府索孔廟歸會中主管推余及扶萬往見主席鄧鑑三明日入鐘先往民廳

十月七日卽舊歷八月十六日星期二早七鐘起到民政廳扶萬已先到卽見鄧鑑三略談孔廟事云伊可代主席達意遇孔廟事極願幫忙但需會中上公事上政府民教兩廳伊卽據公事進言贈小照各一並贈余國殤碑記一本出復見紫東云二十七日可公推鄧爲孔教會名譽會長同出余卽歸

十月八日卽舊歷八月十七日星期三擬程仲皋太夫人

挽聯 挽陝西剿匪陣亡將士

代平民醫院
王煥然託

痛遍地瘡

痍我輩媿非醫國手

除積年寇盜諸君已遂救時心

十月十三日即舊歷八月二十二日星期一敬之自宋宅
電話來召云諸人皆到蓋候余入席也即乘車至賀喜並
見新人新人為席子厚女二時入座三時半歸 賀宋聯

酒飲黃花重闌燕喜

詞成紅杏文苑蜚聲

十月十七日即舊歷八月二十六日星期五至通志局見
敬之將伯父子林公叔父子靜公小傳送與並致函趙寶
山說明明日因腿疾不能到孔廟行禮並託代懇辭孔教
會會長兼託敬之馮孝伯從旁贊助在孝伯處略談並見

王斌卿雨至歸

十月十八日卽舊歷八月二十七日星期六今日至聖誕辰因腿疾未能恭詣孔廟行禮昨函告同人並辭會長今晚敬之來告因天雨只到二十餘人辭職事多賴文穆贊助大約可以如願下星期復召集開會云

民國二十年六月一日卽舊歷二十年四月十六日星期一自去歲舊歷八月三十日忽得小便不通之症嗣經李院長廣仁醫院割開小腹放溺二次又以象皮管置溺管中取溺凡五十日始能通行住院共七十九日歸家直至今日小便仍未大暢溺時疼痛便中時帶膿汁時輕時重精神

日

記
卷八

十四

困頓異常今日始能接續寫日記近日讀唐詩貫珠集得

數聯如左 門外旌旗屯虎豹羅隱投錢塘元帥尚父 人間聲價是

文章劉禹錫同樂天送劉禹錫相公赴東都 櫺上驊騮嘶鼓角耿漳上裴壁行軍中丞

閒章句動風雷羅隱投錢塘元帥尚父 世上功名兼相將劉禹錫送令狐

赴東 人間聲價是文章 兩地山河分節制武元衡送崔巡使還太原

六州蕃落從戎鞍薛逢送靈州田尚書 十洲風景助新詩劉禹錫馬大夫命作

詩 八方風雨會中央劉禹錫郡內書情獻裴侍中留守 一籠烽火報平安

劉禹錫令狐相 九流人物待甄陶薛逢送西川杜司空 四面諸侯

瞻節制劉禹錫令狐見 九流人物待陶甄薛逢

七月三日即舊歷五月十八日星期五鼎梅寄到書兩包

計輔卿因園函札河朔訪古新錄河朔金石目各四部以一部送敬之

七月十日卽舊歷五月二十五日星期五跋益延壽磚

此磚花紋篆書並精美余舊作跋尾一篇考之甚詳的係漢武帝時制作至可寶貴本爲懷甯柯莘農所藏荒年以賤值售於人先運滬上今日度已渡海而東矣惜哉辛未夏日題 跋施靜谷畫 徐青藤與畫史書曰奇峯絕壁大水懸流怪石蒼松幽人羽客大抵以墨汁淋漓烟嵐滿紙曠如無天密如無地爲上余不知畫靜谷畫境彷彿近青籐語望尼仁兄屬跋因謬書青籐語於其後

日

記 卷八

十五一

七月十一日卽舊歷五月二十六日星期六有題畫詩一首錄如左 有石皆靈透無松不老蒼松根石乳白石頂松花黃細咀石中味高聞松上香仙翁俱飽德壽與石松長 鄭自毅來送子屏墓誌芝田撰並書披讀一過黯然欲涕蓋子屏與我情同師弟年少早喪可惜也向子毅借子屏舊藏長安詳圖云覓得送來

七月十三日卽舊歷五月二十八日星期一往志局見竹汀敬之孝伯念堂久談歸今日爲病後出門第一日自去歲舊歷八月三十日至今日足病九月今猶未霍然也
七月二十七日卽舊歷六月十三日星期一早七鐘起午

後一鐘建侯來談攜示龍藏寺碑一部墨色頗舊索價甚廉余舊藏不及也

八月七日卽舊歷六月二十四日星期五祝楊主席太夫人孫壽 爵晉東方筵開北海 壽同西母頌獻南山

早八鐘起撰祝楊主席母孫太夫人五旬晉七壽聯搜索枯腸竟不得勉作此聯殊可咲也

八月九日卽舊歷六月二十六日星期賀西北飯店開張酒淥燈紅遠慕西園雅集 馬煩車殆來尋北道主人

八月十日卽舊歷六月二十七日星期一陳堯庭攜來大觀帖第一二三冊與觀係其親戚謝姓得自山東者十

日

記 卷八

十六

冊全部無缺真難得也張叔未跋認爲宋拓首冊篆書題
宋拓大觀帖十冊七字效天發神讖碑極佳所用不知何
墨色黯然頗似舊拓碑帖當是勝朝以前物此帖墨色以
余觀之亦不過明時拓本此未必是原石張叔未認爲原
石宋拓誤也楊主席擬購之現出價千元謝君尙不允
八月十八日卽舊歷七月初五日星期二昨微雨一宵今
早六鐘起仍雨九鐘時止午後大晴秋禾盼雨甚急只此
尙嫌不足也而東南數省悉被水災近百年所未有高郵
通海之壩南新車羅均已開放而運河仍漲不止職是之
故日日憂慮吾鄉十餘縣均有其魚之患

八月二十日即舊歷七月
人造定光佛像記

八月二十八日即舊歷七月
人王三週紀念聯 相夫之

喜哲嗣升堂教士至今
列女高風齊德曜 溯韋公

九月十七日即舊歷八月初
為博古 淳化閣帖今所目

堂李題 骨不足誠如王孟津所譏
知何人所摹勒其中玄度帖

斷言也紙墨亦舊惟右軍一本已佚可惜也 馮恭定公

象贊

爲焦堯
莫題

夙佩公學尙簡崇真平心易氣虛己下人

敢取公言敬銘公象生於其後高山是仰 辛未秋同邑

後學毛昌傑敬題

題汪西山

會文

哭妹詩冊

九月二十六日卽舊歷八月十五日星期六挽唐李堂

自錫嘉名木本水源至性近追唐李杜 子爲美仕霜威

赤棒聲名遠比漢金吾

九月二十八日卽舊歷八月十七日星期一挽景繼光

才有專長文字語言爲一貫 教亦多術作育人材逾卅

年 挽路太夫人 慈蔭潛頽蒲編堂北 香花接引紫

竹林中

十月三日卽舊歷八月二十二日星期六至通志館閒談
並見陳潤之董雲五潤之敬之各和芝老中秋前一日秋
興詩七古潤詩聲調不甚諧敬作頗佳

十月五日卽舊歷八月二十四日星期一挽景繼光

代楊尼

昔年幸沐菁莪化 今日悲吟薤露歌 挽路太夫人

代幼尼

慈訓傳家鍾禮郝法 蒲編教子武達文通 挽

劉蓮浦 五年共飲東湖淥 九月廣歌陶令詩 挽孫

母

代楊家積

持家德媿歐陽母 生子才如孫仲謀

十一月十九日卽舊歷十月初十日星期四又病四十日

日

記 卷八

十八

經胡優丞診治服藥近二十劑稍輕然猶疾終難冀脫然也今日函鼎梅託購詞源續編白濁丸治咳丹

民國二十二年一月二十四日即舊歷二十年十二月十

七日星期昨日壽天章偕程善三博士同來爲診病此乃

第二次也又程君同鄉趙侯公路局長亦同來診畢同去今日

先大父生辰未能親祭死罪死罪張焦桐琴由南京來見

李子逸屬其來看故昨日下午車今日即來

三月十四日即舊歷二月初八日星期一又病多日今日

方好子彝自南京歸來談大快大快前夕樊楚材亦來陝

日昨與平晁曉愚君自南京來相訪係右任會計處人員

也

三月十六日卽舊歷二月初十日星期三午後子逸偕李文卿來略談贈晉碑一新出於洛陽者

三月二十四日卽舊歷二月十八日星期四楚材交來樊師挽聯集一本附有數詩仇涼之五古長篇甚佳

三月二十五日卽舊歷二月十九日星期五王卓亭來送通志金石志十本屬校訂因函建侯借薛氏鐘鼎款識及劉幼丹金石書

三月二十七日卽舊歷二月二十一日星期三李壽亭來談借補註楚詞一函甚有心讀書苦無多暇告以專讀通鑑

日

記卷八

十九

可以省讀多書

三月三十一日即舊歷二月二十五日星期四跋鄭文公

下碑

代王卓亭

此碑趙德甫已著錄書法超逸文章亦雅孫

淵如氏且採入續古文苑金石萃編乃未收錄陸紹聞方彥聞王蘭谷三家書專作補王氏之缺亦均未採入目營四表十步之內有芳草而不知寧非咄咄怪事

四月一日即舊歷二月二十六日星期五早七鐘起午後一鐘念堂來談借十二硯齋金石錄四本考證封龍山頌他書多未載此書收錄蓋此頌劉楚楨先生道光時宰元城初搜得也

四月三日卽舊歷二月二十八日星期早八鐘起午後一鐘鄭自毅爲求其母劉太夫人篆誌蓋趙友琴自三原歸來看求吾書允之白介澂自南京歸來看住李子逸家客去寫條幅四對聯一贈謝西麟又寫聯贈友琴又爲子緯託寫中堂一號子正外集句兩聯一贈楚材一贈子逸身多疾病思田里 晚有弟子傳芬芳

四月四日卽舊歷二月二十九日星期一李學甫屬題像片匆匆去王幼農有約也卓亭來正寫字因並爲寫一小聯今日寫字甚多大約積債明日再寫一日可償清然尙有須撰文者雖極小篇幅亦作難也

日

記 卷八

二十一

四月六日卽舊歷三月初一日星期三題李學甫同年小照 貌清而古心劬而苦獨立閒庭空諸依附嵯峨之麓池水之陽三徑未荒可以徜徉云胡不樂消搖壻鄉靜言思之盡焉心傷

四月九日卽舊歷三月初四日星期六子彝來暢談晚餐掛麵無菜歸述兩年與元澂姪往來情形吾久病元澂故亦未告我今始知之而姪已修文天上逾百日矣吁子彝留詩集兩本大有進步遊歷之功也

四月十日卽舊歷三月初五日星期早十鐘楊家楨來屬爲書喜對一付飯後擬挽容謙甫聯一付如左 三度鳧

飛西蜀尙留名宰跡 廿年豹隱東陵誰識故侯居

四月十八日卽舊歷三月十三日星期一昨夜所篆長安

志及圖贖首頗不惡一學吳憲齋一學楊濠叟名沂孫卽函

送志館午有畏寒意卽服藥一包午後約三鐘時趙友琴

來談伊將往北平勸我同往就醫作根本之療治頗善留

冊葉六開索書

四月十九日卽舊歷三月十四日星期二今日爲友琴寫

冊葉六開小字節錄書譜頗工整

四月二十日卽舊歷三月十五日星期三挽陳匯東母楊

太恭人 辛苦持家卅年不息 詩書教子五世其昌

日

記 卷八

二十一

早八鐘起約十鐘時芝老公館來電話告有洛陽來客欲

過訪少時十七路駐洛辦事處長趙際五

凌霄 山東偕張溥泉

繼河北 滄縣

居覺生

正湖北 廣濟縣

兩中委來談蓋皆由右任友琴二

人稱譽之故也並攜陳少白名片一約午餐在新城大樓
聚會因病託兩公代謝

四月二十一日即舊歷三月十六日星期四賀諸熾軒新

婚代李 安民

鳩杖同扶雙親並健

鳳飛協吉五世其昌

四月二十二日即舊歷三月十七日星期五購得四尺加
厚玉版宣一張為友琴書小屏四幅又代李安民書諸家
喜對一付今日所為如斯而已

四月二十三日卽舊歷三月十八日星期六趙壻雅自城
固歸來見由漢中起身八日至虢鎮昨十一鐘搭車傍晚
至省伊現調寧羌承審惟該處正鬧土匪不能往也 挽
鄧臨生伯父備五聯一付 高密鄉人尊碩德 鄧攸晚
歲得佳兒

四月二十四日卽舊歷三月十九日星期早九鐘起十鐘
友琴偕施今墨先生來爲余診脈云余病係膀胱結砂日
久積聚甚大唯有割割之法必能奏功而不能受蒙無法
也若以中法治須用極熱大劑庶幾可望漸漸化去然余
身體不能受但可以極好肉桂粉用米飯作團徐徐服之

日

記 卷八

二十二

四月二十三日卽舊歷三月十八日星期六趙壻雅自城
固歸來見由漢中起身八日至虢鎮昨十一鐘搭車傍晚
至省伊現調寧羌承審惟該處正鬧土匪不能往也 挽
鄧臨生伯父備五聯一付 高密鄉人尊碩德 鄧攸晚
歲得佳兒

四月二十四日卽舊歷三月十九日星期早九鐘起十鐘
友琴偕施今墨先生來爲余診脈云余病係膀胱結砂日
久積聚甚大唯有割割之法必能奏功而不能受蒙無法
也若以中法治須用極熱大劑庶幾可望漸漸化去然余
身體不能受但可以極好肉桂粉用米飯作團徐徐服之

日

記 卷八

二十二

以求減輕帶病延年可耳將友琴冊頁並贈伊小坑屏交之

四月二十五日卽舊歷三月二十日星期一郭建侯來談借來李蕤客兩漢三國札記四本阜寧同鄉顧德鈞來言三兩日仍歸洛其來何事不便問也

四月二十七日卽舊歷三月二十二日星期三以子彝詩集第一本送敬之並片告以若遇應商處從實指正若能改正更感子彝於此甚心虛云云但不知敬之肯從實否讀子彝詩第二本竣

四月二十九日卽舊歷三月二十四日星期五蘭德如完

壁來詢陝西通志購處告以難搜求德如亦在監察院此次奉右任命陪戴季陶來陝西通志卽戴所託購也

四月三十日卽舊歷三月二十五日星期六早九鐘起十二鐘後寫杜茶村詩稿焦山寺詩六首書法極飛動有凌雲會仙之態詩之佳更不待言此稿本冊頁約得百餘首去歲卓亭無意中以賤價得之余曾借閱愛不忍釋因用蠟紙影寫數張今日見之忍俊不禁撥冗臨寫數首午後二鐘至通志館先在竹汀同年室坐稍時王同來告子彝遣其子鶴兒送書來因命來館相見云子彝問須閱章氏叢書否告以不須卽去旋敬之來久談歸子彝送來大乘

起信論一本石遺詩話四本吳梅邨文集四本雙鉤夏承碑一本漢書補註補正兩本皆佳書不知從何看起

五月一日卽舊歷三月二十六日讀石遺室詩話午後臨茶邨詩稿數首卓亭將詩稿送來屬題頗難下筆仲皋來言擬爲宣兒薦機器局專令寫字樣寄之借去錢竹汀二十四史言行錄一部八本歷史感應錄二本今日服人功鹽一包志館請戴季陶張溥泉焦易堂許某四君素餐請余作陪因作函謝之

五月十九日卽舊歷四月十四日星期四爲楚材寫對一付揮手自茲去楚材數日卽南下也又爲右任女阿楞書同心與我違

字二幅楚材託也

五月二十二日卽舊歷四月十七日星期早楚材來告後日全家東行先回衙門再請假北上料理刻稿事代其妹楚青索書條幅一紙錄題藍田叔畫詩四首之三雲師挽聯本卽交還之借我蘇堪詩集一本贈我玄羊神品筆一枝上海徐葆三選製者甚佳余贈以初拓顏勤禮碑一部尙有初拓司馬景和妻誌擬贈之未尋得只好續寄挽雲師聯勉湊成晚身憊極未寫擬明日書送去 挽樊山夫子聯 注籍四十年白髮門生餘我在 遺詩三萬首青箱世業賴孫傳

五月二十六日即舊歷四月二十一日星期四王伯龍來
言修文王陵志六月一日開會討論前日主席請飯大半
即爲此也

五月二十七日即舊歷四月二十二日星期五縣志局送
宋敏求長安志李好文長安志圖各一部侯乾初同年送
來此兩書前縣長陳子堅

銅山人

排印余篆贖首此其酬勞

品也

五月二十八日即舊歷四月二十三日星期六早九鐘起
午十一鐘晁季吾世兄攜來磚拓片一紙云是宋主席得
之党拐子党掘之秦穆公墓中者以余觀之其古拙尙不

似武梁祠秦畫不當類是故不敢着一詞仍令攜去

君子館日記卷八終

跋

右君子館日記八卷長安毛俊臣先生所著也始於民國七年三月二十一日終於民國二十一年五月二十八日距先生易簀時祇數日耳先生原籍江蘇甘泉清同治間隨宦來秦遂膺科第少貧力學經史詞章均有心得敦品勵行爲世所重主講關中味經各書院英才樂育得士稱盛論者比諸文中子頗足當之太原趙友琴廳長曾立程門懇堙潛德以出資編印遺稿引爲己任諗知燮光於先生有文字之雅也爰以整理遺稿下屬西河道範久已欽遲天水高風更深佩仰梳剔校閱爲時年餘孱入詩文迄

錄於集刪冗去蕪得有關學術史料者約九萬餘言釐爲八卷附詩文集以行世之欲瞻仰先生學業者於此足見一斑矣當民國十五年時秦中多故先生時官關中道尹處圍城中八閱月調護維持心力交瘁所記糧價之奇昂民生之困苦均足爲史料之資是時至友王君仲和受長安縣令苛派鉅金以無力援救引爲大感而劉君定五之獲安全尤見風義之篤誠所爲君子人也編訂旣竣合識於後時丙子四月會稽顧燮光跋於西湖遜世无悶樓